

Feol. 5887



58914
III

C II
30

IX. 6. 18.



M

ABB

S. O. C

S

SE

A

Copio

T

T

2

Breve

Opus

nibu

Pro

R. D.
MICHAELIS ANTONIJ
HACKI

ABBATIS Monasterij B. M. V. de Oliva
S. O. Cisterciensis S. Th. Doctoris Proton. Apost.
S. R. M. Polon. Intimi Camerae Secretarij
& Commissarij

SERMONUM
ASCETICORUM,

Speciali Methodo

*Copiosis & ferme perpetuis S. Scripturae Textibus
concinnatorum*

TOMVS PRIMVS,

in quo

Tractatus Quatuor Sermonum

ab Adventu Anni 1683 ad finem Anni 1687.

Accedit

Breve Compendium vitae Spiritualis & devotae.

Opusculum Asceticum ejusdem Autoris, in Sermo-
nibus Anni 1687 Tractatu Quarto commendatum.

Cum Indice locupletissimo

Pro Viris Religiosis & pro Concionatoribus.

Cum Licentia Superiorum

Typis Monasterij B. M. de Oliva
Anno Verbi Incarnati MDC XCI.

*Bibliotheca Colle-
gii Majoris Universi-
tatis Cracovensis.*

MICHAELIS ANTONI

H A C

BBATIS M... R...
O... S...
S...
S...

PERMONUM

ASSETICORUM

Speciali Methodo
... ..

58914
III

TOM... PRINCE

Tractatus... ..

ab Adversariis... ..

Alm...

reue Contritionem... ..
Opusculum... ..
... ..

Cum Index... ..

Pro Viris Religiosis & pio Concionatoribus.

Cum Linis... ..

... ..
... ..

SERMONES CAPITVLARES

Majori ex parte Extemporales

SUPER PRINCIPALIA

ANNI FESTA

CONSCRIPTI ET PRÆDICATI,

Nec non

Alii in Diversis Occurrentiis Habiti

A

P. AC R. DOMINO D.

MICHAELE ANTONIO HACKI

Abbate Monasterij B.M. de Oliva S. O. Cist.

Sac. Theol. Doct. Prot. Apost. Sac. Reg. Majestatis

Pol. Int. Cam. Sec. G. P. P. Commissario.

PRÆLO DATI

à Typographia Olivenfi

Cum Licentia Superiorum.

ANNO

QVo VERB VM DEI In Carne LoqVens

Orbl InnotVlt VnIVerso.

Imprimebat

JOANNES JACOBUS TEXTOR Factor.

CLama ne cesses, quasi tuba exalta vocem tuam, & annuncia populo meo scelera eorum, & domui Jacob peccata eorum. *Isaiae 58. vers. 1.*

Noli subtrahere Verbum, si fortè audiant, & convertantur à via sua mala. *Jerem. 26. v. 2.*

Fili hominis speculatorem te dedi domui Itraël, & audies de ore meo Verbum, & annuntiabis eis ex me. *Ezech. 3. vers. 17.*

Nam etsi evangelizavero, non est mihi gloria. Necessitas enim mihi incumbit. Væ enim mihi est, si non evangelizavero! *1. Cor. 9. vers. 16.*

Prædica Verbum, in sta opportune, importune, argue, obsecra, increpa in omni patientia & doctrina. *2. Timoth. 4. vers. 2.*

Oportet Abbatem esse doctum lege Divinâ sic, ut sciat unde proferat nova & vetera. *Regul. cap. 64.*

Abbas nihil extra præceptum Domini, quod absit, debet aut docere aut constituere, vel jubere; sed jussio ejus vel doctrina fermentum Divinæ justitiæ in discipulorum mentibus conspergatur. *Regul. cap. 2.*

Illu-



Illustrissimo ac Reverendissimo Domino,

D O M I N O

JOANNI
PETIT,

In Supremo Burgundiæ Senatu Primo Consiliario,
Universi Cisterciensis Ordinis Supremo Capiti
ac Superiori Generali ejusdem Capituli Generalis,
plenariâ fungenti potestate;

*Domino, Patri, Patrono ac Benefactori Colendissimo,
Tres primos Sermonum suorum Tractatus
D. D. D.*

Filiorum, Clientum ac Servorum
minimus & infimus

F. MICHAEL ANTONIUS
Abbas Olivæ.



PRimitias laborum meorum in prædicatione Verbi Divini Fratribus meis impenforum; cuiam justius dedicarem, quàm Tibi Antistes totius Sacri Ordinis Illustrissime, à quo primas alicujus in Ordine primatûs & prærogativæ gratias existens in Capitulo Generali Anni 1672 à Provincia Polona illuc destinatus Mandatarius percepi? Ibi equidem ignita eloquia tua (Ps. 118.) Præful Zelosissime, & simul dulciora super mel & favum (Ps. 18.) sæpius auribus libavi & corde ruminavi, ita ut in me quoquè Spiritum meditandi & custodiendi eloquia
DEI

DEI (*Psal.* 118) excitaverint. Quid enim? Nonne facris oris Tui eloquijs stat Ordo Sacer, & disiectis dissonum dissonantijs unanims in domo DEI in unitate spiritûs, uno corde & ore eloquia Domini (*Psal.* 11.) consonè concinit & custodit? Eloquia Tua sunt eloquia pulchritudinis, (*Gen.* 49.) eloquia justitiæ, (*Psal.* 118.) eloquia veritatis. (*Prov.* 22.) Benedictum eloquium Tuum; (*1. Reg.* 25.) quo inflammamur (*Psal.* 104.) omnes & vivificamur. (*Psal.* 25.) Tu prudens eloquijs Mystici, (*Isaia* 3.) dulcis eloquio (*Prov.* 16.) & decorus, (*2. Mach.* 15.) mittis eloquium tuum Terræ (*Psal.* 147.) Cisterciensis ubiquè plantationis; velociter currit Sermo Tuus, (*Ibidem*) cui Orbis Cistercij obtemperat universus. Fluit ut ros eloquium Tuum, (*Deut.* 32) imò mittis tanquam imbres eloquia Tua (*Eccles.* 39.) ad irrigandam faciem terræ totius Cistercij, & floribus & fructibus fœcundandam. Permite quoquè Pater Reverendissime, ut Filij Tui balbutientis eloquium sit Tibi jucundum. (*Psal.* 103,) Complacent Tibi eloquia oris mei, (*Psal.* 18.) licet impeditioris sint sermonis, (*Exodi* 4.) & fortè non plenè digesti. Utiquè etiam ex ore infantium & lactentium perficit laudem suam DEUS, (*Psal.* 8.) qui linguas infantium facit esse difertas. (*Sap.* 10.) Accedat benedictio Tua, quam supplex exoro, ut & sequentium annorum Sermones lucem videant; & sic credita nobis eloquia DEI, (*Rom.* 3.) (DEUS enim est annuncians homini eloquium suum; *Amos* 4.) non sub modio lateant, sed ponantur super candelabrum (*Matth.* 5. & *Marci* 4.) ad majus Divini honoris & gloriæ augmentum; Sacri Ordinis decus, Tuzquè in laude & benedictione perpetim duraturæ memoriæ monumentum.

*Hoc roget ac toto corde precatur
Idem qui supra.*



Lectori Benevolo

Typographia Olivenfis.

Sermones hosce Domesticos, majori ex parte
sub manu natos, placuit publicæ luci dare non tam
Authoris, quàm aliorum voto; non quòd aliquid
novi aut rari in se contineant, sed quòd ædificationi plu-
rimorum, ac potissimum Religiosorum queant inservire.
Stylus est planus ex verbis & sententiis Sacræ Scripturæ
passim contextus, nequè levioribus redundat conceptibus;
sed habet Mysticos & Morales sensus stylo Sanctorum Pa-
trum conformes. Nequè est, quod vitio vertat Lector,
aliquos sensus alicubi recurrere; Author enim non rele-
ctis anterioribus Sermonibus, prout Materiæ contextus fe-
rebat, successivè alios fundebat; ubi in eadem materia
aliquid non replicari, non erat possibile. Reperimus hoc
& in ipsa Scriptura, in Psalmis & in aliis Authoribus
practicatum; quia si lectio lecta placet, aliquoties repe-
tita non minùs placebit. Sed & Authori scribenti hosce
Sermones ut plurimum absque libris, ex sola duntaxat
memoria, aliquid indulgendum. Juxta annorum seri-
em prout scripti & dicti Sermones, ita quoquè præ-
lo sunt dati; ubi si qui desunt, accidit id ob absenti-
am Authoris. Cæterùm si quæ varietas Styli adver-
titur, provenit ex eo, quòd Author ubi erat impetus
Spiritus, illuc gradiebatur. Boni consulat Lector Be-
nevolus, & si quid invenerit boni & utilis animæ suæ,
fruaturo eo; Authorique benè precetur: ex cujus Voto,
Censuræ Ecclesiæ Romanæ hæc omnia sunt subjecta.

FACULTAS SUPERIORUM.

Sermones Capitulares R. D. M. A. H. A. O. imprimantur, quandoquidem ferviunt omnium devotioni & eruditioni. Datum Landæ die 15. Sept. Anno 1688.

*Fr. Joannes de Roxyce Zapolski Abbas Landen.
S. O. C. Vicarius & Commissarius Generalis per Regnum Poloniarum, Prussiam & Litvan. S. R. M. S.*

A P P R O B A T I O L O C I O R D I N A R I I.

V Armia 24. Octob. Anno 1689. Fœtum literarium piæ & zelosæ mentis R. D. V. ignoscat, quòd non remittam ad alterius censuram. Ego ipse lego illum cum magna satisfactione, quandoquidem redivivum in eo reperio Melliflui Doctoris stylum & genium: remittam brevi pro prælo.

V Armia 9. Decembris. Per primam occasionem transmittam approbatum dignissimum optimæ & piæ mentis R. D. V. fœtum.

V Armia 20. Decembris. Sermones Capitulares R. D. V. extemporaneos, simplici, puro, religioso, & Sacris Literis conformi zelo, non cum involucris secularium verborum scriptos, ipse vidi, legi, & pro Jure Officij mei imprimendos libenter concedo & approbo.

Joannes Georgius Kunigk J. U. D. Vladislaviensis, Plocens. Varmiens. Pultoviens. Canonicus, Officialis Gedanen. Vicarius in Spiritualibus, & per Pomeraniam Generalis. S. R. M. S.

Tract-

A

TRACTATUS I. SERMONUM CAPITULARIUM

Ab Anno 1683. ad Annum 1684.

B

*Sermo à R. D. M. A. H. Abb. Colbacensi post Electionem
Coadjutoria R. D. Christophoro Carolo Łoknicki Abbati Olivensi in per-
sonam ipsius à Conventu factam, Presidente P. ac R. D. Joanne Roxy-
ce Łapolski Abbate Landensi Vicario & Commissario per Poloniam, in
Præsentia P. & A. R. D. Joachimi Pastoris Officialis Gedanen.
nomine Illust. & Reverend. D. Bonaventura Madalinski Episc.
Vladislaviensis die 14. Decemb. Anno. 1679. habitus.*

C

ET Cælestes & Terrestres quandoquæ egere
adjutorio, sacra nobis Scriptura clarè manifestat. De Cæ-
lestibus, Vir ille vestitus lineis apud Daniele Prophetam,
(Cap. 10.) cui renes accincti auro obrizo, corpus quasi
chrysolithus, facies ut species fulguris, oculi ut lampas ardens, brachia
quasi species æris candentis, vox sermonum ut vox multitudinis: utique
Vir planè cælestis & potens, cui tamen Princeps Regni Persarum 21. diebus
restitit, ipsemet ingenuè fatetur: (Vers. 13.) Ecce Michael unus de Principi-
bus primis venit in adjutorium meum. Quin etiam agnoscit: (Vers. 21.)
Nemo est Adjutor meus in omnibus, nisi Michael Princeps vester. De Ter-
restribus magnus Apostolus in Epistolis suis, varios sibi declarat fuisse Adju-
tores. (Coloss. 4.) Quid dico Cælestes & Terrestres? Ipse Dominus Maje-
statis, omnipotens nomen ejus, (Exod. 15.) cui proprium est adjuvare, tamen
voluit etiam habere adjutores; uti idem Doctor gentium testatur dicens:
(1. Cor. 3.) Dei enim adjutores sumus. Pauper planè & pusillus vocatur in
Sacris Literis, cui non est adjutor: (Psalm. 71.) imò inter maledictiones
primas censeatur, ut non sit illi adjutor; (Psalm. 108.) & ille infelicem se
æstimat, qui dicit: (Psalm. 87.) factus sum sine adjutorio. Nemo pro-
inde est, qui adjutorio non indigeat: sed verum & firmum adjutorium
nostrum in nomine Domini, qui fecit cælum & terram. (Psalm. 123) In-
felix homo, qui non posuit Deum Adjutorem suum, sed speravit in mul-
titudine divitiarum suarum, & prævalere in vanitate generis sui putavit.
(Psalm. 51.) Felix, qui dicere potest: Ego sicut Oliva fructifera in domo

Adjutoris cæ-
lestium.

Adjutoria ter-
restrium.

Adjutorium
Divinum ve-
rum & firmum.

A

Dei

Divina Vocatio & Electio.

Adjutorium
Fraternum &
rationum.

Paradisi Ere-
micosorum.

Dei, speravi in misericordia Dei in æternum. (*Ibidem.*) Exultemus igitur Deo Adjutori nostro, (*Psal. 80.*) qui verè Adjutor in opportunitatibus, in tribulatione, (*Psal. 9.*) in cujus adjutorio qui habitat, in protectione Dei cœli commoratur. (*Psal. 90.*) Sed quis ego, ut merear nomen Adjutoris? Infirmi-
tatem meam agnosco, (*Psal. 50.*) & imperfectum meum viderunt oculi vestri. (*Psal. 138.*) Quia tamen à Domino factum est istud, & est mirabile in oculis multorum: (*Psal. 117.*) Dextera Domini fecit virtutem, Dextera Domini exaltavit me. (*Ibidem.*) Sed cur Domine non posuisti adjutorium super potentem & non exaltasti electiorem de plebe tua? (*Psal. 88.*) Respondet Vas electionis Divinæ: Infirma mundi & contemptibilia & ignobilia elegit Deus, ut confundat fortia. (*1. Cor. 1.*) Quia igitur sic visum in oculis tuis, ut me Vas Electionis (*Act. 9.*) hodiernæ, in Adjutorem constitueres; Tu Deus meus in adjutorium meum intende: (*Psal. 69.*) Tu Illustrissime ac Reverendissime Præsul & Pater Patriæ Cisterciens. adjuva infirmitatem meam. Tu Perillustis ac Reverendissime Domine Antistes Olivæ pulchræ, uberis, frugiferæ, (*Jerem. 11.*) accepta infirmitatem adjutorii mei, fortem de coelo semper habiturus adjutorem. (*2. Mach. 11.*) Tu Perillustis & Admodum R. Domine, Tuo Tuque Principalis patrocínio me adjuva. Vos quoque Admodum Reverendi Patres ac Fratres dilectissimi scientes, quod frater qui adjuvatur à fratre, sit quasi civitas firma, (*Prov. 18.*) sitis in adjutorium mihi. (*2. Reg. 10.*) Denique verbis Apostoli concludens, obsecro Vos omnes per Dominum nostrum Jesum Christum, & per charitatem S. Spiritus, ut adjuvetis me in orationibus vestris pro me apud DEum, (*Rom. 15.*) quatenus Spiritus Domini adjuvet infirmitatem meam, (*Rom. 8.*) & me Olivæ dignum ac sufficientem reddat Coadjutorem.

Sermo habitus Polplini post Benedictionem P. & R. D. Ludovici Alexandri Eos Abbatis ibidem, factam per P. & R. Domin. Commissarium Generalem præfatum, & dictus in Ecclesia à R. D. Coadjutore Olivensi supranominato protunc Assistente in Pontificalibus die 26. Decemb. Anno 1679.

Plantaverat Dominus Deus Paradisum voluptatis à principio, in quo posuit hominem quem formaverat, ut operaretur & custodiret illum. (*Gen. 2.*) Hòc cum per propriam excidisset culpam, Divinà sic dispensante gratià factum est, ut homo pro uno, complures & varios sibi quæreret ac reperiret Paradisos. Et quidem in statu gratiæ primus fervor hominum Magno coram Domino (*Luc. 1.*) Joanne præcurrente in eremo, Paradisi quærebat delicias, ubi Magni Antonii, Pauli, Pachomii, Onufrii, Hilarionis, Macariorum, aliorumque Eremicosorum eluxere virtutes: quas postea Basilii, Augustini, Benedicti Regulæ & manu-
ductiones in Cænobia transtulere. Inter hæc sanè non postremum Viri-
daria

A daria Cisterciensia sub Magnæ Virginis & Matris tutelâ fundata locum
obtinuerunt : adeoque Gallia suis gaudet Rosariis & Pinetis, Norman-
dia Alneto, Brabantia Vineâ, Sicilia Nucariâ, Leodium Jardineto & Aino,
Burgundia Buxeriâ, Austria fruitur Pomeriis & Campo Liliorum, Græcia
Lauro, Castilia Horto & Spineto, Anglia Cellâ Florum, Hibernia Rosea
Valle gloriatur. Denique cum Hispania Olivetum & Populetum, imò
etiam amœnam habeat Paradisi vallem ; Polonia ipsum possidet Paradi-
sum. Nec deest Prussiæ gloria sua, gloria Paradisi ab Oliva & Pölplino
aliâ Populeto. Quis neget hîc ubique homines ut arbores excrescere,
quos sic ambulantes (*Marci 8.*) ille à Luce vera illuminatus Cæcus ob-
servaverat ? quandoquidem & Divinus Plato hominem esse arborem in-
versam definivit. Nec abs re, quatenus radicem suam coelis insertam re-
cognosceret ; & sic non saperet, nec quæreretur ea, quæ sunt super terram,
(*Coloss. 3.*) sed potius solo corpore, quod instar folii est, quod vento ra-
pitur, (*Job. 13.*) in hac peregrinatione constitutus, totâ animi aviditate in
illa æterna Patria radicaretur, ut cum Vase electionis dicere possit : No-
stra conversatio in coelis est. (*Phil. 3.*) Hoc autem ubinam magis ad ef-
fectum deducitur, quàm in Coenobiis & Claustris, sigillatim Cisterciensi-
bus ? ubi tanquam in Paradiso vita ducitur verè coelestis, ubi Justus ger-
minat sicut lilium, (*Osee 14.*) tanquam palma floret, & sicut cedrus Li-
bani multiplicatur in domo Domini plantatus. (*Psal. 91.*) Te quo-
que Perillustris ac Reverendissime Domine Neo-Præsul Pölplini, Divina
vocatio implantaverat Olivæ, ubi ritè dicere poteras : Ego quasi Oliva
fructifera in domo DEI. (*Psal. 51.*) Nunc feliciter Divinâ Providentiâ
transplantaris in hoc Populetum, & Antecessori Tuo Leonardo non mi-
nus Oliveni plantæ succedis. Gaudet Oliva germina virtutis & honoris
à se produci. Gratulatur Populetum eadem ex Oliva ubere, pulchra,
frugifera, speciosa (*Jerem. 11.*) sibi implantari. Gloriatur Ordo Sacer se
tantis ac tam cellis decorari Olivæ germinibus, non tantum generis, verum
etiam, quod majus est, virtutis, quæ sola nobilitat & omni generi funda-
menta jactat, splendoris specimina præferentibus. Progredere igitur fausto
omine Neo-Antistes Reverendissime, prosperè procede, (*Psal. 44.*) &
Inaugurationis Tux Coronam Die S. Stephani Primi coronati Martyris,
& coronam nomine suo indig. tantis de manibus Primi Præsulis & Patris
Provinciæ perceptam, ad multos præfer annos : Populetum jam tuum
reple oleo lætitiæ & exultationis, (*Ibidem*) ac in coelestem illud felici me-
tamorphosi perge transformare Paradisum.

Viridaria Cæ-
nob. Cisterci-
ensium.

Homines et
Arbores.

Abbas Pöl-
plini & Pro-
fess. Oliven.

*Sermo Primus in Quartâ Dominicâ Adventûs post possessio-
nem Abbatiæ acceptam die 14. Dec. Anno. 1683. habitus.*

*Venit Joannes prædicans Baptismum pœnitentiæ in remis-
sionem peccatorum. Lucæ 3.*

*Penitentia
vix prima for
anna, vita to-*

*Tota Christi
vita, peniten-
tia.*

*Petri respon-
sum, penitentia*

*Religio, status
penitentia.*

*Penitentia q.
pena tenentis*

*Fructus peni-
tentia.*

Prima vox prædicationis à Voce clamantis in deserto procedens, A
fuit Poenitentia. Ita proclamatur apud Matthæum Evang. cap. 3.)
Poenitentiam agite. Quod docuit, hoc fecerat Ipsemet ante. Tota
vita Joannis, Poenitentia fuit. Triennis antra deserti petiit, viginti se-
ptem annis eremum inhabitavit, extra hominum consortia positus, socius
struthionum & bestiarum. (Job. 30.) Solitudo ejus: Poenitentia fuit.
Locustas & mel sylvestre edebat (Lucæ 3.) cibum hominibus inusitatum:
Victus ejus, Poenitentia. Pili cameli tegumentum ejus, & zona pellicea
circa lumbos; non erat homo mollibus vestitus, teste ipsa æterna Ve-
ritate; (Matth. 11.) Amictus ejus, Poenitentia. Quod Præcursor fe-
cit & docuit, multò magis ipse Filius DEI homo factus, id factis & do-
ctrinâ expressit. Tota vita Christi crux erat, crucis bajulatio erat; ergo B
Poenitentia: quia verè langviores nostros Ipse portavit. (Isaia 53.) Pri-
mum verbum prædicationis ab ipso Verbo Divino prolatum, fuit Pæni-
tentia. Testatur id primus ipsius Cancellarius Matthæus (cap. 4.) Cæ-
pit JESUS prædicare & dicere: Poenitentiam agite. Primum Vicarii pri-
mi Christi Divi Petri responsum post descensum Spiritus Sancti interro-
gantibus quid faciemus? fuit: Poenitentiam agite. (Act. 2.) Hæc primis
Christi Fidelibus ab Apostolis potissimum inculcabatur. Qui Poenitenti-
am non agit, non est Christianus, multominus Religiosus. Quid enim est
Religio? nonne status Poenitentia? quid Monasteria? quid Claustra?
nonne Asyla & Sedes Poenitentia? Interroget se igitur unusquisque no- C
strum cum Mellifluo Patre & Doctore nostro: Ad quid venisti? &
respondeat sibi; ad poenitentiam. Quod DEUS de homine peccatore
dixit; (Gen. 6.) Pœnitet me fecisse hominem; hoc sibi continuo in-
geminet quisque homo: Pœnitet me fecisse peccatum. Quis enim est
homo, qui non peccet? (3. Reg. 8.) Equidem in multis offendimus
omnes, teste Jacobo Apostolo c. 3.) Si dixerimus quoniam peccatum non
habemus, ipsi nos seducimus & veritas in nobis non est, docet dilectus JESU
Discipulus Epist. 1. c. 1.) Peccatum sequi debet poenitentia, id est poenæ te-
nentia. Omnis enim culpa meretur poenam. Tenere poenam debemus, D
nec dimittere. (Cant. 3.) Utique Ecclesia præscribit Sacerdotibus, ut in
oblatione Missæ quisque offerat pro innumerabilibus peccatis, offensio-
nibus & negligentis suis. Si innumera delicta, innumera sit & poena; si non
in effectum, fiat affectu & desiderio. Et hoc est, quod Lucas Verbi Divini
præco monet: (cap. 3.) Facite fructus dignos poenitentia. Qui plus
deliquit, plus pœniteat: qui minùs excessit, minùs poenæ sustineat. Jam ve-
rò, qui verè pœnitet, & quem verè pœnitet culpæ, non redit ad eandem, ut
sit canis revertens ad vomitum, vel sus ad volutabrum luti. (Prov. 26.
& 2. Petr. 2.) Ut plurimum dicitur, quòd bis peccare non liceat. Sed
nobis, ah! quoties peccare licuit quia libuit illicitè? Nihilominus re-
curramus ad illum, qui dissimulat peccata hominum propter poeniten-
tiam; (Sap. 11.) non tamen abutamur bonitate Illius. Benignitas ejus
ad poenitentiam nos adducat, nec thesaurizemus nobis thesauros in-
digna-

- A** dignationis in die Iræ DEI. (*Rom. 2.*) Primum ergo Prædicationis meæ Verbum ad vos PP. Reverend. & Fratres Dilectissimi, Pœnitentiam agite. Hoc agite quod estis, videlicet Religiosi, idem est quod pœniten-
 tes. Inclamate vobis semper illud in Sacrificiis usitatum monitum: Hoc age quod agis; nimirum pœnitentiam; nec desinite, imò cum Regio Vate omnibus dicite momentis: Nunc cæpi (*Psal. 76*) pœnite-
 re, nunc cæpi agere pœnitentiam. Avertat DEUS, ut Domus Dei lo-
 cus pœnitentiæ Nostræ, sit spelunca latronum, ergastulum iniquitatis, abominationum sentina. Absit ut mentiatur opus Olivæ (*Hab. 3.*) Olivæ
 & Oliva convertatur in amurcam. Quin imò luceat lux Olivæ coram
 hominibus (*Matth. 5.*) maximè Hæreticis, in quorum consortio Nos
B DEUS collocavit. Demùm non verificetur de ullo Nostrum dictum
 Prophetæ; in Terra Sanctorum iniqua gessit; (*Isai. 26.*) Ne illa terri-
 bilis sententia sequatur: non videbit Gloriam Domini. (*Ibidem*) Con-
 cludo verbis Prophetæ Regii: Apprehendite disciplinam, (*Psal. 2.*)
 disciplinam dico Regularem; Disciplinam secundum Regulam S. Be-
 nedicti & Statuta Ordinis Sacri; Nequando irascatur Dominus, & pe-
 reatis de via justa, (*Ibidem*) de via pœnitentiæ salutaris: Quin imò;
 quia Joannes idem est quod Gratia DEI & prædicat pœnitentiam;
 Vestra Pœnitentia vera, plenam DEI gratiam mereatur.

C *Sermo Secundus habitus ab eodem, in Capitulo in Die
 Natalis Domini. Verbum Caro Factum est. Joan. 1.*

- M**ultifariam multisque modis Deus olim loquens Patribus in Pro-
 phetis novissimè locutus est Nobis in Filio suo. (*Heb. 1.*) Qui
 cum sit æternum ipsius Verbum quo cuncta creaverat; dixit enim & fa-
 cta sunt (*Psal. 148.*) ut hominibus loqueretur, Homo factus est; adeo-
 que Verbum Dei Caro factum est, (*Joan. 1.*) ut homines ex eadem car-
 ne constitutos, suo bearet alloquio. Omnes enim Creaturæ Deo erant
 obtemperantes & subjectæ; solus homo rebellis non potuit nisi ipsius
 Verbi Divini sermone revocari. Sed quid loquitur? Ecce Verbum in-
 fans, non tamen mutum; etiam tacendo loquitur. Nonne cæpit Je-
 sus facere & docere? (*Act. 1.*) Cum nequit dictis, loquitur & docet
 factis. Et quia homines repererat bestiales, mundumque à se crea-
 tum valdè bonum, videns conversum esse in stabulum immundum,
 elegit stabulum pro Templo, Præsepium pro Cathedra. Fratres
 mei transeamus usque Bethleem; (*Luc. 15.*) Domum panis spiritualis,
 (non enim in solo pane vivit homo; sed in omni verbo, quod procedit
 ab ore Dei) (*Matt. 4.*) videamus hoc Verbum, quod factum est,
 (*Luc. 2.*) quod factis suis nos admonet, quid facere debeamus. Ape-
 riamus aures, sed magis præparemus corda, ut audiamus quid loquatur
 in Nobis Dominus (*Psal. 84.*) loquere Domine, quia audit servus tuus.

Cur DEUS
 Homo?

Cur in stabulo?

Bethleem do-
 mus panis.

Verbum factum
 loquens.

(1. Reg. 10.) Hæc dicit Dominus; Hæc fatur Filius Dei homo factus. Filii hominum usquequò gravi corde, ut quid diligitis vanitatem & quæritis mendacium? (Psal. 4.) Filii hominum, quibus ego do potestatem Filios Dei fieri, (Joan. 1.) quousque tandem corde gravi, videlicet affectibus mundanis, terrenis & carnalibus gravato, more bestiarum deorsum respicitis, deorsum tenditis, deorsum quiescere prætenditis? utique homo, cum in honore esset, & non intellexit, comparatus erat jumentis insipientibus, & similis factus erat illis (Psal. 48.) Descendi de coelo in Terram, ut homines de Terra ad Coelum facerem ascendere. Filii hominum nolite fieri sicut equus & mulus, quibus non est intellectus, (Psal. 31.) Sursum corda erigite, quæ sursum sunt quærite, quæ sursum sunt sapite, non quæ super Terram. (Col. 3.) Corda vestra sint levita levitate Spiritus; sint Spiritualia, sint coelestia, sint Divina, tanquam Filiorum DEI. Ut quid diligitis vanitatem, (Psal. 4.) cum ego eligo & diligo vilitatem? ut quid quæritis mendacium, (Ibid.) cum me habetis veritatem? Ego sum via, veritas & vita; (Joan. 14.) ego in hoc natus sum, & ad hoc veni in mundum, ut testimonium perhibeam veritati, omnis qui est ex veritate, audit vocem meam. (Joan. 18.) Sed ecce mundus per ipsum factus est, & mundus eum non cognovit. (Ibidem) Ita est PP ac Fratres Dilectissimi; mundus in maligno positus, (1 Joan. 5.) plenus concupiscentiâ carnis, concupiscentiâ oculorum, & superbiâ vitæ, (1. Joan. 2.) diligit vanitatem & quærit mendacium. Nos qui jam extra mundum sumus, neque enim sumus de hoc mundo, (Joan. 8.) quia illum contempsimus, projecimus, dereliquimus; nos qui abnegavimus nosmetipsos, portamus crucem, & corde non gravi, sed iugo levi sequimur Christum, quorum conversatio in coelis est; (Phil. 3.) jam non debemus diligere vanitatem seculi, nec quærere mendacia Terræ. Videte Filium Dei exinanitum in Filio hominis, stabulum inhabitantem, in medio duorum animalium positum, reclinatum in præsepio, pannis involutum, (Luc. 2.) vagientem, lachrymis inundantem, frigore constrictum, fætoe stabuli obseptum, paupertate pressum, omni commoditate privatum, omni incommoditate gravatum, & ite jam Filii hominum diligere vanitatem honorum, officiorum præminentiam, jucunditatem commoditatum: Ite quærere mendacium divitiarum, abundantiarum, recreationum, epulationum & comestationum. Et tamen secundum carnem hæc affectamus; illa carni contraria abhorremus & detrectamus. Nonne si quid duriusculum occurrit, conquerimur: si quid asperum, murmuramus; si quid minus commodum, lamentamur. Nihilominus hæc sunt, quæ Filius Dei eligit & diligit. Vilia, ignobilia, contemptibilia eligit Deus: (1. Cor. 1.) & homo eliget pretiosa, nobilia, honorata? O gravitas cordis! O Vanitatis fumus! O error mendacii! Hodie cum vocem Verbi Divini audiamus, non obduremus corda Nostra, (Psal. 94.) non exacerbemus Deum Nobis loquentem, nec contriste-

Mundus eum
non cognovit.

Typus Christi
nati.

Fuge vanita-
tum.

- A** tristemus spiritum ejus; (*Ephes. 4.*) non sumus generatio perversa & infideles. Filii, provocantes illum in eo, qui non est Deus (*Deut. 32.*) quorum Deus venter est, & gloria in confusione; (*Philip. 3.*) qui carnem, qui Terrena sapiunt, (*Ibidem.*) per avaritiam, quæ est servitus *Paupertas.* idolorum. (*Col. 3.*) Christus nudus nascitur, nudus moritur, non habens ubi caput suum reclinaret, (*Matth. 8. & Luc. 9.*) factis prædicat paupertatem: imitemur nuditatem ejus per votum paupertatis. Christus mortificatus carne (*1. Pet. 3.*) doceat nos mortificare membra *Castitas.* Nostra quæ sunt super Terram, (*Colos. 3.*) per votum castitatis. Christus natus qui dicit Patri suo, aures perfecisti mihi (*Psal. 39.*) sive corpus adaptasti mihi; tunc dixi, Ecce venio; In capite libri scriptum est de *Obedientia.* me, ut facerem voluntatem tuam; Deus meus volui (*Ibidem.*) (neque enim venit facere voluntatem suam, sed Patris, Patri obediens usque ** (Joan. 5.)* ad mortem Crucis) (*Phil. 2.*) instruat nos viam salutis per votum obedientiæ, ut ad eum per obedientiam redeamus, à quo per inobedientiam recessimus. Christus qui humiliavit semetipsum & exinanivit formam *Humilitas.* servi accipiens, (*Ibidem.*) ducat nos per gradus humilitatis in sacra Regula recensitos. Christus, qui cum dilexisset suos ab æterno, usque in *Charitas.* finem dilexit eos (*Joan. 13.*) animam suam ponens etiam pro inimicis, accendat corda Nostra, verâ, vivâ & stabili charitate, ut Nos invicem diligamus, (*Joan. 15.*) invicem alter alterius onera portemus, (*Gal. 6.*) etiam animas Nostras pro Fratribus ponere parati simus. (*1. Joan. 3.*) Sic igitur Verbum Divinum hodie factis suis ad nos loquens audiamus, ut illud operibus Nostris exprimamus. Pereat proinde mendacium & fallacia mundi, exulet à Nobis vanitas seculi; vivat Veritas Christus; Vivat mortificatio poenitentiae primus gradus. Mortui enim esse debemus, & *Mortificatio Poenitentia.* vita Nostra abscondita esse cum Christo in Deo, (*Col. 3.*) ut cum ipso vivamus in æternum. Devotioni Nostræ sit Status uterque Ecclesiasticus & Politicus commendatus. Servet Deus Sanctissimum Nostrum cum *Pro quibus orandum.* Clero universo; Zelum ejus augeat in abundanti ad bellum contra Turcas provisione. Sit Salus Augustissimo Imperatori, & Serenissimo Regi Nostro; Serenissimæ Reginae, Totique Familiæ Regiæ, & cuncto Senatui Regni, ac omnibus Ducibus & Exercitibus ejus. Salvum faciat sigillatim Divinum Numen Regem Nostrum Fidei Defensorem, verè prælia Domini præliantem. (*1. Reg. 25.*) Exciter Spiritus Sanctus in Ordinibus Religiosis Spiritum Religionis, potissimum Nostrum faciat Observantiâ Regulari reflorescere. Sint in memoria Nostra agonizantes, sint & patientes animæ; ut ad requiem perveniant opulentam. Denique oremus pro invicem, ut salvemur (*Jacob. 5.*) viventes & manentes in charitate.

Sermo 3. in Circumcisione Domini.
Circumciditur Puer & vocatur JESUS. Luc. 2.

MAgnum & mirabile Sacramentum infert mellifluus Pater noster: Ingens equidem PP. Reverend. Fratresque Dilectissimi mysterium nobis in hisce verbis declaratur, ubi fundamentum & modus salutis Nostræ manifestatur. Ecquis est, qui non velit salvari? qui non desideret salutem? Et sanè salutem tam animæ, quàm corporis; salutem & temporalem & æternam. Ecce modus ad salutem omnem adipiscendam: circumciditur Puer. (*Luc. 2.*) Nulla sine statu puerili salus. Æternæ veritatis edictum est; Nisi efficiamini sicut Puer iste (utique parvulus iste qui natus est Nobis (*Isai. 9.*) & circumciditur) non intrabitis in Regnum coelorum. (*Matth. 18.*) Sicut Puer iste per innocentiam, sicut Puer iste per humilitatem, sicut Puer iste per obedientiam. Innocentiam in Nobis deperditam per peccatum parit vera poenitentia, tanquam basi innititur humilitati, humilitas prompta est ad obedientiam; & sic Nostra sancta pueritia in innocentiae decore, & humilitatis fundamento, & virtute obedientiae commendatur, quæ sola sunt vera media ad salutem. Deinde nulla sine Circumcisione salus: Noster Divinus Puer non **voluit** vocari JESUS, quod est Salvator, nisi post Circumcisionem; neque nos speremus salutem, nisi per Circumcisionem Spiritualem. Memoria circumcidatur à vanis & perversis cogitationibus: Intellectus ab errore proprii sensus & mendacio: Phantasia sive Sensus Communis ab imaginationibus & apprehensionibus futilibus: Voluntas ab inordinatis & pravis affectibus: ante omnia autem Conscientia circumcidatur à peccatis per integram confessionem ac poenitentiae satisfactionem; & sic homo interior salvabitur: Sensus Nostri circumcidantur à deviis excursibus: Avertamus oculos, ne videant vanitatem. (*Psal. 118.*) Pangamus fædus cum oculis Nostriis, (*Job. 31.*) ne cogitemus ea, quæ sunt à Nobis votisque Nostriis aliena. Sepiamus aures Nostras spinis, ne audiant malum. (*Eccl. 28.*) Gustum felle & aceto crucis condiamus: Odoratûs oblectamenta, stabuli, carceris, & montis Calvariae factoribus repellamus: Tactûs illicia, flagellorum Christi, spinarumque asperitate reprimamus. Lingvam prohibeamus à malo, & labia Nostra, ne loquantur dolum, (*Psal. 36.*) ac ideò illam silentio cohibeamus, ponentes custodiam Ori Nostro, & ostium circumstantiae labiis Nostriis. (*Psal. 140.*) Omnes denique peccandi occasiones, colloquia, & consortia prava præscindamus, & sic homo exterior salute potietur. Sic proinde, si scidimus corda Nostra (*Joel. 2.*) per veram poenitentiam; si cor contritum (*Psal. 50.*) per mortificationem, & humiliatum per humilitatem in nobis est; si cor immaculatum per innocentiam; si cor non divisum inter Deum & mundum, inter Deum & carnem, inter DEum & Diabolum habemus, sed perfectè soli Deo

Medium ad salutem, effici sicut Puer JESUS.

Innocens, humilis, obediens.

Circumcidenda spiritualiter.

Memoria.

Intellectus.

Phantasia.

Voluntas.

Conscientia.

Sensus.

Peccandi occasiones.

Cor.

- A li Deo unitum & subiectum per obedientiam possidemus; quatenus tale constanter perseveret, circumcidatur, ne simus cordibus incircumcisi, (*Jerem. 9. & Act. 7.*) removeantur à cordibus Nostri superflua, abstrahantur noxia, eliminentur criminosa. Superflua tollet humilitas paupertatis; noxia pellet innocentia castitatis; criminosa faciet exulare virtus obedientiæ. Ecquid criminosis proprietate peste veræ Religio- nis, veneno communitatis, boni Ordinis contagione, Capitali & acerrimo obedientiæ inimico? Non tantum criminis damnatur proprietas in exterioribus & temporalibus, quod Sanctissimus Legislato Noster nequissimum vitium appellat, & de quo sic (*C. 33.*) edicit: præcipue hoc vitium amputetur de Monasterio. Nonne Circumcisione opus? In quo consistit hoc vitium Pater Beatissime? ne quis præsumat aliquid dare aut accipere sine Iussione Abbatis. Notemus hæc verba; dare aut accipere tanquam duo brachia proprietatis. Pergit Divus Patriarcha: Neque aliquid habere proprium. Itane Sancte Pater? Nullam omnino rem, respondet. Quare? quippe, quibus nec corpora sua, nec voluntates licet habere in propria potestate. Hinc merito qui propriarius est, quia à communitate se & sua segregat, & hoc quod in & ex communitate collegit, sibi appropriat (cùm tamen juxta Canones, Monachus quidquid acquirit, non sibi sed Monasterio acquirit, potissimum ille, qui ex bonis Monasterii acquisita coacervat) censetur excommunicatus, etiam Ecclesiasticâ privatur sepulturâ, si contingat illum in sua decedere proprietate. Et quodsi insperata occurrat mors, cujus exemplum in Fratre Nostro nuper defuncto habuimus: utique illa hora mortis est, quam nescitis & quam non putatis: (*Luc. 12.*) Non tantum, dico iterum, hæc temporalis & exterior proprietas criminis damnatur, sed etiam illa interior, cui insistit illa exterior proprietas sensus, & proprietas voluntatis est execranda. In prima se ipsum Mellifluus Pater Noster statuit pro exemplo dicens: Semper minus sensui meo, quàm alterius credidi. De secunda eloquitur: Si propria voluntas non esset, infernus non esset. Huic tam sensus, quàm voluntatis proprietati modum ponit obedientia secundum modum Regulæ Divi Benedicti. Videte Fratres mei obedientiam Filii Dei in ejus Circumcisione. Nunquid opus ei erat Circumcisione, qui peccatum non fecit? (*1. Pet. 2.*) Circumcidere ei magis congruebat, quàm circumcidi, qui venerat peccata tollere: (*Ibid.*) Nihilominus per obedientiam & humilitatem subiecit se legi antiquæ, quàm non solvere venerat, sed adimplere, (*Matth. 5.*) adeoque quæ non rapuit exolvere. (*Psal. 68.*) Quidni nobis convenit subijci legi Regulæ, quam vovimus, ut quod illa damnat damnemus, quod probat probemus, quod imperat exequamur; & sic quoad paupertatē, habentes victum & amictum, his contenti sumus (*1. Tim. 6.*) superfluis amputatis; quoad castitatem, ibi vulnus agnoscamus, ubi remediū est circumcisionis; adeoque circumcidamus carnem No-
- C
- stram

Superflua, No-
xia, Crimino-
sa.

Proprietas ex-
terior & inte-
rior.

Mors inspera-
ta.

D. Bernardi
Humilitas.

Christi Circū-
cisi Obedientiæ.

Paupertas.

Castitas.

Novus Annus,
Novus Homo.

Publica Recon-
ciliatio.

stram, quam etiam crucifigere tenemur cum vitiis & concupiscentiis suis; (Gal. 5.) abscissis omnibus pravis occasionibus. Circumcidi enim nos necesse est, dicit Mellifluus Pater, & sic nomen salutis accipere: Circumcidi non uno membro, sed toto corpore simul. Denique quoad obedientiam, circumcidamus sensus & voluntates Nostras, omnem proprietatem proscribentes, & sic cum hoc novo Anno, induemus novum hominem Christum, renovabimur Spiritu mentis Nostræ (Eph. 4.) & statu corporis Nostræ; erimusque nova Creatura in Domino. (Rom. 4.) Denique veram salutem animæ & corporis, salutem temporis & æternitatis consequemur; quam Nobis &c. Quandoquidem publicam ad invicem facimus reconciliationem, & hic Circumcisio requiritur, ut omnes offensionis, aversionis, alienationis, rancoris, & quod DEUS avertat, iræ & odii malas inclinationes ex cordibus Nostris rescindamus, dimittentes ex animo, sicut Nobis à DEO volumus dimitti, & ita verè uniamur, omniaque fiant in DEO, id est in Charitate. (1. Corint. 16.)

Sermo Quartus in Die Epiphaniæ Domini.

Per aliam viam reversi sunt in Regionem suam. Matt. 2.

Herodes Syr.
Draco ignitus,
Hebr. Mons
arrogantiae.
Trop. Diabo-
lus.
Jerusalem Visio
pacis sub He-
rode. Trop.
Mundus.

Via perversa
&
Recta.

Vita Via.

Ægyptus quid?
Nazareth.

Ubi Herodes infernalis ex Syriaco draco ignitus, ex Hebraico Mons arrogantiae, nempe Rex super universos Filios superbiæ (Job. 41.) ille ab initio homicida (Joan. 8.) imò infanticida, per quem stetit, quod nemo mundus sit à sorde, neque infans unius diei super terram; ubi inquam Herodes dominatur, ubi cum ipso & per ipsum etiam Ierosolyma, quæ est visio pacis turbatur, ubi nulla Divini luminis claritas, nec Stella ex Jacob (Num. 24.) amplius præluceat, sed tenebræ obscuritatis operiunt Terram, & vera Regio umbræ mortis est, (Isai. 9.) ibi est iter impiorum, (Psal. 1.) via est iniquitatis, via perditionis, quæ ducit ad inferos. O nos felices, quod extra hanc viam simus! si tamen sumus: O nos beatos, quod per aliam viam Religionis Sacræ revertimur in Regionem Nostram! si tamen revertimur: Regio Nostra Paradisus est, ex quo excidimus; Patria illa cælestis ad quam tendimus, si tamen tendimus; nam & peregrinamur à Domino, neque habemus hic manentem Civitatem, sed futuram inquirimus. (2. Cor. 5.) Viatores enim sumus: vita Nostra, via est. In præsentem enim vitam (teste Gregorio magno) quasi in via sumus, quâ ad Patriam pergimus. Si vita bona est, & via bona erit. Si proinde per viam Herodis, per viam turbarum & caliginis, cui Propheta imprecatur: Fiat via illorum tenebræ & lubricum (Psal. 34.) incessimus, recedamus ab hac via pessima, fugiamus Babylonem viam confusionis; Revertamur cum IESU ex Ægypto angustiarum & tribulationis, id enim significat Ægyptus. Quid Nobis cum via Ægypti? revertamur in Nazareth Domum ex interpretatione Hebraica separatam, sanctificatam, custoditam, floridam. Quid

sepa-

- A** separatiùs Claustris Religioſorum? Quid ſanctificatiùs Sacro Ordine? Quid magis cuſtoditum, ubi ſemper vigilandum eſt? Quid magis floridum, ubi diſciplina Regularis ſemper reſloreſcit? In hanc Domum (DEO laus) pervenimus, in hac Domo recepti maneamus; non prætergrediamur limites, quos poſuerunt Patres Noſtri, ſed potiùs hic præteritæ vitæ & viæ Noſtræ maculas ſacro & unico veræ pœnitentiæ Baptismo in remiſſionem peccatorum (*Marci. 1.*) Nobis conſeſſo diluamus. Sed quò ex Bethleem in Nazareth devenimus? utique benè: utrobique Chriſtus reperitur, & Domus Noſtra Bethleem eſt, id eſt Domus Panis. Hic verbi Divini cibus diſpenſatur. Hic Panis vivus, qui
- B** de coelo deſcendit, (*Joan. 35.*) in parata nobis menſa Domini, menſa altaris Divini diſtribuitur. Et quidem Panis hic confortans cor hominis (*Pſal. 16.*) jam Nobis eſt quotidianus factus; utinam ad vitam & non ad Iudiciũ à Nobis ſumatur. Sic igitur ſumus in Bethleem, ſumus in Nazareth, procul à via Herodis, id eſt Diaboli; à via Ægypti, id eſt carnis; ollas enim carniũ appetebant deſertores in deſerto Iſraëlitæ: à via Babylonis, id eſt mundi inſtabilis, in conſuſione ſua ſtabilis, cujus figura præterit (*1. Cor. 9.*) aliam viam, id eſt viam Regiam, viam trium Regum tenemus. Sed advertamus; Regia via eſt, ubi multi vocati; ſemita autem Juſtorum, ubi pauci electi (*Matt. 20.*) Quis ex Nobis
- C** non velit in Electorum numero computari? teneat ſemitam Electorum, Semita juſti recta eſt, (*Iſai. 26.*) non obliqua perverſi cordis, quia in circuitu, ſcilicet in labyrintho & anfractibus viarum, impii ambulant. (*Pſal. 11.*) Non præceps, ambitionis, præſumptionis aut ſuperbiæ, cujus finis interitus & gloria in conſuſione. (*Philip. 3.*) Non retrograda, quia mittens manum ad aratrum & retrò reſpiciens non aptus eſt Regno DEI, (*Luc. 9.*) Non remorans, quia in via DEI non progredi (*Authore Mellifluo Doctore Noſtro*) regredi eſt. Non erronea, quia via eſt Veritatis; Non turbulenta, quia eſt via pacis. Rectus callis juſti ad ambulandum. (*Iſai. 26.*) Ambulemus Fratres mei in Semitis
- D** hiſce juſtorum, ſemitis electorum, per hanc aliam viam Trium Regum precedamus. Videte illos, qui viam Herodis calcarunt, quomodo apud ſapientem lamententur: Laſſati ſumus in via iniquitatis, ambulavimus vias difficiles, viam autem Domini ignoravimus. (*Sapien. 5.*) Nobis hæc ignorantia viæ Domini non competit. Licet enim itinera æternitatis ejus non ſcrutemur, (*Hab. 3.*) nec vias proceſſionum Divinarum Perſonarum ad intra, nec incomprehenſibilem iudiciorum ejus, (*Pſ. 13.*) investigabiles vias ejus (*Rom. 3.*) ad extra investigemus, quia ſunt abyſſus multa: (*Pſalm. 35.*) viam tamen mandatorum ejus novimus & currimus, (*Pſal. 118.*) & hæc eſt alia via, quâ incedere, & per quam reverti ex Regione longinqua in Regionem Noſtram debemus, via dico tertio Trium Regum; cùm ſimus facti DEO Noſtro Regnum, (*Apoc. 5.*) ſimulque Regale Sacerdotium. (*1. Pet. 2.*) Thus devotionis, Myrrham

Clauſtrum.

Bethleem.

Panis de Cælo

Babylō Mūdus.

Semita Juſtorum.

Semita non Obliqua.

Semita nō Præceps.

Semita non Retrograda.

Semita non Remorans. Non Erronea. Non Turbulenta.

Viam DEI noſſire periculoſum.

Via DEI adintra & adextra

Munera Regia Devotio, Mortificatio, Amor.

*Tres Reges A-
nimæ, Poten-
tiæ.*

*Via Regia,
Crucis.*

*Adhortatio ad
profectum Cru-
cis.*

mortificationis, aurum amoris Domino offerentes Trium Regum; quia regnare & dominari tenemur Herodiano Diabolo, Ægyptiacæ carni, mundo Babylonico, ut sub nobis sint & infra, non supra nos; sint subiecti non præfecti, sint vincti & victi, non Victores Trium Regum; quia tres potentias animæ Nostræ, memoriam, intellectum, voluntatem, secundum DEUM regere obligamur. In hac alia via, via arcta, quæ ducit ad coelum, non illa spaciola, quæ ducit ad perditionem, (*Matt. 7.*) apprehendamus disciplinam, (*Psal. 2.*) quia hæc via Regia est, via Crucis. Væ illi, qui prætendit sequi Christum quia Christianus per fidem, & multo magis, quia Christi assecla per vitam Religiosam, & non portat Crucem suam abnegans semetipsum (*Luc. 9.*) sui ipsius amator Philautus, sua quærens, non quæ JESU Christi. (*Philip. 2.*) Apprehendamus disciplinam Crucis, disciplinam mortificationis, nequando irascatur Dominus & pereamus de via iusta (*Psal. 2.*) nequando dicat DEUS: Ipsi non cognoverunt vias meas, quibus iuravi in ira mea, si introibunt in requiem meam, (*Psal. 94.*) De torrente Passionis cum Christo in via bibamus, & sic exaltabimus caput (*Psal. 109.*) cum ipso in Regione nostra. Nec deficiamus in hac via: Justorum enim semita, quasi lux splendescens procedit, & crescit usque ad perfectum diem. (*Prov. 18.*) Quotidie proficiamus, de die in diem progredientes, de virtute in virtutem euntes, donec videamus DEUM Deorum in Syon (*Psal. 83.*) Patriæ cœlestis Regione. Sic curramus, ut comprehendamus. (*I. Cor. 9.*)

Sermo in Festo Purificationis B. V. M. & pro inchoatione Annui Scrutinij Religiosi.

Lumen ad revelationem gentium. Lucæ 1

*Lumen Mysti-
cum.*

Fides.

Gratia DEI.

*Vocatio Religi-
osa.*

*Mediæ ad Lumen
Gloriæ.*

Lux vera illuminans omnem hominem venientem in hunc mundum (*Joan. 1.*) hodie in templo illuxit Nobis (*Psal. 117.*) P. R. F. D. cuius specimen in gestatione candelarum accensarum repræsentatur, ut sic in lumine vultus Divini ambulemus; (*Psal. 98.*) Signatum enim est super nos lumen vultus tui Domine, (*Psal. 4.*) quando in tenebris huius seculi exortum est lumen rectis corde (*Pf. III.*) lumen fidei; lumen gratiæ, lumen vocationis sacre ad Religionem. De primo dicit Propheta: Erumpet quasi mane lumen tuum, (*Isai. 58.*) videlicet in Baptismo. De secundo ait: educet quasi lumen iustitiam tuam, (*Psal. 36.*) quam gratia DEI nos iustificans operatur. Ad Tertium ipse luminis Author præluet dicens: Ego sum lux mundi, qui sequitur me, non ambulat in tenebris, sed habebit lumen vitæ, (*Joan. 5.*) vitæ Religiosæ. Ita sanè Pater luminum DEUS, (*Jacob. 1.*) qui emittit lumen & vadit, dulce planè lumen, & delectabile oculis animæ Nostræ. (*Baruch. 3.*) Per hæc lumina fidei, gratiæ, & vitæ Religiosæ vocat nos in ad-

A in admirabile lumen suum, (1. Pet. 2.) ut in lumine gloriæ ejus videamus lumen (Psal. 35.) ipsum Deum. Interea visitat nos frequenter ipse Oriens ex alto (Luc. 1.) lumine verbi sui, ita ut lucerna pedibus nostris sit verbum ejus, & lumen semitis Nostris, (Psal. 118.) ac verificetur in unoquoque nostrum illud Jobi: In viis tuis splendet lumen, (Job. 22.) Super quem enim non surget lumen illius juxta eundem Jobum? (Cap. 25.) ut cum ipso dicere queat: Quando splendebat lucerna ejus super caput meum, & ad lumen ejus ambulabam in tenebris. (Idem. 29.) Lucerna corporis tui est oculus tuus dicit lumen nostrum Christus. (Luc. 11.) Lucerna animæ tuæ est intellectus: Lucerna fidei tuæ, est Verbum DEI revelatum. Si oculus animæ tuæ simplex fuerit (utique rectis corde lumen oritur (Psal. 111.) totum corpus tuum lucidum erit. (Luc. 11.) Si autem nequam, prauus, perversus, obliquus, obscurus oculus, etiam corpus tuum tenebrosus erit (Ibid.) dicit Scrutator cordium DEUS, & monet: vide ergo, ne lumen quod in te est, tenebræ sint (Ibidem.) videlicet, ne obtenebretur lumen Verbi Divini, lumen inspirationis ejus per contrarium & repugnantem intellectum ac perversum affectum; lumen fidei obscuretur per actus ipsi contrarios, quales sunt Atheorum, vel Pseudo-politicorum; lumen gratiæ per tenebras peccatorum extinguatur: lumen vitæ Religiosæ in caliginem vitæ Secularis transmutetur. Vide dicit Christus; (Ibidem.) Si tamen talis videre potest, qui existens inter eos, qui fuerunt rebelles lumini, (Job. 24.) & qui conqueruntur apud Sapientem, quod lumen justitiæ non luxerit ipsis, sol intelligentiæ non sit ortus eis, (Sapien. 5.) cum Davide peccante fateri cogitur; lumen oculorum meorum & ipsum non est mecum. (Psal. 37.) Ideo videamus, ut ambulemus in lumine DEI (Isaia 2.) Ambulemus, dum lucem habemus. (Joan. 12.) lucis & vitæ hujus usuram possidemus, ne tenebræ mortis, tenebræ peccati, nos comprehendant (Ibidem.) Habemus lumen ad revelationem gentium (Luc. 2.) gentium illarum, quas DEUS populo suo Israël extirpare & delere imperavit. Proh dolor! quantum gentes istæ dominantur nobis! Principium gentium Amalec, id est populus lambens, & hic est voluptas per mundum & carnem se insinuans. Amalec delere præcipit DEUS Sauli, non delet Saul; privatur Regno. (1. Reg. 15.) Idem nos manet, si non deleverimus Amalec, qui etiam dicitur populus percutiens; nam extrema gaudii luctus occupat (Prov. 14.) voluptas in fine mordet ac percutit ut coluber. (Prov. 23.) Gentes ergo quas debellare debemus, sunt passiones nostræ; gentes quas profligare & exterminare tenemur sunt peccata capitalia, peccata mortalia, peccata venialia. Ut tollantur, ut pessundentur, ut eliminentur, debent revelari, pro quo requiritur Scrutinium. Ego Dominus scrutans cor & probans renes (Jerem. 17.) dicit DEUS Omnipotens: Scrutabor Jerusalem in lucernis, & visitabo super viros defixos in facibus suis,

D

qui

Verbum DEI.

Oculus Mysticus.

Oculus Nequam.

Inspirationes.

Atheism. f. Pseu-
dopoliticismus.
Peccata.

Secularismus.
Cecitas Spiritus
sancti.

Ambulandum,
dum Lucem habemus.

Revelatio gentium trop. Viti-
orum.

Amalec Voluptas
Mundi &
Carnis.

Passiones.

Peccata tripli-
cia.

Scrutinium Sa-
lutare.

Revelatio Con-
scientiæ,

Revelantibus
se revelat DE-
US.

DEI Judicium
alleviatur Scrutini-
um.

Levi quid?

ignis Peniten-
tiæ.

Profectus Spi-
ritualis.

qui dicunt in cordibus suis: non faciet benè Dominus, & non faciet malè. (*Sophon. 1.*) Hi sunt, vel Athei dicentes; non est DEUS, (*Pf. 13.*) vel in spem peccantes, id est contra Spiritum Sanctum, qui tamen scrutatur omnia, etiam profunda DEI. (*1. Cor. 2.*) Quapropter cum Jeremia scrutemur vias nostras, & quæramus, & revertamur ad Dominum; (*Tren. 3.*) scrutemur conscientias nostras per seria examina exequentes illud Jobi: Revelabor loquens tecum. (*Job. 7.*) (Quis enim hominum scit, quæ sunt hominis, nisi Spiritus hominis, qui in ipso est?) (*1. Cor. 2.*) Antequam reveletur ira DEI, (*Rom. 1.*) & justitia ejus in nobis reveletur (*Isaia 56.*) per eum, qui est revelans vestigia occultorum: (*Eccl. 24.*) reveletur homo peccati (*2. Tess. 2.*) per scrutinium nostrum, moriatur per penitentiam, per emendationem vitæ deleatur. Et tunc scrutemur legem DEI, scrutemur mandata DEI nostri ad faciendum ea. (*Psal. 118.*) Beati enim qui scrutantur testimonia ejus, in toto corde exquirunt eum. (*Ibidem.*) Revelemus Domino opera nostra, (*Prov. 16.*) ut dirigantur per ipsum cogitationes nostræ. Revelemus Domino viam nostram, & ipse faciet & revelabit oculos nostros, ut consideremus mirabilia de lege sua (*Psal. 36.*) Revelabit etiam ipse auriculam servorum suorum, (*1. Par. 17.*) ut audiamus, quid loquatur in nobis Dominus, (*Pf. 84.*) ea nimirum, quæ revelat parvulis, (*Luc. 10.*) loquendo ad cor nostrum gratiâ suâ, per quam postea revelabitur gloria ejus in nobis, (*Roman. 8.*) ut revelata facie gloriam Domini speculemur. (*2. Cor. 18.*) Revelabit & aurem aliorum id est peccatorum, ut corripiat; & loquetur ut revertantur ab iniquitate (*Dan. 9.*) Eja igitur, qui in tenebris revelamini (*Isai. 49.*) Dicat quisq; DEO cum Propheta: Tibi revelavi causam meam DEUS meus (*Ier. 11.*) Fiat in Judicio scrutinij privato, ne in Judicio DEI publico reveletur ignominia tua (*Isaia 47.*) reveletur stultitia tua, (*Osea 2.*) revelentur pudenda tua. (*Nahum 3.*) Nihil est occultum apud DEUM, qui revelat absconsa nostra (*Eccl. 1.*) quod non reveletur (*Luc. 12.*) in die illo, quando veniet Dominus judicare terram (*1. Par. 16.*) in igne, ubi cæli omnium iniquitatem revelabunt. (*Iob. 20.*) Ignis ante ipsum præcedet (*Psal. 96.*) DEUS ipsemet ignis consumens est (*Deut. 4.*) consumens peccatores, consumens gentes prævaricatrices. Et quis poterit cogitare diem adventus ejus? & quis stabit ad videndum eum? (*Malac. 3.*) Ecce enim quasi ignis conflans, purgans, purificans filios Levi; (*Ibidem.*) id est copulatos, qui DEO adhæserunt. Si tamen nos dijudicaverimus per scrutinium, utique non judicabimur. (*1. Cor. 11.*) Si lumen ad revelationem gentium (*Luc. 2.*) coruscaverit in conscientijs nostris; erit lumen Israel; (*Isaia 10.*) id est videntium DEUM etiam in igne penitentiae, igne cordis contriti, igne feruoris Spiritus, ut in quavis meditatione nostra exardescat ignis. (*Psal. 38.*) Ambulate, monet Propheta, in lumine ignis, (*Isaia 50.*) illius ignis, qui nunquam dicit, sufficit; (*Prov. 30.*) ut semita nostra sit quasi

- A** quasi lux splendescens, & procedens usq; in perfectū diem (*Prov. 4.*) Diligite lumen sapientiæ omnes, qui præestis aliis (*Sap. 6.*) adhortatur Sapiens Superiores. Sed cui radix, cui disciplina sapientiæ revelata est? (*Ecclesiastic. 1.*) Revelata est Sanctis Patriarchis & Prælati Ordinis Nostri, per quos incepit incorruptum legis lumen seculo dari, (*Sapient. 18.*) legis inquam Religiosæ, in qua etiam statuitur, ut quisque Abbas annum in Monasteriis suis peragat scrutinium, ut velut Pastor agnoscat vultum pecoris sui, (*Prov. 27.*) quatenus possit dicere cum bono Pastore: cognosco oves meas & cognoscunt me meæ. (*Joan. 10.*) Hoc scrutinium fieri solet in Sacris Quadragesimæ temporibus, cujus initium Septuagesima. Illud ego quoque ex vi Officii mei instituere cogor. Præmonitos proinde velim vos P. R. F. D. ut ad id vos præparetis, & invocetis Spiritum Sanctum lumen cordium. (*Eccl. in Hymno.*) Lumen illius super terminos terræ; (*Job. 37.*) Qui à terra recedit, à DEO illuminatur. Recedite ab omni terrena, id est propria affectione, aperientes corda vestra, & effundentes illa in conspectu Domini, (*Psf. 61*) cujus vices licet indignus ego in terris gero. In hoc scrutinio adsit quoque nobis hodiernum lumen de lumine, lumen ad revelationem gentium, (*Luc. 2.*) qui est Via, Veritas, & Vita, (*Joan. 14.*) Via ad investigandum, Veritas ad cognoscendum, Vita ad apprehendendum. Adsit dico hoc lumen nobis; nam omnia quæ arguuntur, à lumine manifestantur. (*Eph. 5.*) Omne enim quod manifestatur, lumen est; (*Ibidem.*) lumen ad revelationem gentium, (*Luc. 2.*) quod utinam quoque sit ad gloriam suam & ad gloriam plebis suæ Israel (*Ibidem.*) verorum Israelitarum, in quibus non est dolus (*Psal. 10*) sed quibus veritas, rectitudo & justitia est in aperto. Maria semper Virgo hodie purificans, Mater luminis Divini purissima, purificatione sua quâ non eguit, nos puritatis vacuos & indigos meritis suis & prece sanctificet, luminisque æterni per Sanctam oblationem faciat participes. Statui utrique tam Ecclesiastico, quàm Politico gratiarum suarum lumina impertiatur, ac sigillatim Serenissimum Regem nostrum, totamque Domum Regiam largis ditet & dotet benedictionibus; Ordines Religiosos ac potissimum nostrum sibi dedicatum favoribus suis complectatur: Animabus Agonizantibus, & in purgatorio igne constitutis Patrocinio suo assistere dignetur, nosque faciat vivere in ea, quæ lumen & ignis est, nec unquam excidit (*Cor. 13.*) charitate.

*Sermo in Dominica Septuagesimæ.
Pauci verò electi. Matt. 20.*

DEUS supremus Elector electorum suorum, filium suum qui est Christus DEI electus (*Luc. 23.*) misit in terras (*Joan. 3.*) ut homines electos ipsi faceret & congregaret, (*Isaia. 24.*) de quo

Lumen Prælati
torum Sapiētis.

Scrutinium in
cambit abbati.

Scrutiniij tēpū.

Præparatio ad
Scrutinium.

Via Veritas &
Vita quid?

Purificatio Spi
ritualis.

Cebat Elektor
Christus. D.

Isaia vaticinium impletum fuisse Matth. Evangelista manifestat : Ecce puer meus, quem elegi dilectus ex millibus, id est ex omnibus creaturis, in quo benè complacuit animæ meæ ; (*Matth. 12.*) & habuit Matrem electam ut Sol, electam genitrici suæ (*Cant. 6.*) quæ in electis DEI misit radices, (*Eccl. 24.*) quæ optimam partem elegit, nunquam à se auferendam (*Luc. 10.*) videlicet immaculatam esse, & esse semper cum DEO, Verbi Divini esse conservatricem : Ipse ante se præmisit Joannem, & posuit quasi sagittam electam. (*Isaia 49.*) Ipse est, qui elegit duodecim Apostolos (*Luc. 6.*) & (*Joan. 6.*) quibus ait : non vos me elegistis, sed ego elegi vos de mundo (*Joan. 51.*) posito in maligno (*Joan. 5.*) ubi concupiscentia carnis, concupiscentia oculorum, & superbia vitæ dominatur. (*Joan. 2.*) Ipse qui ostendit, quem elegerat, (*Act. 1.*) Matthiam nimirum parvum & humilem in locum Judæ traditoris. Ipse Paulum Doctorem gentium, Vas electionis suæ nominavit. (*Actorum. 9.*) Sic & ipse DEUS in veteri testamento elegit Moylen ex omni carne. (*Eccl. 49.*) Quare ? propter obedientiam. Audivit enim eum, & vocem ipsius. (*Ibidem*) Propter hanc etiam Abraham Patrem multarum gentium (*Gen. 17.*) elegit & constituit. Nunquid non David elegit Dominus, (*Psal. 77.*) & exaltavit electum de plebe sua ? (*Psal. 88.*) memor omnis mansuetudinis ejus ? (*Pf. 131.*) Nunquid non Populus Israel utpote videns DEUM per fidem populus est, quæ elegit Dominus in hæreditatem sibi ? (*Pf. 32.*) Nunquid non Filij Jacob, Filij scilicet illius, qui fuit supplantator Dæmonis, qui fuit fortior fortis armati atrium invadens & arma ejus distribuens. (*Luc. 11.*) Filij Jacob inquam electi ejus ? (*1. Par. 16.*) & (*Psal. 104.*) Dominus est, qui elegit sibi Jerusalem (*Zach. 3.*) civitatem Sanctam, (*Apoc. 33.*) in qua est visio Pacis : donum enim & pax est electis ejus, (*Sapien. 3.*) cujus locus in pace factus (*Psal. 75.*) est locus quem elegit Dominus. (*Deut. 14.*) Elegit quoque Syon, (*Psal. 131.*) id est aceruum lapidum, congregationem ex lapidibus vivis, unitam sibi per concordiam, elegit in habitationem sibi (*Ibidem.* ubi est lapis angularis pretiosus. Dominus est, qui plantavit vineam electam (*Isaia 5.*) Ecclesiam suam, ad quam conduxit operarios : (*Matth. 29.*) sed operarii quàm pauci ! (*Ibidem.*) In hac nos sumus genus electum, (*1. Pet. 2.*) si tamen electum. Verè Beatus, quem elegisti Domine, habitabit in atriis tuis. (*Psal. 64.*) Et quis est electus ? ille qui elegit abiectus esse in Domo DEI sui magis, quàm habitare in tabernaculis peccatorum. (*Psal. 83.*) Nonne DEUS elegit pauperes ? Sicut dicit apud Isaiam : Elegi te in camino paupertatis. (*Isaia 48.*) Quin imò, quæ stulta sunt mundi, elegit DEUS. (*1. Cor. 1.*) Quis est electus ? ille, qui cum Christo scit reprobare malum & eligere bonum. (*Isaia 7.*) Ille qui purgat se cum paucis (*Eccles. 7.*) juxta consilium Sapientis : Ille, qui super pauca fuit fidelis : (*Matth. 21.*) Ille, qui cum paucis arctam viam, & angu-

DEIPARA.

* Ecclesie

Joannes Bapt.

Apostoli.

Matthias quid?

Moyse & Abraham Obedientes.

David mansuetus.

Populus Israel Fidelis.

Jacob quid?

Jerusalem. Pax Electis.

Sion.

Vinea electa Ecclesie.

Pauperes.

Quis est Electus?

A angustam portam salutis ingreditur. (*Matth. 14.*) Sed ô mi DEUS! cur pauci sunt, qui inveniunt eam; (*Ibidem.*) cur pauci electi? (*Matth. 20.*) O Altitudo divitiarum Sapientiae & scientiae DEI, quam incomprehensibilia iudicia ejus! quis cognovit sensum Domini aut quis consiliarius ejus fuit? (*Rom. 11.*) O inaccessible latebras tonantis consilii! exclamat Gerlôn Doctor Parisinus, ô nunquam penetranda abyssus! (iudicia enim DEI abyssus multa) (*Psal. 35.*) quam juvat tantum tacita precantes mente vocari. Cogitate Fratres mei illud momentum, quo Divus mellifluus Pater Noster caelum ascendit cum uno Archidiacono Lugdunensi, qui teste S. Vincentio Ferrerio quadraginta annis in solitudine vixit, tres animae ad purgatorium, reliquae ex triginta millibus ad infernum destinatae. Trutinare illud punctum temporis, quo teste Bertoldo Prædicatore Franciscano sexaginta millia animarum obierunt, tres ad caelum post paruum purgatorium ascenderunt, reliquae omnes damnatae. Perpendite concionem divi Chrysostomi habitam Antiochiæ, ubi interrogat: Quot esse putatis in civitate hac, qui salvi fiant? & respondet: Infestum quidem est quod dicturus sum; dicam tamen; Non possunt in tot millibus reperiri centum, qui salventur. Itane S. Patriarcha? Quin & de his dubito, infert: nec abs re, ubi cepit crimina, flagitia, scelera urbis illius enumerare. Quid si nunc vox de caelo veniret, quæ proclamaret; Ex hoc parvo numero nostro unum tantum salvandum in: Bone DEUS! quis nostrum cum timore & tremore non satageret operari salutem suam? (*Eph. 6.*) & tamen verum est æternæ veritatis oraculum: Pauci electi. (*Matth. 20.*) Fratres mei nemo scit nostrum, num sit ex electis DEI, num sit ex prædestinatis ad vitam teste Divo Patre Nostro. Fiducia quidem spei solatur nos, nulla tamen est certitudo. Ante hominem vita & mors, bonum & malum, quod placuerit dabitur illi. (*Eccl. 15.*) Elige ergo vitam monet Dux populi Israëliti ut vivas. (*Deut. 30.*) Elige bonum. (*Ibidem.*) ut sis bonus, quia boni pisces eliguntur in vasa DEI, mali foras mittuntur. (*Matth. 13.*) Ergo cum Filio DEI quæramus placere DEO. Cum Matre DEI simus immaculati, simus semper cum DEO: erimus, si fuerimus sine peccato. Cum Apostolis non simus de hoc mundo, (*Joan. 14.*) sed potius electi de mundo. (*Joan. 15.*) Cum Matthia simus parvi spiritui, humiles & pauperes. Cum Moyse obedientes; Cum Davide mansueti; Cum Jacobo Dæmonis supplantatores. In multitudine tam cælestium, quam terrestrium electorum conversemur: (*Eccl. 24.*) quia cum electo electus eris, & cum perverso perverteris. (*Psal. 17.*) Induamus denique nos sicut electi DEI, Sancti & dilecti, viscera misericordiae, benignitatem, humilitatem, modestiam, paupertatem: (*Coloss. 3.*) cum hoc tempore sancto Septuagesimæ non lætum Alleluia, sed luctus pœnitentiæ resonare debeat; unde etiam in Ordine nostro incipit abstinentia à carnibus) supportantes invicem

paucitas Electorum exemplificatur.

S. Bernardus cum 30. m.

60. m. simul defunctorum.

S. Chrysost. loquendum Vaticinium.

Cum timore Salva operanda.

Vivendum ad pauci Electi. DEO placentes. Immaculati.

Procul à Mudo Humiles &c.

Misericordes &c.

Septuagesimalis abstinentia.

Vinculum
Perfectionis.

Bona Opera
certa faciunt
Electionem.

vicem & donantes nobismetipsis, super omnia autem charitatem habeamus, quæ est vinculum perfectionis. (*Ibidem.*) Concludo verbis Principis Apostolorum & Capitis Ecclesiæ primi: Quapropter Fratres magis satagite, ut per bona opera certam vestram vocationem & electionem faciatis. Hæc enim facientes non peccabitis aliquando, sic enim abundanter ministrabitur vobis introitus in æternum Regnum Domini & Salvatoris Domini Nostri JESU Christi: (2. Pet. 1) eritis inter paucos electos.

Sermo in Prima Dominica Quadragesimæ.

Ductus est JESUS in desertum à Spiritu. Matth. 4.

Desertum
Mundus.

Desertum
Religiosum.

Stabilitas.

Observantia
Votorum Re-
ligios.

Austeritas Vi-
tae.

Ad quid veni-
sti?

Joannes in de-
serto, Gratia
D. in statu
penitentiae.

Felix desertum, ad quod ducitur JESUS à Spiritu Sancto; Felices nos in hoc deserto, si à Spiritu Sancto ducimur, & invenimus ibi JESUM, id est Salvatorem & salutem nostram. Sed quodnam hoc desertum Fratres mei? nunquid non desertum totus est mundus? Ita sanè factus per illum, qui de cælo cecidit Lucifer, antea manè oriens, (*Isaia 14.*) postea conversus in noctiferum tenebrionem, Rectorem & Principem tenebrarum, (*Eph. 6.*) de quo Isaïas asserit: Qui posuit orbem desertum. (*Isaia 14.*) Mundus enim per peccatum deserens DEUM, desertus à DEO, quidni desertum est abominandum? Eduxit nos Dominus, (cui sit laus & gratiarum actio) ex hoc maligno mundi deserto, & deduxit nos feliciter in aliud salutare desertum Sacrae nempe Religionis, in quo mundum deseruimus. Sed quid existis, vel satius venistis in hoc desertum videre? (*Matth. 11.*) P. R. F. D. A. rundinem vento agitaram? (*Ibidem.*) Minimè sanè; ubi stabilitas loci vovetur, ubi justus ut palma florere debet (*Psal. 91.*) per constantiam, & sicut Cedrus Libani multiplicari (*Ibidem.*) per votorum Sacrorum observantiam, obedientiae, castitatis, paupertatis fertilitatem, & sicut lilium germinare per virtutū variarum abundantiam ac fragrantiam. Quid venistis in desertum videre? Hominē mollibus vestitum. (*Mat. 11*) Avertat DEUS; non enim ad delicias venimus, non ad voluptates accessimus, non ad commoditates seculi, quas projecimus, appulimus; sed ad emendationem vitæ, spatiū veræ penitentiae, ad veram disciplinæ ac conversationis Religiosæ asperitatem & austeritatem. Quid ergo in hoc deserto requirimus? Joannem id est gratiam DEI; Qualem Joannem? penitentem, qualem vobis in primo Sermone meo repræsentavi. Perveram enim penitentiam gratia DEI recuperatur & reparatur. Et sic insonat nobis vox clamantis in deserto: Parate viam Domino (*Joan. 1.*) penitentiae contritionibus, rectas facite semitas ejus (*Ibidem.*) correctione vitæ regularis. Vox enim Domini est vox concutientis desertum non ad destructionem (*Psal. 28.*) sed ad emendationem. Commovebit Dominus desertum Cades (*Ibidem.*) desertum tenebrosus peccatorum, dando scientiam

A entiam salutis in remissionem eorum. (*Luc. 1.*) Jam quod nos attinet, in hoc desertum Religionis Sacrae ex Ægypto mundi cum Filiis Israel deducti venimus sacrificare Domino DEO nostro. Nihil ex nobis in Ægypto manere debet, omnia in desertum conferre tenemur; omnia DEO offerre in holocaustum. Hic nobis sicut & Israelitis tradita est lex Regulæ sanctæ, quam non tantum acceptavimus, sed & vovimus adimplendam. Hic nobis esurientibus paravit Dominus mensam in deserto. (*Psal. 77.*) Manna illud cæleste Verbi sui, manna altaris sui omne delectamentum & saporem suavitatis in se habens. (*Sapient. 16.*) Hic nobis sitientibus posuit Dominus desertum in stagna aquarum, (*Psal. 106.*) fluentia gratiarum suarum fundens, & rupem in fontes aquarum, (*Ibidem.*) ut etiam ex durissimis cordibus exiliat fons aquæ salientis in vitam æternam, (*Joan. 4.*) ut deducant oculi nostri lachrymam, (*Ierem. 14.*) & non taceant; Imò ut exitus aquarum deducant oculi nostri, quia non custodierunt legem DEI: Non taceat planè pupilla oculi nostri, & sint nobis lacrymæ panes die ac nocte, dum dicitur quotidie, ubi est DEUS tuus? (*Psal. 41.*) O Salutares supercælestes aquæ, & planè Divinæ! Beatus qui hisce aquis innatat, qui eis incalescit, & cum Magdalena lavat pedes Domini, (*Marci 2.*) ut audire mereatur; dimittuntur tibi peccata tua, quoniam dilexisti multum. (*Ibidem.*) In hoc deserto potissimum à DEO murmura puniuntur. Hic demum nobis infirmis & ignitorum serpentum moribus, videlicet inspirationum diabolicarum & tentationum ictibus vulneratis, pendet à rubore sanguinis æneus salutis serpens exaltatus in deserto, (*Num. 21.*) ut omnis qui credit in ipsum, qui respicit ipsum, id est, per fidem, spem & amorem, qui sequitur illum non pereat, sed habeat vitam æternam. (*Joan. 3.*) Porro in hoc deserto Religionis sacrae debemus cum Jesu in profundius desertum, in locum desertum Exercitiorum Spiritualium seorsim secedere, de quo DEUS apud Osee: Ducam eam in solitudinem, & loquar ad cor ejus. (*Osee. 2.*) Et alibi: Ego cognovi te in deserto, in terra solitudinis; (*Idem. cap. 13.*) ubi DEUS cognoscit nos loquendo nobis in nobis, de nobis, ubi sedet solitarius ille, qui portat jugum ab adolescentia sua, & tacet, & levat se supra se. (*Tren. 2.*) Felices alæ meditationis, alæ contemplationis, pennæ amoris DEI in quibus est sanitas (*Malach. 4.*) cum quibus anima volat, & levatur, in DEUM. Hic in terra deserta; sic in Sancto apparemus DEO, ut videamus virtutem & gloriam ejus. (*Psal. 62.*) Hic pinguescunt speciosa deserti (*Psal. 64.*) repletur in bonis desiderium nostrum, & renovatur sicut aquilæ juvenus nostra (*Psal. 102.*) ita ut DEUS nobis dicat: Recordatus sum tui, miserans adolescentiam tuam, & charitatem desponsationis tuæ, quando secuta es me in deserto. (*Ierem. 2.*) Beata anima novo vitæ genere adolescens, novâ charitate desponsata & sequens DEUM in hac solitudine. Notemus tamen, quod in hoc desertum seorsum secessit JESUS, (*Luc. 5.*) quando decollatus est Joannes. O utinam in nobis nunquam decol-

E 2. In solitudine deserto de m letur

Sacrificium in Deserto.

* Exod. 5.

Manna Spirituale.

Aquæ Gratiarum & lacrymarum.

* Ps. 119.

Magdalena.

Pena in Murmuratores

Serpentes igniti, Tentationes.

Æneus Serpens Christus Crucifixus. Desertum profundius Exerc. Spirit. Solitudo.

Locutio DEI ad cor.

Alæ & Pennæ Mystica.

Fructus Exerc. Spiritualium.

Post decollat. Joannis, JESUS in deserto.

*Factura Gra-
tie DEI urges
recollectiones.*

*Joannis Apo-
stoli. S. Deser-
tum.*

*Babylon Volun-
tas propria.*

** in deser-
tum*

*Desertum Ma-
chabeorum.*

*Judiciū & Ju-
stitia.*

*Voluntas pro-
pria Gebenne
causa.*

*Quid tentatori
respondendum?
Olive Vax.*

*Pingvedo De-
votionis.*

*Dulcedo Amo-
ri DEI.*

*Vinum Gratia
D.*

*Desertum D. oia
dit Desertores.*

spiritus privatus

*Peccatum su-
pra peccatum
Instabilitas.*

** vobis*

** monet*

*Deserta quae
horrenda?*

*Nomen Benedi-
ctionis & Co-
pendium.*

etur Joannes! nunquam per peccatum gratia DEI occidatur! si tamen
contingeret, (quod absit,) tunc cum JESU curramus ad desertum re-
collectionis nostrae, seorsim extra turbas omnium cogitationum, huic
soli intendentes, unum necessarium (*Luc. 10.*) quærentes, & dicentes:
Unam petii à Domino, hanc requiram, (*Psal. 26.*) gratiam scilicet
deperditam. Tunc cum Ioanne altero dilecto JESU discipulo (*Joan. 21.*)
auferamur in spiritu in desertum, ut videamus mulieris obscenae im-
munditias, animæ nostræ infectæ maculas: Babylonem magnam,
(*Apo. 17.*) pravam, perversam, propriam voluntatem nostram, con-
fusionis chaos, matrē fornicationum & abominationum terræ (*Ibid.*)
Tunc descendamus cum multis juxta librum Machabeorum, quæren-
tes judicium & justitiam, (*Mach. 2.*) contra hanc pestem animæ no-
stræ, trucidantes illam & ad æternum ignem condemnantes. Si enim
propria voluntas non esset (teste Mellifluo Doctore Nostro) infernus
non esset. Interea si rursus occurreret tentatio invitans nos à mundo,
carne, Diabolo, putridis deserti lignis, aut satius titionibus inferni,
voluntatem nostram alliciens ac dicens: Regna super nos: Si sumus
Olive fructifera in Domo DEI, (*Psal. 51.*) respondeamus: Nun-
quid possum deferere pinguedinem (*Judic. 9.*) devotionis meæ erga
DEUM? Si sumus ficus dulcem ferens fructum, reponamus: Nun-
quid possum deferere dulcedinem amoris Divini? Si sumus vitis fru-
ctificans suavitatem odoris, (*Eccl. 24.*) reclamemus: nunquid possum
deferere vinum gratiæ Divinæ, quod lætificat cor hominis? (*Psal. 103.*)
Et sic in hoc sancto deserto non simus desertores, ne nobis maledictio
Hæc interminetur. Væ vobis Filii desertores! (*Isaia 30.*) qui cæptam in-
deserto Sanctitatis viam deserunt, qui manu posita ad aratrum retrospi-
ciunt. (*Luc. 9.*) Ut faceretis consilium & non ex me: (*Isaia 30.*) qui
proprium sequuntur ductum & non DEI vocantis. Ut ordiremini telam,
& non per Spiritum meum: (*Ibidem.*) qui non Divinum, sed propri-
um sequuntur Spiritum, qui cum spiritu cæperint, carne consumman-
tur (*Galat. 3.*) ut adderetis peccatum super peccatum: (*Isaia 30.*) qui
citò deserunt viam Domini, qui ut canes redeunt ad vomitum, & ut
sues ad volutabrum luti. (*Prov. 26.*) Væ tales Filii desertores dicit DE-
US! (*Isaia 30.*) De propitiato peccato noli esse sine metu, (*Eccl. 9. sc. mort.*)
ut semper pæniteamus, ut nunquam à pænitentia recedamus, ut cum
timore & tremore salutem nostram continuò operemur; (*Ephes. 6.*) ne
DEI clamantis, Quoties volui? & nolui? (*Matth. 23.*) imprecatio
sequatur: Ecce relinquetur Vobis domus Vestra deserta: (*Ibidem.*)
Dabo te in desertum, (*Ezech. 5.*) desertum & desolatum (*Ezech. 35.*)
à me in æternum.

Sermo in Festo S. Benedicti.

Sanctus multorum Ordinum, sed & Ordinis nostri Patriarcha no-
mine & omine Benedictus, præventus à DEO in benedictionibus dulce-

A dulcedinis, (*Psal.* 20.) benedixit Dominum in operibus suis (*Eccl.* 39.) unde in oblectatione & benedictione à DEO susceptus, nobis quoque; Posteris suis post se reliquit benedictionē. Præventus inquam à DEO in benedictionibus: Quis enim potest esse benedictus, nisi cui benedixerit Dominus? & hæc prima gratia est præveniens nos, eligens nos, adoptans nos, utique gratia, quia nullo merito nostro, gratis & gratuito nobis datur, profluens ex ipso fonte Divinæ bonitatis. Hæc gratia DEI est sicut Paradisus in benedictionibus, & misericordia ejus in seculum permanet, (*Eccl.* 40.) misericorditer nos ad gloriam suam æternam (ô utinam) prædestinans! Benedictus DEUS & Pater misericordiarum,

B (*2. Cor.* 1.) qui Divum Patrem nostrum elegit, ut esset re & nomine Benedictus, ac talem in oculis ejus gratiam inveniret. Hæc gratia, vera benedictio Domini multiplicata quasi fluvius (*Eccl.* 39) inundavit in ipso, dum variis virtutum profluviis vitæ cursum transigeret in omni benedictione. In operibus suis DEUM semper benedicens, excelsa peteret montium, non ut lederet in monte testamenti cum superbo lucifero, (*Isaia* 14.) sed potius in valle humilitatis radicans, virtutum gradibus ascenderet montem Domini, ibique excellentiam & celsitudinem adipisceretur meritorum. Hinc inter medium montium fecit pertransire aquas (*Psal.* 103.) doctrinæ suæ, ita ut de ore ejus prudentiæ mel procederet; (*Cant.* 4.) mellita videlicet Regulæ sanctæ fluere eloquia (verè benedictum eloquium ejus) (*1. Reg.* 25.) adeoque fluentia gratiæ sibi concessa nobis quoque populo suo ministraret. Ita sanè benedictio Domini super caput justī, (*Prov.* 10.) in benedictione enim erit justus, (*Psal.* 36.) cujus justitia fuit, sicut montes DEI. (*Psal.* 35.) Sed quis ascendet in montem Domini. (*Psal.* 23.) Respondet Vates Regius: Innocens manibus & mundo corde, qui non accepit in vano animam suam, (*Ibidem.*) uti sanctus Pater noster, qui ab ipso pueritiæ suæ tempore, nulli animum dedit voluptati, imò quasi aridum mundum cum flore despexit: spinarum aculeis innocentiam suam, & cordis munditiem muniendo. Hic accipiet benedictionem à Domino & misericordiam. (*Ibidem.*) Accepit equidem eam Patriarcha noster à DEO auctus benedictione; ut benedicetur cum fidei Abraham, & exinde benedictionem omnium Gentium daret illi Dominus, (*Eccl.* 44.) ut esset plenus benedictionibus, & benedicerentur in ipso universæ cognationes terræ. (*Gen.* 28.) Planè uti Abraham Patri multarum Gentium (*Gen.* 17.) ita Divo Benedicto Patri multorum Ordinum benedixit DEUS dicens: Benedicam tibi, & magnificabo nomen tuum & risque benedictus. (*Gen.* 12.) Sed Fratres mei, quæ fundamenta sunt in montibus istis sanctis (*Psal.* 86.) Patris nostri? Ubi magnitudo hæc radices suas fixit? in valle benedictionis, (*2. Par.* 20.) in valle humilitatis. Ita nos docet primus & magnus Theologorum Doctor Augustinus; Magnus esse vis? à minimo incipe. Cogitas magnam fabri-

Gratia præveniens.

Montes Benedictus amabat.

Regula Sancta.

Vita austeritas & innocentia.

Patriarcha multorum Ordinum.

Valle Humilitatis.

F.

cam

Humilitas
fundamentum.

Familia Ca-
sarea.
Sacerdotium
recusat S. P.
Valles Cister-
ciensium.

Stabilitas.

Humilitatis
fructus.

Oliua.

S. Ordo.

Zelus Verbi
& Exempli.

Solitudo.

Timor DEI.

Gladus Cher-
ubim.
Crux Lignum
vitæ

cam extruere celsitudinis? de fundamento prius cogita humilitatis. I-
dem nos admonet mellifluus Pater noster verus Divi Benedicti imitator.
Ubique vallis laudatur, ubique humilitas prædicatur. Ibi plantare ubi
decursus aquarum (*Psalms. 1.*) quia ibi copia gratiæ Spiritualis &
aqua, quæ super cælos sunt, laudant nomen Domini, (*Psalms. 148.*)
id est cælestes benedictiones faciunt, ut laudetur. En fundamentum
humilitatis Divi Legislatoris nostri vallis benedictionis, cui innititur
mons perfectionis. Quis non agnosceret summam sancti Benedicti humi-
litem, qui intelliget ipsum ex Illustrissima imò Casarea familia Roma-
na progenitum, infimam elegisse paupertatem, & in ea ne quidem Sa-
cerdotio initiari voluisse? Quam profunda humilitatis vallis in sanctis-
simo Patriarcha! Beatos nos, qui consedimus in Ordine Cisterciensi,
plantati sumus in vallibus. Nonne ibi Claravallis, alibi Bonavallis, hic
Speciosa vallis, illic Aurea vallis, ubique valles. Hinc Proverbium; Ber-
nardus valles, montes Benedictus amavit, ut vallibus nostris suam im-
pertiretur benedictionem. Stemus in hac Valle Olivæ nostræ Charissi-
mi, ascensiones in cordibus nostris faciamus ex hac valle lacrymarum.
(*Psalms. 83.*) Etenim benedictionem dabit Legislator noster, (*Ibidem.*)
ut excitati spiritu, cui ipse servivit, eamus de virtute in virtutem, donec
videamus DEUM nostrum in monte Syon. (*Ibidem.*) Stemus inquam,
sed plantati stemus; verba sunt Melliti Patris nostri, ut non arescamus,
non moveamur quocunque flatu: stemus in valle humilitatis, in valli-
bus enim pinguedo est. Hic proficiunt plantæ, ibi plena spica, ibi cen-
tesimus oritur fructus juxta illud; & valles abundabunt frumento.
(*Psalms. 64.*) Erimus sicut Oliva fructifera (*Psalms. 51.*) plantata secus
decursus aquarum. (*Psalms. 1.*) Quidni? nonne testimonio ipsiusmet
Sedis Apostolicæ Ordo noster est parvus fons, qui crevit in fluvium, &
in lucem solemque conversus est, & in aquas plurimas redundavit?
(*Esther. 10.*) Sequatur unusquisque nostrum consilium Sapientis mo-
nentis & dicentis: Bibe aquam de Cisterna tua, (*Proverb. 5.*) de Or-
dine Cisterciensi; Bibe & fluenta putei tui (*Ibidem.*) id est Regulæ
S. Benedicti, ut fiat in te fons aquæ salientis in vitam æternam, (*Joan.*
4.) & de ventre animæ tuæ fluant aquæ vivæ (*Joan. 7.*) & ne tantum
tibi vivas, deriventur fontes tui foras, & in plateis aquas tuas divide,
(*Proverb. 5.*) doctrinā & bono exemplo omnibus, sed maximè vicinis
tuis ad conversionem eorum prælucendo. Nihilominus habeto eas
solus (*Ibidem.*) in solitudine spiritus gratiam DEI conservando, ne sint
alieni particeps tui, (*Ibidem.*) alieni planè à te & hostes tui, ne tol-
lant tibi gratiæ Divinæ benedictionem, sed demùm semper sit vena tua
benedicta. (*Ibidem.*) Pro ejus custodia assume timorem DEI, qui est
sicut paradisus benedictionis (*Eccl. 40.*) est flammeus Cherubin gla-
dius ad custodiendam viam ligni vitæ (*Gen. 3.*) quod est lignum Cru-
cis. Benedictum hoc vitæ lignum, per quod fit justitia, per quod ope-

ratus

dicimus

*Paulatio
Benedictionis
à S. P.*

*Patriarcha
Patriarcharum.*

*Olive bene-
dictio &c.*

*Pro quibus
randum die
Sermonum.*

dicimus Dominum. (*Psal. 113.*) Jam ad te supplex sermo meus con-
vertitur benedicte Domini, (*Gen. 24.*) Abba Benedicte, Abba Pater.
O verè Abbas! sed ego nihilum ante Te; (*Psal. 38.*) Abbas nomi-
netenùs. Benedic & mihi Pater mi (*Gen. 27.*) utique non unam ha-
bes benedictionem, (*Ibidem.*) qui possides benedictiones Cæli & ter-
ræ, qui propriis benedictionibus Romualdum, Cælestinum, Gualber-
tum, Brunonem, & nostrum S. Patrem Robertum, cujus indignus sum
pedissequus, benedixisti: Benedic mihi, ut benedicat mihi Dominus,
& populo meo in pace; (*Psal. 28.*) ut benedicam Dominum, qui tri-
buat mihi intellectum (*Psal. 15.*) pascendi gregem suum. Benedic
Domui servi tui Olive huic, ut sit sicut odor agri pleni, cui benedixit
Dominus. (*Gen. 27.*) Benedic coronæ anni benignitatis tuæ (*Ps. 64.*)
in hoc annuo Festivitatibus tuæ die congregatæ. Sumus Oves pascuæ tuæ
(*Psal. 73. & 78.*) Regulæ Sanctæ, benedic nobis de Domo Domini.
(*Psal. 117.*) Benedic Sanctissimo nostro Pontifici Summo Innocentio
XI. toti que Clero. Benedic Serenissimo Regi nostro Joanni, ejusque
Regiæ Familiæ ac toti Regno. Benedic animabus agone & purgato-
rio igne pressis, ut benedictus Dominus super omnes suam mirificet mi-
sericordiam. (*Jud. 13.*) Impetra benedictionem à Benedicta in mu-
lieribus, & à Benedicto fructu ventris ejus; (*Luc. 1.*) ut quando veniet
ipse Christus Filius Benedicti (*Marci. 14.*) judicare orbem terrarum in
justitia, & populos in æquitate (*Psal. 97.*) ab auditione mala (ite
maledicti) (*Matth. 25.*) non timeamus, (*Psal. 111.*) sed auditui nostro
det lætitiā, (*Psal. 50.*) & audire mereamur unā tecum desideratissi-
mam sententiam: venite Benedicti. (*Matth. 25.*) Fiat, fiat.

Sermo in Dominica Palmarum.

Venit JESUS Jerosolymam. Joan. 12.

*Olive Pacis
triumphat.*

Babylon quid?

*Nil Religioni
& Diffidit.*

FRatres mei ad Olivas currite, ad palmas properate: venit JESUS,
venit Salvator, venit Salus nostra: Sed quo venit? Jerosolymam:
venit ad visionem pacis. Felix Domus, in qua pax regnat & vi-
detur, unio stringit, ordo servatur, concordia triumphat, ubi sunt una-
nimes, unius moris in domo, (*Psal. 67.*) idem sapientes, (*2. Cor. 13.*)
idiplum invicem sentientes (*Rom. 12.*) non in malum, sed in bonum.
Babylon est Domus confusionis, est infernus, ubi nullus ordo, nulla
pax, sed sempiternus horror turbarum inhabitat. (*Job. 10.*) Fugiamus
de medio Babylonis, (*Ierem. 15.*) non est ibi DEUS, sed Jerosolymis,
ubi videt pacem, siquidem in pace factus est locus ejus. (*Psal. 75.*)
Habitemus Jerosolymis, id est servemus unitatem in vinculo pacis.
(*Eph. 4.*) Fratres sumus, fraternam amemus unionem. In Seculo ubi
meum & tuum parit diffidia, rara est concordia Fratrum. (*Ovid. 1. me-
tam*)

A ram.) In Religione omnia communia, ubi meum exulat, nostrum dominatur, firma est concordia fratrum. Cum hac occurramus JESU, procedamus obviam Salvatori nostro, sed cum ramis Olivarum & palmarum. Si est pax inter nos, sit etiam pax nostra cum DEO, ne nos redarguat conscientia nostra (2. Cor. 1.) ne quid lateat in nobis offensæ Divinæ: Sit pax externa, sit & interna; sit pax in nobis, ut caro sit subdita animæ, passionibus subiectæ iudicio; voluntas obediat rationi, & habebimus ramos Olivarum, nec ramos tantum portemus, sed simus ipsi Olivæ fructiferæ in Domo DEI, (Psalm. 51.) uncti oleo sanctificationis, tanquam qui in agone contendunt, (1. Corinth. 9.) velut pugiles certantes contra diabolum Dominum Babylonis. Nulla pax cum hostibus nostris, sed bellum perpetuum: Resistendum Diabolo, (Jacob. 4.) bonum certamen semper certandum; (2. Timoth. 4.) Ac proinde sumamus & palmas, ut simus victores, vincentes inimicos. Sed quâ virtute? non aliâ nisi virtute Christi, virtute Crucis. Nonne statura ejus assimilata est palmæ? (Cant. 7.) ascendamus in palmam & apprehendamus fructus ejus (Ibidem.) Datur nobis victoria per Dominum nostrum JESUM Christum. (1. Cor. 15.) Nonne sapientia DEI exaltata sicut palma in Cades? (Eccl. 24.) videlicet in hac caligine terræ, ubi tenebræ & umbra mortis: (Job. 10.) Hac illuminemur DEUM solum sapientes: Nam etiam apud Ezechielem (Capit. 41.) palmæ inter Cherubinos, inter illuminatos sapientiâ DEI, quæ infinitus Thesaurus hominibus, (Sapien. 7.) sed & victrix omnium est ac triumphatrix. Ex sapientia manabit justitia, sapiens enim non odit mandata & justitias (Eccl. 33) imò servat ea. Et nos si sumus propter disciplinæ dona commendati, (Sapien. 7.) justitiam amemus & servemus. Sic enim mandat Moyles: Quem justum esse perspexerint, illi justitiæ palmam dabunt: (Deut. 25.) utique justus ut palma florebit: (Psalm 91.) Perennat locus, ubi justitia imperat, qui per justitiam radicatur. Ergo simus Olivæ pacis, simus & palmæ justitiæ, ut justitia & pax osculentur (Psalm. 84.) se in nobis, uncti oleo sanctæ unctionis: (Levit. 10. & 21.) Oleo gratiæ Christi pugnemus & vincamus, adeoque ad palmas properemus illuc, ubi palmæ in manibus singulorum: (Apoc. 7.) Postquam in nidulo nostro, in vulneribus Christi nidificantes cum Christo Crucifixo moriemur (Job. 26.) Mundo & nobis, & sicut palma multiplicabimus dies justitiæ, (Ibidem.) ungemur à DEO oleo exultationis, (Heb. 1.) & palmas gloriæ in visione pacis sempiternæ, (Ezech. 13.) in cælestis Jerusalem beata mansione percipiemus.

Pax Spiritualis.

Cui repugnandum?

Palma Victorie Christi Crucis.

Sapientia Justorum.

Palma Justitiæ in pace.

SERMO pro PASCHATE Domini.

Surrexit, non est hic. Matth. 16.

Utinam de nobis verificetur verbum hoc P. R. F. D. Nonne surreximus per Spiritualia exercitia de Sepulchris vitiorum, in quibus

Resurrectio Spiritualis per Exercitia.

*Iustus cadit
& resurgit.*

*Resurrectio fi-
cta Samuelis.*

*Resurrectio La-
zari vera, sed
non diuturna.*

*Christus re-
surrexit, verè
& jam non
mortuus.*

*Pravitas cō-
suetudinis per
Pœnitentiam
tollitur.*

*Emendatio
vitæ.*

bus jacueramus mortui? Dicamus semper Alleluia, id est laudemus DEUM, qui suscitavit JESUM Christum a mortuis (*Roman. 4.*) & qui nos per ipsum fecit resurgere, in quo est salus, vita, & resurrectio nostra (*Gal. 6.*) Mortui eramus per peccata, pavimento mundi adhærendo, inhærendo carnis visco, infixi in limo profundi, (*Psal. 68.*) in luto terræ, tempestate tentationum in puteum interitûs demersi (*Psal. 54.*) sed jam (laus DEO) Spiritualibus exercitiis vivificati à caducis & vanis abstracti, Spiritu DEI attracti, Spiritu DEI agimur, (*Rom. 8.*) spiritu vivimus (*Gal. 5.*) in sanctis propositis, adeoque per continuationem exercitiorum Spiritualium Spiritu ambulamus. (*Ibidem.*) Si enim fuerunt Exercitia: in Exercitio debemus esse illorum ne languescamus, ne torpescamus, imò ne in lorum mortis aut ipsam, quod absit, mortem reincidamus. Quodsi per fragilitatem & infirmitatem nostram contingat recidiva; iterum resurgamus. Septies in diem cadit iustus & resurgit, (*Prov. 44.*) & sic eripitur anima ejus de morte, & pedes ejus de lapsu, ut placeat coram DEO in lumine viventium. (*Psal. 55.*) Triplicem in Scripturis lego resurrectionem: Samuelis fictam, Lazari & aliorum veram, sed inconstantem: tertiam Christi veram & æternam. Christus enim resurgens à mortuis, jam non moritur (*Rom. 6.*) Fictam avertat DEUS à nobis; vera nec durabilis, etiam procul absit à nobis. Quid enim juvat surgere, si rursus volumus cadere? cademus fortassè aliquando, nec adiciemus ultra, ut resurgamus (*Psal. 40.*) jure merito gratiâ DEI, per quam solam sublevamur, si illâ abutimur, destituti; Christi veram & firmam resurrectionem amplectamur. Surrexit enim Dominus verè. (*Luc. 24.*) Videte Lazarum surgentem cum sudario in capite. Non duravit ejus resurrectio: habuit mors, unde illum retraheret ad sepulchrum, ob neglectum vel contemptum. Jam verò cernite Christum resurgentem relicto sudario in tumulo. Sudarium nostrum est prava consuetudo. Sudario caput involuitur & ligatur. In capite omnium sensuum sedes est. Per malam consuetudinem caput animæ nostræ id est ratio obnubilatur, ut nec videat, nec gustet, nec odoretur, nec sentiat, quod bonum est. Inde homo pravo habitu ad peccandum assuefactus & obstrictus illaqueatur, ita ut funes peccatorum illum nimis circumplectantur. (*Psal. 18.*) Hoc pessimum sudarium relinquendum, hæc prava peccandi consuetudo in tumulo pœnitentiæ cum toto peccatorum cumulo deferenda. Si adhuc hæret, ut cogamur dicere: Domine vim patior, (*Isaia. 38.*) vis pravi habitûs, vi correctionis propulsanda. Regnum cælorum enim vim patitur & violenti rapiunt illud. (*Matth. 11.*) Vis est nobis ipsis inferenda, occasiones ad malum amputandæ, societas prava fugienda, & quidquid nos ad recidivam trahere vel allicere potest, penitus à nobis extirpandum & eliminandum est, ut etiam de nobis dicatur: Surrexit, non est hic. (*Matth. 16.*) Non est adverbialiter & localiter, scilicet non est

A est in sepulchro præteritorum vitiorum, non est in tumulo pravorum habituum, non est in occasione relabendi: quia istam evitat, illa delevit, hos pessundedit & annihilavit. Non est hic pronominaliter & personaliter, sed alius. Vetus homo exutus est, novus homo indutus est. Jam re ipsa dicit cum Sponsa Christi: Exspoliavi me Tunicâ meâ (Cant. 5.) quomodo induar illâ? Ita planè, quomodo Christus surrexit à mortuis, ita surgamus à peccatis, ut in novitate vitæ ambulemus. (Rom. 6.) Tres Christus mortuos resuscitavit. Puellam in Cubiculo, (Marci. 5.) Adolescentem in via supra feretrum (Luc. 7.) Lazarum sepultum in tumulo. (Joan. 11.) Triplex quoque in mortaliter peccantibus mors Spiritualis reperitur. Est mors peccati secreta in anima; est mors publica per malam famam; est mors scandalosa per pravam consuetudinem, ubi quatrduanus quis est multorum dierum, inveteratus dierum malorum (Daniel. 12.) jam fætet (Joan. 11.) offendit aures, oculos, nares aliorum. Prima mors facilis ad resurgendum. Tabitha cumi, quod est puella surge (Marci. 5.) unico verbi imperio surrexit parvula peccati proles, à morte rediit ad vitam. Secunda difficilior. Qui portant, stare debent, locus tangitur. Mater monetur ne flet; Christus imperativè loquitur: Adolescens tibi dico surge. (Luc. 7.) Tibi dico verbum est Exhortationis; Adolescens, quia peccatum per malam famam adolevit. Tertia difficillima. Christus multoties rogatus lentè procedit, ubi sit sepultus inquit, ac si nesciret; tumulum aperiri jubet: cum lacrymis tandem voce magna inclamat: Lazare veni foras. (Joan. 11.) Quantus labor hominem peccatorem in prava peccandi consuetudine sepultum, & lapide pravi habitus obrectum, à morte peccati ad vitæ gratiam revocare. Audiamus F. D. has voces imperantis, exhortantis, & fortiter inclamantis, ac surgamus cum ipso verè & perseveranter: surgamus cum Petro velociter, (Act. 12.) surgamus & ambulemus cum Claudio, (Act. 3. & 14.) ut dicatur de nobis, non est hic. Non hæreamus in loco mortis, in loco peccati; non adhæreat pavimento terræ anima nostra, sed occiso homine peccati, facti nova in Christo creatura (2. Corint. 5.) consurgamus cum Christo; quæ sursum sunt sapiamus, quæ sursum sunt quæramus. (Coloss. 3.) Quæramus hic ad tollendam mortem JESUM Crucifixum, ut illic ad capiendam vitam Nazarenum floridum in Paradiso possimus reperire.

Mutatio morum.

Tres mortui à Christo suscitati.

Triplex Mors peccati: secreta, publica, scandalosa.

Inveterati peccatorum difficile convertuntur.

Voces Christi imperantis, exhortantis, inclamantis. Surgendum ut Petrus, ut Claudus, ut Christus.

* Psal. 119

Quæres Crucifixum, invenit Nazarenum.

Sermo habitus pro valedictione Convēntūs sub Primum ad Aulam Seren. Joannis III. Regis & ad Illustrissim. ac R. D. Madalinski Episcopum Vladislaviensem Volbo-riam ratione Panis Hiberni discessum.

Quam invitatus abstrahar & avellar à vobis P. R. F. D. testis est ipse cordis mei Scrutator, (Sap. 1.) cujus haud dubiè dispensatione fit, ut in

*Absentia Præ-
lati graves
causæ.*

*Sollicitudo
pro Subditorū
profectu Spiritu-
tuali.*

*Vicarij Spiritu-
tiales.*

ut in hanc itineris horam venirem. Cogor publico Servitii Regii ministerio: stringor negotiorum Majestatis obligatione, sed coarctor utrinque, cupiens manere potius vobiscum, quam dissolvi (*Philip. 1.*) & esse cum Aula. Quia tamen necessitatis iter est, curabo ne invanum nobis cedat. Conabor ea, quæ nobis interim occurrunt necessaria & utilia apud Majestatem & alibi procurare. Spero iter meum non fore longum; vos orate, ut non sit infructuosum. Utinam adventus Spiritus Sancti acceleret adventum meum ad vos, & det in odore bonæ conversationis, in plenitudine virtutum, abundantia meritorum, supereffluentia gratiarum reperire vos, prout hoc sacro relinquo tempore, post tot Spiritualium exercitiorum & Sanctorum propositorum stabilimenta. Sic stete in Domino Charissimi, in quo rogamus vos & obsecramus (*Philip. 4.*) ut quemadmodum accepistis à nobis, tam quoad Regulam & Statuta, quam quoad Chartam charitatis & meam ordinationem, quomodo oporteat vos ambulare & placere DEO, sic & ambuletis, ut abundetis magis in pietate & doctrina, (*Ibidem.*) quæ sunt Religionum & Religiosorum non tantum decora, sed & robora, de die in diem proficientes. Ego absens quidem corpore, præsens autem Spiritu sollicitudinem meam circa vos non depono, sed repono interim in vicarios regiminis mei, sciens quibus credidi, & certus existens, quod cum DEI adjutorio poterunt depositum meum, quod estis vos Fratres mei, servare & custodire usque in diem (*2. Timoth. 2.*) redditus mei vobis promptè obedientibus & cooperantibus. Hoc unicum curemus omnes sive peregrinantes à vobis, sive manentes, hic voluntatem bonam semper habere, & per continuam orationem præsentem esse ad Dominum: adeoque sive absentes, sive præsentem placere illi studiosè contendamus, cujus nos servitio usque ad mortem (*2. Corint. 5.*) consecravimus.

Post Festum S. Joannis Baptistæ fuit reditus R. D. Abbatis ad Monasteriū; ideò vacant à Paschate Sermones.

SERMO in Festo Apostolorum Petri & Pauli.

Viri Misericordie.

*Conversi
Gratiâ efficaci
ci Misericordie.
D.*

MAgnum nobis peccatoribus solatium hi duo Magni Apostoli adferunt R. P. F. D. Verè ut mellifluus Pater noster dicit, Viri misericordiæ, quia misericordiam consecuti. Nonne unus illorum Christum abnegans, alter persequens? sed unus quoque flens amarè, (*Matth. 26.*) alter amore flexus, promptum se exhibet dicens; Domine quid me vis facere? (*Act. 9.*) Uterque misericordiam consecutus, (*1. Cor. 7.*) Quomodo? unum respexit JESUS misericorditer, alterum de cælo vocavit mirabiliter. En prima gratia misericordiæ Divinæ gratis data, in utroque efficax. Petrus cepit flere, (*Luc. 22.*) quia usque ad mortem ob negationem Christi flere non intermisit. Paulus in Epistolis

A stolis suis se humiliat nominans se abortivum, minimum Apostolorum, nec dignum ut vocetur Apostolus, primum peccatorem (1. Cor. 15.) Quare? quia persecutus est Ecclesiam DEI. (*Ibidem.*) Neuter eorum delictorum suorum deposuit recordationem; uterque memor excelsus, ille abnegationis, hic persecutionis dicebat cum Davide pœnitente: peccatum meum coram me est semper (*Psal. 50.*) Sed nunquid non dimissa erant eis peccata? Utrique Christus resurgens apparuit Petro in signum absolutionis, & pascendas ei oves commisit. Paulus autem post conversionem Vas electionis (*Act. 9.*) declaratus; Et tamen peccatum eorum coram eis erat semper. Quid nos miseri? qui non in uno, sed in multis offendimus? (*Jacob. 3.*) ergonè unâ confessione, unâ absolutione, unâ pœnitentiâ contenti erimus? Non lanè. Monet nos Sapiens: De propitiato peccato noli esse sine metu. (*Eccl. 5.*) Videlicet; semper pœnitendum est usque ad mortem; quandoquidem & Christus, licet pro peccatis nostris, humilis & obediens factus est usque ad mortem. (*Phil. 2.*) Nescimus enim num amore, an odio digni simus. (*Eccl. 9.*) Ideò cum Petro non cessemus flere & pœnitere; cum Paulo nos humiliemus in conspectu DEI, maximos nos peccatores æstimemus. Quæritur in Theologia, quod majus DEI opus sit, an mundum condere, an peccatorem justificare? Resolvit nobis quæstionem Sol Theologorum Augustinus: Majus opus est, quòd ex impio fiat justus, quàm creare Cælum & Terram. Dat causam alter sol Theologicus Thomas. Quia creatio terminatur ad bonum naturæ mutabilis, justificatio autem terminatur ad bonum æternum Divinæ participationis. Confirmat præfatus Augustinus. Nimirum cœlum & terra transibunt, prædestinatorum autem salus & justificatio permanebit: & hæc non fit, nisi per misericordiam DEI. Idipsum nobis Regius Vates declarat dicens: Miserationes ejus super omnia opera ejus. (*Psal. 144.*) Iam verò, nonne omnes peccaverunt & egent gloriâ DEI? & quæ gloria nisi misericordia? hinc dum per misericordiam suam nascendo in terris DEUS nos salvos faceret, canunt Angeli: gloria in Excelsis DEO. (*Luc. 19.*) DEUS igitur, qui ex sensu Ecclesiæ omnipotentiam suam parcendo maximè & miserando manifestat; fecit quoque cum Sanctissimis Apostolis misericordiam suam, & Principes Ecclesiæ effecit; quia Petrus ut petra constans in pœnitentia, Paulus antea Saulus, id est misericorditer à DEO postulatus, jam Paulus id est pusillus in humilitate, & promptus in obedientia. Fratres mei nihil petamus à DEO nisi misericordiam; cum Petro constanter ac perseveranter, cum Paulo humiliter ac obedienter; & si secuti sumus peccantes, sequamur etiam pœnitentes, ut cum ipsis quoque misericordiam à Domino consequamur. (*1. Cor. 7.*)

Pœnitentia de propitiato peccato.

Justificatio Peccatoris, major Mundi creatione.

Quid Saulus? Quid Paulus?

Sermo in Visitatione Beatissimæ Virginis MARIE.

Exurgens Maria abiit in Montana cum festinatione. Luc. I.

*Visitatio Jo-
anni salutaris.*

*Exemplaris
nobis festina-
tio.*

*Amica, Colu-
ba, Formosa,
cur?*

*Hyems, Imber,
Flores, qui?*

Currēti calcar

*Maria &
Christi iter
idem.*

*Montana Per-
fectionis.*

*Mōtes Chri-
stus amat.*

*Mons Montium
Christus.*

Postquam exurrexisset DEUS in adjutorium (*Psal. 34.*) generi humano, & exultavisset ut gigas ad currendam viam (*Psal. 18.*) à summo cælo faciens egressionem suam P. R. F. D; vix descenderat de cælis ad ima terræ nostræ, ad infima carnis humanæ, ad angusta uteri Virginalis, & ecce mox animat Matrem suam, ut exurgens abeat in Montana (*Luc. I.*) Num absque Mysterio id factum esse credimus? Minimè sanè. Mysticam hic nobis Spiritus Sanctus (cujus gratia non tarda in hac exurrectione & in montana progressu fecit molimina Mariæ) Mysticam inquam Theologiam repræsentat. Quid enim? Num duntaxat in adjutorium Joanni peccato originali gravato, currit Mater DEI, ut suâ Filiiq; præsentia sanctificetur Joannes, & gratiam DEI, quâ denomina- tur, in se recipiat? Id equidem primariò. Non minùs tamen secundariò, ut & nos doceat viam mandatorum DEI **currere.** Audivit Maria vo- cem dilecti sui pulsantis, ac inclamantis: Surge, propera. (*Cant. 2.*) Et ecce exurgens cum festinatione (*Luc. I.*) Amica mea, utiq; amans; Co- lumba mea, utique gemens; formosa mea (*Cant. 2.*) quia concupivit Rex Speciem ejus, (*Psal. 44.*) & veni, & abiit Maria. Jam hyems tran- siit (*Cant. 2.*) peccati Originalis, rigidæ legis imber recessit (*Ibidem.*) flores apparuerunt in terra nostra (*Ibidem.*) JESUS & Joannes. Sur- ge, propera (*Ibidem.*) repetit iterum, non quòd pigram reperiret, sed ut desiderium suum hac ingeminatione aperiret, & alacritatem excitaret. Audivit loquelam dilecti, & observavit cursum ejus. Ecce iste venit, in- quit, saliens in montibus. (*Ibid.*) Videns talem secuta est, abiens & ipsa in montana. Quidnam sunt hæc Montana? nihil aliud planè, nisi per- fectio vitæ Christianæ, ad quam omnestendere tenemur. Estote perfecti, monet omnis perfectionis Magister Christus, sicut & Pater vester cælestis perfectus est; (*Matth. 5.*) ille qui habitat in Monte Syon. (*Psal. 9.*) qui pro lege sua condenda elegit montem Sinai. Qui Eliam 40. dierum cursu ad montem Horeb duxit. (*3. Reg. 19.*) Sic & ipse similis Capræ hinnu- laque Cervorum supra montem Bethel, (*Cant. 2.*) id est Domus DEI, videlicet Ecclesiæ Sanctæ; Filius DEI, in monte doctrinæ suæ Divinæ præcepta Apostolis manifestavit; transfiguravit se in monte Thabor, & gloriam suam detexit. (*Matth. 17.*) In monte Calvariæ salutem per Cru- cem & mortem suam operatus est, (*Psal. 73.*) In monte Oliveti orare, ad passionem capi, ad coelos ascendere exoptavit: Ubique montes elegit Dominus, in quibus beneplacitum DEO habitare. (*Psal. 17.*) Ad Supre- mum tamen montem trahit nos Propheta vociferans: venite, ascendamus ad montem Domini, (*Isaia. 2.*) Domum DEI, DEI montem præpa- ratum in vertice montium, (*Mich. 4.*) montem, qui ex parva petra exurgens totum orbem replevit. Et nos quid Fratres mei? num ad- huc

- A** huc hærebimus in pulvere, reptabimus in sabulo iniquitatum? Serpentis opus hoc, cui dictum; super pectus tuum gradieris. (*Gen. 3.*) Vermiculorum debilitas hæc repere in cinere terræ. Nos qui Aquilæ esse debemus, per contemplationem ad excelsa volare, in arduis nidos ponere, (*Job. 39.*) in Montana cum Maria Aquila grandi magnarum alarum (*Ezech. 17.*) abire debemus. Sed quæ hæc excelsa, quæ montana? Respondet Aquila Theologorum Augustinus: præcepta justitiæ, de quibus dicitur: justitia tua sicut montes DEI. (*Psal. 35.*) Ad hos montes justitiæ Divinæ, ad hæc excelsa perfectionis ejus ascendendum nobis est. Si descendimus, reperimus infirmos: ipse descensus infirmitas est. Verum in excelsis infirmi esse non possunt, asserit ambrosiam propinans Ambrosius. In sublimi habitat DEUS, ad quem nobis eundum est, per ardua studiorum, per ardua laborum, ad ardua montium sapientiæ Divinæ, ad ardua virtutum. Quarumnam? Illarum profectò, quarum nobis in octo Beatitudinibus comprehensum compendium ipsa summa Veritas declaravit. Sed quis ascendet in montem Domini (*Psal. 23.*) Fratres mei? Turba non sequitur ad excelsa, non ascendit ad sublimia; qui facillè turbatur, turbat se, turbat & alios sine causa, non est in ascensu. Debiles & infirmi non ascendunt, nisi prius sanentur. Sic docet mellissius Ambrosius: Prius unusquisque sanandus est, ut paulatim virtutibus procedentibus ascendere possit ad montem, qui Christus est; qui stat in monte Evangelizans Syon, quasi tuba, exaltans vocem, (*Isaia. 58.*) & dicens: venite post me. (*Matth. 4.*) Habet & impius montes suos, montes abominationum, excelsa idolorum. Ipsemet quoque ascendere voluit, sed iniquè: Ascendam dicit, super astra exaltabo solium meum, sededo in monte Testamenti (*Isai. 14.*) Montes ejus sunt montes superbiæ, montes præsumptionis, montes contemptus aliorum, qui vix tanguntur, mox fumigant. (*Psal. 103.*) Hi sunt, quibus Rex justus maledicit: montes Gelboe, (*2. Reg. 21.*) quod interpretatur revolutio investigationis; qui retrò volvuntur per abrupta vitiorum non investigantes vias Domini: unctus Domini cadit, unctio perit Divinæ gratiæ, meritò rore cæli & pluviâ donorum DEI indigni. Isti sunt montes, qui humiliabuntur, (*Isaia. 40.*) qui complanantur in via Domini. Procul à nobis hi montes; Procul nos ab istis montibus simus; quia à facie Domini sicut cera fluent. (*Psal. 57.*) Ad montes DEI nobis eundum, qui sunt consummata justitia: fundamenta ejus sunt in montibus sanctis. (*Psal. 86.*) Altitudines montium ipsius sunt, altitudines montium ipse conspicit. (*Psal. 94.*) Exurgamus cum Maria, cum Domina nostra eamus servi, cum Matre nostra progrediamur filii, cum Patrona nostra ascendamus clientes in montana justitiæ Divinæ, perfectionis Christi, Mysticæ Theologiæ, arcanæ videlicet cum DEO locutionis & conversationis. Licet obmurmuret caro, corpus quod corrumpitur, aggravet animam; (*Sap. 9.*) Exurgamus nihilominus, & si fragilitas nos

Aquilas nos esse decet.

Præcepta justitiæ sunt montana.

Infirmitas humana.

Beatitudines s. Virtutes octo.

Turba tropol.

Via Incipientium.

Montes impiorum.

Gelboe quid?

Montes DEI consummata justitia.

Mystica Theologia.

Periculosa
cessatio.

DEI PARÆ
auxilium.

à cursu revocat, si infirmitas ab ascensu retardat, mactæ animis sumus: sit cordi nostro insculpta Melliflui Patris nostri sententia: In via Domini non progredi, regredi est. Habemus Præcursores nostrum; omnia possumus in eo, qui nos confortat: (*Philip. 4.*) Habemus Ductricem Mariam, Stellam maris, quæ nos præcedit, exemplo trahit, prece fulcit, patrocinio tuetur. Sequamur Mariam, ut in monte DEI salvemur, (*Gen. 19.*) & requiescamus. (*Psal. 14.*)

SERMO in Festo Assumptionis B. Virginis MARIE.

Optimam partem elegit Maria. *Luc. 10.*

Liberum arbitrium.

Eligendum optimum.

Unum necessarium.

Cælum animatum.
Imitanda B.
V.

Anima quomodo
de cælum?

Magna res à DEO homini data liberum arbitrium P R F D, quod quidquid vellet homo, perfectâ sibi eligeret libertate. Ante hominem vita & mors, bonum & malum dicit Sapiens; quod placuerit ei, dabitur illi. (*Eccl. 15.*) Quis non eligat vitam pro morte, pro malo bonum? Sed ecce quàm insani Filii Adæ, quod sint interdum mortis & mali potius Electores, exteriori specie illecti & illaqueati. Non sic Mater DEI & Virgo: optimam partem elegit. (*Luc. 10.*) Duas creavit DEUS in Orbe partes, Coelum & terram. Et quidem Coelum Coeli Domino; terram autem dedit Filiis hominum, (*Psal. 113.*) ad incolendum, non possidendum. In homine duas constituit partes; corpus & animam, sive carnem & Spiritum. Porro unum est necessarium, (*Luc. 10.*) Spiritu vivere & Coelum petere. Hæ sunt optimæ partes, quas elegit Maria Electrix Beatissima. In carne, non secundum carnem vixit, sed Spiritu DEO, qui Spiritus est, se consecravit. In terra, non cum Terra conjuncta, sed quæ super terram (*Coloss. 3.*) ambiens, in Cælo commorata est. Unde etiam merito hodie ex sensu Sancti Joannis Damasceni Virgo immaculata, quæ nullis terrenis (multo minus carnalibus) inquinata est affectibus, sed Cœlestibus educata cogitationibus, non in terram reversa est, sed cum esset animatum Coelum, in Cœlestibus Tabernaculis collocatur. Sequamur Clientes Virginem, servi Dominam, filii Matrem. Et quidem terram cum carne ex terra facta conculemus. Coelum Spiritu è Cœlis à DEO nobis inspirato requiramus, & dicamus cum Regio Vate: unam petii à Domino, hanc requiro, ut inhabitem in Domo Domini omnibus diebus vitæ meæ (*Psal. 26.*) Coelum DEI sedes est, (*Isaia. 66.*) sit anima nostra DEI sedes, coelum erit: adeoque ut Coelum ad Coelum spectabit. Iam verò DEI sedes erit, si libera à peccato, DEUM solum integrâ quærat & teneat libertate. Felix Maria, in cujus tabernaculo requievit ille, qui eam creavit; non tantum spiritualiter, sed & corporaliter: Et nos quoties utroque fruimur (si tamen verè fruimur) Sacramentaliter illum suscipiendo? ubi DEUS, ibi Coelum; DEUM ergò habentes, Coelum inhabitamus. Et hoc est unum necessarium; hæc optima pars, quæ à nobis minimè aufertur

- A** tur. (*Luc. 10.*) Licet proinde corpore in terra constituti simus, cogitatione & aviditate Spiritus, conversatio nostra sit in Coelis. (*Philip. 3.*) Signum perditionis est, raro vel nunquam à terra elevari, & ad Coelum aspirare. Signum salutis, à terra abstrahi, & Coelum continuo cordis affectu deliderare. Fratres mei, hic exilium, ibi Patria; Non habemus hic manentem Civitatem, sed futuram inquirimus; (*Hebr. 13.*) illam Coelestem Jerusalem, visionem Pacis, quæ DEUS est. Anima nostræ sunt filiæ Jerusalem: ergò tendant ad Matrem suam. Ipsa Mater DEI nostra Mater est; Hierusalem est, Pacis visio, in qua velut pace factus est DEI locus. (*Psal. 75.*) Quàm gloriosa dicta sunt de te Civitas DEI, (*Psal. 86.*) in voce exultationis & confessionis sonus epulantis. (*Psal. 41.*) Ad coelum, quò de deserto ascendit hodie deliciis affluens (*Cant. 8.*) Maria, Fratres mei, ad Coelestem Hierusalem, ad Matrem DEI in Coelis regnantem Coeli & terræ Reginam, ex hoc terræ deserto, corpus animale in Spirituale convertentes, optimâ parte nostri animâ, ad optimam partem DEUM felici electione festinemus, anhelemus, evolemus; ibique Mariæ vestigia amplectamur, ut ab ipsa benedici, & ad unum summum Bonum in æternum possidendum duci mereamur.

Conversatio
in Coelis.

Anima Christi-
stiani, Filia
Hierusalem.

Optima pars
nostri Anima,
anima Dei.

SERMO in Festo S. P. N. Bernardi.

Ecce nos reliquimus omnia, & secuti sumus te. Matt. 19.

- I**N derelictione omnium & sequelâ Christi, omnis perfectio & salus Christianorum sita est. P. R. F. D. Sed quotusquisque eò pervenit, ut plenè omnia derelinquat, & integrè Christum sequatur? Si quis, certè Sanctus Pater noster Bernardus culmen hoc perfectionis est consecutus ita cuncta deserens, ut nihil sibi reliquerit; ita Christum sequens, ut ipsum vitâ & moribus planè repræsentaverit. Et quidem adeò se ab omnibus abstraxit iis, quæ terræ sunt, quæ mundi sunt, quæ sui ipsius sunt, ut in terra extra terram, in mundo extra mundum, in se ipso extra seipsum vixerit, terræ conculcator generosus, mundi contemptor magnificus, sui ipsius victor gloriosus. Dicere poterat DEO cum Regio Vate: Quid à Te volui super terram? (*Psal. 72.*) siquidem omnis conversatio ejus, in cælis erat. (*Philip. 3.*) Mundo fuit mortuus, pompas ejus & dignitates Episcopales aspernando per humilitatem, persecutiones superando per patientiam, divitias rejiciendo per paupertatem, propriam voluntatem abnegando per obedientiam, delicias proscribendo per mortificationem, carnem macerando per vigiliis & Jejunia, voluptates proterendo per castitatem; verus in carne Angelus, quam ita Spiritui subdidit, ut Spiritu tantum viveret, sensibus vix uteretur, nec fenestram in Noviciatu, in quo habitavit observando, nec sel-

Perfectio & sa-
lus in quo sta-
ta?

Quàm perfectè
secutus Chri-
stum S. Pater?

Mundo mor-
tuus.

*Infirmetas cor-
poris sanitas
mentis.*

*Melliflui no-
men.*

*Vita Christi-
formis.*

*Ad S. P. per-
oratio.*

lam equestrem, cui insidebat advertendo : gustu in cibis deperdito, A
oleo etiam, loco potionis sumpto, summâ victûs parsimoniâ & vi-
litate utendo, qui fami arcendæ & vitæ tantum sufficeret sustentandæ;
unde etiam varias contraxerat infirmitates. Hinc Cænobia Ordinis
in vallibus humiditate refertis volebat extrui dicens; Monachis magis
infirmietatem corporis competere, quàm sanitatem. Quidni omnia de-
feruit, qui sic à terra, à mundo, à seipso abtractus, nulli planè cum S.
Legisductore nostro animum dedit voluptati. In Christi autem imi-
tatione ita se gessit, ut tam verbo, quàm exemplo, & domi & foris
præluxerit universis. Mellita ipsius eloquia imò dulciora super mel
& favum, (*Psal. 18.*) tot Scripta ejus manifestant, ita ut jure merito B
Mellifluus Doctor nuncupetur. Prædicationes ejus, labores pro Eccle-
sia DEI, sollicitudines pro augmento S. Ordinis quis edisseret? Loqui-
tur hæc omnia sat superque Vita ipsius Christiformis. Et nos quid
Fratres mei? Sumusne jam in progressu eorum, quæ derelictionem om-
nium & Christi imitationem præferunt, an hæremus in limine? Væ
Nobis, si Pater Sanctus Nos filios reperit degeneres! Sed quid dico?
Væ mihi Sancte Pater, qui procul à vestigiis tuis disitatus sum; ne dicam
alienus! Væ mihi, qui nomen & officium Abbatis tecum gero, sed rem
& Statum perfectionis Abbatialis minimè præmefero! Imperfectum me-
um viderunt oculi tui (*Psal. 138.*): Sed Tu precibus tuis sanctis perface
gressus meos in semitis tuis (*Psal. 16.*) Adsis toti Ecclesiæ, quam hic C
doctrinâ & miraculis, sed magis vitâ exemplari sustentasti. Sigillatim San-
cte Pater Bernarde Tuus Cistercius Ordo, Tua Oliva Tibi dedicata,
Te rogat afflictis, quam potes, affer opem. Perfice in Nobis pium
Religionis affectum, & comple effectum. Lacte Mariæ, quod suxisti,
cruore JESU, quo passus es, ablue, si quid in Ordine tuo est coinqui-
natum; Nosque ad pristinum fervorem revoca & antiquæ restitue ob-
servantiæ, ut Tuo exemplo omnia derelinqentes, ac Christum sequen-
tes, & hic Centuplum mereamur accipere, & ibi tecum vitam æternam
possidere (*Matth. 19.*) Fiat, ô utinam! fiat.

Sermo in Dedicatione Ecclesiæ Olivensis.

Hodie in Domo tua oportet me manere. Lucæ 19.

*Magnus Do-
minus.*

*Zachæus
quid?*

DEUS, cujus locus, immensitas; cujus tempus, æternitas, qui de
se publicat : cælum & terram ego impleo; (*Jerem. 23.*) quem
tamen cæli cælorum capere non possunt (*2. Paralip. 6.*) multo
minùs terra; Nihilominus de cælo eloquitur : mea Sedes est, & de terra;
scabellum pedum meorum. (*Isaia. 66.*) Hic ille DEUS immensus, æter-
nus, dicit Zachæo id est Hebraicè Homini, puro, nitido, & Syriacè justo,
justificato : Hodie in Domo tua oportet me manere; (*Luc. 19.*) hoc
est

A est, quod alibi exprimit: Habitabo in vobis, habitabo in medio vestri. (*Exodi. 25.*) Magna bonitas, magna dignatio Majestatis. Quid est homo, quod memor esejus? (*Psal. 8.*) Dominus sine tempore, dicit hodie; sine loco, in Domo Tua; qui nullus habet indigentiam, oportet me manere. (*Luc. 19.*) Fratres Dilecti. Et quæ est Domus nostra, quam inhabitat DEUS, nisi nos ipsi? Templum DEI sanctum est, quod estis vos, docet Apostolus. (*1. Corinth. 3.*) Dominus in Templo sancto suo, (*Psal. 10.*) Dominus Emmanuel, nobiscum DEUS (*Matth. 1.*) Neque enim in manufactis habitat, neque cura DEO demuris. Sed quis condignam DEO in se poterit extruere mansionem? Ipse Dominus faciat hoc, ipse sibi Domum in nobis ædificet. Templum enim Domini, DEI cultura est; DEI ædificatio est; sine ipso nihil possumus facere, (*Joan. 15.*) imò omnis sufficientia nostra ex ipso est. (*2. Corinth. 3.*) Qualem tamen putamus à nobis DEUS requirit domum? Dicam breviter, quantum ipse Dominus concesserit. A fundamentis incipiendum est. Cogitas magnam fabricam construere celsitudinis (monet magnus Ecclesiæ Doctor August.) de fundamento prius cogita humilitatis. Fundamentum ergò humilitas est. Frustra laboramus Fratres mei in ædificio DEI, si basim ejus in vera humilitate non radicamus. Quò hæc profundior, eò altior domus: qui enim se humiliat, exaltabitur. (*Matth. 23.*) Jam quod est fastigium construendæ fabricæ, quam molimur? interrogat idem Sol Doctorum & respondet. Citò dico usque ad conspectum DEI. Altitudo igitur Domus DEI & finis ædificii, est videre DEUM. Id antequam fiat, extruamus turrim contemplationis DEI, ut tanquam ex specula DEI magnitudinem speculemur. Ibi Campanæ sonant Divinarum inspirationum, Cælestium influentiarum resonant melodix. Quàm suavis harmonia DEI loquentis, & audientis hominis. Hic vigilantia nostrâ opus est, ut audiamus, quid loquatur in nobis Dominus. (*Psal. 84.*) Jam verò latera & parietes domus hujus ordinat prudentia, regulat justitia, nectit temperantia, firmat & solidat fortitudo: cardinales utique virtutes in quadro Domum DEI extruentes. Altare tenet cor, in quo ignis amoris Divini, ut semper ardeat, necesse est. Chorum conservant pietas & devotio: Oratio & meditatio: Lectio & prædicatio verbi Divini alternant concentum Divinæ laudis, Deoque canunt gloriam. Jam dedicatio domus hujus, quam amor proximi compaginat, facta est primò in Baptismo, ubi per fidem DEUM in nobis inhabitantem (*Ephes. 3.*) habuimus. Facta iterum per nos, quando in Ordine Sacro Cisterciensi, in hoc loco, qui dicitur Oliva, per Professionem Religionis Sanctæ nos DEO dedicavimus. Terra in qua stamus, locus sanctus est; (*Exodi 3.*) Terra Sanctorum est: videte, ne quis iniqua gerat, adeoque, quod absit, non mereatur videre gloriam Domini; Quod si tamen contingat infici domum hanc no-

Domus &
Templi DEI
sanctus.

Nil sine Deo.

Fundamentum
Humilitas.

Fastigium
Visio D.

Contemplatio.

Campanæ &
Musica Inspi-
rationes D.

Parietes 4.
Virtutes Car-
dinales.

Altare Cor.
Chorus, Orati-
o, Meditatio,
Lectio, Præ-
dicatio.
Dedicatio in
Baptismo Fidei
& Ordinis.

Stabilitas.

* Isa. 26.

Scopa Pani-
tentiæ.

Nolite locum
aure diabolo
cui.

Sacrista Ti-
mor DEI.

Foris Canes
tropol.

Cavenda pro-
fanatio.

Frenum Con-
cupiscentiæ
Timor DEI.
Sepulchrum
Vitiurum.

Sacrificia vir-
tutum.

Holocauftum
Amoris D.

Oratio pro
Domus DEI.

stram aliquo pulvere humanæ fragilitatis, adit ocyùs scopa confessionis ad expurgandum; adit baptismus pœnitentiæ ad abluendum & mundandum hoc DEI templum. Venit mundus quandoq; & appetit domum nostram inhabitare per vanitatem; venit caro, ut commoretur per voluptatem; venit diabolus, ut possideat per malitiam. Claudantur fores P. R. F. D. ne hi pessimi hospites ad nos, multominus in nos veniant. Sed quis erit Portarius? quis erit Sacrista? nullus, nisi Timor DEI; hic est, qui expellit peccatum, (*Eccl. 1.*) hic est, qui non admittit iniquitatem. Foris canes murmurationum, invidiarum, dissensionum. Profanatur autem templum DEI sanguine & semine; hunc ciet ira; istud voluptas; potentiæ duæ dominantes in nobis irascibilis & concupiscibilis. Istas in freno tenere debet bonus Sacrista Timor DEI. Ante omnia autem abstineamus ab operibus mortuis peccatorum, vitiurum, pravorum habituum. Si qui sunt, sepeliantur in pulvere contritionis, in cinere humiliationis sui, imò lapide mortificationis opprimantur, ut simus Zachæi, puri, nitidi, iusti; justificati. Et sic consurget domus DEI in nobis benè fundata supra petram Christum, (*Matth. 7.*) in meritis ejus; benè firmata per gratiam Spiritûs sancti. Hic variæ virtutes sua offerant sacrificia: thymiama obedientiæ, cinnamomum paupertatis, balsamum misericordiæ, myrrha jejuniorum, flores rosarum & liliorum in puritate & castitate cum holocausto amoris Divini super altare cordis Domino offerantur in odorem suavitatis, (*Exod. 29.*) ut odoratus Dominus (*Gen. 8.*) benedicat nobis & perficiat in nobis, quæ operatur. Nisi enim Dominus ædificaverit domum, invanum laboraverunt, qui ædificant eam. (*Psal. 126.*) Invocemus igitur ipsum orantes semper. (*Colos. 1.*) Tu Domine universorum, qui nullius habes indigentiam, (*Luc. 18.*) voluisti templum tuum fieri in nobis, conserva domum istam immaculatam & impollutam (*Mach. 14.*) in æternum.

Sermo in Festo Omnium Sanctorum.

Filij Sancti
Religiosi.

Ordo singula-
riter Sacra

* ipsi

SI unquam, certè hodie Sanctificamini, (*Josua. 3.*) ante omnia Filii Israel ad solennia omnium Sanctorum condignè celebranda. Filii Israel dico, Filii videntium DEUM, filii Sanctorum. (*Tob. 2 & 8.*) Nos intelligo Fratres mei; qui & in vocatione sancta (*2. Timoth. 1.*) sumus, & in terra Sanctorum habitamus; quia locus, in quo stamus terra sancta est, (*Isaia. 26.*) & in Sacro Ordine præter alios Ordines ita singulariter nominato, DEO nosper sanctam Professionem consecravimus; obligati tanquam filii Sanctorum, (*Tob. 8.*) Patrum nostrorum vestigia imitari. Ita sanè, & sanctificati, & sancti esse debemus: si nunc memoriâ, postea consortio Sanctorum volumus delectari. Nequè enim laudare possumus, quos non imitamur, neque nos de-
generes

A generes aut diffformes audire, imò nec aspicere dignabuntur. Unde non arbitremur nos venturos in numerum Sanctorum, adeoque nos sanctos in cælo futuros, si non prius hic in terra sancti esse adnitamur, si non serviverimus DEO, quemadmodum ipsi, in sanctitate & iustitia coram ipso omnibus diebus vitæ nostræ. (*Luc. 1.*) Nemo quidem ante funera dici potest beatus vel sanctus: Nemo tamen, ibi æternâ cum Sanctis DEI in gloria numerabitur, qui non voluerit per vitæ conformitatem hic communione Sanctorum, imò sanctitatis ipsorum imitatione gaudere. Neque, quod absit, fictam aut apparentem præ nobis ferre debemus sanctitatem; Sed tenemur servire DEO in veritate sanctitatis. Incumbit ergò nobis hæc necessitas, ut sanctificemur & sancti simus. Ita imperat DEUS, se ipsum statuens in stimulum & exemplum: Sancti estote, quia ego Sanctus sum Dominus DEUS vester (*Levit. 11. & 19.*) Id requirit sigillatim in Sacerdotibus & Levitis, quorū officia exercemus. Illis dictum est: Sacerdotes Domini incensum & panes offerent DEO, & ideò sancti erunt DEO suo, & non polluent nomen ejus. (*Levit. 21.*) Istis convenit, ut sanctificentur qui portant vasa Domini. Sed quod si nos ipsi simus vasa sanctificationis? Utiq̃ue: imò ipsum Templum DEI sanctum, (*1. Cor. 3.*) quod sumus nos. Qui hoc violaverit aut profanaverit per peccatum, disperdet illum DEUS. (*Ibidem.*) Videte igitur vocationem vestram Fratres mei, (*1. Cor. 1.*) quia non vocavit nos DEUS in immunditiam, sed in sanctificationem. (*1. Tess. 4.*) Considerate obligationem vestram, statum vestrum perpendite, quia estis Cives Sanctorum & domestici DEI. (*Ephes. 2.*) Elegit enim nos DEUS, ut simus sancti & immaculati in conspectu ejus (*Ephes. 1.*) in charitate. Ibi abest macula, ubi adest charitas non ficta, (*2. Cor. 6.*) ibi non est sanctitas, ubi regnant murmura, odia, invidiæ, detractiões, contentiones, simulationes: ubi reperitur superbia, præsumptio, gula, acedia, negligentia, dissolutio, ibi exulat sanctitas. Fornicatio autem & omnis immunditia, (*Ephes. 5.*) avertat DEUS! nec nominetur in nobis, sicut decet Sanctos DEI, (*Ibidem.*) turpitudine aut stultiloquium, aut scurrilitas, quæ ad rem non pertinet. Ista enim non habent hæreditatem in Regno Christi & DEI. (*Ibidem.*) Sed magis gratiarum-actio, quæ etiam maximè in cælis decantatur. In omnibus monet Apostolus, in omnibus bonis & malis, prosperis & adversis, gratis & ingratis, gratias agite (*1. Tess. 5.*) & ibi est sanctitas. Invanum laboramus Fratres mei, si non habuerimus verum & constantem sanctitatis zelum, nil nobis proderunt jejunia, orationes, eleemosynæ, vigiliæ, mortificationes, & his similia, si non fuerint veræ sanctitatis zelo condita; Vera sanctitas est diligere DEUM, diligere proximum sicut se ipsum, (*Matth. 5.*) diligentibus autem DEUM omnia cooperantur in bonum. (*Rom. 8.*) Notate Omnia, etiam adiaphora id est indifferentia, prout sunt omnes actus humani naturales. Sed quibus omnia in bonum co-

K

operan-

Sanctitas in
terris incō-
anda.

Vera Sanctitas.

Sacerdotes
DEI.

Templum D:
Spirituale.

Sanctitas Pu-
ritas.

Cives Sancto-
rum Monachi.

Charitas non
ficta.

Quid dedecet
Sanctos?

Gratiarū actio.

Opera extra
sanctificantem
Gratiam mor-
tur.

Sanctitas Ché-
ritas.

Adiaphora.

Secundū pro-
positum sācti.

Non dormien-
tibus Regnum
DEI.

Certandum
legitimè.

Arcta via Pe-
nitentiae, Ab-
negationis, Cru-
cis ad mortem.

Nihil coin-
quinatum in-
trabit in R. C.

Quis ascendet
in montem DEI?

Paupertas. Ca-
stitas. Contē-
ptus Mundi.
Charitas. O-
bedientia.

Sors Sanctorū.

D. DEUS E-
xercitū Mi-
litantis & Tri-
umphantis Ec-
clesiae.

operantur? His, qui secundum propositum vocati sunt sancti. (*Ibid.*) Et tales nos esse debemus secundum propositum in continua intentione, in perpetua executione, cum ardentissima intentione, cum amplissima extensione, ad omnia opera sanctitatis. Jam conspiciate illos Triumphatores & Amicos Dei (*2. Timoth. 2.*) in caelis, reperietisne unum ex ipsis coronatum, qui non legitimè certaverit? (*2. Tim. 4.*) Nullum equidem. Bonum certamen certanti, cursum consumanti, vincenti datur corona (*Apoc. 2.*) Nonne Sancti per fidem vicerunt regna, adepti sunt repromissiones. (*Heb. 11.*) Quare? fortes facti sunt in bello, castra verterunt exterorum (*Ibidem.*) afflicti, angustati, quia per multas tribulationes oportet nos intrare in Regnum Dei. (*Act. 14.*) Nonne ipsum Regem gloriae oportuit pati & ita intrare in gloriam suam? (*Luc. 24.*) Christo passo in carne & nos eadem cogitatione armemur. (*1. Pet. 4.*) Levate iterum oculos vestros in montes; estne aliquis ibi, qui non per viam arctam penitentiae & angustam portam abnegationis sui ipsius, per gestationem Crucis usque ad mortem, Christum Sanctum Sanctorum (*Daniel. 9.*) Ducem, Authorem & fontem omnis sanctitatis fuisset fecutus? Nemo sanè. Veneruntne aliqui in censum Sanctorum accediosi, otiosi, murmuriosi, detractores, contentiosi, scandalosi, de se ipsis praesumentes, aestimantes se aliquid esse, cum nihil sint, (*Galat. 6.*) disciplinae Regularis infractores, observantiae destructores, votorum suorum desertores, mali exempli antesignani? Absit haec cogitare. Non intrabit in illam Civitatem Dei, Civitatem Sanctorum aliquid coinquinatum, (*Apoc. 21.*) aut abominationem faciens vel mendacium. Haec igitur velut in speculo considerate & vitam vestram, juxta vitam Sanctorum conformate. Vultis scire, quis ascendet in montem Domini, (*Psal. 23.*) montem sanctum, (*Psal. 2. & 42.*) aut quis habitabit in loco sancto ejus? (*Ibidem.*) Respondet Propheta: Innocens manibus, nil habens proprium, nil faciens sine scitu Superiorum; En paupertas. Mundo corde, qui est absque peccato; En castitas; Qui non accepit in vano animam suam, (*Ibid.*) qui vanitatem mundi haud sectatur; En contemptus mundi. Nec juravit in dolo proximo suo (*Ibidem.*) En charitas, en obedientia. Et haec sunt vota, quae distinxerunt labia nostra (*Psal. 65.*) Haec est sors Sanctorum. Haec est generatio quaerentium Dominum (*Psal. 23.*) Haec sunt media, quae nos recto tramite Sanctorum perducent in Sancta Sanctorum (*3. Reg. 6.*) Ubi sicut hic sanctificamus Nomen DEI, sic ibi cum omnibus Sanctis, sanctum, & terribile nomen ejus (*Psal. 110.*) decantabimus cum Seraphinis clamantes: Sanctus, Sanctus, Sanctus Dominus DEUS Sabaoth (*Isaia 6.*) id est exercituum; DEUS videlicet omnium Sanctorum, qui hic praelia Domini praeliati sunt (*Reg. 25.*) in militante Ecclesia generose, nunc in Triumphante regnant cum DEO gloriose.

SERMO-

A

SERMONES DIVERSI,

In diversis Occurrentiis habiti.

*Gratulatio à Conventu dicta, P. ac R. D. M. A. H.
in Possessione Abbatia Olivensis.*

Postquam pallida Mors Loknicianæ Arboris matura perennitati
meritorum germina funestâ demessuit falce, obmutuerunt vivæ e-
loquentium Oraculorum voces, siluere animata apprecantium sus-

*Christophorus
Loknicke bu-
jus Stemmatis
Abbas anteces-
sor, Autoris.*

B

feralis Catastrophe finem dicendi imposuit. Verùm hodiernæ lati-
tiæ dies ab Altis obtutui nostro affulsit, in quâ orba & mærens Oliva
meliori non potuit funerales detergere lachrymas solatio, quàm dum
Te Neo-Præful ad suos felicibus alis evectum fasces supplici poplite
veneratur. Læta & fausta dies, plena jucunditatis & exultationis,

*De successore
latitia Olive.*

C

quâ sepulchrali è pulvere redivivis linguis nostris in faustissimos peren-
naturæ felicitatis plausus animatâ facundiâ prorumpere, & circumscri-
ptâ verborum planitie incurrentibus in oculos nostros summæ pruden-
tiæ Tuæ radiis honorem adferre licet; quâ candidissimæ Asceterii nostri
Coronæ, Præsuleæ Tiaræ Tuæ, Religiosæ observantiæ, & subjectionis
propensæ deponi fecisti argumentum; quâ genuinâ gestientis animi tes-
lerâ lætitiâ intus diffusam depromens, Te solatiorum suorum metam,
honorum decus, Olivæ delicias in optatissimo recuperatæ valetudinis
accessu hodiernum inthronisationis Tuæ cum plenaria Præsuleæ digni-
tatis potestate diem fortunatis attigisse liminibus lætatur. Ademisti P. ac R.
Domine hâc cunctorum votis desideratissimâ successione, quidquid
squallidus mæror induxerat: abundè nobis reponit hæc præeminentiæ
Tuæ accessio, quotquot parcere nescia crudelior Parca, Lokniciano
vehementiùs colliso stipite sanguineâ diripuit manu fructus honoris & di-
gnitatis. Aureos inquam nobis post letalem Eclypsim fulgere fecisti

D

soles, aureæ reduxilli post feralem tempestatem malaciæ roseum splen-
dorem, pulchrum lubactio mærore & propulsatis afflictionum ac do-
lorum tenebris è præfulgida Inauguratione Tua oriri sentimus lumen
solatiis instructum universis. Ipsi sacrationes hi parietes Divorumque
Aræ (si fari illis per naturam liceret) beatiorem se se fortunam nactas
hodie profiterentur. Et quidni profiteantur? Eum quippe Te Præ-
sulem, eum Antistitem, eum suspiciunt Gubernatorem, qui pulcher-
rimo virtutum splendore, sapientiæ non emorituro fulgore, Sarmatiæ
nostræ limites supergressus, exteris quoque Provinciis abundè illuxisti,
cujus intaminatus Angelicæ puritatis amor, cujus pietas perpetuis in Su-
peros devota obsequiis, humanissima ergà omnes benevolentia, reli-
quorumque meritorum decore tota fulgens vita, & emerita virtus his
dudum aptavit honoribus: Non enim per patrimonii ruinas, aut em-

*Virtus &
Peritia.*

*Introitus per
Ostium.*

*Virtuti nihil
invidium.*

*Virtutis &
Sapientiae im-
mortalitas.*

Labyrinthus.

*Oliveus Ty-
pographiae fun-
datio.*

*Allegoria Pa-
negyrica.*

pti suffragii favores ad apicem Abbatialis honoris conscendisti; sed virtute
& sapientiâ progressus es; non ambitio extorsit, non largitio redemit, **A**
sed virtus detulit, meritum occupavit. Nulla hîc amicorum poten-
tia, nullæ opes; Sapientia Tua, virtus Te Tua extulit, eademque tue-
tur, & clarum in magnis Præsulibus nomen dabit, neque ulla tam in-
grata posteritas illustria Tua obtenebrabit virtutum facinora. Nun-
quam diu latuit virtus; surrexit pressa, & quo calcata magis, hoc se
extulit magis. Sit palma gravata crescit; sit unguenta calcatu
& frictu latentem spargunt naribus odorem. Jam augustissimas Im-
peratorum, Regum, Principumque Aulas rutilanti doctrinâ, profun-
dissimo Judicio, altissimis consiliis, Chrysippeo ingenio, sublimi a-
cumine, cui nihil non pervium; Tullianâ, cui inaccessum nihil, im- **B**
plevisti facundiâ. Copiosam Tuam egregiè loquendi Svadam & pulcher-
rimam persuadendi ubertatem ex publicis amplissimi Regni nostri Le-
gationibus, decorè & fructuosè functis, disertissimus sæpè admiratus
est Senatus, magnâ nominis & opinionis Tuæ famâ. Viget vigebit-
que honos, nomenque Tuum in non emouituram ætatem, dum uni
Tibi virtutibus clarissimo, & ea, quæ fuerunt, vixère Sæcula, & se-
cutura vivent: dumque metalla liquantur, atteruntur marmora, at-
que edaci invidiâ temporis, ubi semel arrisère oculo, solvuntur arcus,
corruunt moles, atque Pyramides ipsæ sepulchrales funerante tempore
in seipsis tumultantur. Sola Virtutis & Sapientiæ tempora finem nesci- **C**
unt, quæ pignora sunt æternitatis, robustiora metallis & lapidibus con-
stantiusque cum ævo luctantia. Quidquid agit virtus, Sapientia quidquid
scribit, totum tholo figitur in templo perennitatis. Non ingredior
altius virtutum Tuarum campum, ne Dædaleo inclusus labyrintho,
nequidquam exitum quæram Thesei destitutus filamento. Ast ne-
que encomia fers, sed vis amari. Non enim ignoro tantum in Olivam no-
stram imò Tuam, amorem Tuum, quantus assurgenti cuique spei ad al-
tiores passus erigendæ abundè suffecerit: nullæ plantulæ tot argumentis suâ
prosperitatem radianti attribuunt Phæbo: quot experimentis Oliva
nostra indefessos Tuæ quotidie ediscit liberalitatis influxus; hos **D**
vel elingves ipsæ beneficâ à Te erectæ ac fundatæ manu loqvuntur li-
teræ, quarum mutæ Antagonistas Tuos obmutescere, & digito com-
pescere labella fecerunt, liquidæ in primo Electionis Tuæ apparatu,
virtutum bene-gestorumque Tuorum liquorem spargentes, sicut cin-
namomum & Balsamum aromatizans suavitatis odorem dederunt, qui
tamen æmulorum naribus malâ Diphthongorum conglutinatione in-
fectis, odor gravis erat. Vocales vota omnium gratuita, voce vivâ,
vivaci eloquentiâ, vocali Jo vivat! plausu receperunt & sono. Con-
sonantes, cunctos certatim consonantibus votis, vocibus unitis, jun-
ctis calculis, datis dextris in liberrimam dignissimæ Personæ Tuæ E-
lectionem consonare & convenire, ac mira quadam societate conspirare
fecerunt. Juvat

- A Juvat igitur Te P. & R. D. ad amplissimum Abbatialis Præeminen-
tiæ fastigium generoso passu præeuntem, plausu, gratulatione, obse-
quis, & votis lequi. Juvat inter præconcepra gaudia illud appreca-
ri, ut personam tantam decorè sustineas ex gloria DEI, famâ Tuâ,
Sacri Ordinis incremento, usu omnium: virtuteque, Sapientiâ, & me-
ritis partam potestatem, non aliter exerceas, quàm adeptus es. Juvat
unicum illud omnium ore ac votis adnectere, ut addant Tibi annos
Superi usque dum impleas factis æternitatis fastos; dumque interea
Amplitudini Tuæ obsequentissimi ad nutum Filii longævus appreca-
mur soles; Tu P. & R. Pater lucem nobis aspira, quâ nobis ac publicæ
B salutis, præconceptæque lætitiæ nostræ & expectationi præbeas incre-
mentum.

Ratio Regi-
minis.

Apprecatio.

*Responsum P. & R. D. Abbatis ad præfatam
Gratulationem extemporale.*

- L Audes & encomia, quibus me afficitis P. R. F. D. verecundâ exci-
pio facie, tantis laudibus imparem & tot encomiis inferiorem me
agnoscens. Votis autem vestris reciproca repono vota, ea om-
nia, quæ mihi vovetis, mutuâ exoptans vicissitudine. Porro congra-
tulationem solennem, quam mihi Paternitates & Fraternitates vestræ
C filiali exhibent animo, paterno complector affectu: sed ad hunc Sta-
tum meum nescio, an congratulatione, num satius compassione opus
sit: Quid enim? An Status Abbatialis tanquam Dignitas Ecclesiastica
duntaxat est considerandus? Num in eo ratio magnorum proventuum
tantummodò suspicienda? qui tamen tanquam substantia Spiritualium
Bonorum seu veluti vasa Altaris respiciendi, nec in vanitates & pompas,
quibus in ipso Baptismate abrenuntiavimus, sed in veras necessitates dis-
pensandi? Accessoria hæc tantum sunt & exteriora: Principale Status
Abbatialis, quod ego perpendo, est onus ingens regendarum animarum
D ipsis Angelicis humeris formidandum teste Mellifluo Patre & Doctore.
Sic Legislator me adhortatur: Abbas cogitet semper, quale onus susce-
pit, & cui redditurus est rationem villicationis suæ, idque in districto
DEI judicio. Hoc onus mihi incumbit, animum meum premit, gra-
vem mihi parit sollicitudinem, unde mihi magis compatiendum esse ar-
bitrarer. Sed quia sic Divinæ voluntatis dispensatione accidit, ut in me
hæc oneris moles cum statu Abbatiali derivaretur, vestro me in hoc Pa-
tres & Fratres Reverendi adiutorio fateor indigere. Vos potestis mihi
pondus hoc vestra promptitudine & devotione alleviare, quam dum à
vobis imploro, simul ac orationum vestrarum instantiam deprecor. Me
postremo vestris dedico servitiis; Veni enim (liceat mihi verbis Divinæ
Sapientiæ uti; (Matth. 20.) non ministrari, sed ministrare.

Monitum.

Status Abba-
tialis Tempo-
rale.

Principale Re-
gimen animarum
vix difficile.

Promptitudo
& Devotio
subditorum facit
onus leve.

L

Gra-

Exhortatio ad Inchoationem Studiorum Theologicorum A
Olive 2. Januarii. Anno 1684.

*Philosophie
cursus.*

*Theologia
culmen.*

*Theologia
etymon.*

*Via ad Theo-
logiam.*

*Opinio non
asserat.
Fides non ha-
set.
Intellectus nō
scrutetur
Majestatem.*

*Vitanda Con-
fusio.*

*Felix Lochl
p. m. & Prior
Olive & Mi-
gister.*

*Dominus &
Dominus Sci-
entiarum.*

*S. P. Bernardi
sensus de sciē.
literat.*

HActenus P. R. ac F. D. Spinas Logicorum discursuum absque vulnere pertractastis, & ratiocinationibus Physicis amplissima cælorum terrarumque spatia emensi totum mundum disputationi humanæ traditum percurristis, ac demum in Spatia imaginaria Metaphysicarum abstractionum absque errore excurristis. Jam nunc ex inferioribus Philosophiæ vallibus ad altiora & sublimiora studiorum Theologicorum cacumina progredimini, quæ solis Divinæ Revelationis fundamentis innituntur. Tribus viis datur nobis aditus juxta S. Patrem nostrum Doctorem testimonio Ecclesiæ egregium, verè verbo vitæ laureatum, aditus inquam investigandi & perveniendi ad arduum verticem Theologiæ, quæ (interprete Divo Augustino Theologorum Sole) est Sermo de DEO, estque non tam exterior oris locutio, quàm interior mentis consideratio. Viæ istæ sunt Intellectus, Fides, Opinio; Intellectus rationi innititur; Fides autoritate fundatur; Opinio verisimilitudine se tuetur. Intellectus est rei cujuscunque invisibilis, certa & manifesta notitia. Fides est voluntaria quædam certa prælibatio necdum propalata veritatis. Opinio est quasi pro vero habere aliquid, quod falsum esse nescias. Igitur opinio, si habet assertionem, temeraria est; Fides, si habet hæitationem, infirma est; Intellectus si signata fidei tentet irrumperere, reputatur effractor, scrutator Majestatis. Hæc & his similia Mellissius Pater noster in libro suo de Consideratione dilucidè distinguit. Hic providendum, ne viæ istæ inter se se confundantur, & Opinio velit esse Fides vel Intellectus; Fides in Opinionem vel Intellectum desciscat: Intellectus in ambiguum Opinionis vel Fidei obscurum declinet. Sed in his omnibus viarum Labyrinthis bonum Manuductorem nacti estis R. P. Felicem, & vos hoc Instructore ac Professore futuri felices. Nihil proinde mihi restat, nisi animare vos ad cursum, & calcaria addere currentibus. Eja agite Theologiæ Candidati; Ancillæ scientiarum hætenus pedissequi, nunc Dominæ cultores, cum ipse DEUS, qui est Obiectum Theologiæ, scientiarum sit Dominus, (1. Reg. 2.) audite sæpius nominatum Patrem nostrum lacte virginali, & melle sanguineo respersum: non contemnendam aut negligendam esse scientiam literarum, quæ ornat animam, erudit eam, & facit, ut & alios possit erudire. Non ignoro, inquit, S. Pater, quantum Ecclesiæ profuerunt & prosint literati sui, sive ad repellendos eos, qui ex adverso sunt, sive ad simplices instruendos. Denique legi: Quia tu repulisti scientiam, repellam & ego te, ut non fungaris mihi sacerdotio. (Osee. 4.) Et qui docti fuerint, fulgebunt quasi splendor firmamenti, & qui ad justitiam erudiunt multos quasi stellæ in perpetuas æternitates. (Dan. 12.) Hæc S. Pater. Sic tamen huic Scientiæ speculativæ, Theolo-

Theol
Mythic
scienti
et, h
Sic erg
illucqu

A

tenem
noster
sibile
fidei o
torem.

gula fa
pendiu

nem lu
tatione

ram al
tem in
tatem

culcat,
una, b
obedie

corpon
Structu

D culmen
tas est

& inte
Magist

de cal
cio, pa

di, auc
sed no

cum S
(1. Re

diende
84.) u
Theol

A Theologiæ Scholasticæ incumbite, ut practicam scientiam Theologiæ ^{Scholasticæ} Mysticæ minimè negligatis. Illa in Paradiso Theologico est lignum ^{Theol. iungen-} scientiæ boni & mali; hæc verò est arbor vitæ; Illa intellectum erudi- ^{da Mystica.} et, hæc inflammabit voluntatem; illa prælucebit ad Deum, hæc ducet. Sic ergò de DEO loquimini, ut & Deum vobis loquentem audiat, illucque demùm, ubi erunt omnes docibiles DEI (Joan. 6.) perveniat.

*Sermo ad Inchoationem Mysticæ Theologiæ doceri
cepta post Pascha cum Explicatione Regula.*

A Usculta ô Fili præcepta Magistri, loquitur piissimus Pater & Patriarcha noster Benedictus Regulæ suæ jaciens primordia, juxta quam vitam nostram nos, qui hanc Regulam professi sumus, tenemur regulare. Ad initium mox Auditorem postulat Prædicator noster, ac ideò præcipit auscultare: Et quidem si fides, sine qua impossibile est placere DEO, (Heb. 11.) est ex auditu, (Rom. 10.) non minùs fidei operatio, quæ est Mystica Theologia, promptum requirit Audi- ^{Regula S. My-} torem. Hujus foundationem proponit nobis Legislator noster in Re- ^{sticæ Theolo-} gula sancta, quæ nihil aliud est, præterquam Mysticæ Theologiæ com- ^{giæ compen-} pendium. Quid enim Mystica Theologia præferebat, nisi annihilationem ^{dium.} sui per humilitatem, stabilimentum sui in portatione Crucis & imitatione Christi, per obedientiam, paupertatem, patientiam, suique veram abnegationem; conservationem sui per cordis & corporis puritatem in castitate: denique animationem sui ac perfectionem per charitatem DEI & proximi? Ecquid magis nobis Regula sancti Patris inculcat, quàm hæc verè Theologicas, verè Divinas virtutes? quarum ^{Ædificium} una, basis est, nimirum humilitas, aliæ latera ædificii vitæ nostræ, ut pote ^{Mysticæ Vir-} obedientia, paupertas, patientia, abnegatio sui; tertio puritas mentis & ^{utrum præci-} corporis medium est gratiæ Divinæ consequendæ, quæ velut lumen est, ^{parum.} Structuram nostram illuminans: Quartò demùm supremus apex & culmen virtutum charitas, per quam ad ipsum Deum, qui etiam charitas est (Joan. 4.) vita nostra exaltatur. Ad hæc autem percipiendæ & intelligendæ nonne aures requiruntur? inde, ubi supremus omnium Magister Christus summa docuit, prout de auditione Verbi Divini, de castitate, de violentia Regni coelorum faciendâ, de extremo Judicio, pæna inferni, & gloria cælesti clamabat: Qui habet aures audien- ^{Aures audi-} di, audiat (Marci. 4.) Sunt quidem omnes aures aptæ ad audiendum, ^{endi.} sed non omnes aures sunt audiendi, id est obediendi. Felix homo, qui cum Samuele dicere potest: Loquere Domine, quia audit servus tuus. (1. Reg. 3.) Beata anima, quæ cum Regio Vate prompta est in audiendo inquit: Audiam, quid loquatur in me Dominus DEUS, (Psal. 84.) ubi nempe loquens ad Cor DEUS, loquitur Mystica id est arcana ^{Mystica quid?} Theologiæ suæ: Theologiæ inquam, quæ est Sermo de DEO & rebus

Simon Petrus quid

Divinis. Hic requiritur Simon Petrus id est obediens & constans: requiritur & Paulus inquirens; Domine quid me vis facere? (*Act. 9.*) Lumina Ecclesiae prae luceant initiis auscultationum nostrarum. Auscultemus igitur attentè Filii Patrem, discipuli Magistrum S. P. N. Benedictum, quidquid benedicto sermone oris sui nobis per modum praeceptorum proponit, adeoque si vocem ejus hodie audierimus, id est quotidie, non obduremus corda nostra (*Psal. 94.*) sed apertis auribus & cordibus excipiamus ea, quae nos per obedientiae viam ad terminum salutis nostrae DEUM ipsum ducunt, à quo per inobedientiae abrupta, & originaliter & actualiter recesseramus: ut tandem ibi ipsum videre & audire mereamur, ubi omnes erunt DEI docibiles (*Joan. 6.*) non tantum Mystici Theologi, sed etiam Theophanes & Theophili.

Exhortatio sive Sermo super obitu P. Benedicti Excitatoris Monasterii & preparatione ad revisionem Canonicam CORPORIS R. D. Adami Trebnic Abbatis Olivensis & Vicarii Generalis per Poloniam & Prussiam Anno 1630. 14. Augusti defuncti, reperti incorrupti Anno 1684. in Augusto.

Excitator
Mors.

De hora mortis cogitet omnis hora.

Somnolentia in
spiritualibus.

Vita praesens
ut somnium.

Vigilia aeterna

Mors continua
vita naturalis.

Hora est jam nos de somno surgere (*Rom. 13.*) in clamat Apostolus; excitat nos recenter defunctus Frater noster Pater Benedictus à multis annis usque ad finem vitae suae Excitator noster, cujus anima requiescat in pace. Ita sanè hora est, & planè omni momento nos admonens hora illius horae, quam nescimus, & quam non putamus, & quae sicut fur de nocte ita veniet, (*1 Thess. 5.*) id est instantaneè, repentinè, insperatè. O nos felices! si omni hora horae hujus memoriam recentem habuerimus, imò quia nobis in hanc horam certò & infallibiliter veniendum est; ad eandem, à qua tota pendet aeternitas vel beata vel damnata, nos prae paraverimus. Ac ideo de somno nobis surgendum est, de somno incogitantiae, de somno negligentiae, de somno torporis & teporis. Sed & ipsa vita nostra quid nisi somnium avolans (*Job. 20.*) breve & illusorium; ludens planè velut in scena & deludens nos? Post hoc somnium, venit somnus & obdormitio mortis; ubi primùm verè evigilamus, vigilias aeternas peracturi. Exurgamus ad hasce vigilias per bonum regimen vitae nostrae; recordemur novissimorum nostrorum, ut non peccemus. (*Eccl. 7.*) Sic vivamus tanquam morituri, ut benè moriamur, aeternum beatè viaturi. Vita nostra nihil aliud sit, nisi praeparatio ad mortem. Et revera, si benè pensamus, vita nostra nihil aliud est, nisi via ad mortem, imò ipsa mors est continua. Tempus vitae praeterlapsum jam non est: ergò nobis mortuum est. Tempus praesens cum morte dividimus: momentis enim constat praetervolantibus, quae dum sunt, non sunt adeoque intereunt. Futurum denique cum nondum advenerit, nihil est. Vita ergò nostra mors est continua. Felix, qui moritur quotidie

die sibi, mundo, carni, diabolo, ut vivat soli DEO. Hic enim dicere poterit cum Psalmista: non moriar, sed vivam, & narrabo opera Domini. (Psalm. 117.) Et hoc posse dicere censendus est pie vitā functus Adamus Trebnie olim Abbas noster, quem licet mors absumpsit, non tamen consumpsit. Vivit anima in DEO cum DEO, uti speramus siquidem vivit corpus in incorruptione: Cujus quidem ante aliquot annos animis inordinata sublevatione vidimus experimentum, nunc autem ordinata revisione & testimoniorum depositione continuationem rei expectaturi. Quod ut dignè faciamus, præparemus nos per orationes, jejunia & mortificationes, ut digni efficiamur gratiā DEI. Recenter autem defuncti animam omni hora, de somno surgentes desidiā, Divinæ commendemus misericordiæ, ut veluti in Domino mortui, requiescat in pace.

Quotidie moriendum ad salutem.

A. Trebnie A. O. incorruptus

Sermo in Susceptione Fratris Lucae ad Novitiatum.

Abyssus miseriæ invocatur abyssum misericordiæ, inquit Mellifluus Doctor noster; adeoque ibi magnā misericordiā opus, ubi magna miseria reperitur. Et quæ major miseria, quā habitarum cum habitantibus Cedar, (Psalm. 119.) id est nigredinis seu caliginis & tristitiæ? ambulare in tenebris (1. Joan. 1.) imò in via, ubi tenebræ & lubricum, (Psalm. 34.) in via lata, quæ ducit ad perditionem; (Matth. 7.) habitare in regione umbræ mortis; (Isaia. 9.) in valle lacrymarum? (Psalm. 83.) denique expositum esse mille periculis pereundi. Et hoc est esse in hoc seculo nequam, (Gal. 1.) esse in mundo immundo, qui in maligno positus est. (1. Joan. 5.) Quidni magna in eo miseria? sed ecce magna DEI misericordia Religio sancta, quæ nihil aliud est juxta D. Apost. Jacobum, quā immaculatum se servare ab hoc seculo, (Jacob. 1.) à secularibus desideriis, quæ militant adversus animam, (1. Petri. 2.) à mundanis concupiscentiis oculorum, carnis, & superbiæ vitæ. (1. Joan. 2.) Ubi P. R. ac F. D. nonne misericordiæ Domini, quia non sumus consumpti? (Thren. 3.) quod non involverit nos turbo pestilentiae, gyros ille & vertigo peccatorum; nam in circuitu impii ambulant. (Psalm. 11.) Via autem Domini est via recta, via plana. (Osee. 14.) Est tamen & arcta via, quæ ducit ad vitam æternam, (Matth. 7.) via Regulæ S. Patris nostri Benedicti, quam profiteamur. In hanc viam venisse vos Frater Luca gaudere debetis, & quod labyrinthum errorum hujus seculi evaseritis: è fluctibus magni & spatiosi maris (Psalm. 103.) mundi hujus, ad portum salutis emergeritis. Jam ideò, si petitis misericordiam DEI, debetis ipsemet primò assumere misericordiam vestri. Ita monet Eccles. c. 30.) Miserere animæ tuæ placens DEO. Qui DEO placere vult, debet sibi ipsi displicere; debet odisse animam suam: (Joan. 12.) per dura & aspera ire

Abyssus Abyssum invocatur.

Cedar quid? Vita secularis.

Mundi miseria DEI & Ordinis Misericordia. Quid Religiosa vita?

Felicitas Vocationis S.

Via recta arcta Regula S.

Mundus Labyrinthus, Mare,

Miserere animæ tuæ placens DEO.

ad DEUM. Nonne qui vult venire post me, dicit Pater misericordiarum & Autor salutis, abneget se ipsum? (*Matth. 16.*) Ita est: displicentiam sui habens exuat semetipsum. Quare? Quia homo ipse sibi miseria est. Homo ille dico, antiquus, quem tollere, exuere, abicere monet Apostolus: Exuentes vos veterem hominem cum moribus & actibus suis, abnegantes vos, imò mortificantes; & morientes vobismet-ipsis, & concupiscentiis pravis, habitibus perversis, induite novum hominem, qui secundum DEUM creatus est in iustitia & sanctitate veritatis. (*Coloss. 3.*) Hoc est: induite viscera misericordiae erga vos, (*Ibid.*) hoc est miserere animae tuae placens DEO, (*Eccl. 30.*) tanquam novus homo, nova creatura in DEO, (*2. Cor. 5.*) stigmata Domini portans in corpore tuo, (*Gal. 6.*) tollens Crucem tuam (*Matth. 16.*) & sequens Christum. Et talem quoque misericordiam noster Ordo Sacer praefert, talem ab omnibus requirit, talem impertitur universis. Jam ergo miseris seculi liber & solute, mundo & carni valedicens, & sanctam assumens Religionem; Frater Luca respira in luce miserationum DEI, (*Eccl. 36.*) respice viscera misericordiae ejus, (*Luc. 1.*) in quibus per vocationem sanctam ad S. Ordinem, visitavit te Oriens ex alto. (*Ibidem.*) Hunc ipsum oremus & nos, ut illuminetur nobis, qui in tenebris & in umbra mortis sedemus, ad dirigendos pedes nostros in viam pacis, (*Ibid.*) ubi sit omnibus nobis pax à DEO & misericordia in æternum. (*1. Timoth. 1.*)

*Responsum R. D. Abbatis pro die Colendae Ao. 1683.
In Festo S. Stephani ad Conventus Congratulationem.*

Praesentia nascentis Christi solennia, & imminetia renascentis anni primordia, dum publicis votis R. P. & F. Vestrae prosequuntur, reciproca deesse nequeo gratulatione. Hi sunt dies, quos fecit Dominus; (*Psal. 117.*) jure merito exultandum in iis & laetandum. Ac quidem in Natali suo DEUS Dominus illuxit nobis; (*Ibidem*) in novi autem anni exordio DEUS ipse venit & salvat nos, (*Isaia 35.*) tam nomine suo JESUS, quod designat Salvatorem; quam sanguine suo, quæ primum in Circumcisione pro nostra effudit salute. Sit proinde laetitia vera in cordibus nostris; exultet Spiritus noster in DEO salutari suo: (*Luca. 1.*) gaudeamus in Domino semper prout monet Apostolus, (*Philip. 4.*) participantes tam de Natali ipsius, quam de Circumcisione. De Natali, ut in novam vitam regeneremur: de Circumcisione, ut abscissis omnibus veteris hominis malis simus nova Creatura in Domino. (*Galat. 6.*) Hæc dum voveo mihi & vobis P. R. & F. D. non minus pro incolumitate tam spiritali, quam corporali, simul ac felicitate temporali & æterna, vota continua fundo: cujus gratia etiam vestrae obsecrationes & petitiones sine intermissione apud DEUM innotescant (*Philip. 4.*).

Tractatus Primi FINIS.


SYNOPSIS

Sermonum Capitularium

Ex primo Tractatu.

- Sermo I. *De omnigeno adiutorio.* Fol. 1. 2.
Sermo II. *De Paradiso in Monasterijs Ordinis Cisterciensis reperibili.* Fol. 2. 3.
Sermo III. *In Dominica 4ta. Adventus. De necessitate penitentiae.* Fol. 4. 5.
Sermo IV. *In Nativitate Domini. De proscribenda vanitate mundi, & mendacijs terra exemplo Christi nati, & de eligenda paupertate, castitate, obedientiâ, humilitate, ac vel maxime mortificatione, quæ est primus penitentiae gradus.* Fol. 5. 6. 7.
Sermo V. *In Circumcisione Domini. De salutifera pueritia, & de spirituali Circumcisione tam animæ, quàm corporis ac potissimum proprietatis Religiosæ.* Fol. 8. 9.
Sermo VI. *In Festo Epiphaniæ. De viâ Herodis infernalis, viâ Aegypti carnali, viâ Babylonis mundanâ, & de viâ Trium Regum aliâ, necnon de viâ Crucis.* Fol. 10. 11.
Sermo VII. *In Purificatione B. Virginis. De diverso lumine intellectus, fidei, gratiæ, vitæ Religiosæ & de scrutinio.* Fol. 12. 13. 14. 15.
Sermo VIII. *In Dominica LXX. De varijs Electis: ijsque paucis.* Fol. 15. 16.
Sermo IX. *In prima Dominica XL. De deserto mundi & Religionis; de solitudine spirituali: & de desertoribus DEI.* F. 17. 18. 19.
Sermo X. *In Festo S. Benedicti. De varijs benedictionibus.* F. 20. 21. 22.
Sermo XI. *In Dominica Palmarum. De spiritualibus Olivis & palmis.* Fol. 23. 24.
Sermo XII. *In Resurrectione Domini. De triplici Resurrectione & tribus mortuis à Christo resuscitatis, qui sunt figura diversorum peccatorum.* Fol. 25. 26.
Sermo XIII. *Valedictio Conventui facta à R. D. Abbate in discessu.* F. 26.
Sermo XIV. *In Festo Apostolorum Petri & Pauli. De misericordiâ Dei & continuâ penitentiâ faciendâ.* Fol. 27. 28.
Sermo XV. *In Visitatione B. Virginis, de Montanis perfectionis Christianæ, de bonis & malis montibus.* Fol. 29. 30.
Sermo XVI. *In Assumptione B. Virginis. De optima parte cum Maria eligendâ.* Fol. 31. 32.
Sermo

- Sermo XVII. *In Festo S. Bernardi. De derelictione omnium & sequela Christi exemplo S. Bernardi.* Fol. 32. 33.
- Sermo XVIII. *In Dedicatione Ecclesie. De Templo DEI in nobis exstruendo.* Fol. 33. 34. 35.
- Sermo XIX. *In Festo Omnium Sanctorum. De sanctificationis requisitione & prosecutione per opera sanctitatis.* Fol. 35. 36. 37.
- Gratulatio à Conventu facta Abbatialis dignitatis. Fol. 38. 39.
- Responsum R. D. Abbatis ad hanc gratulationem. Fol. 40.
- Exhortatio ad inchoationem Studij Theologici. Fol. 41.
- Sermo ad inchoationem Mystice Theologie cum explicatione Regule. F. 42.
- Exhortatio in obitu Patris Excitatoris, de preparatione ad mortem. F. 43.
- Sermo in susceptione Novitiandi. De abyssu miserie humane & misericordie Divina. Fol. 44.
- Responsum in die Colende, ubi gratulatio Natalis Dominici & novi Anni. Fol. 45.



SE

(Apo
factum
re P. R.
quod
palpa
lum,
fecit
sum:
(Heb
Verb

TRACTATUS SECUNDUS SERMONUM CAPITVLARIVM

R. D. M. A. H. A. O. S. O. C.

Ab Anno 1684. ad Annum 1685.

SERMO IN NATIVITATE DOMINI
Et Verbum caro factum est. *Joan. 1.*



VERBUM DEI, (*Apoc. 19.*) Sapien-
tia Patris, (*1. Cor. 1.*) splendor Divinae gloriae
(*Hebr. 1.*) figura substantiae ejus (*Ibidem.*) spe-
culum & Imago bonitatis illius (*Sapient. 7.*) Uni-
genitus DEI Patris filius (*Joan. 1.*) ab aeterno &
usq; in aeternum; (*1. Paral. 16.*) Primogenitus o-
mnis creaturae, (*Colos. 1.*) Verbum inquam DEI
(*Apoc. 19.*) non factum, sed per quod facta sunt omnia, & sine quo
factum est nihil: (*Joan. 1.*) hodie CARO factum est. (*Ibidem.*) Veni-
te P. R. & F. D. videamus hoc Verbum, quod factum est, (*Luca. 2.*)
quod fecit Dominus & ostendit nobis: invisibile factum visibile imò
palpabile; aeternum, factum temporale; immensum, factum pusil-
lum. Parvulus enim natus est nobis, (*Isaia 9.*) Verbum abbreviatum
fecit Dominus super terram; incomprehensibile, factum comprehen-
sum: omnipotens ille sermo (*Sapient. 8.*) infirmitate circumdatus;
(*Hebr. 5.*) immortalis, mortalis; maximum Numen, minimum nomen;
Verbum incommutabile in carnem mutatum: ex increato Creatore

*Prædicata
Filij DEI.*

*Verbum Caro
factum.*

N

crea-

Discursus The-
ologicus de ge-
neratione
Verbi.

De Labſu
Angelorum.

De labſu
primi hominis.

creatura facta. Denique Summus infimus ; Verbum quod erat & est DEUS, factum homo. O verè admirabile myſterium ! O indicibile imò inconceptibile, Verbum caro factum ! (*Joan. 1.*) Sed cur hoc ? quare factum caro ? A a a Domine DEUS nescio loqui. (*Ierem. 1. & 14.*) Quis ego, qui enarrem mirabilia DEI (*Eccl. 36.*) multo minùs inveti- gables Verbi vias (*Rom. 11.*) scrutari audeam ? Dicam tamen, quid- quid dono Verbi deſuper conſeſſum mihi fuerit. Nequè enim tacen- dum vel celandum eſt hoc Verbum, quod manifeſtavit ſe ipſum. Ipſum Verbum ponat ſe in ore meo indigno, & explicet ſeipſum. DEUS ſemel locutus eſt (*Pſal. 61.*) imò ſemel pro ſemper loquitur in ſe ipſo, cognoscens & comprehendens ſe ipſum, generat ab intra Verbum reale, eſſentiale, ſubſtantiale, Verbum mentis ſuæ ſimile ſibi & Homouſion, id eſt conſubſtantiale, & hic eſt Vnigenitus in ſinu Patris (*Joan. 1.*) cui ſemper edicit : Filius meus es Tu ; Ego hodie, videlicet ſemper, genui re. (*Pſal. 2.*) Neque enim in æternitate datur præteritum & futu- rum, ſed tantum præſens reperitur. Cùm ergò placuiſſet DEO mun- dum hunc creare : verbo ſuo ad extra fecit, perfecit, & reſecit omnia. Ipſe enim verbo ſuo dixit, & facta ſunt, mandavit & creata ſunt, (*Pſ. 32. & 148.*) tam viſibilia oculis carnalibus, quàm inviſibilia, & ſic in principio hoc, uti de ſe dixit : Ego principium, qui & loquor vobis, (*Joan. 8.*) creavit DEUS cælum & terram. (*Gen. 1.*) In cælo aſſi- ſtentes & miniſtrantes creavit ſibi Angelos, ad quos factum eſt Verbum Domini, (*Ierem. 2.*) quòd DEUS introducturus eſſet Primogenitum ſuum (*Joan. 1.*) in Orbem terrarum & dicturus : adorent eum omnes Angeli DEI. (*Pſal. 96.*) Ecce Lucifer, qui mane oriebatur (*Iſaie 14.*) Prin- ceſ Angelicus ſuperbiâ elatus, factus eſt inimicus Verbo DEI ; affecta- vit ſimilitudinem, licet eſſet ſignaculum ſimilitudinis ejus dicens : Alcen- dam, ſimilis ero Altiffimo. (*Ibidem.*) Noluſt ſe humiliare coram ſimilitu- dine DEI, quod eſt Verbum DEI, cecidit & uſque ad infernum dejectus eſt cum lociis, Duce Michæele Archangelo & ſociis ejus præſeferentibus promptam Verbo DEI obedientiam & humilitatem atq; inclamantibus : Quis ut DEUS ? DEUS, qui ſimilis erit tibi ? (*Pſalm 70.*) Non eſt tui ſimilis in Diis Domine. (*Ibidem.*) Et hæc in Cælo facta ſunt. In terra autem plasmavit DEUS hominem de limo terræ (*Gen. 6.*) quoad carnem : Ad imaginem autem & ſimilitudinem ſuam creavit illum, (*Ibidem.*) quoad animam, verboque ſuo præcepit ei, ne comederet de ligno ſcientiæ boni & mali. (*Ibidem.*) Quid fecit homo ? cùm in honore eſſet, non intellexit, (*Pſalm. 48.*) inſtinctu ſerpentis, imò draconis illius, qui vulneratus concupiſcentiâ ſimilitudinis DEI, (*Iſa. 14.*) propriæ Verbo DEI vulneravit quoque hominem pravitate, (*Job. 4.*) conſilii ſui, ſuadens eſum interdicti fructûs & dicens : Eritis ſicut Dii (*Gen. 3.*) inſtinctu inquã ejus, qui eſt Rex ſuper univerſos filios ſuperbiæ, (*Job. 41.*) Verbum Domini tranſgreſſus eſt homo, adeoque concupiſcentia carnis

carnem

A carnem occidit, affectatione similitudinis DEI animam interfecit. Sic ergo Verbum DEI & in Angelis & in homine inefficax, cum malitia Angelorum malignantium nullam DEI misericordiam mereretur; non enim Angelos, sed semen Abrahamæ apprehendit; (*Hebr. 2.*) in homine voluit abiq; merito ejus ex pura gratia sua misericordiam suam operari. Unde multifariam multisq; modis olim DEUS loquens Patribus in Prophetis (*Heb. 1.*) factum enim erat Verbum Domini ad Patriarchas, ad Prophetas in promissione, excitavit in cordibus eorum desideria, ut Verbum Domini tandem suum sortiretur effectum. Unus dicit: Mitte, quem missurus es. (*Exod. 4.*) Alter inclamat: Rorate cæli desuper & nubes pluant justum. (*Isaia 45.*) Et iterum vociferatur: utinam disrumperes cælos & descenderes! (*Idem c. 64.*) Vidensque Verbum DEI sine ipso nihil fieri in homine, quando venit plenitudo temporis (*Galat. 4.*) acceptabilis, venit dies salutis, (*2. Cor. 6.*) inclinavit cælos & descendit (*Psal. 17.*) è sinu Patris, in eodem semper permanens nec recedens ab eo in uterum Virginis, humilis, obediens ac credentis; quia non erit impossibile apud DEUM omne verbum, (*Lucæ 1.*) in ipsa ex ipsa Virgine Verbum caro factum est, (*Joan. 1.*) de qua natus est JESUS, qui vocatur Christus (*Matth. 1.*) in quo novissimè locutus est nobis DEUS. Jam credo advertitis, cur Verbum caro factum sit Frâtres mei? cur DEUS in carne venit similis factus nobis, passibilis per omnia absque peccato? (*Jacob. 5.*) Homo DEI similitudinem concupierat DEI filio propriam, sed factus est similis jumentis insipientibus (*Psal. 48.*) manducans prohibitum cibum. Filius DEI factus est filius hominis, ut hominem, qui non ex voluntate carnis, sed ex DEO nasceretur, (*Joan. 1.*) faceret filium DEI. Caro hominis deliquerat Verbi DEI prævaricatrix facta, omnis enim caro corruerat viam suam, (*Gen. 6.*) unde finis venit universæ Carnis: (*Ibidem*) hinc Verbum caro factum est, (*Joan. 1.*) ut Caro hominis Verbo DEI obtemperaret, ut sic salva fieret omnis caro, (*Matth. 27.*) veniret ad DEUM, (*Psal. 6.*) refloresceret Caro, (*Psal. 27.*) imò exultaret in DEUM vivum. (*Psal. 83.*) Jam ergo ecce DEUS, quasi unus ex nobis factus est. Frater enim & Caro nostra est. (*Gen. 37.*) Dixerat ante diluvium justitiæ, non requiescet Spiritus meus in homine, quia caro est, (*Gen. 6.*) jam post diluvium gratiæ ipsum Verbum DEI Caro factum est & habitavit in nobis, (*Joan. 1.*) ut videat omnis Caro salutare DEI. (*Lucæ 3.*) Recordatus est DEUS hominis, quia caro est; (*Psal. 77.*) ideò carnem assumens in similitudinem hominum factus est, habitu inventus ut homo. (*Philip. 2.*) Fratres nemo carnem suam odio habuit (*Eph. 5.*) neque nos, qui non jam nostram, sed Christi carnem possidemus, membra enim ejus sumus. (*1. Cor. 6.*) Christi ergo carnem sapiamus, quam nobis dedit ad manducandum. Consideremus Verbum DEI, esse carnem; unde si amamus carnem, amemus Verbum DEI. Beati, qui audiunt & custodiunt illud, (*Luc. 11.*)

De causa incarnationis.

Desiderium Patriarcharum & Prophetarum.

In Verbo incarnato locutus est nobis Deus

Reparatio hominum.

Verbum Caro factum habitavit in nobis.

Amoris DEI motivum.

Exemplar ho-
minum Deum
Homo.

Obedientia
Idea.

exemplo Beatæ quæ credidit, cuius venter Christum portavit & cuius ubera ipsum lactaverunt (*Ibidem*), quæ se ancillam nominavit, (*Luca* 1.) dum Mater ordinaretur, cuius humilitatem respexit DEUS: (*Ibid.*) ille ipse DEUS, qui humiliavit semetipsum, factus obediens usque ad mortem (*Philip. 2.*) semper mortificatus carne (*1. Pet. 3.*) ut exemplum daret nobis dicens: Discite à me, quia mitis sum & humilis corde. (*Matth. 11.*) Hoc est Verbum, quod fecit Dominus & ostendit nobis in carne sua, Verbum humilitatis, obedientiæ & mortificationis, de quo alias plura. Nunc finio dicens: Siquidem Verbum Caro factum est, fiat caro nostra Verbum DEI, conformis eius voluntati, faciens verbum illius ad audiendam vocem sermonum ejus, (*Psal. 102.*) melius quàm Lucifer vel Adam; & ad mandatum Verbi Divini exequendum semper sit obsecundans: Sic homo erit similis DEO, Filius DEI adoptivus.

Sermo in Circumcisione Domini.

Ut circumcideretur Puer. (*Luc. 2.*)

Causa Circū-
cisionis, Humi-
litas, & Obe-
dientia.

Lex Circumci-
sionis vetus.

Lex nova Pæ-
nitentiæ / Chr-
cumcisionis
Spiritualis.

VERBUM Caro factum (*Joan. 1.*) ad quid natum jam cernitis, jam auditis? ut videlicet post consummationem dierum octo circumcideretur. (*Luc. 2.*) P. R. F. D. Ergone Verbum DEI per incarnationem abbreviatum, compendiosius adhuc per circumcisionem debuit abbreviari? Itane Verbum Spiritualem legem condens, tenebatur legi carnali subijci? Ita sanè; ut non gloriatur omnis caro in conspectu ejus, (*1. Cor. 1.*) qui in diebus carnis suæ licet esset Sanctus, innocens, impollutus, segregatus à peccatoribus & excelsior cælis factus (*Heb. 7.*) humiliavit semetipsum & obediens factus est (*Philip. 2.*) usque ad Circumcisionem, ut Verbum plenū gratiæ & veritatis, (*Joan. 1.*) prædicaret nobis in carne nostra, Verbum humilitatis, Verbum obedientiæ, quatenus & nos humiliemur sub potenti manu DEI (*1. Pet. 5.*) & obediendo mandatis ejus legem curemus non soluere, sed adimplere. (*Matth. 5.*) Sed quænam lex, quid ordinat? Lex Verbi DEI antiqua statuit pactum cum electo Abraham & Semine ejus: Infans octo dierum circumcidetur in vobis, & hoc Signum foederis mei inter me & te dicit DEUS. (*Gen. 17.*) Lex Verbi DEI nova prædicat omnibus vocatis: Pœnitentiam agite; appropinquavit enim Regnum Cælorum. (*Matth. 3. & 4.*) Quid creditis Fratres mei, num contradicit sibi lex ejusdem Verbi DEI? minimè: Verbum DEI semper uniforme, semper sibi conforme, licet gratiæ multiformis (*1. Pet. 4.*) semper idem loquitur imperans olim Circumcisionem, nunc prædicans baptismū pœnitentiæ. (*Marci. 1.*) Verbum Domini non præterit, (*Matth. 24.*) sed manet in æternum. (*1. Pet. 1.*) Fidelis est Sermo DEI & omni acceptione dignus, (*1. Timoth. 1. & 4.*) ille Sermo DEI vivus & efficax, penetrabilior gladio anticipi, pertingens ad divisionem animæ ac Spiritus, (*Hebr. 4.*) ut separaretur caro serviens legi peccati à mente serviente legi DEI. Hic est gladius Spiritus

A Spiritus Verbum DEI, (*Eph. 6.*) gladius devorans carnes, (*Deut. 32.* amputans carnalia à spiritualibus, spiritu facta carnis mortificans ad vitam. (*Rom. 8.*) Unde dicit Verbum in carne circumcisum: quòd caro & sanguis Regnum DEI non possidebunt. (*Matth. 16.*) Spiritus est, qui vivificat. (*2. Cor. 3.*) Caro non prodest quicquam, (*Joan. 6.*) quæ animæ inimica & nobis nihil revelat de Spiritu, qui DEUS est. (*Joan. 4.*) Sileat ergò omnis caro à facie Domini; (*Zachar. 2.*) neque enim pax est vniversæ carni. (*Jer. 12.*) Circumcidenda est caro veteris hominis in nobis ad formam novi, ut veterē exuentes Adam, induamus novum (*Col. 3.*) & sic cum hoc novo anno tanquam nova in Christo creatura, (*2. Cor. 5.*) in novitate vitæ ambulemus. (*Rom. 6.*) Circumcidenda est caro exemplo Christi per pœnitentiam, ut faciamus utraq̃ue unum; (*Eph. 2.*) Legem veterem cum nova: Carnem veteris Adæ cum carne novi hominis Christi JESU jungamus. Nihil enim damnationis est, imò totum est salvationis iis, qui sunt in Christo JESU, qui non secundum carnem ambulant, (*Rom. 8.*) qui non carnem sapiunt, sed Verbum DEI prædicans pœnitentiam in remissionem peccatorum. (*Lucæ 1.*) Videte igitur vocationem vestram Fratres, (*1. Cor. 1.*) vocationem ad pœnitentiam. Non enim vocavit nos DEUS in immunditiam, sed in sanctificationem in Christo JESU (*1. Thess. 4.*) per circumcisionem pœnitentiæ, ut sciat unusquisque vas suum carnale possidere in sanctificatione. (*Ibidem.*) Utique peccavit caro, caro pœnam luit, & sic peccata diluit, ut carnem carne liberet. Peccavit caro nostra, purgat caro Christi, dum circumciditur; agit pœnitentiam Filius DEI, Filius hominis factus pro nobis filiis hominum; pœnam tenet in carne, ne carnē nostram teneat peccatum. Ergone nos carni indulgebimus? Et hæc est regeneratio nostra per baptismum pœnitentiæ. Quod natum est ex carne, caro est; quod natum ex Spiritu, Spiritus est. (*Joan. 3.*) Jam verò nisi quis renatus fuerit ex aqua & spiritu, non intrabit in Regnum Cælorum. (*Ibidem.*) Oportet igitur nos renatos per aquam nasci denuò in spiritu vivificante per spiritum mortificantem, ut semper in corpore nostro mortificationem Domini JESU circumferamus, (*2. Cor. 4.*) & mortificemus membra nostra, quæ sunt super terram. (*Coloss. 3.*) Empti pretio magno sanguinis ejus, glorificemus & portemus illum in corpore nostro. (*Galat. 6.*) Non, quod absit, circumcidentes seu crucifigentes nobismetipsis in carne nostra Filium DEI; quod fit, dum curam carnis facimus in desideriis, in comestationibus & ebrietatibus, in cubilibus & impudiciis: (*Rom. 13.*) sed Christo passo & circumciso nos eadem cogitatione in carne armemur, (*1. Pet. 4.*) carnem nostram circumcidentes & crucifigentes cum vitiis & concupiscentiis suis, (*Galat. 5.*) stigmata Domini JESU in corpore nostro cum Vase electionis (*Act. 9.*) portantes (*Galat. 6.*) adimplentes ea, quæ desunt passionum Christi in carne nostra. (*Col. 1.*) Itaq; spiritu ambulemus, & desideria carnis pravi non perficiemus. (*Galat. 5.*) Et ut sciamus ubi plaga, ibi re-

Caro veteris hominis.

Vocatio ad Pœnitentiam.

Baptismus Pœnitentiæ.

Mortificatio

Concupiscētia
Carnis, mors
Pœnitentia.

In quibus sta-
ta salus.

Vox Pœniten-
tiæ ad Jesum.

Samaritanus.

Lepra tropolo-
gicæ.

mediū; ubi vulnus, ibi medicina; fomes peccati, morbus gravis; grave ju-
gū super filios Adæ, (*Eccl. 40.*) concupiscētia carnis, lex perversa in mem-
bris carnis nostræ repugnans legi mentis & captivans nos in lege pecca-
ti. (*Rom. 7.*) Sed gratiæ DEO, qui nobis dat victoriam per Dominum
nostrum Jesum Christum, (*1. Cor. 15.*) solventem imò interficientem
inimicitias has in carne sua in semetipso. (*Eph. 2.*) Gratiæ DEO
dico iterum, qui reconciliavit nos in corpore carnis ejus per mor-
tem, exhibere nos sanctos & immaculatos & irreprehensibiles
coram ipso (*Coloss. 1.*) per mortem pœnitentiæ, per virtutem circum-
cisionis. Hanc advertite Fratres. Puer circumciscus vocatus est JE-
SUS (*Lucæ. 2.*) id est Salvator, salvum faciens populum suum à pec-
catis eorum. (*Matth. 21.*) Ergò in circumcisione pueri, id est humilis
& obediens; in pœnitentia & mortificatione salus. Meritò jam bene-
dicat omnis caro (*Psal. 144.*) circumcisa nomen Sanctum JESU,
nomen salvificum. Veni Domine JESU & salva me; non est sanitas
in carne mea, non est pax ossibus meis à facie peccatorum meorum;
(*Psal. 37.*) induta est caro mea putredine, (*Job. 7.*) defecit caro mea
& cor meum. (*Psal. 72.*) Sana me Domine & sanabor, salvum me
fac & salvus ero. (*Jerem. 17.*) Spiritus quidem promptus, caro autem
infirmā. (*Matth. 26*) Ah! in quot latrones incidi? Quot peccata le-
tifera, tot homicidæ fuerunt. Sed tu misericors Samaritane custos
meus infunde vinum Spiritus, quem effudisti super omnem carnem, vi-
num lætificans cor (*Psal. 103.*) contritum & humiliatum. (*Psal. 50.*)
Effunde oleum misericordiæ, ballamum illud pretiosum sanguinis tui.
Sum semivivus, quia membrum tuum licet putridum ex me, sed in te
vivum; ex me perditio mea, tantummodò in Te auxilium meum.
(*Osee 13.*) Domine salva me (*Matth. 8.*) & sic non moriar, sed vi-
vam (*Psal. 117.*) & narrabo opera Tua mi JESU, opera salutis. Et si
fortassè lepra aliqua voluptatis in carne, vel lepra propriæ pessimæ vo-
luntatis in anima remaneret, tolle hanc ferro circumcisionis, ut non sim
feminans in carne & metens de carne corruptionem, (*Galat. 6.*) sed fe-
minē in spiritu, & de spiritu metam vitam salutis æternæ in Te. Et sicut
dedit Tibi Pater potestatem omnis carnis, ut omne quod dedit Tibi,
des ei vitam æternam: (*Joan. 17.*) quoad usque ingrediamur viam uni-
versæ carnis, confige timore tuo carnes nostras, (*Psal. 118.*) ut qui
spirituales sumus & spiritu capimus, non carne consummemur (*Galat. 3.*)
sed emundantes nos semper ab omni inquinamento carnis & spiri-
tus (*2. Cor. 7.*) per pœnitentiam, novo Verbi & gratiæ spiritu cordibus
circumcisi in Te ambulemus, qui es Spiritus ante faciem nostram Chri-
stus Dominus & lucerna pedibus nostris. (*Psal. 118.*) Verbum Caro
factum (*Joan. 1.*) & circumciscum, sequamur Te cunctis diebus vitæ
nostræ, (*Isaia 38.*) donec per Te Salvatorem nostrum æternam salu-
tem consequamur.

Sermo

A

Sermo in Epiphania Domini.

Ubi est, qui natus est Rex Judæorum; (Matth. 2.)

NOVUS Regis Cæli & Terræ Natalis, in Cælo prænuntiam Stellam in Terris tres Orientis Reges excivit ad sui cultum & adorationem. Stella quidem Regii ortus index in Oriente comparens, Regium meritò inter stellas locum præsetulit, quâ Sancta Ecclesia & falli & fallere nescia instar flammæ fuisse asserit coruscantis, cujus splendor illuminat mundum; quidni Regis siderum solis ardentis & lucentis in se habuerit qualitates? Illuminans mirabiliter à montibus æternis, (*Psal. 75.*) Sol iustitiæ, cuius nomen Oriens (*Malach. 4.*) per hoc sidus suum illuminavit trium Regum intellectum; inflammavit voluntatem, ut & ipsi ab Oriente egressi, orienti in terris Regi famularentur, utpote qui esset Rex Regum & Dominus Dominantium. (*Apoc. 19.*) Jam P. R. F. D. erigite animos, nihil hîc humile cogitate. Rex est qui nascitur, Regina Mater assistens à dextris ejus, (*Psal. 44.*) quæ parit; Joseph è Regio sanguine oriundus Matris Sponsus, Principis Nutritius. Nec vobis dejiciat mentem primus Pastorum occursum, & hi Reges fuere; quia gregis magni Rectores. Quis ipsis Regium denegabit titulum? qui scit Cælum Reges suos, videlicet Angelos ad illos misisse in ministerium? Sed fortassis ab hisce cogitationibus regiis abstrahent vos non regia Palatia, quod stabulum sunt, non regis cunæ, quæ sunt præsepe: non regium famulitium duo animalia Bos & Asinus. Non sanè hæc vos absterreant, & hæc regia sunt. Pensate, qualem Regem Reges requirunt & intelligitis. Ubi est qui natus est Rex Judæorum; interrogare, (*Matth. 2.*) reflectite vos ad titulum Crucis, qui fuit JESUS Nazarenus Rex Judæorum. (*Joan. 19.*) Combine primordia hujus Regis cum ultimo ejus fine, & videbitis ibi quoque Regem spinis coronatum, (*Ibidem.*) paludamento proprii sanguinis còpertum, pro sceptro clavos, pro throno vel satius Mausolæo, Crucem adoptasse. Ille ipse est Sapiencia DEI, attingens à fine usq; ad finem fortiter, per quam Reges regnant & Principes imperant, (*Sap. 8.*) qui pro ortus sui aula regia stabulum, pro sede præsepe, pro indumento panniculos elegit, ut ita se Regem Judæorum demonstraret. Quorum Judæorum? eorum, qui per confessionem fidei, per confessionem peccatorum, per confessionem laudis Divinæ merentur dici & esse confessores. Et nos DEO laus tales sumus, si tamen corde credentes ad justitiam, & ore confitentes ad salutem (*Rom. 10.*) non minùs confiteamur DEO, quoad nos impietates peccatorum nostrorum, & quoad ipsum sacrificium laudis honorificet nos: (*Pf. 49.*) quia confessio & magnificentia opus ejus. (*Pf. 110.*) Quod si tales Judæi fuerimus, utiq; Reges erimus (neq; enim aufertur sceptrum de Juda *Gen. 49.*) regia ferentes munera, aurum fidei, quæ

Stella Regia

Nihil humile in Natali D.

Pastorum dignitas.

Christus Rex in stabulo.

Rex in Cruce

Judæi qui

Confessores.

Regum munera tropol.

Charitas, Pa-
nitentia, De-
votio.
Reges qui?

Crux.

Dominici Pas-
sionum.

Mens bona
quid?

Peccatum ni-
hil.

Alia Via Re-
gia.

per charitatem operatur; myrrham mortificationis & poenitentiae in confessione peccatorum: thus devotionis in confessione laudis Divinae. Quin imò Reges esse debemus, si huic Regi volumus famulari, qui fecit nos regale sacerdotium, (1 Pet. 2.) imò Regnum & Sacerdotes (Apoc. 1.) & regnabimus super terram; non tantum idè, quia servire DEO, regnare est; vel etiam; quia Regnum DEI intra nos est, (Luc. 17.) vel quia Regnum Caelorum praesentis temporis Ecclesia dicitur, sed quia Regis Judaeorum vestigia terimus, viliora, humiliora, ignobiliora cum ipso eligentes: Crucem post ipsum ferentes, imò cum ipsomet crucifixi. Et haec est gloria nostra Crux, tribulatio, patientia. Absit nobis aliter gloriari, nisi in Cruce Domini nostri JESU Christi: (Galat. 6.) siquidem idè & ipse est Rex gloriae, quia fortis & potens in praelio (Psalm. 23.) passionis, adeoque Dominus Virtutum (Ibid.) per Crucis patientiam triumphans. Inde etiam gloria in altissimis DEO: (Luc. 2.) canitur ex humilitate & patientia Christi. Ibi est vera unctio Domini, id est Regis, ibi est verum gaudium in tolerantia. Crucis, ibi est oleum laetitiae, quo unctus est speciosus formâ prae filiis hominum prae participibus suis. (Psalm. 44.) O nos felices, si hujus unctionis participes fuerimus! Sed si Reges esse volumus, nobis dominari debemus. Qui se volet esse potentem (monet Philosophus) animos domet ille ferores, nec victa libidine colla fœdis submittat habenis. Alter Poëta docet; quod Regem non faciant opes, non vestis Tyriae color, non frontis nota Regiae, non auro nitidae trabes. Rex est, qui posuit metus, & dixi mala pectoris, quem non ambitio impotens & nunquam stabilis favor vulgi praecipitis movet. Et concludit: Mens Regnum bona possidet. Mens bona, mens est fidelis, libera à peccato, DEO subiecta, imò soli addicta, vincens se ipsam, dominans sibi adeoque regimen sui possidens, omnia extra se posita calcans, mundanorum & terrenorum superior. Et tales sunt veri Judaei, veri Confessores, bonam & rectam beneque directam habentes conscientiam, nihil paventes praeter peccatum. Rex enim est, qui metuit nihil: nihil autem est peccatum (teste Rege Doctorum Aug.) hominem peccantem in nihilum redigens. Rex quoque est, qui cupit nihil, hoc Regnum sibi quisque dat. Nos qui reliquimus omnia, (Matth. 19.) nihil cupimus, nisi Regnum Christi DEI in nobis. Nos qui secuti sumus (Ibidem.) Regem nostrum, ad ejus exemplum componimus mores nostros, eligentes esse abiectioni in Domo DEI (Psalm. 83.) mortificati, angustiat. Si viam mundi & carnis ante ambulavimus, jam cum tribus Regibus per aliam viam, (Matth. 2.) viam crucis regiam revertimur in regionem nostram, ad illam Patriam Caelestem, à qua excidimus per peccatum, ubi verè erimus sicut Dii; (Gen. 3.) Filii excelsi omnes (Psalm. 46.) haeredes DEI, cohæredes Christi; (Rom. 8.) Regis justitiae, cuius nomen Majestatis sit benedictum in æternum. (Psalm. 71.)

Sermo

Sermo in Purificatione B. Virginis MARIE

Et Professione Fratris Theodori.

MATER DEI Virgo purissima, omnis maculæ nescia, utpote Specu-
lum sine macula, (*Sap. 7.*) nullius purificationis indiga, quæ to-
ta pulchra (*Cant. 4.*) impletis purificationis suæ diebus partum
Divinissimum virtute Spiritus sancti conceptum in Templo præsentans pu-
rificat se; quidni nos peccatores in peccatis concepti, (*Psal. 50.*) in peccatis
nati, peccatis innutriti, concipientes dolorem & parientes iniquitatem (*Pf.*
7.) durantibus in hac vita purgationis nostræ diebus semper purificari debe-
mus, partum quoque nostrum ex inspiratione Spiritus sancti conce-
ptum DEO præsentantes? Sed quis hic partus est? nullus equidem
alius Fratres mei, nisi Professio Religionis sacræ, Professio votorum, quæ
distinxerunt labia nostra: (*Psal. 62.*) Oblatio corporis & animæ ve-
lut paris turturum ad servitium Divinum sacrificati. Hic est felix partus
noster, per quem viderunt oculi nostri salutare Dei, (*Luc. 2.*) cum quo
operatur Deus salutem nostram in medio terræ (*Psal. 73.*) illius pro-
missionis terræ sanctorum, in qua si quis iniqua gesserit, non videbit
gloriam Domini. (*Isaia 26.*) Hic planè suscepimus misericordiam tu-
am Deus (*Psal. 47.*) petentes misericordiam & dicentes: Suscipe me
Domine secundum eloquium Tuum & vivam, & non confundas me
ab expectatione mea. (*Psal. 118.*) Et quæ est expectatio nostra, non-
ne Dominus? (*Psal. 38.*) Hic cum Simeone expectamus redemptionem
Israel, (*Lucæ 2.*) verorum Israëlitarum videntium DEUM, possidentes
lumen fidei ad revelationem gentium, (*Ibidem.*) & lumen gratiæ ad glo-
riam plebis suæ Israel. (*Ibidem.*) Sed ecce in medio Templi tui suscepi-
mus misericordiam Tuam Deus (*Psal. 47.*) in medio Ordinis sacri, ipsi-
met facti Templum DEI Sanctum. (*1. Cor. 3.*) Apage hinc omne co-
inquinatum, omne immundum, omne pollutum: ad misericordiam
enim Dei consequendam purificatio præcedat, necesse est. Purgandus
semper intellectus & affectus à mundanis, terrenis, carnalibus cogita-
tionibus, phantasiis, inclinationibus, desideriis & concupiscentiis. Si
quid maculosum, sordidum, conspurcatum, per ablutionem lacrymarum
contriti cordis & humiliati (*Psal. 50.*) tollatur ac mundetur. Si quid
corruptum, depravatum, destructum, conquassatum, bonorum pro-
positorum regulâ, emendatione vitæ, errorum correctione, confor-
matione sui ad exactam Regulæ Sanctæ, quam DEO vovimus, obser-
vantiam reparetur; & sic vera nostri purificatio peragetur, quæ ut sit
constans, ad volutabrum luti (*2. Petr. 2.*) mundani, vel carnalis non fiat re-
gressus, sed potius in Spiritu progressus, in quo ut venimus ad Templum
(*Luc. 2.*) & cepimus opus salutis nostræ, ita viventes ac proficientes am-
bulamus, lucernas bonorum operum & exemplorum prælucentium in ma-

Nobis potius
incumbit S.
Purificatio.

Partus DEO
præsentandus
Professio.
Par turturii
stropol.

Lumen Mysti-
cum.

Templū DEI.

Purgatio Spi-
ritualis.

Stabilitas.

Abortatio
Profeſſandi.

Oliua.

nibus nostris portantes. (*Luc. 12.*) Et hæc, quæ omnibus dixi, sigillatim Tibi Frater Theodore Michael sunt dicta. Venis jam filius Ordinis ad partum Sacrum. Hoc age, quod agis; sic age ut verè purificatus à mundi, carnis, diaboli contagione simul ac servitute liber venias in libertatem gloriæ filiorum DEI, ut respices in luce miserationum ejus. (*Rom. 8.*) Hoc esto, quod diceris. Græcè Theodorus, latinè Deodatus, DEI donum in te agnoscens & semper dicens: Quis ut DEUS? Partum mentis tuæ, partum liberæ voluntatis, sub jugum suave & onus leve (*Matth. 11.*) obedientiæ Sanctæ ferens & offerens cor tuum & corpus tuum, & ut sit immaculatum, voto castitatis te obstringens, paupertati voluntariæ colla subdens, stabilitatem loci velut planta & novella Olivæ, in hoc loco Olivæ speciosæ (*Eccl. 24.*) assumens per perseverantiam in bono; ut sis Oliva fructifera in Domo DEI (*Psal. 51.*) adeoque velut lignum plantatum secus decursus aquarum (*Psal. 1.*) lactis de ubere, mellis de vulnere des fructum partus tui in tempore suo; quod ut Tibi & Nobis fons & Author omnis boni concedat, ipsemet est invocandus. Roganda & illa simul Mater gratiæ, larga datrix sanctæ spei, à qua si quid gratiæ, si quid misericordiæ, si quid salutis est, novimus in nos redundare, & per quam hodie suscepimus misericordiam Tuam DEUS in medio Templi tui, (*Psal. 47.*) & per quam totos nos habere voluit in hoc Ordine Mariano veluti Matri misericordiæ dedicato, Pater misericordiarum DEUS benedictus in sæcula. (*2. Cor. 1.*)

Sermo in Dominica Palmarum.

Mons Oliveti
Oliua.

Unctio Regi-
lis & Sacer-
dotalis.

ADventus Salvatoris ad montem Oliveti, salutem quoque Olivæ nostræ censendus adferre, si tamen & ipsa sit mons magnitudine virtutum & altitudine meritorum. Mons pinguis, in quo beneplacitum est DEO habitare (*Psal. 67.*) pinguis quia Olivarum: pinguis ob unctionem gratiæ & bonorum operum profluvium; ut & nomen Olivæ pulchræ, speciosæ (*Eccl. 24.*) sit oleum effusum (*Cant. 1.*) boni nominis odorem spirans: Odor bonus Christi in omni loco, (*2. Cor. 2.*) Christi inquam uncti, qui unxit nos unctione misericordiæ suæ, ut & nos oleo misericordiæ erga alios abundemus. Vocetur Oliva uber, fructifera (*Jerem. 11.*) nomen nostrum. Accedat quoque oleum lætitiæ, (*Psal. 44.*) quo Christus Dominus Rex noster unctus est à DEO præ participibus suis, ut & nos simus hilares datores, quos diligit DEUS (*2. Cor. 9.*) Spe gaudentes in tribulatione, patientes cum lætitia, (*Rom. 12.*) imò proposito gaudio (*Hebr. 12.*) cum Rege nostro spinis coronato sustinentes crucem. Sic equidem non mentietur opus Olivæ, (*Hab. 3.*) si accesserit Oliva pacis, adeoque liceat dicere: Ecce quàm bonum, & quàm jucundum, habitare Fratres in unum. (*Psal. 131.*) Nec abs re, cum hoc ipsum sit unguentum, quod descendit de capite nostro uncto in barbam Aaron (*Ibid.*) & inde usque ad oram vestimenti ejus defluat,

- A defluat, ut duplicis unctionis Regalis & Sacerdotalis benedictio in omnes derivetur. Absit omnis amurca dissensionis, scandali, irregularitatis, votorum transgressionis, disciplinæ & oblationis abjectionis; absit inquam ab Oliva nostra: sed sumus omnes pueri, id est puri ab omni ejusmodi macula tollentes ramos Olivarum (*Matth. 21.*) fructus bonorum operum: imò sumus pueri humilitate & simplicitate facti ipsimet rami Olivarum substeruentes nos sacris pedibus Salvatoris, currentes in odorem unguentorum ejus (*Cant. 1.*) tenentes & terentes pretiosa exempli ejus vestigia, per viam humilitatis, obedientiæ, paupertatis, castitatis, & super omnia charitatis usque ad mortem Crucis, in qua est salus, vita & resurrectio nostra; (*Galat. 6.*) nec quicquam arbitremur nos scire, nisi Crucifixum (*1. Cor. 2.*) nihilque nos separare possit à charitate DEI, quæ est in Jesu Christo Salvatore Crucifixo. (*Rom. 8*)

Amurca tropol

Pueri qui

Sermo in Paschate.

Pascha sive Phase id est Transitus Domini est.

- O** Vos omnes, qui transitis per viam (*Thren. 1.*) vitæ hujus transeuntis, terræ hujus prætereuntis, mundi hujus retrogradè euntis; attendite & videte transitum DEI, Domini & Salvatoris nostri Jesu Christi. Exultavit hic primùm ut Gygās ad currendam viam, (*Psal. 18.*) eandem viam vestram, à summo coelo egressio ejus. (*Ibid.*) Unigenitus è sinu Dei Patris, (*Joan. 3.*) in utero Virginis Matris factus primogenitus, omnipotens ille sermo de Regalibus sedibus veniens (*Sap. 18.*) transiens ministravit (*Luc. 112.*) nobis verbum vitæ: pertransiit benè faciendo & sanando omnes. (*Luc. 6.*) Cumque venisset hoc tempus, ut transiret ex hoc mundo ad Patrem, (*Joan. 13.*) de torrente Passionis in via bibit, (*Psal. 109.*) fecit transitum per mare rubrum sanguinis sui exterminando prius primogenita Ægypti (*Psal. 105.*) primigenium peccatum, deinde totam Ægyptiacam peccatorum massam & molem in mari cruoris proprii submersit & extinxit. Verè transivit Dominus percutiens Ægyptum, & conservans Israël: (*Isaia 19.*) hos videlicet per fidem Deum videntes & cum Deo dominantes. Demùm descendit ad inferos, ut educeret vinctos & captivam duceret captivitatem, mors mortis existens & morsus inferni. Hinc gloriósè resurgens transivit à morte in vitam, & occursum ejus usque ad summum Coeli, (*Psal. 18.*) usque ad dexteram Patris. Nonne admirabilis hic transitus Domini DEI & Redemptoris nostri? Non per transitum, nec per transennam sumus hujus transitus spectatores P. R. F. D. Attendamus, videamus, firmo & constanti intuitu speculemur Dominum transeuntem, ut & nos similiter cum ipso transeamus. Et quidem transitorium statum nostrum primò intueamur. Quid est homo nunquam in eodem statu permanens? (*Job 14.*) utique mane sicut herba transit, (*Psal. 89.*) sicut flos foeni (*Jacob. 1.*) mane floret & transit: (*Psal. 89.*) cujus dies quasi umbra super terram & nulla est

Transitum no-
stra
Transitus Fi-
lii DEI.

Mare Rubrum
Allegor.
Originalis cul-
pa.

Transitus Re-
surrectionis.

Transitus ho-
minis statum.

Transseunt
omnia.

Panales Trā-
situs.

Transitus qui
fugienti.

Transitus Vo-
cationis Viā
Penitentiae.

Transitus Gra-
tie Dⁱ & con-
solationis Spi-
ritus.

Remedia Trā-
situs DEI.

mora, (1. Par. 29.) planè umbræ tranitus est tempus ejus. (Sap. 2.) Ecce breves anni transeunt, imò dies velocius transierunt, quàm à texente tela lucciditur, (Job. 7.) sed & ipsa præterit figura mundi. (1. Cor. 7.) Coeli quoque magno impetu transient, (2. Petr. 3.) imò juxta ipsiusmet Divinæ Veritatis effatum, Coelum & terra transibunt: (Mat. 13.) & sic revera mundus transit & concupiscentia ejus. (1. Joan. 2.) Impius verò homo quasi tempestas transiens. (Prov. 10.) Vidi impium, ait Regius Vates (Psalm. 30.) superexaltatum, transivi & ecce non erat, transivit ab illo Regnum ejus, posuit in coelum os suum & lingua ejus transivit in terra (Psalm. 72.) velut somnium avolans (Job. 20.) non invenietur, & transiet sicut visio nocturna, (Ibid.) cumque in inferni præcipitium venerit, ingemiscens dicit: Transierunt illa omnia. (Sap. 5.) Quæ omnia? delitiæ, divitiæ, voluptates, honores, vana gloria: transierunt illa omnia sicut umbra. Justo enim Dei Judicio, quasi umbra transeunt, qui non timent faciem Domini. (Eccl. 8.) Nec minùs propter impietates hominum dicit Deus gladio; (Ezech. 14.) transi per terram: hinc bella, hinc fames. Dicit Dominus: pestis & sanguis transibunt per te; (Ezech. 5.) hinc mortalitates. Denique ita suis spatiis transeunt & pereunt universa. Et nos quid Fratres mei, in hoc vitæ mortalis, mundi prætereuntis, terræ pereuntis transitu constituti? Speculemur & imitemur transitum Domini. Ac quidem si dicit mundus, caro, diabolus vel proles eorum peccatum, si dicit animæ nostræ: Incurvare, ut transeamus. (Isaia 51.) Procul à nobis hic transitus malignantium, & operantium iniquitatem. (Psalm 27.) Misericordiam Domini imploremus, in umbra alarum ejus speremus, donec transeat iniquitas. (Psalm 56.) Audiamus Verbum Domini nos alloquens: Sapientiæ illi Divinarum sedium assistrici (Eccl. 24.) aurem & cor præbeamus vocanti: Transite ad me omnes, qui concupiscitis me. (Ibid.) Sed quâ viâ? Non aliâ, quàm viâ Maris rubri, viâ poenitentiae, viâ Passionis. Sic planè orat: Transeat à me Calix iste. (Matt. 26.) Calix Passionis ad alios me sequaces. Christus enim passus est pro nobis, relinquens simul nobis exemplum, ut sequamur vestigia ejus. (1. Petr. 2.) Et quidem non aliter, sed per ignem mortificationis & aquam poenitentiae lacrymarum educimur in refrigerium, (Ps. 65.) quando ipsum Christum, ipsum Dei Filium sic oportuit pati, & ita intrare in gloriam suam. (Luc. 24.) Jam verò transitum Gratiæ & inspirationum ejus solenniter observemus, ne nobis contingat, quòd ignavæ Sponsæ, ubi Dilectus ab ea jam declinaverat, atque transierat. (Cant. 5.) Non aliter nobis datur videre faciem Domini hic in terra, nisi per transitum uti Moyse (Exod. 34.) & Eliæ. (3. Reg. 19.) Dulcis hora (teste Mellifluo Patre) sed brevis mora. Audiamus, quid loquatur in nobis Dominus. (Psalm. 84.) Qui enim verbum meum audit, dicit ipsum Verbum, (Joan. 5.) transit à morte in vitam. Si porrò fluctus tribulationum super nos transeunt, (Ps. 41. & Jon. 2.) si sagittæ (Ps. 76.) pænarum ejus, imò ipsæ iræ ejus (Psalm. 87.)

A

B

C

D

- A** in nos transeunt, quid remedii? Nonne ab eadem via maris rubri, via poenitentiae, transeamus in affectum cordis (*Psal. 72.*) contriti & humiliati, (*Psal. 50.*) donec à Deo nostro iudicium nostrum transeat? Nunc ergò siquidem cum resurrectionis transitu, hyems culpæ transit, imber pænæ abiit & recessit, flores renovationis nostræ apparuerunt in terra nostra, (*Cant. 2.*) imò ipsa ossa exemplo Domini ut herba germinabunt, (*Isaia 66.*) erigamus & nos animos, assurgamus læto corde & iubilo hilari cœleste Domino Alleluja accinamus. Transeamus ab aquis nivium (*Job 24.*) temporis & negligentiae ad nimium calorem fervoris, zeli & amoris Divini. Deponamus onera rerum transitoriarum
- B** scientes, difficilius camelum, funem illum Nauticum, per foramen acūs transire, quàm divitem ad regnum coelorum. (*Matth. 19.*) Mittamus potius panem nostrum super transeuntis aquas populum multum pauperum (*Ecc. 11.*) per opera misericordiae. Transeamus, id est prætergrediamur hæc temporalia, hæc terrestria, hæc carnalia; quia tenebræ hæc sunt: & verum lumen cœlestium, spiritualium, æternorum bonorum jam lucet Christus resurgens. Transeamus, id est ultra eamus & progrediamur proficientes semitâ justorum, quæ velut lux splendescens procedit & crescit usque ad perfectum diem, (*Prov. 4.*) donec transeamus in locum tabernaculi admirabilis usque ad domum DEI,
- C** (*Psal. 41.*) cœlestem Jerusalem, ubi pollutus non pertransit per eam, (*Isaia 35.*) ubi in plateis ejus Alleluja canentes, (*Apoc. 19.*) Phase Domini (*Exod. 12.*) æternum celebremus.

Hyems, Imber,
Flores trobel.

Aqua nivium
tropol.

Paupertas.

Opera Misericordiae.

Profectus in Spiritu.

Celestis Beatitudo.

Sermo in Ascensione Domini.

Ecce ego vobiscum sum dicit JESUS ascendens in calum fidelibus suis. Matth. 28.

Non tristitia, sed lætitia impleat cor nostrum P. R. F. D. quòd JESUS vita & salus nostra, (*Galat. 6.*) licet abeat à nobis, & eò redeat, unde venerat; nihilominus non nos deserat, neque orphanos & desolatos relinquat, quin imò maneat nobiscum & perseveret. Res quidem paradoxa, eundem abire & manere, ipsummet adesse & abesse, elongatum & proximum esse, ascendere in coelum & in terra morari; attamen vera. DEUS est qui loquitur, qui de se dicit: Coelum & terram ego impleo. (*Jerem. 23.*) Et alibi: coelum mea sedes, terra scabellum pedum meorum. (*Isaia 66.*) Ille idem asserit: Data est mihi omnis potestas in coelo & in terra. (*Matth. 28.*) Sed non arbitremur, quòd per solam omnipotentiam, vel immensitatem, vel gubernationem sit coeli & terræ inquilinus, vel quòd Enter, uti vulgò dicitur, præsender DEUS est & ubique potenter: cùm non minùs sit DEUS homo, etiam quoad humanitatem nobis adest, non sensu ubiquitistico Hæreticorum, sed verâ Catholicorum intelligentiâ. Et quidem multifariam multisque modis verificatur hoc dictum: Ecce ego

Christus ascendens non deserit suos.

Ubiquista Hæretici.

Q

vobiscum

Quomodo C. D.
nobiscum est?

In SS. Sacra-
mento.

In Superiori-
bus.

In Doctoribus

In Sacerdoti-
bus.

In Pauperibus.

In membris
suis Fidelibus.

Frequens Cō-
munio.

Charitas erga
omnes.

Consummatio
seculi tropol.

vobiscum sum (*Matth. 28.*) Ac primum utique fides nos docet eun-
dem IESUM Christum Deum & hominem praesentem nobis esse in SS.
Sacramento Altaris, qui sedet ad Dexteram Patris, idque physicè, rea-
liter, corporaliter, substantialiter, sub speciebus quidem panis & vini
latens; carne tamen nobis ad manducandum, & sanguine ad biben-
dum expositis patens. Est non minus nobiscum moraliter in Superiori-
bus & Rectoribus Ecclesiae, de quibus dicit: Qui vos audit, me audit,
qui vos spernit, me spernit. (*Luc. 10.*) Est in Doctoribus, quorum u-
nus ait: An experimentum quaeritis ejus, qui in me loquitur Christus?
(*2. Cor. 13.*) Est in sacerdotibus, de quibus asseverat: Qui vos tangit,
tangit pupillam oculi mei. (*Zachar. 2.*) Est in minimis, est in paupe-
ribus, quos suo dignificat nomine. Quodcunque uni ex minimis meis
fecistis, mihi fecistis. (*Matth. 25.*) Est in esurientibus, est in sitientibus,
est in nudis, est in hospitibus, est in infirmis, est in incarceratis, est
in defunctis, quibus opera misericordiae exhibita, sibi asserit esse prae-
sentata. Est denique in omnibus Christianis velut membris suis, quorum
Caput est, per cujus influentiam membra animantur, reguntur, conser-
vantur. Videte Fratres mei, quam verum effatum, quam certum &
quam diversimodè sit manifestum oraculum Christi dicentis: Ecce ego
vobiscum sum. (*Matth. 28.*) Sed ad quid nobiscum est, nisi ut & nos
cum ipso simus? Jure merito omnes exclamare debemus: Quis nos
separabit à charitate Christi! (*Rom. 8.*) Et quidem si ascenderimus in coe-
lum, illic est; (*Psal. 138.*) simus & nos ibi, ut conversatio nostra in coelis sit;
(*Philip. 3.*) quae sursum sunt, Divina, coelestia quaeramus, sapiamus,
non quae super terram. (*Coloss. 3.*) Hic sit cor nostrum, ubi thesaurus
noster est (*Matth. 6.*) IESUS residens in excelsis. Illic cogitationibus,
votis, desideriis, suspiriis habitemus & maneamus cum ipso: illuc
omnes sensus & operationes dirigamus. Interea si ad haec infima terrae
descenderimus, adest. Unde quam frequentissime moremur cum ipso
per dignam SS. Eucharistiae sumptionem: quia, qui manducat carnem
meam & bibit meum sanguinem, uti ipse ait, in me manet, & ego
in eo. (*Joan. 6.*) Superiores qui pervigilant quasi rationem pro animabus
nostris reddituri; (*Heb. 13.*) Sacerdotes velut ministros Christi & dispensato-
res mysteriorum DEI; (*1. Cor. 4.*) Doctores tanquam Verbi Divini Prædi-
catores audiamus, veneremur & sequamur: Christum enim in ipsis
respicere debemus. In pauperibus verò, parvulis, indigentibus, vel
maximè Christum attendamus, & illos misericordiae operibus prose-
quamur; quia hoc potissimum regni coelestis possessione in nobis, ve-
lut benedictis Patris sui recompensabit. Postremò in omnibus Christi-
anis, multò magis in Fratribus quisque suis Christum consideret, quos
omnes membra Christi esse fidei cognitione intuetur. Jam verò cum
dicat se nobiscum esse usque ad consummationem saeculi, (*Matth. 28.*)
utique videtur innuere Author fidei & consummator IESUS (*Hebr.*
12.) ut

A

II

C

D

A 12) ut
onem,
nobis ha
ex mon
ria: ut
est cont
steterint
bit Oliv
re; Oliv
biè in ill
B cujus loc
à Jerusale
gaudet,
quiescunt

C
C
4
or
Cedar
nisi vani
desolata
catum e
lationem
nobis P.
dictus P.
totius co
D (2. Cori
vanitate
mundan
lationes
rena sap
volente
nuat co
delecter
(Ibid.)
(Roma
Spiritus
ejus viv
(Joan.

A 12) ut in nobis per contemptum, per abrenuntiationem, per desertionem, hoc nequam seculum (*Gal. 1.*) consummetur, si ipsum in nobis habitantem volumus experiri. Addo pro coronide; quia ex monte Oliveti ascendit, (*Actor. 1.*) ut verificetur dictum Zachariae: Et stabunt pedes ejus super montem olivarum, (*Zach. 14.*) qui est contra Jerusalem. Felix Oliva nostra, si in illa adorandi pedes ejus steterint; si sit scabellum pedum ejus. (*Psal. 109.*) Erit, si nomen & omen habebit Oliva uber, fructifera, speciosa, (*Jerem. 11.*) vario virtutum genere; Oliva pacis unionem servans in vinculo pacis. Manebit haud dubie in illa Princeps pacis, (*Isaia 9.*) qui est pax nostra; (*Ephes. 2.*) & cujus locus in pace factus est. (*Psal. 75.*) Neque enim ipsi Apostoli à Jerusalem discedere debent, nempe à visione pacis; pacis quâ coelum gaudet, pacis quâ membra Capiti uniuntur, pacis quâ passionibus internæ quiescunt, pacis quâ invicem cum Deo unum sumus in charitate.

Mons Oliveti
Oliva.

Pax Apostolica,
& Myi-

Sermo in Festo Pentecostes.

Paracletus autem Spiritus S. quem mittet Pater in nomine meo. Joan. 1.

C Onsolamini, consolamini popule meus dicit DEUS vester. (*Isaia 40.*) Popule qui ambulatis in tenebris, (*Idem c. 9.*) habitatis in regione umbræ mortis (*Ibidem.*) incolatum tenes cum habitantibus Cedar (*Psal. 119.*) in valle lacrymarum, in terra caliginis, ubi nihil nisi vanitas & afflictio Spiritus. (*Eccl. 1.*) Nunquid non desolatione, desolata est terra? (*Jerem. 12.*) Abominatio desolationis ejus peccatum est; hoc verò generat mortem, veram animæ & corporis desolationem. In hac tanta desolatione unde quæremus Consolatorem nobis P. R. F. D.? Terræ huic nusquam solatium, nisi de coelo. Benedictus Pater noster, qui in coelis est. Pater misericordiarum & DEUS totius consolationis, qui consolatur nos in omni tribulatione nostra. (*2. Corinth. 1.*) Nolite jam filii Adam in terra quærere solatia, diligere vanitatem, & quærere mendacia (*Psal. 4.*) consolationis terrestres, mundanæ, carnalis. Væ enim divitibus, (*Luc. 6.*) qui habent hic consolationes suas in terra; quorum DEUS venter est, (*Philip. 3.*) qui terrena sapiunt & in his putant se solari, corporis recreationibus indulgere volentes, nos autem firmissimum solatium habemus Deum; unde renuat consolari (*Psal. 76.*) in his anima nostra, memores simus Dei, delectemur & exercitemur, & deficiat ab ejusmodi spiritus noster, (*Ibid.*) Quid enim nobis cum carne & sanguine? DEUS spiritus est, (*Roman. 1.*) in spiritu & veritate, non carne & vanitate adorandus. Spiritus ante faciem nostram Christus Dominus, in umbra exempli ejus vivimus. Paracletus quoque Spiritus Sanctus, quem mittit Pater (*Joan. 15.*) in nomine JESU salvifico, quem & ipse mittit Filius DEI,

Vita præsens
misera,

desolata.

De Cælo solatium verum.

Quid cum carne
Spiritualibus.

Paracletus
Humilium.

Paracletus
Patientium.

Vera Theolo-
gia.
Paracletus
Ferventium
Spiritus.

Paracletus
Lugentium.

Paracletus
Concordium.

Adhortatio ad
Charitatem.

(Spiritus enim est utriusque Patris & Filii) descendit super nos. Ad quid? nisi ut & nos Spirituales, qui tales appellamur, re ipsa simus, spiritu vivamus, spiritu ambulemus, (*Galat. 5.*) in spiritu vera quæramus solatia: Paracletus enim est videlicet Consolator. Sed quorum? Num superborum? minimè: DEUS est qui consolatur humiles, testatur Vas electionis interrogans: (*2. Cor. 7.*) Super quem requiescet spiritus meus, nisi super humilem, & quietum & trementem sermones meos? (*Isaia 66.*) Num iracundorum, aut impatientium? absit. Deus enim est patientiæ & solatii, qui nobis dat idipsum sapere in alterutrum. Imò quæcunque scripta sunt, ad nostram doctrinam scripta sunt, (*Rom. 15.*) ut per patientiam & consolationem scripturarum spem habeamus. Et hæc est vera Theologia in spiritu lenitatis (*Gal. 6.*) & mansuetudinis. Quæro ultra. Spiritus Sanctus Paracletus est seu Consolator, num negligentium aut ignavorum? Si dixero, loquitur Job (*Cap. 7.*) speculum patientiæ: consolabitur me lectulus meus, & revelabor loquens mecum in strato meo; terrebit me per somnia & per visiones horrore percutiet, nempe sonus tanquam Spiritus vehementis (*Act. 2.*) in linguis igneis, fervidis cordibus, tepidos, negligentes, desidiosos evo- mit Spiritus DEI. Num gaudentium & vanè latantium? neque horum. Beati qui lugent, dicit ipsa Veritas, (*Matth. 5.*) quoniam ipsi consolabuntur. Unde cum Job (*cap. 7.*) confabulabor cum amaritudine animæ meæ, in spiritu contritionis animæ jubilum requirens, ut merear Spiritum Sanctum, qui est remissio omnium peccatorum. Num felicitate fruientium? Procul ab his Spiritus Sanctus. Hæc mihi sit consolatio, (*Job. 6.*) ut affligens me dolore non parcat, nec contradicam sermonibus Sancti: Virga tua & baculus tuus ipsa me consolata sunt. (*Psal. 22.*) Sicut enim abundant passionibus Christi in nobis, ita per Christum abundat consolatio nostra scientes, quod sicut socii passionum sumus, erimus & consolationis. (*2. Cor. 1.*) Num discordium aut dissidentium? multò minùs. Spiritus Paracletus descendit super Apostolos, quos invenit concordēs in charitate unius moris (*Psal. 67.*) in una domo unanimes. Si invenitur inter nos zelus & contentio, nonne carnales sumus? certè non Spirituales, neque Spiritum DEI habentes, qui est unio Patris & Filii & amor utriusque, est DEUS charitas. (*1. Joan. 4.*) Ecclesia quæ habebat pacem, uti Acta Apostolorum memorant (*Cap. 9.*) & ædificabatur ambulans (*Ibid.*) in timore Domini, hæc consolatione Sancti Spiritus replebatur. Utinam nostra talis sit. Si qua ergo consolatio in Christo Fratres mei, alloquor vos verbis magni Apostoli, (*Phil. 2.*) si quod solatium charitatis, si qua societas spiritus, si qua viscera miserationis, implete gaudium non tam meum quàm Dei, ut idem sapiatis eandem charitatem habentes, unanimes idipsum sentientes, nihil per contentionem, neque per inanem gloriam, sed in humilitate superiores sibi invicem arbitantes, non quæ sua sunt singuli confide-

considerantes, sed ea quæ aliorum. Paracitus Spiritus quem mittit Pater; Paternus est, ergo Consolator. Hunc accepimus spiritum adoptionis filiorum, in quo clamamus, Abba Pater. (*Rom. 8.*) Paracitus Spiritus, qui mittitur in nomine (*Joan. 14.*) Salvatoris, utique plenus solatii nobis, qui operamur salutem nostram in Christo Jesu. (*Philip 2.*) Propter quod consolamini invicem, & ædificate alterutrum. (*1. Thessal. 5.*) Ipse autem Dominus noster Jesus Christus & Deus & Pater noster, qui dilexit nos, & dedit consolationem æternam & spem bonam in gratia, exhortetur corda nostra, & confirmet in omni opere & sermone bono, ut Spiritus Sancti gratiâ sanctificemur & sancti simus (*2. Thessal. 2.*) in hac terra sanctorum commorantes, abstracti à terra desolata & maledicta à carne, à corpore, à nobismet ipsis, id est nostris passionibus: igneâ Spiritus charitate feramur in cœlum ad illam cœlestem Jerusalem, quia in Jerusalem consolabimur. (*Isaia 66.*) Ibi planè replebimur ab ubere consolationis ejus, (*Ibid.*) in illo torrente felicitatis æternæ adhærentes Deo, & cum Deo omnis solatii Authore, Patre, Filio & Spiritu Sancto unus spiritus effecti. (*1. Corinth. 6.*) Veni ergo Sancte Spiritus Paraclite, Consolator optime, dulcis hospes animæ, dulce refrigerium, da omnibus in utroque statu Ecclesiastico & Politico, Regulari & Seculari, animarum agonizantium & purgantium; da inquam virtutis meritum, da salutis exitum, da perenne gaudium (*Eccl. in hymno.*) in ea, quæ tu ipse es charitate. (*1. Joan. 4.*)

Spiritus Paternus.

Spiritus solatii.

Terra sanctorum locus Professionis.

Cœlestis Hierusalem.

Aspiratio ad Spiritum S.

Sermo in Festo Sanctissimæ Trinitatis.

In Nomine Patris & Filii & Spiritus Sancti. Matth. 28.

OMnia in nomine Domini nos, qui in Deum Dominum nostrum credimus, debere facere (*Col. 3.*) Vas electionis portans nomen DEI coram gentibus (*Act. 9.*) sæpius manifestat. Et quis est Dominus noster, (*Psal. 8.*) nisi Deus Pater & Filius & Spiritus Sanctus? Benedictum equidem nomen Majestatis (*Psal. 71.*) Divinæ, sed in tribus manifestatum nominibus, in una essentia Deitatis. Beatus planè vir, cujus est nomen Domini spes ejus, & non respexit in vanitates & insanias falsas. (*Psal. 39.*) Vani filii hominum, (*Psal. 4.*) ponunt & vocant nomina sua in terris suis, (*Psal. 48.*) imò nomen Domini vel assumunt in vanum, (*Exod. 20*) vel non dant gloriam laudi ejus. (*Psal. 65.*) O Beatam Olivam! super quam invocatum est nomen DEI, (*Eccl. 36.*) nomen sanctissimæ Trinitatis, cujus sacratissimo nomini est consecrata, imò ejus ineffabile Jehova nomen, sui quoque nominis literis aliquantulum exprimit Oliva E literâ exceptâ, quæ exultantis, Eja exclamantis, adeoque lætitiæ, quæ in DEO est, denotantis specimen gerit, pro quâ habet literam L lugentis, lamentantis, lachrymantis formam præferens, quia sita in valle lacrymarum.

Omnia in Nomine Domini

Quis noster Dominus & quod Nomen Domini?

Olive & Nominis ineffabile notatio.

*Oliva SSS.
Trinitatis sacra
& quomodo
conformis.
Abbas Pater.
Filius Congre-
gatio.*

*Spiritus S.
Regula Sancta.*

*Imago & simi-
lilitudo Trinita-
tis in unoquo-
que.
Memoria, In-
tellectus, Vo-
luntas.
Fides, spes,
Charitas.
Cogitatio, O-
peratio, & Le-
uitio.*

*Cecit JESUS
facere & do-
cere*

rum. Quidni nomini Patris & Filii & Spiritus Sancti debet se conformare Oliva? Liceat magnis componere parva. Nonne in illa Trinum Personarum unitate quædam communitatis forma est? cui nostra communitas ut sit conformis, necesse est. Patris officium & nomen gerit Abbas: quod nomen ex Hebraico Patrem significat; Pater generat filium; Abbas congregationem; utique prius Abbates fuere, postea congregationes. Ipse legislator noster Divus Benedictus prima vitæ Religiosæ fundamenta in se jecit, ad quem congregati Fratres se ipsius regimini subdentes ab eo in coenobiticam seu communem vitam sunt redacti. Idem dicendum de Abbatibus sanctis Antonio, Pachomio, Columbano, per quos deserta communis vitæ societate sunt repleta. Idem de aliis Ordinum Institutoribus per experientiam constat, ab uno Patre cæpta instituta multitudine filiorum in unum coaluisse. Filius tamen unus, non filii dicendi propter unanimatem, uniformitatem & unitatem, omnes tanquam unus vir; Pater & Filius in Spiritu Sancto uniuntur. Abbas & communitas in spirituali regulæ sanctæ observantia sibi invicem connectuntur: Ergo Oliva stat in nomine Patris & Filii & Spiritus Sancti. Stat in Abbate, communitate & Regulæ sanctæ disciplina: Stet utinam sic in æternum ad honorem & gloriam Patris & Filii & Spiritus Sancti. Sed & unusquisque nostrum, qui est Olivæ civis, domesticus & inquilinus, agere debet in nomine Patris & Filii & Spiritus Sancti: Ita sanè in nobis & in vita nostra exprimere debemus hocce summum mysterium Trinitatis. Dicetis fortasse quoad animam, in qua memoria, intellectus & voluntas unita imaginem & similitudinem Unitrini DEI repræsentant? Non abs re equidem. Credetis quoad perfectionem salutis nostræ, quæ in tribus virtutibus, fide, spe & charitate radicitur? Nec hoc incongruè. Mihi tamen pronunc occurrit in cogitatione, operatione & locutione Trinitatis SSS. speciem & posse & debere à nobis repræsentari. Ac quidem cogitatio nostra bona & sancta sit, ut bona & sancta opera parturiat. Non quòd idonei simus cogitare aliquid à nobis tanquam ex nobismetipsis, sed sufficientia nostra ex Deo est: (2. Cor. 3.) Imò omne datum optimum & omne donum perfectum desursum descendens est à Patre luminum. (Jacobi 1.) Patris ergo formam cogitatio bona refert; quæ generat filium bonam operationem, per quam certam debemus facere vocationem nostram. (2. Petr. 1.) Si bona opera non præcederent cogitationes bonæ (dicit lumen Doctorum Augustinus) nulla essent. Pater meus usque nunc operatur, ait Filius Dei, & ego operor. (Joan. 5.) Simul planè currunt & bona cogitatio & bona operatio. Succedit Spiritus Sanctus, qui linguæ formam detulit, utique bonæ locutionis normam declarans. Ipse Filius Dei coepit facere & docere: (Act. 1.) ut nos prius bono exemplo hoc monstremus, quod verbo volumus prædicare. Sed & ipsa benefacta per se loquuntur & prædicant. Turpe autem

A

B

C

D

autem el-
cientiam
militate
aliaque
gito suo
cepis lu-
ctum, o-
ratione
si quis e-
qui aut
Ante on-
2.) Quis
quanto
lite detra-
Fili char-
(Matth.
tris, un-
bulate in-
latim Ec-
Pater
munitas
est animi
perditio
enta gra-
latis; qu-
ingratitu-
modò n-
em. H-
rentibus
nostra si-
D vera pa-
in hono-
ritus Sa-

P Ra-
bil-
cu-
signific-
tia DE-
ctum e-

A autem est Doctore, cum culpa redarguit ipsum: quando impatiens patientiam, dissolutus disciplinam, immodestus modestiam, superbus humilitatem, inobediens obedientiam, maledicus & detractor silentium, aliaque his similia aliis proponit observanda: onera imponens, quæ digito suo vix implemet tangit, (*Deut. 26.*) vel satius contraria agit præceptis suis. Cor igitur, manus & lingua est Trinitas nostra. Cor rectum, oculum intentionis non obliquum sed rectum habens, rectâ operatione & rectâ locutione sese manifestat: recta inquam locutione; si quis enim in verbo non offendit, hic perfectus est vir: (*Jacob. 3.*) qui autem linguam suam non refrenat, hujus vana est religio. (*Jacob. 1.*)

B Ante omnia autem imperat Deus. Nolite tangere Christos meos. (*Rom. 2.*) Quis es tu, qui judicas fratrem? interrogat Apostolus Jacobus (*c. 4.*) quantum magis Patrem? Sed & alter Apostolus monet. (*Ephes. 4.*) Nolite detrahare alterutrum Fratres. Estote potius Imitatores DEI, sicut Filii charissimi; (*Ibid.*) agite in nomine Patris & Filii & Spiritus Sancti, (*Matth. 28.*) id est cogitate, facite, loquimini bona in respectum Patris, unionem communitatis, regulæ sanctæ observantiam, & ambulate in dilectione; (*Ephes. 5.*) quia Deus charitas est, (*1. Joan. 4.*) & sigillatim Ecclesia sancta concinit: Charitas Pater, & hanc vobis monstrat Pater Abbas. Gratia filius, gratia sive gratitudo sit Communitas. Audite mellissimum Patrem: Ingratitudo inimica

C est animæ, exinanitio meritorum, virtutum dispersio, beneficiorum perditio, ventus urens siccans fontem pietatis, rorem misericordiæ, fluentia gratiæ. Peremptoria res est ingratitude, hostis gratiæ, inimica salutis; quoniam nihil ita displicet Deo præsertim in filiis gratiæ, quam ingratitude. Gratiarum cessat decursus, ubi recursus non fuerit, nec modò nihil augetur ingrato, sed quod accepit, vertetur ei in perniciem. Hæc sanctus Pater. Gratia ergò Filius, quia filii grati sunt Parentibus suis. Communicatio Spiritus Sanctus, ut & in communitate nostra sit mutua spiritus & gratiarum unio & communio: adeoque

D vera pax & concordia in vita spirituali perseveret. Et sic Oliva nostra in honorem Sanctissimæ Trinitatis fundata, in nomine Patris Filii & Spiritus Sancti verè poterit perennare.

Trinitas tropol. Cor, Manus, Lingua.

Nolite tangere Christos.

Charitas Pater.
Gratia Communitas.
S. Bernar.
Quantum mellissimum Ingratitudo.

Communicatio S. Unio Spiritus S.

Sermo in Festo Sancti Joannis Baptiste.

Joannes est nomen ejus. Luc. 1.

PRæterlapso naturæ & legis scriptæ tempore venit tempus acceptabile, plenitudo temporis, (*2. Corinth. 6.*) tempus gratiæ P. R. F. D. cujus initia in ortu Joannis etiam per ipsum nomen, quod gratiam significat, orbi sunt manifestata. Antequam enim appareret gratia DEI Salvatoris nostri, (*1. Timoth. 2.*) priusquam Verbum caro factum esset plenum gratiæ & veritatis: (*Joan. 1.*) præludia Gratia Dei

Tempus Gratia plenum Gratiarum.

Gratia DEI
necessitas.

Gratia actua-
lis disponit ad
sanctificationē
habitualement.

Humilitas cor-
dis contriti &
Joanna B.

Humilitas JE
SU & MA-
RIÆ.

Fructus Humi-
litatis.

uenturæ in Matre Matris Domini Anna, quod etiam gratiam sonat, præ-
cessere, in ipsa multò magis Dei Genitrice, quæ gratia plena salutatur
(*Luc. 1.*) maxima ejus specimina præluxere; tandem in Præcuratore Do-
mini & primo gratiæ in appropinquatione regni coelorum Prædicato-
re, re & nomine Gratia Dei est gratè facta. Et quis gratiam hanc non
gratanter cum gratitudine & gratiarum actione tanquam verè gratis da-
tam à DEO non acceptaret? utique omnes peccavimus & egemus gra-
tiâ Dei, (*Rom. 3.*) & absque illa salvari non possumus. Facienti, quod
in se est, Deus non denegat gratiam, dicit axioma Theologicum. Quid-
nam illud est, quod in nobis est, ut illud facere possimus? Quid ha-
bemus, quod non accepimus? (*1. Cor. 4.*) Sine Authore gratiæ nihil
facere possumus. Omnis sufficientia nostra ex DEO est. (*2. Corinth. 3.*)
Ipse dat velle, ipse dat perficere. Ne dicas in corde tuo, monet lex
DEI: Fortitudo mea & potentia manus meæ fecit mihi virtutem ma-
gnam hanc, sed memoraberis Domini Dei tui, (*Dent. 8.*) quia ipse
tibi dat fortitudinem, facere virtutem. Fratres mei gratiâ Dei sumus
id, quod sumus. (*1. Cor. 15.*) Et inde semper videamus, ne in vacuum
gratiam Dei recipiamus. (*2. Corinth. 6.*) Quid tamen illud est, quod
nobis facto opus est pro gratia Dei consequenda? Crediderim prom-
ptam ad bonum voluntatem gerere, paratum cor habere, parare viam
Domino (*Luc. 3.*) in bona voluntate. Velle enim adjacet nobis (*Rom.*
7.) quos per liberum arbitrium DEUS reliquit in manu consilii sui.
(*Eccles. 15.*) Et quæ præparatio cordis, quæ paratio viæ? Nulla alia
Patres ac Fratres dilectissimi, præterquam in spiritu humilitatis (*Da-*
niel. 3.) & in animo contrito. Videte præconem veritatis. Sanctus ex
utero, magnus coram Domino, (*Luc. 7.*) Angelus Domini, Propheta,
quo inter natos mulierum major non surrexit; (*Luc. 3.*) audite quid dicat.
Non sum dignus corrigiam calceamenti solvere, (*Ibid.*) qui dignus fuit ver-
ticem Domini tangere, & baptismo abluere. Interrogatus quis esset, non
arrogat sibi textum. Ecce ego mitto Angelum meum, (*Marc. 1.*) sed
assumit alium. Ecce vox clamantis. (*Luc. 3.*) Quid vilius, quid exi-
lius de se dicere potuit? En spiritus humilitatis, non habere cor exalta-
tum, non gestare oculos elatos, non ambulare in magnis & mirabilibus
super se: (*Psal. 130.*) sed viliter & humiliter de se sentire, quod ipse
in se Magister humilitatis pro exemplo cunctis statuit Christianis. Di-
scite à me, quia mitis sum & humilis corde. (*Matth. 23.*) In matre sua
respexit humilitatem. (*Luc. 1.*) Quoniam excelsus Dominus & humi-
liâ respicit, (*Psal. 112.*) adeoque solis humilibus dat gratiam. (*Jac. 4.*)
Accedit homo ad cor altum, exaltatur Deus, (*Psal. 63.*) alta à longè
cognoscit. (*Ibid.*) Ergo qui se putat aliquid esse cum nihil sit, ipse se se-
ducit, (*Galat. 6.*) nec gratiam meretur. Oculi Domini super justos, (*Ps.*
33.) justus autem in principio accusator est sui, nec quærit excusationes
in peccatis; (*Prov. 3.*) hinc sequitur post spiritum humiliatum animus
contri-

Joannes præ-
dicat re & ore
Pœnitentiam.

Eremicola.

Rigor discipli-
ne conservat
Gratiam D.

Fructus digni
Pœnitentia.

Gratitudo.

S. Bernar.

Noli altum fa-
pere.
Timor DEI.

Sion Ecclesia
Christi supra
Petram.

- A contritus. Prima vox Vocis nostræ fuit, pœnitentiam agite. (*Matth. 3.*) Sed non voce tantum, verum opere magis idipsum monstravit, quod prædicavit Joannes Eremicola rigidus, severus & austerus, in victu & amictu omnem præferens asperitatem. Quid tibi cum tanta pœnitentiæ austeritate Joannes? Sanctificatus in utero, sanctus ad mortem permansisti: ad quid hic rigor vitæ? Respondet, ut sim re & nomine Joannes, fruor DEI gratiâ. Hinc & exhortatur nos voce Regii Vatis: Apprehendite disciplinam, ne pereatis de via iusta, (*Psal. 2.*) de via gratiæ. Disciplina pœnitentiæ necessaria ad gratiam adipiscendam, ad gratiam conservandam. Castigo corpus meum, loquitur de se Vas electionis, & in servitutem redigo, (*1. Cor. 9.*) ne fortè prædicans aliis, ipse reprobus efficiar. (*Ibidem.*) Et hoc est facere quod in se est, humiliari sub potenti manu DEI, (*1. Petr. 5.*) fructus dignos pœnitentiæ exequi. (*Luc. 3.*)
- B Cum Joanne fugere publicum, quærere latere, amare contemni, lucernam esse prius ardentem in gratia Dei, in charitate, & postea lucentem, testimonium perhibere de lumine (*Joan. 1.*) Divinæ gratiæ, ipsi, non sibi omnia attribuendo: liberè depromere ibi, ubi opus est, pro veritate & justitia illud, NON LICET. (*Matth. 14.*) Hæc sunt opera, hi effectus, hæc charismata gratiæ meliora. (*1. Cor. 12.*) Denique in omnibus gratias agere, (*1. Thess. 5.*) ut plures gratias mereamur. Spiritui enim gratiæ contumeliam facit, ait mellifluus Pater noster, qui beneficium dantis gratia mente non suscipit. Sit gratia pro gratia. (*Joan. 1.*) Ad coronidem sit nobis sententia ejusdem S. P. N. dicentis ab experientia. In veritate didici nihil æquè efficax esse ad gratiam promerendam, retinendam, & recuperandam, quàm si omni tempore coram Deo inveniaris non altum sapere, sed timere sicut scriptum est: Beatus homo, qui semper est pavidus. Time ergò cum arriserit gratia, time cum abierit; time cum denuò revertetur, & hoc semper pavidum est. Et quia timor Domini (addo ego) expellit peccatum (*Eccl. 1.*) utique per pœnitentiam, nutrit humilitatem & meretur gratiam: quam nobis per merita Sancti Joannis concedat Pater luminum (*Jacob. 1.*) & multiformis gratiæ largitor (*1. Petr. 4.*) in charitate.
- C
- D

Sermo in Festo Sanctorum Petri & Pauli.

Tu es Petrus & super hanc petram ædificabo Ecclesiam meam.

Matth. 7.

Quàm benè Dominus similis viro sapienti, imò ipsa DEI Sapientiâ, domum suam ædificavit supra petram! (*Matth. 7.*) P. R. F. D. ut solida, stabilis & inconcussa permaneret. Scitis utique, quia habitatio Dei in Syon, (*Psal. 75.*) quod significat acervum lapidum; per Syon autem semper Ecclesia, quæ est Domus Dei, (*1. Petr. 4.*) figuratur. Et quidem fundamentum nemo potest aliud

S

ponere

Fundamentum
Fundamentorum
Christus.

Domus DEI
Fideles

Petrus & Paulus
Apostoli

Fides, &c.

Pondus D.
Amoris.

Charitas Petri

Charitas Pauli

Zelus animarum.

Lapides pretiosi
virtutum.

ponere (1. Cor. 3.) nempe salutis æternæ basim, præterquàm quod positum est, (*Ibid.*) quod est Christus JESUS juxta Prophetiam Isaïæ: (c. 28.) Ecce ego ponam in fundamentis Syon lapidem probatum, angularem, pretiosum, in fundamento fundatum. Hic est lapis, quem reprobaverunt ædificantes (*Psal. 117.*) perversi & increduli Judæi, qui factus est in caput anguli. (*Matth. 21.*) Petra enim erat Christus, (1. Petr. 2.) ad quem accedentes Principes Apostolorum hodierni, facti & ipsi fundamenta, accedentes per fidem vivam, ad hunc lapidem vivum, (1. Petr. 2.) à DEO electum & honorificatum, & ipsi tanquam lapides vivi superædificati Domus spiritualis effecti sunt. Et sic ædificavit Dominus Syon (*Psal. 101.*) & ædificat usque nunc. Unde omnes fideles, non sumus hospites & advenæ, sed cives Sanctorum & domestici DEI superædificati super fundamentum Apostolorum & Prophetarum ipso summo angulari lapide Christo JESU. (*Ephes. 2.*) Quin Domus DEI sumus nos ipsi, teste sole Doctorum Augustino. Si Domus Dei nos ipsi in hoc seculo ædificamur Templum sanctum in Domino. Jam consideremus non tantum Simonem Caput Apostolorum vocari singulariter Petram, sed idem de Divo Paulo similitudinariè dictum censeamus; idem nobis credamus inculcari. In Petra sive lapide æstimatur soliditas, pretium, pondus & magnitudinis figura: soliditas ad fidem spectat, pondus ad amorem, pretium ad reliquas virtutes, figura ad constantiam quadraturam. Hæc omnia quidni in sanctis Apostolis Petro & Paulo, maxime emicuerunt? Ipsi sunt, qui fuerunt in fide radicati & solidati, per quos & nos fidem accepimus. Unde & fidelium Ecclesia Apostolica nuncupatur. Jam pondus meum, amor meus dicebat Augustus Doctor, quocunque feror, amore feror. Mineralia omnia in lapidibus hærent occultata. Summum verò pondus est auri, quo verè aurea charitas designatur. Contestationem ternam amoris, factam à Divo Petro novimus dicente: Tu scis Domine, quia amo Te, & animam meam pono pro Te. (*Joan. 13.*) Quanta porro charitas fuerit in Divo Paulo; summa ipsius resolutio manifestat, interrogantis, quis nos separabit à charitate Christi? (*Rom. 8.*) & respondentis: Nulla creatura, nulla prorsus separabit à charitate Dei, quæ est in Christo JESU. (*Ibid.*) Quoad proximum autem, amorem eorum monstrat zelus, quo imperterritè ac indefessè, tam Orientem quàm Occidentem percurrentes omnes Christo lucrifacere (*Corinth. 9.*) conati sunt, & verbo & exemplo trahentes, & scripto per Epistolas suas docentes omnes Gentes, ut eas ad agnitionem fidei & Ecclesiæ unitatem pertraherent; ubi unus eorum ex amore etiam anathema fieri pro Fratribus voluit. (*Rom. 9.*) Quàm pretiosi deinde lapides fuerint, virtutum in ipsis relucens decora declarant; ac ideò in numero lapidum illorum, quibus superna Civitas Jerusalem innititur, censentur. Neque vacat prudentiæ, obedientiæ, paupertatis, humilitatis & super omnia patientiæ,

A

B

C

D

tiæ, ceter
omni lapi
severanti
quam in
ex lapid
tram und
habet lab
tur: Tu
amoris, p
nobis, &
quid obl
complane
verè Syon
Scimus m
tionale m
menta no
munt pop
signatur.
honorific
nobis vel
salutaris.
sione Do
aqua poe
sit nobis
mum Ap
15.) Ist
nos ædifi
Syon. I
riam suan
cationis,
stitutam,
litico &
Exu
Vix
ru
pe
cancellor
vidit Joa
materni
luz: Su

tiæ, cæterarumque virtutum specimina edisserere, ut verè coagulati ex omni lapide pretioso videri possint. Postremùm forma quadrata perseverantiæ usque ad mortem patuit in morte utriusque pretiosa, per quam in illam translati sunt civitatem, quæ in quadro posita (*Apoc. 21.*) ex lapidibus constituitur quadratis. Nos autem quid? Attendamus ad Petram unde excisi sumus, (*Isaia 51.*) Dei ædificatio sumus. Ædificatio habet laborem, labor in nobis est, gratia in Deo. Nobis quoque dicitur: Tu es Petra. Sed petra debet constare soliditate fidei, pondere amoris, pretio virtutum, formâ perseverantiæ. Examinemus hæc in nobis, & si quid in nobis deficit, suppleamus; si quid non rectum, si quid obliquum, præcidamus & collineemus; si quid non cohærens, complanemus & compaginemus, ut sic DEI Domus, DEI structura verè Syon, id est acervus lapidum coadunatus in DEO fieri possimus. Scimus monumentum ex 12. lapidibus formatum, (*Josue 4.*) novimus rationale 12. lapidibus pretiosis contextum, (*Exod. 39.*) nec ignoramus fundamenta novæ Jerusalem 12. lapidibus (*Apoc. 25*) constare. Omnia hæc exprimunt populos, nationes, tribus deniq; duodenario numero universitas designatur. In hac dum & nos sumus, curemus esse lapides vivi, pretiosi, electi, honorificati, non lapides offensionis nec petrae scandali. (*1. Petr. 2.*) De nobis velut petra fluat mel devotionis, oleum misericordiæ, aqua sapientiæ salutaris. (*Ecccl. 15.*) Nec desit nobis exemplo Divi Petri, qui à passione Domini capit flere, (*Marc. 14.*) nec destitit usque ad mortem, aqua poenitentiae continuæ, quâ abluamus sordes peccatorum. Ad sit nobis exemplo Divi Pauli, aqua convallium humilitatis, qui minimum Apostolorum, nec dignum se vocari Apostolum judicabat. (*1. Cor. 15.*) Istis aquis coagulantur lapides sancti, Divino ædificio apti, ut & nos ædificemur in Domum DEI, ædificemus in nobis & aliis arcem Syon. DEUS autem omnis gratiæ, qui vocavit nos in æternam gloriam suam in Christo Jesu (*1. Petr. 5.*) modicum passos in labore ædificationis, ipse inquam per merita SS. Apostolorum, Ecclesiam à se institutam, ab Apostolis exstructam, in utroque statu Ecclesiastico & Politico & nos in ipsa perficiat, confirmet & solider charitate.

Sermo in Festo Visitationis B. V. M.

Exurgens Maria abiit in montana cum festinatione. Luc. 1.

Vix descenderat sponsus in tabernaculum suum, Filius DEI in uterum Virginis Matris, stans post parietem carnis nostræ, prospiciens per fenestras (*Cant. 2.*) providentiæ suæ & bonitatis, respiciens per cancellos, quos primum peccatum inter Deum & hominem fabricaverat; vidit Joannem amicum suum, quia sponsi, (*Joan. 3.*) in carcere non tam materni uteri, quàm delicti primigenii clausum, & mox loquitur Matri suæ: Surge, propera Amica mea, (*Ibid.*) festina ne tardaveris: relaxa

Perseverantia.

Imitanda Petra Apostolica

Duodecim Lapidum Mysterium.

Mel de Petra.

Humilitas Pauli.

Fenestra Providentia D. Cancelli Peccati.

Matria Misericordie promptitudo.

Saliens in Montibus.

Celerior salus cum MARIA

Joannis sanctificationis per MARIAM.

Vox & Verbum salus.

Optanda & nobis MARIE Visitatio.

Incipientes. Proscientes.

Studium Gratiæ D.

facinora plebis, (*Matth. 11.*) crimina generis humani in Joanne posito in vinculis; quem funes peccatorum hæreditariorum circumplexi sunt. (*Psal. 118.*) Euestigio exurgens Maria abiit in montana cum festinatione. (*Luc. 1.*) Maria velox ad audiendum, ad miserendum volans, prompta ad succurrendum, ad adjuvandum festina, priusquam invocetur, jam dicit: Ecce adsum. (*Isaia 58*) In sermonibus verbi Divini festinavit iter, (*Ecc. 43.*) abiit in montana, (*Luc. 1.*) ut verificaretur vox dilecti. Ecce iste venit saliens in montibus gratiarum, transiliens colles (*Cant. 2.*) mundanæ altitudinis; incurvati enim sunt colles mundi ab itineribus æternitatis ejus: (*Hab. 3.*) veniens venit & non tardat, (*Idem c. 2.*) exultavit ut Gygas ad currendam viam (*Psal. 18.*) cum Maria, ut vox Salvatoris ejus, vox exultationis & vox salutis (*Psal. 106*) in voce clamantis in deserto (*Luc. 3.*) uteri materni, deserto per culpam Adæ causato; simul ac in tabernaculo iustorum felicitis illius familiæ exultante Joanne resonaret. Accelera Maria; accelera JESU, spolia detrahe, (*Isaia 8.*) quæ fortis armatus rapuit, festina prædari: (*Ibid.*) ut væ illi sit, qui Joannem prædatus est, quia & ipse prædabitur, præda fiet. Discurre, festina, (*Prov. 6.*) luscita Amicum tuum peccato soporatum imò immortuum. Exulta Joannes, citò veniet salus tua, salvabit te & liberabit Salvator & Liberator Jesus per Mariam salutantem, salutem tibi ferentem cum festinatione. (*Luc. 1.*) Quidni exinde gaudium & exultatio? Ita est P. R. F. D. Lux orta est iusto & rectis corde lætitia. (*Psal. 96.*) Venit Maria, ex qua ortus est Sol iustitiæ. (*Malach. 4.*) Venit mulier fortis, (*Prov. 31.*) Mulier conterens Caput serpentis antiqui (*Gen. 3.*) in Joanne caput illud perditionis humanæ, peccatum Originale dico, virtute seminis sui contritura. Ostendit faciem suam decoram, (*Cant. 2.*) sonuit vox ejus dulcis in auribus Elisabeth, facta est vox salutationis (*Luc. 1.*) Mariæ, & secutus est effectus salutis in Joanne. Virgo Verbo Ave suscipiens Verbum, verbo FIAT Verbum (*Ibidem.*) concipiens, verbo Ave (*Ibid.*) rursus & voce gratiæ, Voci in utero clausæ gratiam paravit per Verbum vitæ in se Caro factum: (*Joan. 1.*) vitam gratiæ Joanni infudit, ut Joannes verè esset talis; id est gratia sive graciosus: fructu benedicto Ventris sui (*Luc. 1.*) fructum mortis abstulit à Joanne. Linguam infantis fecit disertam, (*Sapien. 10.*) quia exultavit infans. (*Luc. 1.*) Infantem vox Mariæ fecit fanthem, quia exultantem. O admiranda mysteria Visitationis Mariæ omni voto recolenda, omni studio veneranda, omni gaudio prosequenda! O utinam & nos visitaret Maria! utinam exurgeret, utinam ad nos veniret cum festinatione! (*Luc. 1.*) Exurget si & nos exsurrexerimus à mortuis, peccatis mortem æternam generantibus. Veniet, si montana fuerimus, si ad alta virtutum, ad superna quærenda, ad celestia non terrestria ambienda nos erexerimus. Visitabit, si curaverimus esse Joannes, si ad gratiam Dei anhelantes, ad salutis æternæ bravium currentes, viam mandatorum Dei festinaverimus.

mus. Videte illum Jonatham coelestem sicut sagittæ ex manu potentis, (1. Reg. 20.) sic ab ipso gratiæ Divinæ vibrantur ad Joannem alterum Davidem. Et nos quid? dormitabimusne, ut veniat super nos quasi viator egestas (Prov. 6.) gratiæ Divinæ & pauperies spiritus quasi vir armatus. Stertemusne, an evigilabimus? nonne pueri sumus parvuli, servi Jonathæ, qui est donum DEI. Clamat post nos. Festina, ne steteris. (1. Reg. 20.) In via enim Dei non progredi, regredi est. DEUS festinato ire præcipit. Adhucne morabimur & gratiam Dei sinemus transire, sinemus in vacuum abire? (2. Cor. 6.) Visitatione Abraham ab angelis, mox festinat in tabernaculum, (Gen. 18.) festinat ad tractandum Phasæ Domini, quod est transitus, comeditur festinanter. Festinemus & nos ingredi in illam requiem, quæ est in montibus sanctis, (Ps. 86.) ad quam per gratiam Dei datur accessus: ad quam non passibus, sed affectibus, nec hisce solis sed magis operibus heroicarum virtutum ascendendum est. Nonne adesse festinant tempora? (Deut. 32.) nonne deficient in vanitate dies nostri, (Ps. 77.) & anni nostri abeunt cum festinatione? Si cum Saule quærimus videntem culmen Prophetarum, per quem adipiscamur regnum coelorum, audiamus sanctas mulieres hodiernas se invicem salutantes, (Marc. 16.) quid dicant unicuique nostrum. Hic est JESUS Rex Israel nempe videntium Deum, qui te vocat ad regnum suum. Ecce ante te cernis hunc in speculo fidei, in imagine crucifixi; legis in verbo scripturæ, & sumis in realitate Eucharistiæ. Audis quod in te, ad te loquitur. (Psalm. 88.) Sequere me. (Joan. 1) Ecce ante te, festina nunc, (1. Reg. 9.) hodie venit, quotidie venit. Sacrificium est hodie, id est semper in illa beata æternitate populi illius coelestis in excelsis. Abi in montana cum Maria, sed abi cum festinatione; nescit enim tarda molimina Spiritus Sancti gratia. Si veniat quinquagenarius uti venit ad Eliam (4. Reg. 1.) ex jubilo mundi dicens tibi, festina descende. (Luc. 19.) Vide ne moram feceris, descendat potius ignis de coelo devorans (Gen. 3.) gaudia mundi. Si tamen sycomorum vanæ gloriæ hujus seculi cum Zachæo aliquando ascendisti: (Luc. 19.) Noli stare in hac fatalitate, non ambula in vanitate, nec festinet in dolo pes tuus, (Job. 31.) qui enim ita festinus est pedibus, (Prov. 19) facile offendit, multo magis qui festinat, ut effundat sanguinem. (Eccl. 28.) Audi vocem Christi monentis: festina descende (Luc. 19) per humilitatem, quam Dominus in Maria respexit, (Luc. 1.) & tunc cum illa ascende in montana, festina & salvare ibi cum Loth ab incendio (Genes. 13.) peccati. Ibi reperies Mariam salutantem, Jesum salvantem, Joannem exultantem, gratiam Dei in corde tuo jubilantem, Elisabeth animam tuam repletam Spiritu Sancto. (Luc. 1.) Et tunc benedictio Dei in mercedem justi festinabit, & in honore veloci processus tuus fructificabit (Eccl. 11.) in vitam æternam.

Sagittæ Jonathæ
the Gratia Dei

Jonathæ
quærit

Visitatione
Abraham ab Angelis.

Festinatio Is-
lutaris ad æ-
ternam requiem.

Festinant tem-
pora.

JESUS Rex
videntium
DEUM

Spiritus prom-
ptus.
Quinquagenari-
us Eliæ tro-
pol. Mūdanus.

Sycomorus Zachæi tro-
pol.
Vanitas.
Quæ festinatio
vitiola?

Loth ubi sal-
vatur
Quid in Calde-
monemus?
Elisabeth nos
Anima.

Sermo in Festo S. Stephani.

Data est ei corona & exivit vincens ut vinceret. Apoc. 6.

Testum S. Patris tandem fit solennius.

Corona & Aureum S. O. Vinculum.

Charta Charitatis.

Visitationes.

Vinculum perfectionis.

Stabilitas.

Singularia S. Ordinis.

Non absque singulari Dei Providentia accidit, quod post tot secula sancti Patris nostri Stephani merita haecenus quasi oblivione sepulta, nunc primum in lucem prodeant & publica ac solenniori veneratione celebrentur. P. R. F. D. Meo exili iudicio videtur Deus per exemplum primi Patris, spiritum fervoris primitivum in nobis posteris ejus velle excitare. Unde jure merito id ipsum Mater Ecclesia in hodierna deposcit oratione. Videamus filii quid egerit Pater, pensemus qui se gesserit in primitiis Ordinis, ut & nos in reliquiis quasi Ordinis positi vitam nostram ejus operibus conformemus. Et quidem verè Stephanus, verè corona Ordinis fuit Vir iste, qui Sacrum Ordinem nostrum coronâ aureâ, nempe chartâ charitatis aureæ consecravit & coronavit. Ordo S. P. nostri Benedicti fuit protunc absque nexu, absque unionem, absque ligamento. Data est ei corona; datus sanctus Pater Stephanus, qui connexionem, conjunctionem & unionem per chartam charitatis in Ordine contexuit; ut sicut corona in circulum plectitur, sibi que cohæret, ita Ordo noster, adinvicem vinculo charitatis sociaretur & copularetur. Ordinavit in eo planè charitatem, (Cant. 2.) media charitate contravit novellas ex novo monasterio ita dicto Cistercio exortas plantationes, & tam capitulorum generalium vera exultationis coronâ, (Eccl. 1.) quàm frequentium visitationum veluti coronâ vitæ (Jac. 1.) revificante animos Religiosorum in Monasteriis, & fervorem redintegrante Ordinem ad ordinem reduxit & redimivit. Inde exivit vincens (Apoc. 6.) se ipsum, vincens difficultates domesticas, ut vinceret mundum, vinceret capitalem generis humani inimicum, qui etiam coronam facit, in circuitu impius ambulat, (Psalm. 11.) circuit quærens quem devoret (1. Petr. 5.) potissimum in claustris Deo dicatis. Quàm cautè agendum, ne ab illo irretiamur? Et nihil sanè magis cordi habet, quàm ut auferat & faciat cadere coronam capitis nostri, (Thren. 5.) chartam tollat charitatis, rumpat vinculum unionis, vinculum perfectionis præscindat. Teneamus coronam hanc Fratres mei, nec sinamus illam dividi, non scindatur vestis Christi: (Joan. 9.) regnet pax in Oliva pacis, quæ in sola charitate nidulatur. Vincamus nos ipsos, ut vincamus hostem. Et hæc est victoria, quæ vincit mundum, fides nostra, (1. Joan. 5.) fidelitas in Ordine per chartam charitatis, à Sancto Stephano Patre nostro stabilita. Sunt & alia in eodem Divo Legislatore nostro nova novi Cænobii, quæ nobis novitas hæc solennitatis ejus pro renovatione nostra repræsentat. Est zelus ad strictiorem regulæ observantiam per requisitionem locorum magis regularium. Est fervor devotionis in Divini officii celebratione per curarum omnium exclusionem.

A clusionem. Est abstractio à secularibus curis & mundanis desideriis per Religiosæ vitæ solitudinem. Est cultus paupertatis per tenuitatem & simplicitatem simul ac superfluum eliminationem. Est devotio singularis ad Virginem Deiparam, per primariam Monasteriorum honori ipsius consecrationem. Est humilitatis exemplar per cessionem dignitatis Abbatialis. Quidni hæc omnia nobis proponuntur imitanda, exercenda & observanda? Quidni filii sequamur Patrem, ut innovato fervoris spiritu zelus domus DEI, Ordinis sacri nos comedat? (Ps. 68.) Zelo zelantes pro Domino DEO exercituum, (3. Reg. 19.) positi in ejus sacra militia, bonum certamen certemus, (2. Tim. 4.) pugnemus ut vincamus: exeamus de terra nostra omnem terrenam affectionem deponentes, & de cognatione nostra omnem carnis amicitiam excludentes, & de domo Patris nostri (Gen. 12.) mundum hunc penitus abnegantes. Exuamus veterem hominem, (Col 3.) excutiamus veterum vincentes passionem nostras, concupiscentias nostras, pravorum habitus & inclinationes perversas, ut vincamus fortem armatum, (Luc. 11.) principem tenebrarum luce boni operis, zelo fidei & pietatis, ardore charitatis. Abstrahamus nos cum sancto Patre nostro Stephano ab hoc seculo nequam (Galat. 1.) posito in maligno, (Joan. 5.) non æmulantes in malignantibus, (Ps. 36.) sed æmulantes charismata meliora: (1. Cor. 12.) ut Divino officio intendamus melius, attendamus diligentius, ferventius assistamus, paupertatis curam solertius in pecuniis nostris habeamus, superflua amputantes, sola necessaria retinentes. Matri DEI velut ejus mancipia dedicemus nos, serviamus ei fidelius, exactius obsequamur. Humilitatem virtutum omnium radicem quam profundissimè cordibus nostris implantemus, super eam opera nostra fundemus, quia alias sine ea super arenam fabricamus. Pro ejusmodi virtutibus & meritis data est corona Sancto Patri nostro Stephano. Corona coelestis gloriæ & sertum exultationis (Isaia 28.) æternæ. Data est vincenti corona vitæ (Jacob. 1.) in beata æternitate. Dabitur & nobis diadema regni, (Isaia 26) si victores esse curaverimus, si mortificationi studuerimus, si spineam Christi coronam per patientiam gestaverimus, quam & ipse Divinus morbis & laboribus prægravatus, utique portavit. Coronabimur rosæ (Sap. 2.) è spinis natis, percipiemus immarcescibilem gloriæ coronam, (1. Petr. 6.) coronam de lapide pretioso (Psalm. 20.) variarum virtutum & meritorum: sic coronabimur ab eâ, quæ nunquam excidit charitate. (1. Cor. 13.)

Exemplar Humilitatis.

Zelus Perfectionis.

Corona gloriæ post Spineam Humilitatis & Patientiæ.

Sermo in Festo Assumptionis B. V. M.

Maria optimam partem elegit. Luc. 10.

Optima pars, quam sibi Maria electa ex millibus, (Cant. 5.) electa & planè præelecta à Domino, elegit, multifariam mul-

Tars Optimè electa B. V.

Virginitas
in corruptio.

Humilitas bo-
norata.

Fides viva.

Studium D.
Gravie.

Auditio Vera-
bi D.

Spiritus S. cur
in Lingvis?

tisque modis potest explicari. Ac primùm ille thesaurus ingens in va-
sis fictilibus (2. Cor. 4.) incorruptio virginitatis, quæ hominem pro-
ximum Deo facit, nonne optima pars est censenda, quam eligit Maria?
quoniam virum non cognoscit. (Luc. 1.) Non est ponderatio conti-
nentis animæ. Procul & de ultimis finibus pretiū mulieris fortis. (Prov. 31.)
Et quæ potior, quàm quæ seipsam vincit? Hæc est pars Deo gratissi-
ma, de qua mellifluus Doctor noster ait: quod virginitate placuerit.
Dixerimne optimam partem fuisse humilitatem? Utique hæc est basis
& fundamentum salutis; radix omnium virtutum, quæ meretur exal-
tationem. Qui enim se humiliat, exaltabitur. (Matth. 23.) Jam ve-
rò quæ humilitas, humilitati Virginis Matris potest comparari? Eligi-
tur in matrem, ancillam se nominat. (Luc. 1.) Denique respicit humi-
litem ancillæ suæ Deus; (Ibid.) Dominus enim humilia respicit,
(Psalm. 137.) & inde teste Mariophilo Bernardo, humilitate concepit,
& ecce beatam illam Dei genitricem dicunt omnes generationes (Luc.
1.) Nunquid non optima pars censenda est fides, sine qua impossi-
bile est placere DEO, (Hebr. 11.) & ex qua justus vivit? (Ibid.) Hanc
deprædicat in Maria Diva Elisabeth exclamans! Beata quæ credidisti.
(Luc. 1.) Nonne in censum optimæ partis venire potest solers cura
gratiæ Divinæ? quæ quanta fuerit in Maria, manifestat Angelus dicens:
invenisti gratiam apud Deum, (Ibid.) nimirum uti annotat S. Pater
noster, quod quæsit invenit, ita ut meritò gratia plena (Ibid.) salutaretur &
benedicta in mulieribus (Ibid.) proclamaretur. Sed ecce Evangelii contextus
aperit nobis optimam partem Mariæ, quæ erat auditio verbi Divini. Et
hoc est unum necessarium (Luc. 10.) Fratres mei, audire verbum Do-
mini. (4 Reg. 7.) Illud verbum, quod erat in principio apud Deum, (Joan. 1.)
ante secula Deus verbum, (Ibid.) unigenitus in sinu Patris, (Ibid.) (semel
enim ab æterno locutus est Deus) (Hebr. 1.) omnipotens ille sermo,
(Sap. 8.) verbum per quod facta sunt omnia, (Joan. 1.) portans
omnia verbo virtutis suæ, (Hebr. 1.) quo curantur omnia & reparan-
tur, (misit enim verbum suum & sanavit eos) (Psalm. 106.) hoc ver-
bum quod manet in æternum. (1. Petr. 1.) Cujus principium in
principio DEO Patre, ipsummet quoque principium, qui & loquitur
nobis imò Alpha & Omega principium & finis: (Apoc. 1.) illud in-
quam verbum, ut audiretur ab homine inobediente, Caro factum est,
(Joan. 1.) factum ex muliere Virgine Matre. Hoc verbum non po-
tuit orbi innotescere, nisi per locutionem. DELIS novissimè locu-
tus est nobis in Filio suo, (Hebr. 1.) & Spiritum Sanctum primitivæ Ec-
clesiæ impertiens, linguas igneas pluit super Apostolos, ut loquerentur
magnalia verbi Dei, (Act. 2.) & in omnem terram exiret sonus
illorum & in fines orbis terræ verba eorum. (Psalm. 18.) Hinc imperat
mittens illos: Ite, prædicate Evangelium (Marc. 16.) id est bonum
nuntium verbi DEI omni creaturæ. Et quid requirit locutio aut præ-
dicatio?

dicatio? Quid postulat à nobis verbum Dei? nihil aliud, nisi auditum. Audite & intelligite inquit Verbum Dei, (*Marc. 7.*) imò voce magna detonat: Qui habet aures audiendi, audiat. (*Idem. c. 4.*) Nunquid non idipsum egit cum Matre sua? Audi filia (inquit *Psal. 44.*) & vide, & inclina aurem tuam. Et quid dicit Deus Matri suæ? Obliviscere populum tuum (*Ibidem.*) per virginitatis votum, obliviscere domum patris tui (*Ibid.*) per humilitatis actum. Licet regali ex progenie exorta refulges; dic: ecce ancilla Domini, (*Luc. 1.*) & concupiscet Rex decorem tuum: (*Psal. 44.*) invenies gratiam apud Deum: (*Luc. 1.*) quoniam ipse Dominus Deus tuus, (*Exod. 14.*) & Filius Altissimi vocabitur. (*Luc. 1.*) Beata quæ credidisti. (*Ibid.*) En fides, sed ex auditu; (*Rom. 10.*) auditus autem per verbum Christi. (*Ibid.*) Et sic optima pars Mariæ fuit, quod audiret verbum illius. Approbat hoc ipsa Veritas incarnata mulieri; (*Luc. 11.*) beatum ventrem, qui portavit, & beata ubera quæ suxit, deprædicanti: respondens & dictum confirmans. Quin imò beati, qui audiunt verbum DEI & custodiunt illud. (*Ibidem.*) Ita sanè verè beata, (teste Joanne Damasceno) quæ Dei verbo aures præstitit. Beata quidem inde, dicente Beda, quia Verbi incarnandi ministra facta est: temporalis utique mulier quædam suscepit eum in domum suam, (*Judith. 6.*) uteri virginalis reclinatorium, purissimo illum sanguine vegetans, post virgineo lacte pascens, denique cibo fortiori nutrens; planè satagens circa frequens ministerium, (*Luc. 10.*) Beata (inquit Beda) ex hoc, sed inde multò beatior: quia ejusdem semper amandi custos manebat æterna. Ita sanè Maria conservabat omnia verba hæc conferens in corde suo, (*Luc. 2.*) amoris domicilio. Et hæc est optima pars, quæ non auferetur ab ea; (*Luc. 10.*) in coelo quoque fruens verbo Dei, ubi anima liquefcit, cum dilectus loquitur, (*Cant. 5.*) ubi erunt omnes docibiles Dei. (*Joan. 6.*) Audire ergò verbum DEI & custodire illud optima quoque pars nostra sit exemplo Mariæ. Hic ledes amoris Divini, si quis diligit me, (Verbum Dei loquitur *Joan. 14.*) sermonem meum servabit, & Pater meus diliget eum, & ad eum veniemus, & mansionem apud eum faciemus. Quid dicis Domine? Itane coelum deferis, ut habites in homine obediente, & sermonem tuum observante? An coelum in eo reperis? Ita sanè Fratres mei, in coelo sumus & coelum in nobis habemus, si audiamus semper, quid loquatur in nobis Dominus. (*Psal. 84.*) Sed ut simus auditores simul verbi & factores, (*Jacob. 1.*) puritatis, humilitatis, fidei Marianæ sectatores & gratiæ Divinæ investigatores; portio mea Domine, dixi custodire legem tuam; (*Psal. 118.*) unum necessarium (*Luc. 20.*) ad salutem æternam: pars optima, quam eligo & diligo, facere voluntatem tuam per verbum tuum expressam. DEUS cordis mei & pars mea DEUS in æternum. (*Psal. 72.*) Per hanc optimam partem habebimus partem in regno

Quid dicit D.
Matri suæ?

Mater D. unde
Beata?

Amor DEI
pars optima.

Audire Verbum
D. & custodi-
re illud.

Obedientia
felicitas.

Imitatio Vir-
tutum DEI pa-
re.

Unum neces-
sarium.

DEI, ad quod Domina nostra gloriosa, latabunda, triumphans cum corpore & anima hodie conscendit æternè possidendum.

Sermo in Festo Sancti Bernardi.

Bernardus
Nardus.

Humilitas.

Castitas.

Charitas.

Oris & Operis
doctrina.

Protagatio S.
Ordinis.

Oliva.

Vita Exempla
re.

Rigor Discipli
nae.

Vulgari proverbio dicitur, convenire rebus nomina sæpè suis; quod in sancto Patre nostro Bernardo etiam verificari nemo ibit inficias, qui in illius nomine terminationem nardi observans, qualitates nardi in vita ejusdem perpenderit reperiri. Non vanum nardi nomen, sed ipsam nardinæ virtutis tenuit sanctus Pater veritatem. Nardus herba humilis, modica, semper albicando virescens, gratum spirans odorem, unlem cauans calorem, austerum habens saporem, spicam cærulei coloris in altum protendens, quidni præclaras Divi Patris virtutes manifestat? Ac primum humilitatem ejus tota loquitur vita, publicat testamentum, oblatores contemptus Episcopatum aperit, & maximè ubi asserit sensui suo semper se minus, quàm alterius credidisse. Albicantem illius viriditatem in virente perpetim ejus castitate cernimus, quâ dealbatus emicuit, meruitque Virginea gustare ubera. In seipso fervens & amoris caliditate exardescens, quia charitate vulneratus, intimi ardoris æstum in cunctos fecit ebullire, nullum unquam ulli præbens scandalum, & si quod incidit, sedans virtute charitatis. Odoris porro ejus effluvia quis edisseret? Quos non traxit ad currendum odor unguentorum ejus? Mellita Doctoris melliflui eloquia, imò dulciora super mel & favum (*Psal. 18.*) quot non inescârunt? ut Clarævallis progeniem extenderet ultra maria, in Angliam adeò, Hiberniam, Siciliam, Sardiniam, Scaniam quoque & Daniam: ubi Efronis per Colbacum Oliva nostra facta est etiam surculus Clarævallis, & ultra flumen Tyberis mitteret propagines suas. Repleta est planè domus Ecclesiæ ex odore unguenti, (*Joan. 12.*) quod Maria benedicta inter mulieres (*Luc. 1.*) nardi utique pistici quia fidelis, effudit in corpus Salvatoris. Jam lingua facta calamus scribæ non tantum velociter, sed & dulciter scribentis: (*Psal. 44.*) Spiritus sancti unctione magistrâ, nonne balsami, non mixti odorem spirat in Bernardo verbo vitæ laureato? Super omnia verò exempli boni spiraculo, certè Bernardus fuit Christi bonus odor in omni loco, (*2. Cor. 2.*) adeoque cum esset Rex coelestis in accubitu suo, (*Cant. 1.*) delicias quærens cum filiis hominum, (*Proverb. 8.*) fructu bonorum operum se pascens, nardus nostra semper odorem dedit suum, (*Cant. 1.*) odorem boni exempli per vitæ austeritatem & religionis conversationis regularitatem exhalans. Hinc sapor nardi amarus in ore, sed dulcis in corde, rigor ille disciplinæ, quem in victu abstinenti & amictu paupertatis, nunquam non observavit. Et quidem illa in victu parsimonia plurimorum causatrix fuit morborum, cum quibus ad mortem usque conflictatus, hoc nobis reliquit documentum: Monachum

- A Monachum firmum animo, debere semper esse aliquantulum corpore invalidum & infirmum. Unde Author fuit Monasteriorum in vallibus, ubi regnant humiditates nocivæ corpori fundatorum. Sapor nardi austerus fuit non minus in patientia, & injuriarum tolerantia ita, ut in Testamento suo notaverit, lædente se læsum, nunquam expetiisse vindictam. Ac ideo verus Crucifixi sectator; perfectus crucis bajulator, ab exaltato in cruce tractus haud dubiè, ipse quoque in illo accubitu crucis, odore suo ad se complectendum pertraxit Crucifixum. Denique spicam suaveolentem coelestis coloris proferebat, quando in hac terra solo corpore constitutus, totà cogitatione & aviditate in coelesti patria conversabatur. Nonne igitur Bernardus noster vera nardus, qui in initiali syllaba Hebræo nomine puteum designans declarat, quod fuerit ad puteum aquarum viventium multipliciter plantatus, ut ad Cister-nam S. Ordinis Cisterciensis, hauriret aquas de fontibus Salvatoris, (*Isa-ia 12.*) sugens mel de petra, (*Deut. 32.*) lac de terra Virgine, essetque mel & lac in ore ejus, (*Prov. 14.*) redderetque non solum Claramval-lem, sed & Ordinem & orbem universum mellifluum ac lactifluum. Agnosce Oliva felicitatem tuam habens terræ promissionis lacte & mel-le manantis (*Deut. 6.*) in Sancto Patre participium, quando non jam Proneptis uti eras, sed cessante Matre Colbaco & Avia Efrone, facta es filia, ac speciatim meritorum & orationum comparticipatione Soror Claræ-vallis imitatione nardinarum virtutum ejus, humilitatis, castitatis, cha-ritatis, doctrinæ, pietatis, boni exempli, austeræ regulæ observationis, desiderii coelestis: ut etiam ejus æternitatis beatæ consortio perfrui me-rearis. Præsta id Beatissime Pater meritorum & orationum tuarum, suffragio; præsta inquam Ecclesiæ sanctæ, quam labore tuo fulcivisti & sustinuisti; præsta Ordini tuo, quem virtute tuâ plantasti & propâgasti; præsta Olivæ tuæ, quæ dedicationis tibi factæ patrocínio gloriatur; præ-sta agonizantibus animabus atque defunctis, quas sacrificiis tuis po-tenter juvisti; præsta omnibus, ut in iis pius sanctæ religionis perficiatur effectus in vitam æternam.
- B
- C
- D

Infirmus sa-lutaris.

Patience.

Unio cum DEO.

Bernardus ex Hebr.

Genealogia O-livæ

Efron, Colbacu Monasteria.

Ad S. P. peroratio.

Sermo in Dedicatione Ecclesiæ & Professione Fratris Quodvultdei.

Hodie in domo tua oportet me manere, (*Luc. 19.*) dicit Pater misericordiarum & Deus totius consolationis (*2. Corinth. 1.*) ad unumquemque nostrum in generali, & ad te frater Quod-vultdee in particulari. Hodie, id est hoc die, hac duratione & decur-su vitæ nostræ. Quamdiu enim hic in terris vivimus, dies noster; & dum morimur, incipit dies Domini. In hoc die nostro laborandum est, operandum est bonum, gratia & meritum apud Deum quærenda sunt; in die Domini requies & præmium speranda. Si vita nostra

Hodie quid?

Vita præsens.

*Vita Religiosa
dies, nox se-
culum.*

*Olive Petro-
ni Tutelares.*

*Templum DEI
nos.*

*Quid nostrum
est?*

*Obedientia
Votum princi-
pale.*

*Misericordia
D. necessitas.*

dies est, & est talis, si bona est; multò magis religiosa vita, dies cense-
ri debet. Nox enim seculum est, (teste Ambrosio) quidni vita secularis
nox quoque erit? Nox igitur praecepsit (*Roman. 13.*) frater Quod-
vultdee, vitæ nimirum in hoc seculo nequam, (*Galat. 1.*) in mundo
immundo, qui supra malignum positus est, (*1. Joan. 5.*) transactæ:
dies appropinquavit (*Rom. 13.*) vitæ regularis in Sacro Ordine Cister-
ciensi peragendæ. Abjice opera tenebrarum & induere armis lucis,
(*Ibid.*) & abhinc sicut in die honestè ambula, (*Ibidem.*) sciens te in-
gredi domum Dei, (*Gen. 28.*) templum Domini, (*Jerem. 7.*) terram
sanctorum (*Isaia 26.*) Olivam hanc Sacrosanctæ Trinitati, Virgini
Matri Dei, & Divo Patri nostro Bernardo dedicatam, in qua & te iis-
dem per vitæ religiosæ consecrationem teneris dedicare, ut simul ædifi-
ceris templum sanctum in Domino. (*1. Esdra 4.*) Templum enim
Dei sanctum est, quod estis vos, (inquit Apostolus *1. Cor. 3.*) domus
Dei, cultura Dei, ædificatio Dei. Verè tu Domine universorum,
quem coeli coelorum capere non possunt, (*3. Reg. 8.*) cujus sedes coe-
lum, terra autem scabellum pedum tuorum, (*Isaia 66.*) cujus posses-
sio immensitas, terminus infinitas, duratio æternitas, hodie vis nos in-
habitare, qui voluisti fieri templum tuum in nobis, qui nullius habes
indigentiam, in domo nostra facis tibi manendi necessitatem. In do-
mo tuâ ais. Estne aliquid apud me, in me, mecum, quod meum est?
utique omnia tua sunt. Et quid habeo, quod non acceperim? (*1. Cor.*
4.) Sine te nihil sum, nihil possum, quia omnis sufficientia mea est ex
te. (*2. Cor. 3.*) Quomodo domus mea? Ita est Fratres dilectissimi;
dedit nobis aliquid DEUS, quod nostrum est, dedit nobis liberum ar-
bitrium, liberam voluntatem. Hanc si DEO dedicamus, templum
Domini (*Jerem. 7.*) efficimur, nominamur aula DEI. Et quid est
principale in votis nostris? nonne obedientia, quæ reliqua in se includit
vota paupertatis, castitatis & stabilitatis? Per hanc DEO & Superiori-
bus mancipatur voluntas nostra, ut non velimus, nisi quod vult Deus;
non agamus, nisi quod est in beneplacito Regulæ sanctæ & Superiorum.
Gaude frater Quodvultdee, non vocabitur ultra terra tua, domus
tua desolata, sed vocaberis (dicit DEUS *Isaia 6.*) voluntas mea in ea, &
terra tua, domus tua inhabitabitur à DEO. Jam Deus in domibus
Olivæ, in unoquoque nostrum cognoscetur, (*Psal. 47.*) quando in iis
fiet, quod vult Deus. In te specimen exhibetur hodie per sanctam pro-
fessionem, ubi Divinæ vocationis voluntatem secutus ejusdem declaras
executionem; sed ad hanc adimplendam Divina misericordia est im-
ploranda. Neque enim est volentis, neque currentis, sed misere-
ntis Dei opus in nobis. (*Roman. 9.*) Velle adjacet nobis, (*Idem c. 7.*) per-
ficere autem non invenimus. Et hæc est miseria nostra, pro qua suble-
vanda indigemus magnâ Dei misericordiâ, ut qui dedit nobis bonum
velle, det etiam benè perficere pro bonâ voluntate sua. Nonne mise-
ricordiæ

ricordiæ Domini multæ, (*Psal. 118.*) quod non simus consumpti in hoc seculo nequam (*Gal. 1.*) sed in religione sacra, in hac Ordinis domo simus à Deo misericordiam consecuti? (*1. Tim. 1.*) Fiat ergò Domine & ultra misericordia tua super nos; (*Psal. 32.*) siquidem misericordiæ tuæ non est finis. (*Ibid.*) Fiat & super fratrem hunc Quodvult-deum, ut magni hujus nominis Episcopi & per hæreticam pravitatem pro fide sancta exulis cum clero suo, cujus festivitas 26. Octobris celebratur, perfectus sectator & ipsius nominis executor fiat; cumque habitu candido castitatis decus, scapulari nigro brevi & angusto paupertatis rigorem, & abjecto caputii tegumento obedientiæ jugum, cucullæ complemento, stabilitatis & perseverantiæ plenitudinem præsetulerit, in participatione misericordiæ Tuæ & Ordinis, Te in se hodie id est toto decursu vitæ suæ manentem semper experiatur, donec in domum æternitatis tuæ (*Eccl. 12.*) unà nobiscum recipi mereatur.

S. Quodvult-deus.

S. Habitus mysteria.

Sermo pro festo omnium Sanctorum.

Mihi nimis honorificati sunt amici tui DEUS, canit Vir secundum cor Dei, utique verus Dei amicus Regius Vates Psal. 138.

Ambitio Divinitatis per cacodæmonem in coelo inchoata, ac per serpentinum ejusdem sibilum protoparenti hominum inspirata dicentem: Eritis sicut Dii; (*Gen. 3.*) eousque humanum infecit genus; ut plerique magnorum virorum aut filios Deorum Dearumve se jactaverint, aut planè Deos voluerint se reputari; nemo tamen eò aspirabat, nisi qui vel magnus dignitate, vel eminens virtute, vel heroicis facinoribus excellens videbatur. Misertus hujus fatalitatis humanæ Deus misit filium suum, (*Galat. 4.*) Deum verum, de Deo vero, ut homo fieret; adeoque homines Deos faceret sibi similes, id est, ut filii Dei nominentur. & sint. (*1. Joan. 3.*) Et quia suprema laus Dei est, quam deprædicant Seraphim canentes. (*Isaia 6.*) Sanctus Sanctus Sanctus Dominus Deus Exercituum, ipse quoque Filius Dei (*Hebr. 5.*) in similitudinem hominum factus; (*Phil. 2.*) Sanctum substantialiter ab Archangelo (*Luc. 1.*) declaratur: summum quod hominibus dignatus est impertiri fuit, quod sint sancti, per ipsum sanctum sanctorum (*Dan. 9.*) sanctificati; Ac ideò si honor Dei est, quod sanctus prædicetur, à quo omnis sanctitas in coelo & in terra; qui etiam in sanctis sanctorum (*Exod. 30.*) habitat (*Psal. 12.*) in quibus & mirabilis est, (*Psal. 67.*) & laudatur; maximus honor hominum est, cum sunt sancti: de quibus etiam Plates ait: *Psal. 81.* Ego dixi, dii estis & filii excelsi omnes. Inde venit, quod Sancti etiam amici Dei appellentur, (*Psal. 138.*) ac propterea quandoquidem nimis sunt honorificati à DEO, jure meritò quoque nimis honorificentur ab hominibus. Et sanè honor Sanctis exhibitus redundat in Deum authorem & fontem

Affectio Divinitatis.

Cur DEUS Homo?

Sanctitas.

Sancti honorantur.

Honor Sancti.
vñ, honor Dei.

Via ad Sancti-
tatem.

Fides Abrahæ.
Incipientium.

Proficientium.

Quid Amicus
DEI?

Unio cum
DEO.

Amor DEI.

omnis sanctitatis. Si sic honorabitur ex mente Scripturæ S. *Esth 6*) quem Rex voluerit honorari; ut regio paludamento indutus, coronâ & sceptro ornatus, similis quasi regi publicetur: quanto magis sunt honorandi Sancti, quos Deus voluit honorare conformitate imaginis Filii sui, (*Rom. 8.*) qui ipsos fecit Deo Patri regnum & sacerdotes, (*Apoc. I.*) ut sicut ipsemet est Rex regum & Dominus dominantium (*Ibid. c. 19.*) simulque summus Pontifex, ita ipsi sint reges orbis terræ, (*Ibid. c. 6.*) dicentes: regnabimus super terram; (*Ibid. c. 5.*) sint & sacerdotes offerentes DEO continuo incensum (*Exod. 29.*) orationum pro nobis terræ habitatoribus. Cumque in coelo sint consummari cum Deo in unum, (*Joan. 17*) sint unum cum Christo (*Rom. 12.*) velut membra corporis ejus; (*Eph. 5.*) honor Sanctorum est honor DEI, est honor Christi, quia membrorum ejus cum ipso in coelo triumphantium. Et si quidem dicitur honor major esse in honorante quàm in honorato; honorando Sanctos nos ipsos honoramus, qui secundum propositum vocamur sancti; (*Rom. 8.*) atque per fidem, spem & charitatem membra Christi sumus, (*I. Cor. 6.*) unimur Deo, & unum per Christum cum Deo constituimur. (*Galat. 3.*) Sed quomodo & quâ v.â ascenditur ad sanctitatem? Credidit Abraham Deo, & reputatum est ei ad justitiam & amicus Dei appellatus est; asserit ex antiquo testamento Divus Jacobus Apostolus *cap. 2.*) Fides ergo ingressus est ad sanctitatem; justus enim ex fide vivit, (*Rom. 1*) & sine fide impossibile est placere Deo. (*Hebr. 11.*) Progressus sanctitatis est ad exemplum Abrahæ, ambulare coram Deo & esse perfectum in omnibus mandatis ejus. (*Gen. 17.*) Hoc ipsum suprema Veritas manifestat dicens discipulis suis: *Joan. 15.*) Vos amici mei estis, si feceritis ea, quæ præcipio vobis; & ne ignorantia excusarent se, superaddit *Ibidem.*) Vos dixi amicos, quia omnia, quæcunque audivi à Patre meo, nota feci vobis. Ecce igitur via ad sanctitatem est, facere voluntatem Dei; vera sanctitatis vita est in voluntate ejus. Voluntas Dei explicat se per signa mandatorum, aperit se per beneplacita ordinationum. Hæc est planè DEI perfectâ amicitia idem velle, & idem nolle: facere quod vult Deus; de manu Dei omnia etiam adversa parato corde acceptare, hoc opus perfectum est sanctitatis: hoc est cum Deo consummari in unum, (*Joan. 17.*) Christo uniri, qui non venit, ut suam faceret voluntatem sed Patris sui, qui in coelis est: (*Idem c. 6.*) idque ex mera dilectione erga Patrem, & erga nos. Majorem hæc dilectionem nemo habet, quàm ut animam suam ponat quis pro amicis suis. (*Idem c. 15.*) Majorem habuit Jesus, quia suam posuit pro inimicis, sed per conversionem ex merito ipsius futuris amicis. Hinc fluit mutua amicitia, reciprocus amor. Et hæc est primum & maximum Dei mandatum (*Matth 22.*) dilectio Dei super omnia ex toto corde propter ipsummet, & proximi sicut sui ipsius propter Deum. Finis præcepti est charitas. (*I. Timoth. 1.*) Unde verè ambulat

A ambulat coram Deo & est perfectus, (*Gen. 17.*) & facit quæ præcepit Christus; mereturque esse amicus DEI, verè sanctus, qui amat Deum & proximum. Deus charitas est, & qui manet in charitate, in Deo manet, & Deus in eo. (*1. Joan. 4.*) Quanta unio amicitiae! quanta divinitatis communio, quantus sanctitatis honor per charitatem & in charitate! Sed ah! quanti obices, quam magna impedimenta, quam multi offensionis lapides (*1. Petr. 2.*) intercurrent in hoc ascensu ad sanctitatem! Eapropter omni curâ obstacula sanctitatis quam maximè sunt tollenda. Et hæc quæ? non alia, nisi quæ uno mundi vocabulo continentur. Ego non sum de hoc mundo (inquit Christus *Joan. 8.*) ergò neque de hoc mundo debet esse Christianus. Sapientia mundi inimica est Deo; (*1. Cor. 3.*) omne autem quod in mundo est, concupiscentia carnis, concupiscentia oculorum & superbia vitæ esse definitur à dilecto Jesu discipulo. (*c. 2.*) Qui proinde voluerit esse amicus mundi, inimicus DEI constituitur: (*Jac. 4.*) ut sit amicus Dei, Vir sanctus, debet esse mundi inimicus. Sed quid est, quod æterna Veritas & illi incomptè ad nuptias venienti ait? (*Matth. 22.*) Amice quomodo huc intrâsti non habens vestem nuptialem? Et illi murmurioso reponat: (*Ibid. c. 20.*) Amice non facio tibi injuriam. Et quomodo, quod summum est, ipsum traditorem suum Judam compellat: (*Ibid. 26.*) Amice ad quid venisti? Bonitas hic infinita relucet Redemptoris, inimicos quoque amicos vocando, ut nobis apicem sanctitatis instillaret, quæ est dilectio inimicorum. Jam quæret aliquis; qualiter debeant Sancti nimis honorificari? Cultum Sanctorum per encomia eorum, per foundationem memoriz illorum in Ecclesiis, Capellis, vel Altaribus aut imaginibus, aliaque his similia, quibus honorantur in terris, non commemo; dico quod est & ipsis gratius & nobis utiliùs: nimis honorat Sanctos, qui eorum exempla sequitur, vitam in se exprimit, virtutes imitatur: & talis nimium ipsorum patrocinium & suffragia efficacia promeretur. Honor & gloria omni operanti bonum: (*Rom. 2.*) hoc faciant imitatores Sanctorum; tum & ipsi gloriâ & honore coronabuntur. (*Pf. 8.*) Nec desperent peccantes Lazarum mortuum, quadriduanum jam lætentem, (*Joan. 11.*) & peccatoris formam gerentem; vocat misericordia Dei amicum: (*Ibidem.*) Lazarus amicus noster dormit. Illa inquam misericordiâ, quæ venit vocare non justos, sed peccatores. (*Marci 2.*) Illa patris benignitas, quæ filium prodigum in se revertentem & ad Patrem redeuntem recipit cum amplexu & osculo. Misericordiâ enim motus cecidit in collum ejus, ruit in amplexus, & osculatus est eum. (*Luc. 15.*) Paternum osculum verè amicum ex charitatis visceribus procedens. Sed qui cum patre suo redit in amicitiam, desinat esse peccator; verè amicum, filiale cor patri demonstret; non fictum, non hypocriticum, non dolo falsitatis repletum, nec cor sicut Judæ traditoris è collegio Apostolico abortivi, & ex societate Jesu exclusi, cor ampli-

Obices Sanctitatis.

Amor Mundi.

Concupiscentia carnis & superbia.

Inimici etiam diligendi.

Quomodo nimis honorificatur Sancti.

Imitatio Sanctorum.

Lazarus Amicus Bonitatis D. exemplum.

Filius Prodigus.

Vera Conversio & Sanctitas.

Participium
Divinitatis.

Summa San-
ctitatis.

ans supplantationem. Inde nec sanctitas ficta esse debet, sed vera; non apparens, sed realis; non adultera, sed sincera. Erit talis, si ad vocem IESU (*Joan. II.*) Lazare veni foras; è tumultu iniquitatis verè prodeat, resurgat, & ad rectam Sanctorum vitam se componat. Tum planè amicus Dei constituetur. Amicus dicitur alter ego; & sic amicus Dei alter Deus. Si ergò volumus ad participium Divinitatis legitimo tramite Christi & omnium Sanctorum aspirare, ut simus sicut Dii; (*Genes. 3.*) debemus per fidem, spem & charitatem in Sanctorum venire consortium; Filii Dei fieri, membra Christi, ac demùm magnis ac heroicis actibus faciendo voluntatem Dei & ea quæ præcipit nobis per obedientiam irrefragabilem, exequendo in album amicorum Dei adscribi; ut etiam cum omnibus Sanctis Dei amicis mereamur in cœlis nimis honorificari.

Gratulatio P. ac R. D. Abbati in Festo S. Stephani Proto-Martyris Anno 1684. pro die Colendæ à R. P. Priore nomine Conventus facta.

Gaudium Oli-
væ & corona-
mque seculi Ab-
batum.

Corona Olivæ
& S. Ordinis.

Rationale,

In vobis pretio-
si tropici.

Coronatio hesternæ Regis Regum diademate, quo coronavit eum Mater sua; & hodierna triumphalis corona Proto-Martyris Christi, fecit hanc Coronam Fratrum ad Te venire P. & R. Domine: Quippe vel antiquorum fuit in more positum (*Suida teste*), in tesseram amicitiae, cum coronis & ramis Olivæ illis, quos propenso observabant affectu, obviam procedere. Potiori jure hoc nobis observantiae debitum incumbit, in communi gaudiorum de coronato summo Rege applausu, Tibi P. & R. Pater, cum hac corona Filiorum Tuorum ramis & novellis Olivarum occurrere. Nimirum gratulabundi omnes, quod Te Superi incolumem & fortunatum nobis hæcenus servavere. Tu enim es Corona Olivæ nostræ, non modò quia infusus Abbas, sed quia dignissimus Antistitem infulus. Tu corona immunitatis & libertatis S. Ordinis in Orbe Polono, dum ubivis Ecclesiarum Cathedralium quoque deperditus, in Te resuscitatus liberæ Electionis ad dignitatem amplissimus usus. Tu juxta magnum Gillebertum Abbatem, coronâ redimitus manes, cum monitis & exemplis Tuis subjecti libant sanctitati. Sed quid memorem & enumerem virtutum & qualitatum Tuarum coronam, verecundiâ Tuâ prohibente? Patere tamen ut fulgentiores gemmas Coronæ Tuæ insertas, hosce Spirituales Filios Tuos proferam. Radiabant in pectore summi Israëlitarum Pontificis duodecim lapides pretiosi, memoriale duodecim tribuum Israël coram Domino. Radiant & in hac corona Tuorum Fratrum, Achates fidi DEO: radiant Saphiri amore Sapientiæ ætherei, & ad solis justitiæ fulgorem corusci: Radiant Carbunculi fervore virtutis incensi. Radiant Sardii devotione in DEUM ignis ad instar sursum

activi.

activi. R.
Fratrum
nitatis au-
Quæ el
Dominu
ellus glori
Ga

Olivæ, &
mis initi
ronis syd
splendeb
centur T
fortunæ
solidius p
ut integ
vetum T
bus Prop
justitiam
nam! si
næ & vir
Utinam
Quod pr
summisq
rendissim

ET
diu
chr
coronis
vobis, a
præfenti
bis desup
r.) cum
vobis, u
na novæ
si ego ex
pretiosi
(*Psal.*
dibus m
expero)
Interim
am cum

A activi. Radiant denique & alia gemmarum leu virtutum decora in hac Fratrum seu Filiorum Tuorum corona charitate & concordia fraternitatis aurea; ut non immeritò cum Apostolo quoque dicere possis: Quæ est nostra spes, aut gaudium aut corona gloriæ? nonne vos ante Dominum nostrum JESUM Christum estis in adventu ejus? Vos enim estis gloria nostra & gaudium.

B Gaude igitur in Domino Pater Reverendissime Te Coronam esse Olivæ, & Olivam Tibi esse coronam gratulare, quia sub auspicatissimis initiis Tui regiminis affulgent magnæ spes; in quo sicut cælum coronis syderum, ita Olivetum Tuum dans in tempore suo fructum, resplendet amplius & amplius coronis gemmisque virtutum. Appre-
centur Tibi alii altiores Infulas, voveant alii pinguioris pretiosiorisque fortunæ opes: sed quia hisce evanidis non apponis cor Tuum sumis, solidius perenniusque exopto Tibi bonum, videlicet faveant Superi, ut integra sospitate videas Nestoris annuos soles, videas pariter Olivetum Tuum illis stelliferis gemmis numerosius coronatum, de quibus Propheta: Fulgebunt docti sicut splendor firmamenti, & qui ad justitiam erudiunt multos, quasi stellæ in perpetuas æternitates. Utinam! sub felici gubernio Tuo Olivæ lampades cœlestes, radiis doctrinæ & virtutis coronatæ ardeant & luceant Sacro Ordini, Ecclesiæ DEI. Utinam! scientiâ salutis illuminent his, qui in umbra mortis sedent. C Quod præclarum bonum, dum curia cœlestis desuper gestit cernere, summisque præstolatur votis, ad hunc effectum benedic Pater Reverendissime præsentī Olivæ Tuæ coronæ.

Apprecatio Religiosa.

Responsum P. & R. D. Abbatis.

D ET quæ est gloria mea? nisi Vos (*Thessal. 2.*) P.R.F.D. Gaudium meum & corona mea in Domino, (*Philip. 4.*) corona pulchritudinis, corona charitatis aurea super caput meum. Et quæ coronis omnium votorum, nisi gloria DEI & gratia bonitatis ejus in vobis, adeoque ut gratiâ DEI nunc, & post gloriâ coronemini? Cum præsentī tamen novo Sapientiæ DEI incarnatæ natalicio reciprocè vobis desuper voveo coronam sapientiæ, timorem Domini; (*Eccles. 1.*) cum hac corona novi anni benignitatis DEI (*Psal. 64.*) opto vobis, ut sit benedictio Domini super vos, (*Psal. 128.*) & sitis corona novæ ac semper renascentis exultationis in Domino. (*Ecc. 1.*) Et si ego ex beneplacito, judicio, & voto vestro sum Corona Olivæ, vos pretiosi lapides estis hujus coronæ, quam Dominus posuit in capite meo. (*Psal. 20.*) Procul hinc corona superbix ebriorum Ephraim, quæ pedibus meretur conculcari. (*Isaia 28.*) Sed sit hic corona justitiæ. (ut exopto) reposita, quam reddet nobis Dominus justus Judex. (*2. Tim. 4.*) Interim ut hanc mereamur, portemus (quoad vivimus) coronam spinæ cum Christo etiam in cunis eam gestante; coronam patientiæ cum


Corona Prælatorum subditi eorum.

Corona Justitiæ.

Corona Patientiæ.



Divo Stephano hodie lapidibus coronato, & cum sancta Glyceria, quæ non minus jactu lapidum velut coronâ cincta coronam meruit martyrii; donec à DEO percipiamus immarcescibilem gloriæ coronam; (1. Petr. 5.) simusque omnes corona gloriæ in manu Domini & diadema regni in manu Dei nostri. (Isaia 62.) Denique in illa æternitatis corona pro obedientia, paupertate & mortificatione laureolam Martyrii, pro instructione aliorum & sui adinvicem laureolam Doctorum, pro voto castitatis Virginum laureolam apprehendamus.



SYNOPSIS

Sermonum Capitularium ex secundo
Tractatu.

- | | | |
|---|---|---------|
| Sermo I. | In Nativitate Domini. De Causa Incarnationis Verbi Divini. | Fol. 49 |
| Sermo II. | Pro novo Anno. De Circumcisione per penitentiam. | Fol. 48 |
| Sermo III. | In Festo Epiphania. Quomodo Reges & veri Judaei possumus esse. | Fol. 51 |
| Sermo IV. | In Festo purificationis B. M. V. De partu spirituali, professione Religiosa & vera purificatione. | Fol. 53 |
| Sermo V. | In Dominica Palmarum. De spiritualibus Olivis. | Fol. 54 |
| Sermo VI. | In Dominica Paschatis. De vero Phae sive transitu multiplici. | Fol. 55 |
| Sermo VII. | In Ascensione Domini. Quam diversimodè Christus est nobiscum. | Fol. 57 |
| Sermo VIII. | In Festo Pentecostes. Quorum Consolator est Spiritus Sanctus. | Fol. 59 |
| Sermo IX. | In Festo Sanctiss. Trinit. In nomine DEI omnia agenda: Abbas, Conventus, Regula sunt Trinitas. Item Cor, manus, lingua. | Fol. 61 |
| Sermo X. | In Festo S. Joannis Baptista. De humilitate & penitentia | Fol. 63 |
| Sermo XI. | In Festo SS. Petri & Pauli. De petra, ejusque similitudine ad virtutes. | Fol. 65 |
| Sermo XII. | In Festo Visitationis B. V. M. Quomodo exurgendo cum Maria eundum festinanter. | Fol. 67 |
| Sermo XIII. | In Festo S. P. N. Stephani. Quomodo corenez Charitas & alia Virtutes. | Fol. 70 |
| Sermo XIV. | In Festo Assumptionis B. V. M. De optima parte, quam elegit Maria. | Fol. 71 |
| Sermo XV. | In Festo S. P. N. Bernardi. De spiritali nardo. | Fol. 74 |
| Sermo XVI. | In Dedicatione Ecclesiae. De domo DEI Spiritualis, quam DEUS inhabitat. | Fol. 75 |
| Sermo XVII. | In Festo omnium Sanctorum. De vera cum DEO amicitia & variis Amicis. | Fol. 77 |
| Gratulatio novi Anni à Conventu facta R. D. Abbati. | | Fol. 80 |
| Responsum R. D. Abbatis ad eandem. | | Fol. 81 |

TRACTATUS TERTIUS SERMONUM CAPITULARIUM

Ab Anno 1685. ad Annum 1686.

FACULTAS SUPERIORUM.

Sermones Capitulares R. D. M. A. H. A. O. imprimantur, quandoquidem ferviunt omnium devotioni & eruditioni. Datum Landæ, die 15. Septemb. Anno 1688.

*Fr. Joannes de Roxyce Zapolski, Abbas Landen.
S. O. C. Vicarius & Commissarius Generalis per Regnum Poloniarum, Prussiam & Litvan. S. R. M. S.*

CENSURA THEOLOGICA ex Ordinatione L. O.

EX voluntate R. P. Joannis Francisci Hacki Rectoris Collegii Gedan. Societatis JESU; & Perillustis ac Reverendissimi D. JOANNIS GEORGII KUNIGK, J. U. D. Vladisl. Plocen. Varmienl. Pultov. Canon. Officialis Gedan. Vicarii in Spiritualibus & per Pomeraniam Generalis S. R. M. Secret. commissione, Tractatus III. & IV. *Sermonum Capitularium* Perillustis ac Reverendissimi D. MICHAELIS ANTONII HACKI Abbatis Monaster. B. M. de Oliva S. Ord. Cist. &c. revidi & perlegi cum gustu spirituali Autore dignos, in quibus nullum verbum otiosum advertere potui, quin omnia ita aptè coninnèque cum Divini Eloquii sententiis & sensu connectuntur, ut difficile dignoscere quis possit Sacram DEI & Autoris inter locutionem. Gedani in Parochia 6. Septembr. 1691.

*ALBERTUS NIGRICI
Societ. JESU.*

Sermo in Nativitate Domini.

Natus est vobis Salvator & hoc vobis signum : invenietis infantem
pannis involutum positum in praesepe Luc. 2.



Adventus Sal-
vatoris in si-
lentio.

JESUS infans
exemplar S.
Silentij.

Vitia Linguae.

Ece DEUS Salvator tuus venit, ô homo deper-
dice; cito venit salus tua. Sed quomodo?
Venitne in sonitu, in tonitru, in clangore buc-
cinae & tubarum, ut olim ad Israëlitas, (*Exod.*
19.) in voce confringente cedros libani, (*Psal.*
28.) in spiritu vehementi conterente naves Tharsis.
(*Psal.*
47.) Minimè. DEUS Majestatis veniens
ad salvandum te, non intonuit. (*Psal.*
28.) Non est vox Domini
concutientis desertum, (*Psal.*
28.) non venit in turbine Dominus, nec
in sono spiritus vehementis, (*Act.*
2.) non in spiritu grandi & forti sub-
vertente montes & conterente petras, (*3. Reg.*
19.) non in commotio-
ne Dominus. (*Ibidem.*) Ita judicaturus hominem adveniet, nunc ve-
nit salvaturus. Adam qui perieras, ubi es? (*Gen.*
3.) Ne dicas: vocem tuam
audivi & abscondi me. (*Ibid.*) Cum quietum silentium contineret omnia,
& nox in suo cursu medium iter perageret, omnipotens sermo Dei exiliens
de coelo à regalibus sedibus venit, (*Sap.*
18.) in silentio venit. Omni-
potens sermo, Deus Verbum, per quod facta sunt omnia, (*Joan.*
1.) jam
Verbum Caro factum, (*Ibidem.*) verbum est infans, & jam videt omnis
caro salutare DEI. (*Luc.*
3.) Hoc vobis signum (*Idem* c. 2.) nati Sal-
vatoris primum; invenietis infantem. (*Ibidem.*) Si Salvator hominis co-
gnoscitur ex eo, quod sit infans, (infans à non fando dicitur) quod
non loquatur, quod taceat; quidni salvandus homo insistat vestigiis
ejus? Exemplum enim dedit nobis, ut quemadmodum ipse fecit &
nos faciamus, (*Joan.*
13.) si salvari velimus. Quidni salvandus homo
per eadem silentii signa fiat manifestus, & in taciturnitate salutem su-
am operetur? (*Phil.*
2.) Non ergò in garrulitate & loquacitate, multò minùs
scurrilitate, multiloquio aut vaniloquio salus. Non in contentione & æ-
mulatione; non in lingua magna exaltante vel litigiosa, quæ ignis est
& universitas iniquitatis teste Apostolo Jacobo c. 3.) tantò magis non
in lingua dolosa, (*Psal.*
51.) detractoria, præsumptuosa salvatio. Deni-
que vir linguosus non dirigetur super terram, (*Psal.*
139.) & si quis
putat se religiosum esse, non refrenans linguam suam, sed seducens cor
suam, hujus vana est religio. (*Jacob.*
1.) Cultus enim justitiæ silenti-
um. (*Isaia*
32.) O Eva utinam tacuisses ad interrogationem serpentis,
utique nec te, nec hominem perdidisses! Curiositas sciendi bonum &
malum, vanitas scientiæ te ad colloquendum induxit, colloquutione se-
duxit & interfecit. Primum igitur & Salvatoris signum & salvandi est
infantia.

A infantia.
migenii f
Sed & à b
38.) quan
cro? ho
Venit uti
manus &
luntatem.
ctu, non
stari mani
B Salvator
per ligam
ingredi, se
obediens
schola sal
Ad Deum
ultra ma
deas, à c
obedientia
râsses, qua
C vidisses nu
dam Salva
vitur, ut
per exem
verò cur p
reclinatur
humilitati
Verbum C
carnalis ho
Nabucho
D quirat & j
dat. Petit
Apertio te
vatio præ
germen fa
(Gal. 6.)
P. R. F. D
tus, natus
cognoscan
volucris c
limina, ha
ari: qui ca
formis ab

infantia. Ubi infantia, ibi innocentia; & sic ad prima principia primigenii statûs, in quo à Deo creatus est homo; salvandus reducitur. Sed & à bonis quandoque silendum ad exemplum Regii Vatis, (*Psal.* 38.) quantò satiùs à malis? Sed quid Salvatori cum pannorum involu- cro? hoc enim secundum signum est. Multum per omnem modum. Venit utique Verbum infans, Filius Dei factus filius hominis, ligatus manus & pedes; venit non suam, sed Patris quin & Matris facere vo- luntatem. (*Joan.* 6.) Involvitur pannis, ut se non proprii sensûs du- ctu, non propriæ voluntatis motu, sed alieni regiminis actu duci & ge- stari manifestet, factus obediens usque ad mortem. (*Philip.* 2.) Et hic Salvator? Quid nos? ergone credimus nos aliter salvandos, quàm per ligamenta obedientiæ? si sic credimus, erramus. Si vis ad vitam ingredi, serva mandata, est axioma æternæ Veritatis (*Marth.* 19.) Esto obediens; ausculta præcepta Magistri (ait *S. Bened. in Regula.*) si es in schola salutis tuæ procurandæ. Qui auscultat, supponitur tacere. Ad Deum non datur regressus nisi per obedientiam ut nempe (pergit ultra magnus Legislator) ad eum per obedientiæ laborem re- deas, à quo per inobedientiæ desidiam recesseras. Adam utinam pannis obedientiæ fuisses involutus, utinam DEO imperanti satiùs obtempe- rasses, quàm Evæ tuæ propriæ voluntatis illicia secutus fuisses! non te vidisses nudum, nec tunicis pelliceis eguisses. (*Gen.* 3.) Ecce novus A- dam Salvator tuus, factus quasi unus ex nobis, (*Ibidem.*) pannis invol- vitur, ut tuæ rebellis voluntatis nuditatem imò pravitatem tegat, & sic per exemplum obedientiæ suæ te ad DEO obsequendum reducat. Jam verò cur pro tertio signo Salvator infans pannis involutus in præsepio reclinatur, nisi ut salvandus homo per memoriam conditionis suæ in imo humilitatis colloçetur? Ita sanè: quia omnis caro foenum, (*Eccl.* 14.) Verbum Caro factum (*Joan.* 1.) in præsepio foeni loco reponitur, ut carnalis homo humilietur sub potenti manu DEI (*1. Petr.* 5.) veluti Nabuchodonozor ut bos foenum comedens, (*Daniel.* 4.) infima re- quirat & jumentum Domini se reputans ad humilitatis præsepe descen- dat. Petit Propheta *Isaias* c. 45.) aperiri terram & germinare Salvatorem. Apertio terræ est effossio sepulchri, est descensus ad inferiora, est exca- vatio præsepis, exinanitio humilitatis, & inde procedit, inde ascendit germen salutis. Qui se putat aliquid esse cùm nihil sit, ipse se seducit: (*Gal.* 6.) ad perditionem, non ad salutem se reducit. Ita proinde P. R. F. D. natus est nobis Salvator, natus infans, natus pannis involu- tus, natus in præsepio positus, ut & nos sic nascamur ad salutem, ut cognoscamus primordia salutis nostræ sita esse in infantia silentii, in in- volucriis obedientiæ, in præsepio humilitatis. Hæc prima salutis nostræ limina, hæc nostræ ad salvationem tendentiæ signa, tacere, obedire, humili- ari: qui caret istis, nec in limine est salutis. Hinc ad pueritiam vitæ Christi- formis ab hac infantia ascendemus, ut cum puero Salvatore proficiamus in

Z

sapientia

IESUS Pan-
nis involutus
Obedientiæ le-
git.

Ad inobedi-
entiam.

IESUS in præ-
sepio Humili-
tatis prototy-
pus.

Initio & indi-
cia salutis.

Tractatus
Christiformis.

sapientia & gratia apud Deum & homines, (*Lucæ 2.*) scilicet non tantum providendo bona coram Deo, sed etiam coram hominibus. (*Rom. 12.*) Ita progrediemur ad æmulationem charismatum meliorum (*1. Cor. 12.*) videlicet perfectæ abnegationis nostri ipsius, amoris DEI super omnia propter semetipsum, amoris proximi uti sui ipsius propter Deum; donec occurramus in virum perfectum, in ætatem plenitudinis Christi, (*Ephes. 4.*) ubi plenam & perfectam salutem per Salvatorem nostrum Jesum Christum poterimus adipisci.

*Sermo Reverendi Patris Prioris nomine Conventus
in die Colendæ.*

*Amabilitas In
fontis JESU*

Verbum infans tacens, cum suo de natalitio, mutuo universi loquitur gestitque applausu: operæ pretium duxit hæc corona Fratrum & Filiorum Tuorum, Tibi quoque Reverendissime Pater congratulari. Hujus festivæ appreciationis & votorum nostrorum insignia & xenia omni divite glebâ super aurum & lapidem pretiosum multum pretiosiora, infantem DEUM (qui nobis datus, nobis natus) in manus tuas deponeremus, nisi cum jam lucē hesternā è sinu æterni Patris excepißes, illi dulcia basia impressißes, illum strictis amoris amplexibus præcordiis tuis appressißes. Et verè centrum amoris nostri incarnata Sapientia. Speciosus ille præ filiis hominum, cujus in labiis purpureis diffusa gratia, vultus ejus rosa & lilium, mel & lac sub lingua ejus, ocelli scintillantes, gemmulas lacrymarum amore nostri stillantes, ut verè cum mellifluo Patre nostro loquar. Dulcis est Jesus in voce, dulcis in facie, dulcis nomine, dulcis in opere. Sive cum Sarmatico Orpheo accinam:

*Amemus: an Massilus aut nostris riget
Alpinus in venis silex?*

*Amemus; en ut pronus Matris è sinu
In nostra pendet oscula.*

*Qualis severa vel Gelonorum puer
Mollire posset pectora!*

*Ut lumen oris, ut renidentes genas,
Ut bina frontis sidera,*

*Nivesque colli quasque purus & tener
Titan inauravit comas,*

*Eburneasque tendit in collum manus!
Ut annuit totus rapi!*

*Ut hospitali vagit admitti sinu,
Stringique brachiis rogat!*

*Amemus; ut si non amare possumus,
Repente possimus mori.*

*Imitatio Per-
vulsi.*

Verum adest ille amabilis Pusio & hisce in membris suis, qui cum parvulo

A

B

C

D

parvulo
vult affe
cordis x
optas: p
Duce
dici exil
& defer
Te in Pa
ris Christ
tudinis fu
deliciis p
pretiosa
pressa ful
laboribu
parcis.
nis, deco
dem hæc
lylo exo
giola per
scripta si
filialis gr
recolere
si infanti
amorem
tos conse
fata & p

BL
A
gi
je
ntriusqu
la Divi
ribus nu
parvulo
Pater ge
Legisla
S. Script
licet po
cantic
Servato
fortitus

A parvulo JESU effecti parvuli, submissione, simplicitate, rectitudine, par-
vuli affectûs teneritudine erga Te Patrem suum, quisque eorum filialis
cordis xenium Tibi repræsentat offertque Patri suo, juxta quod ex-
optas: præbe fili cor tuum mihi. Nec immerito. Te enim in mitissimo
Duce Israelis Moysæ Patrem agnoscimus, qui Tibi à supremo Numine
dici existimas. Porta eos in sinu tuo, sicut portare solet nutrix infantulum
& defer in terram scilicet promissionis, vel satius in terram viventium.
Te in Paulo Orbis prædicatore Patrem veneramur, quinos filios partu-
ris Christo, donec formetur in nobis in virum perfectum ætatis pleni-
tudinis suæ. Te Patrem Nutricium animæ nostræ esse lætamur, qui pro
deliciis panis vivi, qui de coelo descendit, pro vino germinante virgines
pretiosa nobis vasa confers & tribuis. Te Patre & pio Protectore op-
pressa subditorum refovetur calamitas, ad cujus levamen mille curis,
laboribus, itineribus insudas; non sumptibus, non sanitati, non vitæ
parcis. Te denique Promotore in spiritu, sacris literis, juribus, fortu-
nis, decore, gloriâ viget, viret, floret, fructificat Oliva nostra. Et qui-
dem hæc aliaque tuæ laudis decora, amæniori & uberiori orationis
stylo exornari possent, verum tua non patitur modestia, nec mea reli-
giola permittit verecundia: cum vel maximè in libro vitæ æternis con-
scripta sint encomiis, temporalibus minimè debent obfascari. Attamen
filialis gratitudinis est Reverendissimæ Paternitatis Vestræ collata in nos
recolere beneficia, complecti affectum, reddere vicem teneræ & qua-
si infantilis cujusdam propensionis, ruere in sinum Patris nostri, in ejus
amorem, honorem, obsequium, cujusdam xenii & doni instar nos to-
tos consecrando, cum omnis felicitatis & optimæ incolumitatis in sera
fata & plena sæcula solenniissima appreciatione ac voto cordiali.

Responsum Reverendissimi Domini Abbatis.

D **A**bbatem Patrem esse, & nominis è Sacro idiomate orti etymolo-
gia, & ratio Status & Sanctæ Regulæ dictamen manifestat. Sub-
jectos verò Abbati filios esse, ratio correlativa declarat. Quidni
utriusque Mater dici debeat ipsa Religio Sacra Cisterciensis, quæ Regu-
lâ Divi Benedicti & piis Ordinis constitutionibus veluti duobus ube-
ribus nutrit universos? Jure merito proinde omnibus competit nomen
parvulorum, cunctis servit status puerorum. Utique & ille magnus
Pater gentium Abraham & Moyses supremus gentis Israeliticæ Dux ac
Legislator & David Rex Judæorum fortissimus, nomine puerorum à
S. Scriptura indigerantur; ubi non minùs Jacob sive Israel, totus vide-
licet populus electus nomine pueri connotatur & ab ipsa Matre DEI in
canticis talis prædicatur. Sed quid dico? Ipse totius generis humani
Servator & Messias Christus Dominus apud Isaiam c. 8.) nomen hoc
sortitus est à DEO. Ecce puer meus, quem elegi, dilectus meus, in

*Mitissimus Vt
verum Moyses.*

Paulus Lactis

*Albatio Nega-
ta.*

Oliva flans.

*Abbas Pater.
S. Ordo Ma-
ter subditi filii*

*Abraham Moy-
ses David Pa-
ter.*

Israel puer.

*Christus Pu-
er.*

Abbatia officij
um pueri.

Pueritia salu
taris.

Obedientia
fidel.
Simplicitas.

Humilitas

Typus Parys
lorum ex S.
Hilario.

Adhortatio ad
Charitatem.

Ad Professum
in Virtutibus.

Ad Pacem.

Munus Amoris.

quo complacuit anima mea. Cum verò Divus Legislator noster Abbatem Christi vices gerere asserat, nonne & ipsum pueri officium in se portare recognoscit, potissimum quando exemplo Christi *Matth. 20.*) magis ministrare debeat, quàm ministrari? Quandoquidem ergò parvulus natus est nobis, (*Isaia 9.*) efficiamur & nos cum ipso parvuli. Verùm monet Apostolus *1. Cor. 14.*) nolite pueri effici sensibus, sed malitià parvuli estote; sensibus autem perfecti estote. Malitiam dicit negativè, quòd eà careant parvuli, ut & nos illà privemur. Simus autem pueri per audientiæ fidem (uti monet Hilarius) Simus parvuli per simplicitatem vitia corporis & animæ rescindendo, in quibus nulla sit macula. (*Daniel. 1.*) Simus pueri, ut speciem humilitatis Dominicæ circumferamus. Simus parvuli, qui patrem sequuntur, (teste eodem Divo Hilario) matrem amant, proximo velle malum nesciunt; carent concupiscentià, & ideò curam opum negligunt; carent superbià & ideò non insolescunt; carent invidià; hinc non oderunt, amant veritatem, sic non mentiuntur, denique dictis credunt & obediunt. Nisi efficiamur tales parvuli, non intrabimus in regnum cœlorum. (*Matth. 18.*) Dum proinde in hisce natalitiis parvulum JESUM & vos P. R. F. D. velut membra ejus (*1. Cor. 15.*) tanquam parvulos ideò mihi pro strenâ offertis, ego reciprocè me talem vobis repræsento, sciens me insuper cum omnia fecero (quod utinam fiat!) etiam servum inutilem esse, (*Luc. 17.*) simulque eundem puerum Jesum vobis retribuens exoro, ut doceat nos comedere butyrum, (*Isaia 7.*) nimirum pinguedinem misericordiæ & compassionis ad invicem: mel, videlicet dulcedinem amoris & dilectionis in alterutrum; quatenus cum ipso taliter sciamus reprobare malum & eligere bonum. (*Ibidem.*) Sit minimus è vobis in mille & parvulus in gentem fortissimam (*Idem c. 60.*) robore virtutum & multiplicitate meritorum. Stringo pedes parvuli Jesu Doctoris parvulorum, ut faciat vitulum & leonem & ovem simul morari, (*Isaia 11.*) ipseque Puer parvulus loco mei minet (*Ibidem.*) omnes & ducat ad locum pascuæ suæ, nec tumultuetur puer contra senem, (*Isaia 3.*) nec collidantur in utero parvuli, (*Genes. 25.*) nec sint similes pueris sedentibus in foro & clamantibus ad suos coæquales: (*Matth. 11.*) cecinimus vobis & non saltastis, lamentavimus & non planxistis, quæ omnia difformitatem, contradictionem, divisionem sonant; sed sint omnes unanimes, idipsum sentientes (*Phil. 2.*) & unius moris in domo: (*Psalim. 67.*) omnes enim in Christo unum sumus. (*Galat. 3.*) Si igitur filius mihi honorabilis (*Jerem. 31.*) Conventus meus Olivenfis, si puer delicatus; (*1. Paral. 22.*) ecce & ego licet Pater sum, puer parvulus, & pueri quos mihi dedit Dominus, (*Isaia 3.*) erunt in signum exemplaritatis & in portentum (*Ibid.*) observantiæ disciplinæ regularis per unionem charitatis. Et quia hæc aurea est in aureo vase, aureum Paternum amorem fero, aureum filialem amorem referre volo;

ut &

A ut & soliditas auri & pretium & pondus etiam in minima ejus portione inveniatur in cordibus nostris charitate vera simul junctis, ad laudem & gloriam illius, qui thesauros suos abscondit à sapientibus & prudentibus (*Matth. II.*) in opinione & præsumptione sua, sed eos revelat parvulis (*Ibid.*) in oculis suis, parvulis in oculis hominum, in oculis DEI, qui humilia respicit (*Psal. 137.*) & exaltat in æternum.

*Abscondita à
Sapientibus.*

Sermo in Circumcisione Domini.

Ut circumcideretur Puer Matth. 2.

*Proficiendum
exemplar Chri-
stus natus.*

*Circumcisio,
tropol.*

Abnegatio sui.

*Impietas Ingra-
tutudo etc.*

*Secularia de-
sideria & car-
nalia.*

B **A**B infantia ad pueritiam datur progressus. Natus Salvator in-
fans, jam puer circumcisus. Ab infantia silentii, obedientiæ pan-
nis, & humilitatis præsepi ad circumcisionem sequitur ascensus.
Et quæ hæc circumcisio Fratres mei? Nulla alia, nisi abnegatio sui-
ipsius. In infantia silentii portamur ut humiles, & regimur ut obe-
dientes ab aliis: in pueritia jam incipimus procedere. Hinc Puer JE-
SUS proficiens & progrediens imò procedens circumcisus inlclamat
(*Matth. 16.*) Si quis vult post me venire, abneget semetipsum & tol-
lat crucem suam & sequatur me. Sequimini P. R. F. D. Si infantiam
tenuistis, progredimini ad pueritiam, exspoliantes vosmetipsos exuite
transactò veteri anno veterem hominem cum moribus & actibus suis.
C (*Coloss. 3.*) Circumcidite vos, & induimini novum hominem, qui se-
cundum Deum creatus est cum hoc novo anno: induimini Dominum
nostrum Jesum Christum (*Rom. 13.*) puerum circumcisum, ut & vos
sitis cum ipso jam non carnaliter, sed spiritualiter circumcisi. Ad hoc
apparuit gratia Salvatoris nostri omnibus hominibus erudiens nos, ut
primò abnegemus impietatem, & postea secularia desideria. (*Tit. 2.*)
Procul à nobis impietas, qui pietatem ad omnia utilem secta-
mur; impietas dico & ingratitudo ergà Deum Patrem luminum, (*Jac. 1.*)
à quo omne datum & omne donum perfectum procedit. (*Ibid.*) Im-
pietas & ingratitudo ergà Ecclesiam Matrem, quæ nos DEO per ba-
ptismum genuit; ergà Religionem Matrem, quæ nos per professionem
generavit; ergà Olivam Matrem, quæ nos tam spiritualiter, quàm cor-
poraliter pascit & nutrit. Ergà Superiores, qui pervigilant tan-
quam Deo pro animabus nostris rationem reddituri (*Hebr. 13.*) Ergà Fratres,
qui nos invicem supportare, (*Coloss. 3.*) & alter alterius onera portare
debemus. (*Gal. 6.*) Ergà pauperes, debiles & infirmos, quorum inopi-
am & indigentiam nostrâ abundantia sublevare tenemur. Absit in-
quam omnis hæc impietas à nobis, quæ abneganda est, abrenuncian-
da & eliminanda per veram circumcisionem. Abneganda deinde secu-
laria desideria, (*Tit. 2.*) vanitas mundi, concupiscentia oculorum & superbia
vitæ; (*1. Joan. 2.*) multò magis abneganda sunt carnalia desideria, quæ
militant adversus animam; (*1. Petr. 2.*) præscindenda concupiscentia car-
nis,

Gula Vitia.

Cultus corporis.

Austeritas Ordinis Primitivi.

Superfluum.

Circumcisio Interior.
Phantasia.
Memoria.
Intellectus.
Voluntas.
Renovatio Spiritus.

Perfectionis dies octo, & salus.

Novus Annus nova omnia.

nis, amputanda voluptas. Cum enim corpus hoc, quod corrumpitur, aggravet animam, (*Sap. 9.*) ut quid ipsi indulgetur? Hæccine vocatio nostra, ut alamus cuticulam, gulæ illecebris inserviamus, bibamus vinum, in quo est luxuria; (*Ephes. 5.*) nutriamur croceis; (*Thren. 4.*) vestiamur mollibus, (*Matth. 11.*) adeoque carnis curam faciamus in desideriis, (*Roman. 13.*) jam ferculorum exquisitorum, quæ fortè olim in seculo nec libavimus, jam indumentorum pretiosiorum & camisiarum subtiliorum, qui ex regula tenemur quærere & gestare, quod vilius comparari potest: imò quod carnem macerare debet, quod mortificet membra nostra, quæ sunt super terram, (*Coloss. 3.*) & in terram vertentur: ne hæc terrena habitatio gravet sensum meliorem animæ multa pro gloria DEI & salute propria ac aliorum cogitantem. (*Sapient. 9.*) Hæccine sunt, quæ sectari debemus & non potius ea abnegare ac circumcidere? Respicite Fratres mei S. Ord. primordia, in quanta simplicitate animi, cum quanta austeritate vitæ, in quanto rigore disciplinæ jecerit fundamenta & fructum fecerit in domo Domini extendens palmites usque ad mare, (*Pf. 79*) & propagines mittens ad extrema terræ. Per talem abnegationem, per hanc circumcisionem stetit & crevit Ordo Sacer. Et nos quid? Cadimus & decrescimus per hæc superflua, per hæc maledicta præputia. Non quòd nos victu & vestitu privare debeamus, sed utrumque sobrietatis & abstinentiæ virtute moderari tenemur ac temperare. Sic dabitur nobis facilior in interioribus abnegatio, commodior internorum nostrorum fiet circumcisio: ubi phantasia ab imaginationibus vanis & præsumptuosis, memoria à cogitationibus illicitis; intellectus à proprio & privato sensu: voluntas à prava & perversa ad malum inclinatione simul ac à proprietate affectus sunt præscindenda. Et hoc est verè abnegare semetipsum, hoc est spiritualiter circumcidi; hoc est renovari spiritu mentis, (*Ephes. 4.*) hoc est renovari ut aquilæ juventutem nostram (*Psal. 102.*) abjectis pennis antiquis, sublati veteris hominis exuviis, ad pueritiam novi hominis succrescere & pervenire circumcisos. Hæc sunt pueritiæ Christianæ rudimenta ad Christi sequelam, per quæ ad constructionem viri perfecti in gestatione crucis Christiformis ascenditur. Jam hic consummantur dies octo, jam octo beatitudinum documenta exercentur, hic clarescit, hic elucescit & vocatur nomen JESUS, nomen salutis, nomen salvificum, nomen salutare; effectum sortitur in iis, qui taliter sunt circumcisi cum puero JESU circumciso, & pueri effecti per puritatem corporis & animæ, sublati omnibus carnis impuritatibus, abjectis sordibus terrenis, abactis cunctis mundi superfluitatibus, expurgatis & extirpatis pravis affectibus universis, principium fiunt aliquod creaturæ DEI, (*Apoc. 3.*) imò nova creatura in Christo Jesu, (*2. Cor. 5.*) qui cum hoc novo anno utinam re ipsa dicat nobis! Ecce nova facio omnia, (*Apoc. 21.*) novam terram corporis, novum coelum animæ per pueritiam circumcisi-

onis

onis, per operationem abnegationis ex ea erga DEUM, quæ nos mandato novo innovat, charitate.

Sermo in Epiphania Domini.

Ubi est natus Rex Judæorum ? Matth. 2.

Macte animis omnes vos, qui infantia spiritualis rudimenta in silentio, obedientia & humilitate cepistis, puerili simplicitate circumcisi, vosmetipsos abnegastis; jam datur ascensus à parvis ad majora; ab infimis ad sublimiora, à teneris ad maturiora. Nunc jam viriliter agite & confortemini, (1. Cor. 16.) tendite ad virum perfectum ad ætatem plenitudinis Christi, (Ephes. 4.) uncti Domini, Regis Judæorum, (Matth. 2.) regios cum tribus Regibus induite animos & tot itinerum spatia, tot annorum curricula, tot virtutis labores emensi, quærite Dominum, dum inveniri potest, (Isaia 55.) interrogate diligenter de puero & investigate: Ubi est, qui natus est Rex Judæorum? (Matth. 2.) Ubinam creditis? P. R. F. D. Nusquam præterquam in cruce. Hic est gradus viri perfecti, ut tollat crucem suam & sequatur Christum. (Matth. 16.) Hæc est Regia via crucis. Non creditis? Credite vel titulo. Hic est JESUS Nazarenus Rex Judæorum, (Joan. 19.) Regia sedes, regius thronus, terrestris coelorum regnum Crux. Adhucne dubitatis? vel ipsi regio Vati fidem adhibete asserenti Ps. 92.) Dominus regnavit, à ligno utique crucis. In hoc venit accipere sibi regnum. (Lucæ 19.) Num desunt regia insignia? minimè. En corona spinarum, diadema, quo coronavit eum mater sua (Cant. 3.) Synagoga, En sceptrum, clavi. En regalis purpura tincta pretioso sanguine Redemptoris, rubrum verè indumentum, vestimentum sicut calcantium in torculari, (Isaia 63.) torculari crucis. Hic planè fecit nos DEO nostro regnum & sacerdotes (Apoc. 5.) ipsemet Rex & Sacerdos, Rex omnium Regum, (Apoc. 19.) omnes sibi subditos volens esse Reges & regnatores super terram. Sed dicet aliquis. Quid cruci cum cunis? quid luctui cum gaudiis? quid ignominia cum gloria? Multum sanè Fratres mei. Ignominia & luctus crucis, est verum gaudium & gloria Christiani sequacis & imitatoris Christi, cui absit aliter gloriari, nisi in cruce Domini nostri JESU Christi. (Galat. 6.) Cux Christi fuere initia crucis. Hic Rex fecit nuptias Filio suo (Matth. 22.) Regi per incarnationem desponsanti sibi naturam humanam, procedenti ex utero Virginis tanquam sponso de thalamo suo, (Psalm. 18.) quæ tamen nuptiæ coronidem acceperunt in thalamo crucis, ubi costam è latere educitam Evam, suam desponsavit sibi Ecclesiam, quam eodem sanguine suo acquisivit. (Act. 2.) In his proinde cunis jam apparuit benignitas & humanitas Salvatoris nostri DEI secundum misericordiam suam salvos nos facientis per crucem. (Tit. 3.) Nata victima sacra, holocaustum pro de-

Proficiendum.

Regum imitatio.

Christus in Cruce invenitur.

Regna Crucis.

Cruce cum gaudio.

Cuna Christi initia Crucis.

Obedientia.**Quid cruci
Bethleem.****Signum Nati
Regis Stella
Crux.****Signum Chris-
tiani,****Mortificatio.****Confessio.****Gaspars
Ibus.****Balthasar.
Myrrha.****Melchior.
Aurum.****Corona Virtu-
tum Charitas.**

liet, (*Levit. 7.*) cum diceret: (*Psal. 39.*) Ecce venio. Ad quid? ut facerem voluntatem tuam DEUS meus, volui (*Ibidem.*) nempe obediens factus usque ad mortem crucis. (*Philp. 2.*) Nec arbitremini Bethleem mihi excidisse ubi Rex natus est, quæ est domus panis vivi, qui de coelo descendit, (*Joan. 6.*) adeoque me ad crucem exerrasse. Nec hic procul abest crux, quod manifestant voces apud Prophetam *Jerem. c. II.*) dicentium: Mittamus lignum in panem ejus. Sed & stella in Oriente apparens signum nati Regis, qui Oriens est ex alto, (*Luc 1.*) Oriens est nomen ejus, (*Zach. 6.*) quale præferebat indicium? Crediderim non aliud, nisi signum crucis. Quod est signum Christi, est signum Christiani, signum Thau, (*Ezech. 9.*) quo signantur servi DEI in frontibus eorum: (*Apoc. 7.*) etiam primitus in baptismo in hoc signo vicimus inimicū. Regnum ergo Regis Judæorum est Crux, quod regnum omnibus dominabitur (*Psal. 102.*) Christi sectatoribus. Jam exinde ascensiones in corde nostro disponamus, (*Psal. 83.*) æmulemur charismata meliora, (*1 Cor. 12.*) ut eamus de virtute in virtutem. (*Psal. 83.*) Et si jam facti sumus nova in Christo creatura, (*2. Cor. 5.*) cum Vase electionis (*Act. 9.*) stigmata Domini nostri Jesu Christi in corpore nostro portemus, (*Gal. 6.*) mortificationem crucis in carne nostra circumferamus. (*2. Cor. 4.*) Mundus sit nobis crucifixus & nos mundo; (*Gal. 6.*) Christo configamur cruci, ut jam non nos sed ipse vivat in nobis (*Ibid. c. 2.*) Christus crucifixus Rex Judæorum, (*Matth. 27.*) Rex videlicet confitentium. Est confessio fidei & laudis, est confessio peccatorum, utraque necessaria ad salutem. Hæc respicit nos, qui in multis offendimus omnes, (*Jacob. 3.*) ut cum Regio Propheta dicamus *Psal. 31.*) Confitebor tibi adversum me injustitiam meam Domino. Illa respicit DEUM, ut corde credendo ad justitiam, confessio oris fiat ad salutem, (*Rom. 10.*) ac simul confessio laudis Divinæ honorificet nos (*Ps. 49.*) ad imitationem illorum 24. Seniorum, Regum planè ante sedem DEI deponentium coronas suas. (*Apoc. 4.*) Utroque modo confitentes esse tenemur, ut cum Rege Gaspare simus argentei per candorem castitatis, & desiderabiles montes per optatæ virtutis eminentiam, offerentes thus devotionis nos ipsos, hostiam sanctam, viventem, DEO placentem, (*Rom. 12.*) sacrificium immolemus in odorem suavitatis (*Levit. 8.*) velut Sacerdotes; cum Rege Balthasare simus possessores gratiæ Divinæ, seu doni maximi crucis (quos enim amat Deus, castigat. *Hebr. 12.*) myrrham passionis & patientiæ DEO consecrantes: cum Rege Melchior simus Regis lumen per exemplum bonorum operum, vel Regius ignis per ardorem Regiæ charitatis, quæ est primum culmen virilis perfectionis & suprema omnium virtutum corona.

Sermo

*Sermo in Dominica I. post Epiphaniam Domini
post visitationem Monasterii.*

Ecce leprosus veniens, & puer meus jacet in domo paralyticus.

Matth. 8.

Non absque mysterio Ecclesia Sancta duas nobis infirmitates in hodierno Evangelio repræsentat; unam leprosi apertam, alteram paralytici occultam. Ille veniens, hic domi jacens, uterque graviter & periculosè agrotus; duplicem nobis ægritudinem: *Infirmitas exterior & interior.* *Leprosus & Leprosus tropol.* *Scandalum.* *Superbia & Presumptio.* *Invidia.* *Detractio.* *Diffamatio.* *Inconstantia.* *Ira & Odium.* *Hypocrisis.* *lieno*
exteriolem & interiolem manifestat. Ecce leprosus, (Matth. 8.) & quis non timebit? (Amos 3.) Morbus contagiosus, pestifer, palpatus contaminat. Ecce monstrari digito & dici; hic est, magnum est. Ecce vocat attentionem, stringit reflexionem, cogit respectum. Ecce leprosus pellit affectum, causat nauseam, parit detestationem. Ecce leprosus veniens terret animum, animat fugam, excitat abominationem. Leprosus veniens indicat infectionem, publicat malum, spargit contagionem. Ecce leprosus veniens præbet malum exemplum, societatem deturpat, lapis est offensionis & petra scandali, (1. Petr. 2.) utique in profundum maris potius demergendus ad mundandam lepram ejus. O leprose! utinam cum Naaman Syro Elisæum accessisses, (4. Reg. 5.) & consilio ipsius in Jordani flumine septies te lavisses, & sic mundatus in publicum venisses! Sed factum est. Ecce leprosus veniens meretur extensâ manu JESU publicè tangi & mundari. Quàm benè leprosus mundatur, dum tangitur: quin dum ipse tangit alium, inficit, nec se à lepra liberat. Melius est leprosum tangi manu extensâ, quàm contractâ; manu protensâ, quàm abbreviatâ; manu domesticâ, quàm extraneâ: non tamen tangi & mundari potest, si abscondit lepram, si celat in sinu suo iniquitatem. Quæ tamen hæc lepra est? Lepra nostra Fratres superbia est, dum alios contemnentes, ambulamus in mirabilibus super nos. (Psalm. 130.) Lepra nostra præsumptio est, dum existimantes nos aliquid esse, cum nihil simus, (Galat. 6.) ingerimus nos in ea, quæ ad nos haud spectant. Lepra nostra invidia est, dum livido oculo respicientes alios de eorum virtute cruciamur, quâ ipsimet caremus. Lepra nostra detractio est, dum nostri obliti, aliorum dicta vel facta censuramus, quæ tantò magis DEO odibilis, quantò altiores tangit personas. Lepra nostra diffamatio est, dum secretiora quæque contra alios propalamus, absentium famam etiam falsis relationibus rodentes vel allatrantes. Lepra nostra inconstantia est, dum immemores professionis & stabilitatis nostræ quærimus vagari. Lepra nostra ira est vel odium, dum pravo corde adversus alios malignamur, & venena malitiæ nostræ profundimus. Lepra nostra hypocrisis est, dum in proprio oculo trabem non videntes, in a-

Gula.

Malum oculum
peius &
incurabilius.Paralysis
trepidat.Domini est se
nare mala,
non vulgare.

lieno festucam observamus, (*Matth. 7.*) & eximere audemus; hypocrisis est inquam, dum speciem pietatis circumferentes foris pellem ovinaam præferimus, lupum intus alentes; hypocrisis tertio est, dum in nobis glutientes camelos, in aliis culices liquamus; hypocrisis quarto est, dum lyncei contra alios, erga nos talpæ, non videmus mantice, quid in tergo sit. Lepra nostra gula est, dum paupertatem sanctam & simplicitatem antiquam ac parsimoniam in cibo & potu postponentes, ad ollas Ægypti suspiramus. Nolo plures proferre lepras, quia & hæc jam ad nauseam sufficiunt. Lepras has nemo curat nisi Dominus; sed leprosus venire, (*Matth. 8.*) accedere, approximare debet, ut tangi possit à Domino; sibi imputet, si ab eo est, quod minimè mundetur. Et hæc infirmitas est aperta, sed occulta peior, quando puer jacet domi paralyticus, venire haud potest, immobilis est, est insensibilis & insensatus, jam ibi requiritur, ut Dominus dicat (*Ibid.*) Ego veniam & curabo eum. Paralysis est morbus miserabilis, quo pars membrorum tangitur, ita ut membra priventur sensu & motu & pars membrorum sana idem cogatur participare. Paralyticus fæces suas sub se egerit, jacet in suis stercoreibus, nec sentit. Quanta miseria non agnoscere suum malum, non advertere dedecus suum, non percipere foetorem suum! Puero similis est, alieno eget in omnibus adiutorio. Paralyticus jacet nec adjicit, ut resurgat (*Psal. 40.*) velut inveteratus dierum malorum (*Dan. 13.*) nil considerat, nil percipit corde. Mortuo similis est: nullum præfert sensum; etiamsi domi esset incendium, licet ruinamminentur parietes, jacet antiquo oppressus veterno, an lethargo? paratus inter rudera sepeliri. Paralyticus turpitudinem & ignominiam suam revelat (*Isaia 47.*) nec curæ habet denudari, subsannari, contemni, conspurcari, se & alia membra saniora conspurcare. Non serviunt paralytico illa Centurionis verba (*Matth. 8.*) Dico huic vade, & vadit; & alii, veni & venit: & servo meo fac hoc & facit, quia nec vadere, nec venire, nec facere quidquam potest; denique ad nihil aptus est, nisi ut locum occupet, & aliis sit molestus. Procul à nobis hæc lepræ, hæc paralyses P.R.F.D. & si quis fortassè aliquid simile vel in exteriori, vel in interiori homine expertus, recurat ad Dominum, cujus est aliena sanare mala, non detegere; pium etiam Patris reperturus affectum. In visceribus enim misericordiae visitat, (*Luc. 1.*) scit compati & promptus est ut dicat: volo, mundare; (*Matth. 8.*) ego veniam, & curabo eum (*Ibidem.*) in charitate.

Sermo in Quinquagesima.

Quid tibi vis, faciam? Luc. 18.

Diluvium P.R.F.D. diluvium. Diluvium iræ DEI super rebelles, diluvium amoris DEI super obedientes. Et qui sunt rebelles, nisi pecca-

A

B

C

D

peccatore
peccatore
retur om
quidem
ambulans
carnes app
maximum
(Gen. 19)
tale erit q
(Psal. 1)
procellaru
iniquitate
omnes pe
in terram
consumen
Et sicut i
diluvium
inservient
repentè v
pro DEO
iræ Dei
scientia ca
militant a
qui DEO
tuales su
stantes, d
um inhab
lertificat
bet partic
tias dilex
dens à m
tis Domi
Propheta
ne, quan
dulcissim
minum c
le diluviu
(Psal. 4)
visionem
ne Domi
nobis fac
bonum,
bis conf

A peccatores? Et qui sunt obedientes nisi iusti? Scitis quale diluvium super peccatores rebelles? Primum fuit aquarum diluvium, (*Gen. 7.*) ut perderetur omnis caro, quia finis venerat universæ carnis, (*Ibid. c. 6.*) quandoquidem fuit origo mali, omnis quippe caro corruperat viam suam (*Ibid.*) ambulans in adinventionibus suis. (*Psal. 80.*) Hinc & illi, qui in deserto carnes appetierunt, (*Num. 11.*) perierunt ab exterminatore. (*1. Cor. 10.*) Sed maximum & tremendum diluvium fuit super Sodomam & Gomorrhā, (*Gen. 19*) ubi Dominus pluit sulphur & ignem à Domino de cœlo; & tale erit quoque ultimum, quando Deus pluet super peccatores laqueos (*Psal. 10.*) desperationum in extremo Iudicio, ignis sulphur & spiritus procellarum pars calicis eorum: (*Ibidem.*) qui hic bibunt sicut aquam iniquitatem, (*Job. 15.*) ibi calicem iræ DEI haurient, ex quo bibent omnes peccatores terræ, (*Psal. 74*) quæ caro est. Terra enim est, & in terram ibit, in cujus meditullio ignis infernalis, ignis devorans, nec consumens: (*Deut. 9.*) ibi erunt ardores sempiterni pro carne peccaminosa. Et sicut in diebus Noë erant comedentes & bibentes, actum supervenit diluvium aquarum, (*Gen. 7.*) ita in diebus novissimis gulæ & carni inservient, prout & nunc faciunt, Bachanalia celebrantes, ac tum de repente veniet super eos diluvium igneum; ut ipsa contra peccatores pro DEO pugnent, aquarum & ignis elementa. Sed ut hæc diluvia iræ Dei sint procul à nobis; simus procul à causis diluvii, à concupiscentia carnis; rebellem carnem comprimamus, carnalia desideria, quæ militant adversus animam (*1. Petr. 2.*) compescamus, & carnem spiritui qui DEUS est, & cujus particulam in anima possidemus, nos qui spirituales sumus, subjiciamus; & sic obedientes spiritui, iustitiam spiritus sectantes, diluvium amoris DEI merebimur. Dominus enim tale diluvium inhabitat, & inhabitare facit, (*Psal. 67.*) ubi fluminis impetus lætificat civitatem DEI. (*Psal. 45.*) Sed quis est, qui huius diluvii habet participium? Nemo nisi iustus. Iustus enim est Dominus & iustitias dilexit. (*Psal. 10.*) Et quis est iustus, nisi timens Dominum, recedens à malo & faciens bonum? (*Job. 1.*) videlicet obediens mandatis Domini, ambulans cum Deo, (*Gen. 5.*) & sequens Deum. Miratur Propheta (*Psal. 30.*) Quàm magna multitudo dulcedinis tuæ Domine, quam abscondisti timentibus te! ac si diceret: Quàm magnum dulcissimi amoris diluvium in anima absconditum iis, qui timent Dominum offendere, ac ideò in omnibus ipsi obediunt! Sed ecce mirabile diluvium gratiarum DEI! ubi abyssus miseriæ invocat abyssum (*Psal. 41.*) misericordiæ; cæcus in tenebris constitutus petit luminis visionem: Author gratiæ interrogat (*Luc. 18.*) Quid tibi vis, faciam? Itane Domine requiris à nobis, quid nos velimus, ut hoc quod volumus, Tu nobis facias? Ita sanè. Quod nos volumus, hoc Deus agit. Volumus bonum, bonum nobis datur à Domino; volumus malum, malum nobis confertur, ut unicuique iusta fiat retributio. (*Luc. 14.*) Abyssus

Diluvium iræ
D. in rebelles
Generale.

In Deserto.

In Sodomam
& Gomorrhā

Extremi Ju-
dicii.

Gehenna.

Bachanalia.

Concupiscentia
Carnis.

Diluvium A-
moris D. su-
per iustos.

Timor DEI.

Diluvium
Gratiarum D.

Voluntatem
timentium se
faciet D.

Quomodo vo-
luntarie quis
miser? sent.
Augustini.

Quanti bona
Voluntas?
Voluntas no-
stra infirmata

Voluntas fœca,
recta, devota,
beata.

Inter velle et
posse. quid in-
ter sit?

Nolle in causa
est, non posse
pretenditur.

Charitatis
efficacia.

Terditio tua
ex te.

Obedientia
Voluntaria.

humanæ malitiæ; diluvium peccatorum, invocât abyssum (*Psalm. 41.*) **A**
Divinæ iustitiæ vindictivæ, petit inundationem poenarum. Conformat
se DEUS actionibus nostris, ut quales nos erga ipsum sumus; talis
& ipse erga nos sit: quod volumus, hoc facit. Quàm benè magnus
Augustinus! Dicimus, voluntate homines esse miseros, non quod miseri
esse velint, sed quod in ea voluntate sunt, quam etiam ipsis invitis, mi-
seria sequatur, necesse est. Voluntas ergò nos facit & miseros & bea-
tos. Totum habet, qui bonam voluntatem habet, (dicit idem SOL
Doctorem.) Sola bona voluntas sufficere potest, si cætera non sint, si
autem sola deest, nil prodest, quidquid habitum fuerit. Sed cæca est
voluntas nostra, caret lumine iudicii, impetu ducitur. In aliis vult, &
non vult pigra, (*Prov. 13.*) tota die concupiscit & desiderat: & talem
in se expertus in initio conversionis suæ prædictus Præsul Hipponensis:
Cum deliberarem & servirem Domino Deo meo (ait) ego eram qui vo-
lebam, ego qui nolebam. Nec plenè volebam, nec plenè nolebam,
ideò mecum contendebam & dissipabar à me ipso. Sanctus Pater no-
ster in diversis diversam observat voluntatem. Voluntas (inquit) alia sic-
ca est in reprobis, alia recta in inchoantibus, alia devota in proficienti-
bus, alia beata in consummatis. Sed dicet aliquis cum Doctore Genti-
um *Rom. 7.*) velle adjacet mihi, perficere autem non invenio. Verum
est, quod duo sint juxta Boëtium, quibus omnis humanorum actuum
constat effectus; voluntas scilicet & potestas. Sed juxta Pelusiotam in
spiritualibus quibus adest voluntas, iisdem & facultas non deest. Unde
benè ore aureo Chrysostomus monet: In te est ut possis, quia in te est
ut velis; ita enim velle efficit nolle non posse. Nec quisquam poterit
excusari, quia voluerit & non potuerit: cum constet illum, idcirco non
potuisse, quia noluit, & nolens exemplo volentis damnatur. Sufficit
ergò si velis ut oportet, (ait idem aurei oris Doctor) & facias ea, quæ
sunt volentis, tunc & DEUS faciet ea, quæ vis. Fratres mei, pax ho-
minibus bonæ voluntatis, (*Lucæ 2.*) abundantia charitatis, diluvium
amoris. DEUS (teste Divo Gregorio) non intuetur, quantum quilibet
valeat, sed quantum velit. Vocavi & renuisti dicit DEUS *Prov. 1.*)
nam si ipse vult, (ait Chrysostomus) nos autem non volumus; ad
nostram salutem nihil proficiunt ea, quæ alioquin efficacia sunt. Nobis
proinde attribuamus, quidquid accidit nobis. Qui vult esse bonus, (te-
statur Angelicus Doctor) nihil est quod impediat, etiamsi prius esset
improbissimus. Qui est peccator, rebellis, propria voluntate talis est, &
diluvium iræ DEI justè patietur. Qui est justus, obediens, propria vo-
luntate talis est & gaudebit diluvio amoris Dei, ad quod Tu DEUS no-
stras etiam rebelles compelle voluntates, ut omnia sint in benè volente
charitate.

Sermo

Sermo in Dominica I. Quadragesimæ

Ut tentaretur à Diabolo. Matth. 4.

Quemadmodum tentatio, ita & militia est vita hominis super terram (*Job. 7.*) P. R. F. D. Et sicut expositus est homo ad tentandum, ita compositus esse debet ad certandum. Primus homo à serpente per mulierem tentatus & victus nobis hæc negotia fecit, ita ut quævis creatura præferat, & tentaminum specimina, & molimina omnis tentationis fixa in nobismetipsis nempe radicem concupiscentiæ. Unusquisque enim (teste Apostolo Jacobo c. 1.) tentatur à concupiscentia sua abstractus & illectus; & hæc est Eva nostra inducens nos ad peccatum, quia cum tentationem conceperit per sensum delectationis & consensum voluntatis, parit peccatum (*Ibidem.*) peccatum autem generat mortem, (*Ibidem.*) & hi sunt gradus perditionis per has proles tentationis detestandas. Ac proinde nemo cum tentatur, dicat quoniam à Deo tentatur. (*Ibid.*) Et tentaverit sanè DEUS Abraham immolatione filii, (*Genes. 22.*) Jobum despoliatione omnium ac ipsiusmet sanitatis, (*Job. 1.*) Tobiam tenebris cæcitatibus: (*Tobia. 2.*) alia significatione intelligitur in his tentatio sicut & ibi de populo Israelitico dictum; (*Deut. 13.*) tentat vos Dominus Deus vester, ut sciat si diligitis eum: alià ubi dicitur (*Jacob. 1.*) Deus neminem tentat: hæc enim (inquit Augustinus) seductionis est tentatio; illa est probationis. Hinc optat Regius Vates, (*Psal. 25.*) proba me Domine & tenta me. Unde cum oramus DEUM, (*Matth. 6.*) & ne nos inducas in tentationem, intelligimus illam seductionis, non probationis, de qua Angelus Tobie: c. 12) quia acceptus eras Deo necesse fuit, ut tentatio probaret te. Et sic Abraham in tentatione est inventus fidelis. Sed & fidelis Deus est, qui non patitur justos tentari super id, quod possunt (*1. Cor. 10.*) verum facit cum tentatione proventum, ut possint sustinere. Novit enim Dominus pios de tentatione eripere, (*2. Petr. 2.*) cum & sapientia in tentatione ambulet cum justo (*Eccles. 4.*) & timenti Dominum non occurrent mala sed in tentatione Dominus illum conservabit & liberabit à malis: (*Idem c. 33.*) ac ideò subjungimus, sed libera nos à malo, (*Matth. 6.*) Deus ergò intentator malorum est (*Jac. 1.*) sive passivè sumendo, quod sit intentabilis, in se enim nullo malo pulsari aut tentari potest: cum sit impassibilis & optimus, qui nec pati nec peccare, nec concupiscere potest; sive activè quod Deus nulli intentat mala, sive neminem excitat ad malè agendum, neq; tentat malos sed bonos duntaxat. Teste enim Divo Clemente, vir improbus non tentatur à DEO. Intentator proinde dicitur malorum, (*Jacob. 1.*) quia nulla mala tentat, id est experitur & sentit tam in se, quàm in aliis, omnis mali expertus, omni malitia carens, qui est Summum Bonum, & ideò neminem tentat ad malum, (*Ibidem.*) sed ad bonum

Vita hominis
militia & tenta-
tio

Eva tropol.
Concupiscentia.

Gradus Perdi-
tionis.

Quomodo tem-
tatur Deus Abra-
ham Job Tobia-
m Populum
Israel

Tentatio alia
seductionis alia
probationis.

Tentationis
vltm D. mo-
deratur.

Deus intentator
malorum.

Cc

probat

*Sub te appeti-
tus tuus.*

*Tentator anto-
nom, Diabolus*

*Christi tenta-
tio ad nostram
salutem.*

*Tria tentatio
per tria quæ
sunt in mudo.*

*Tria Vota
Religionis.*

*Instructio cõ-
tra tentatio-
nem.*

*Victoria ten-
tation. fructus*

probat, uti vasa figuli probat fornax, ita homines justos tentatio tribulationis, (*Eccl. 27.*) ut sic in paucis vexati in multis benè disponantur: (*Sap. 3.*) DEUS enim tentavit justos & invenit eos dignos se, tanquam aurum in fornace probavit illos. (*Ibidem*) Igitur certum est tentationis ad malum fomitem esse in nobis concupiscentiam, sed subter te dicit Deus *Gen. 4.*) erit appetitus tuus, & dominaberis illius regimine rationis à DEO tibi datæ. Jam verò tentatio prima hominis venit à diabolo, qui antonomastice tentator appellatur. Ipsemet enim à pravitate Spiritus sui tentatus & superbiâ victus circuit quærens quem devoret, (*1. Petr. 5.*) ut hominem quem DEO similem agnoscit, à Deo per tentationes abstrahat & seducat. Permisit quoque ipse DEI Filius, filius factus hominis, se tentari ab ipso, (*Matth. 4.*) ut sua tentatione nostras tentationes superaret, nobisque modum porrigeret hostem superandi. Videte Fratres mei, quæ tentationis instrumenta tentator assumpsit. Nonne illa, quæ in mundo dominari asserit dilectus JESU discipulus *Ep. 1. c. 2.*) Omne quod est in mundo, concupiscentia carnis est, concupiscentia oculorum & superbia vitæ. Et quidem in prima tentatione, carnis, in secunda, superbia vitæ, in tertia, concupiscentia oculorum reperitur. Et sic diabolus per voluptates, honores & divitias sternebat Christo præcipitium. Hæc sunt arma diaboli contra nos, qui Christi sumus; hæc tentandi nos & nocendi nobis instrumenta. Contra hæc quid opponemus? nihil aliud nisi arma justitiæ vota nostra, quæ distinxerunt labia nostra, (*Psal. 65.*) ut voluptates castitate, honores obedientiâ, divitias paupertate vincamus & pessundemus. Nobis proinde credamus dictum ab Ecclesiaste *c. 2.*) Fili accedens ad servitutem DEI, sta in justitia, ut DEO reddas quod promisisti, & timore; qui enim stat, videat ne cadat (*1. Cor. 10.*) & præpara animam tuam ad tentationem. Nobis occinat semper Verbum Veritatis æternæ *Marc. 14.*) Vigilate & orate, ut non intretis in tentationem. Quod si omninò ex Divino beneplacito tentatio venire debet: monemur verbis Apostoli *1. Cor. 10.*) Tentatio vos non apprehendat, nisi humana, talis quæ videlicet possit superari. Humanum enim est (dicit S. Anselmus) sentire tentationem & vincere: Angelicum est eam non sentire; diabolicum est maligna tentatione vinci, & ex malitia peccare. Ergò si possides animam tuam, in tentatione posside eam & ne facile credas ei, (*Eccl. 6.*) nec sis inter eos, qui ad tempus credunt, & in tempore tentationis recedunt; (*Luc. 8.*) sed expecta Dominum, (*Psal. 26.*) in quo eripieris à tentatione, (*Psal. 17.*) viriliter age (*2. Tim. 4.*) bonum certamen certa, (*1. Cor. 9.*) non pugna in incertum quasi aërem verberans, (*Ibid.*) castiga corpus tuum & in servitutem redige (*Ibidem.*) non tantum hoc tempore Quadragesimæ, sed toto decursu vitæ tuæ cursum consumma: (*2. Timoth. 4.*) sic age ut vincas. Gratias DEO, qui dat nobis victoriam per Dominum nostrum JESUM Christum (*1. Corinth. 15.*) tentatum per omnia pro similitudine

- A** litudine absque peccato. (*Hebr. 4.*) Beatus planè, qui suffert tentationem, quoniam cum probatus fuerit, accipiet coronam vitæ. (*Jacob. 1.*) Jure merito igitur nos Divus Jacobus exhortatur c. 1.) Omne gaudium existimate fratres mei, cum in varias tentationes incideritis. Variæ sunt omninò: sunt afflictiones, sunt tribulationes à DEO, à dæmone, ab hominibus, à falsis fratribus immixtæ, sunt persecutiones, labores, fatigationes, molestiæ, incommoditates. In his gaudendum nobis, gloriantium in tribulationibus, cum sciamus quod probatio fidei nostræ patientiam operetur, patientia autem opus perfectum habet. (*Ibidem.*) Unde DEUS in Apocalypsi cuidam dicit c. 3.) Quoniam servasti verbum patientiæ meæ, & ego servabo te ab hora tentationis, quæ ventura est in orbem universum tentare habitantes in terra. Patientia est possessio animæ, omnibus nobis summè necessaria, qui Christum patientem imitatur, in quo exultabimus; nunc si oportet contristari in variis tentationibus, (*1. Petr. 1.*) ut probatio fidei nostræ, quâ fideles sumus in certamine, fideles in servitio Dei, fideles in observantia regulari Ordinis Sacri, inveniatur in honorem, laudem & gloriam in revelatione Jesu Christi, (*Ibid.*) in resurrectione cum ipso felici ac gloriosa, ubi in æternitate beata mercedem tentationum devictarum & bravium certaminis consequemur.
- B**
- C**

Omne gaudium
in tribulationibus
varijs

Imitatio Patientis
Christi.

Sermo in secunda Dominica Quadragesimæ.

Neminem viderunt nisi solum JESUM. Matth. 17.

BEati oculi, qui Jesum vident speciosum præ filiis hominum, (*Psal. 44.*) in quem desiderant Angeli prospicere (*1. Petr. 1.*) velut desiderium collum æternorum; (*Genes. 49.*) qui vident Solem justitiæ, (*Malach. 4.*) lucem veram illuminantem omnem hominem venientem in hunc mundum: (*Joan. 1.*) qui vident splendorem paternæ gloriæ, figuram substantiæ ejus, (*Hebr. 1.*) & imaginem bonitatis illius. (*Sap. 7.*) Sed quinam oculi vident Jesum? non alii nisi oculi Petri, oculi Jacobi, oculi Joannis. Cupimusne etiam nos videre Jesum? quidni cupimus? Simus Petri, firmi in fide, Simones, constantes in obedientia mandatorum Dei. Simus Jacobi, spe supplantatores inimici desperati ad desperationem suam nos pertrahentis, spe per patientiam expectantes. Simus Joannes, in gratia DEI, per charitatem radicati sequamur Jesum, à quo & assumimur & ducimur in montem excelsum seorsum, (*Matth. 17.*) montem perfectionis religiosæ, à tumultu seculi per Sacrum Ordinem segregati, non alio motivo nisi salutis nostræ adipiscendæ. In montem exercitiorum spiritualium, in quibus non decem duntaxat dies, sed totum vitæ nostræ tempus impendere tenemur propter salutem nostram. Ascendamus in montem Thabor, qui est electio, ut simus inter paucos electos: in montem Thabor, qui est contritio sive confra-

Traditio
Christi.

Oculi Petri
Jacobi Joannis
vident I.

Fides firma.
Constantis Obedientia.
Spes patientis.
Gratia DEI
per Charitatem.
Solitudo Perfectionis.

Exercitia
Spiritualia.

Thabor quid?
tropol.

Moyſes & E-
lias Lex &
Propheta.

Transfiguratio
Myſtica.

Posteriora
Chriſti opera
imitando.

Oculus recta
Intentionis.

Oculus Peni-
tentie.

Stabilitas.

Fruſtra omnia,
ſi ante omnia
non eſt ſalus
anime.

Chameunia.

Qualis Trans-
figurationis for-
ma Chriſtus.

Etio in Spiritu humilitatis & animo contrito, (*Dan. 3.*) DEO ſervientes, pravos habitus noſtros, malas inclinationes confringentes. In montem Thabor, qui eſt puritas; munditiem animæ & corporis ſectantes, ſoli enim mundi corde DEUM videbunt. (*Matth. 5.*) Habemus in hoc monte Moyſen & Eliam nobis apparentes, Legem & Prophetas nobiſcum loquentes, nos inſtruentes de JESU, de ſalute animæ noſtræ, de exceſſu quem complere debemus in hac terreſtri Jeruſalem, ut ſimus cum JESU transfigurati, configurati morti ejus, nempe Crucifixi vivamus, in cruce moriamur, in cruce de exceſſu mortis noſtræ, quando ad illam cœleſtem transferemur Jeruſalem, quæ eſt viſio pacis, ubi complebuntur omnia, quæ ſcripta ſunt, quæ nobis revelata ſunt; nunc per ſpeculum & in ænigmate (*1. Cor. 13.*) ibi autem revelata facie gloriam Domini ſpeculantes in eandem imaginem transformabimur, (*2. Cor. 3.*) à claritate in claritatem, ubi eum ſicuti eſt facie, ad faciem videbimus (*1. Cor. 13.*) Interea poſteriora ejus cum Moyſe reſpiciamus, (*Exod. 33.*) humanitatis ejus opera intueamur, veſtigiis ejus preſſe inſiſtamus, ut ambulemus ſicut & ipſe ambulavit: (*1. Joan. 2.*) ut abundemus magis (*1. Theſſal. 4.*) in gratia DEI, in operibus bonis, in obſervantia diſciplinæ regularis. Sed videamus R. P. F. D. ne aliquid aliud videamus niſi ſolum Deum. Hic ſolus nobis ſufficit. Avertamus oculos noſtros, ne videant vanitatem (*Pſalm. 118.*) mundi. Pangamus foedus cum oculis noſtris, (*Job. 31.*) ne ad carnis illecebras deſcendant. Claudamus potiùs oculos noſtros, ne videant malum, ſoli JESU videndo aperiamus illos. Ad hunc levemus oculos noſtros, qui habitat in cœlis. (*Pſalm. 122.*) Interim non taceat pupilla oculi noſtri dies anteactos vitæ noſtræ deplorantes, in amaritudine animæ noſtræ, (*Job. 10.*) unde minimè retro reſpiciamus, cum Iſraelitis ad ollas Ægypti aſpirantes (*Exod. 16.*) ad Sodomæ & Gomorrhæ incendia cum uxore Loth oculos reſſectentes, (*Gen. 19.*) eam converſationem, quam in ſeculo reliquimus, deſerimus, projecimus, non reperentes; ſed ad anteriora nos extendentes perſequamur bravium vocationis noſtræ, quæ eſt in Chriſto JESU, (*Philip. 3.*) in ſola & unica ſalute animæ noſtræ perquirenda: Fruſtrà laboramus Fratres mei, invanum fatigamus nos, ſupervacuè obſervamus Regulam Sanctam, diſciplinæ regularis incommoda abſque ullo fructu ſuſtinemus, in incertum pugnamus, aerem verberamus, (*1. Corinth. 9.*) ſi ſolum videre Jeſum, ſi ſolam animæ noſtræ ſalutem non curamus. Quid nobis proderunt vigiliæ? quid jejunia? quid chameunia? quid diſciplinæ & reliquæ corporis afflictationes? Quò mihi multitudinem victimarum veſtrarum dicit Dominus? (*Iſaia 1.*) Si in his omnibus non ſolum reſpicimus JESUM, ut videlicet in meritis ejus fundati, in eum transformemur, comparticipationem ejus paſſionis in nobis exprimentes, hoc ſentiamus in nobis, quod & in Chriſto Jeſu, qui cum in forma eſſet Dei, formam ſervi aſſumpſit (*Philip. 2.*) transfiguravit ſe ut nos doceret transfigurationem

A tionem veram, per quam à prætereunte figura hujus mundi (1. Cor. 7.)
avulsi, ex servis peccati, ex mancipiis dæmonis in filios DEI transmutati
soli JESU conformemur & vivamus nos in ipso, jam non nos, sed vi-
vat in nobis solus JESUS, (Galat. 2.) ipsi omnia attribuentes, sine quo
nihil possumus facere, (Joan. 15.) cùm omnis sufficientia nostra ex ipso
sit, (2. Cor. 3.) ex quo omnia, in quo omnia, per quem omnia (1. Cor. 8.)
qui est fons vitæ, (Psalm. 35.) fons luminis. Scitis Fratres, quòd oculus
lumine privatus nihil videt, homo ambulat in tenebris, nescit quòd vadit. (Jo-
an. 12.) Oculus animæ nostræ est intellectus : hic si non est illuminatus
lumine fidei, lumine gratiæ Divinæ, cæcus est. Nam hæc est vita æterna,
ut cognoscamus te DEUM verum, & quem misisti JESUM Christum.
(Idem c. 17.) Maneamus igitur in lumine hujus cognitionis, ne tenebræ
peccatorum nos unquam comprehendant, (Idem c. 12.) ne ex statu vi-
tæ in regionem umbræ mortis (Isaiæ 9.) exerremus. Dum lucem habe-
mus, ambulemus in luce, ut filii lucis simus : (Joan. 12.) Deus lux est, &
tenebræ in eo non sunt ullæ. (1. Joan. 1.) Sequamur Deum solum, sequa-
mur Jesum solum, qui est Deus benedictus in secula, (2. Cor. 11.) & ha-
bebimus lumen vitæ æternæ, (Joan. 8.) ubi in lumine gloriæ videbimus lu-
men (Psalm. 35.) illud inaccessibile & admirabile, (1. Pet. 2.) illud inextinguibile,
illud interminum & indeficiens, (Eccli. 24.) fontem sapientiæ Verbum DEI
in excelsis (Eccli. 1.) Jesum. Quæ sursum sunt quæramus, ubi Jesus est, & quæ
sursum sunt sapiamus, (Col. 3.) ubi est visio beatifica, ubi videbunt oculi
nostri salutare Dei, (Lucæ 2.) & qui non satiantur visu, ibi latiabuntur
eum apparuerit gloria DEI (Psalm. 16.) in Christo JESU Domino no-
stro. (2. Timoth. 1.)

N. l. fræ Deo.

Intellectus si-
nè Fide &
Gratiæ D. ex-
cus.

Perseverantia

Lumen gloriæ
& Visio Bea-
tificæ.

Sermo in Dominica Quadragesimæ Tertia.

Fient novissima hominis illius pejora prioribus. Luc. 11.

Cujus hominis P. R. F. D. ? Illius sanè, qui more Pharisaico emun-
dat id, quod deforis est calicis & paropsidis, intus autem ple-
nus est immunditiâ : (Matth. 23.) illius qui similis est sepulchris de-
albatis, quæ à foris parent hominibus speciosa ; intus verò plena sunt
ossibus mortuorum & omni spurcitia. (Ibid.) Hæc est domus hominis
scopis mundata (Idem c. 12.) & vacans ; hominis, qui curat exteriora & ne-
gligit interiora, qui in exercitiis spiritualibus scopis confessionis genera-
lis & contritionis expurgat quidem conscientiam, sed postea vacat ab iis-
dem exercitiis spiritualibus, minimè continuat illa, nec proposita bona in
iis stabilita tradit executioni, torpet otio, diffluit desidiâ, ignaviâ fer-
vorem exercitiorum relaxat. Ubi verbum Dei cadit super petram
(Luc. 8.) & post calum arefcit, quia non habet humorem veræ devotio-
nis. Ubi cum gaudio suscipitur verbum, sed radices non habet, quia ad
tempus credunt, & in tempore tentationis recedunt, (Ibid.) quando im-

Hypocrita
typus.

Dd

mundus

Imitatio Chri-
sti Primi &
novissimi.

Perseverantia.

Novissima Va-
luptatis.

Tentationes
post Exercitia
augentur.

Exercitia Spi-
ritualia sunt
diluculum.

Neq; ad dexte-
ram, neq; ad
sinistram.

Profectus in
Spiritu.

mundus spiritus rediens, assumit septem spiritus nequiores se, (*Matth. 12.*) septem capitalibus peccatis hominem impugnat. Utinam saperet talis homo & intelligeret ac novissima sua prioribus pejora (*Matth. 12.*) provideret! (*Deut. 32.*) Quia non qui cæperit, sed qui perseveraverit usque in finem; hic salvus erit. (*Matth. 24.*) Dicit de se DEUS apud Isaiam c. 41.) idem resonat Filius DEI in Apocalypsi c. 1.) Ego primus & ego novissimus; ut & nos imitatores DEI, (*Ephes. 5.*) imitatores Christi simus & curemus esse uti primi, ita novissimi, sicut benè capimus, ita in bono perseveremus; sic primitias spiritus habentes (*Rom. 8.*) agamus, ne cum spiritu cæperimus, carne consummemus, (*Gal. 3.*) & consumamur; cujus voluptas ingreditur blandè, sed in novissimo mordet ut coluber, (*Prov. 23.*) & sicut regulus venena diffundens: ita planè novissima carnis, novissima mundi amara quasi absinthium & acuta quasi gladius biceps. (*Prov. 5.*) Est via quæ videtur homini iusta, novissima autem ejus deducunt ad mortem. (*Prov. 14.*) Vide ergò monet Sapiens *Ibid. c. 23.*) ut non æmuletur cor tuum peccatores, sed in timore Domini esto tota die & habebis spem in novissimo, & præstolatio tua non auferetur. Viriliter age (*Psal. 26.*) resistendo tentationibus, quæ post exercitia augentur, confortetur cor tuum in observatione propositorum bonorum & sustine Dominum; (*Ibidem.*) gratiam ejus implora, ut qui dedit velle, det etiam perficere pro bona voluntate sua. (*Phil. 2.*) Unde si diluculo, (teste Job c. 8.) consurrexeris ad Deum (diluculum nostrum sunt exercitia spiritualia; ubi nobis gratia Dei dilucescit; ubi quisque sibi primus, quisque sibi ultimus) & omnipotentem fueris deprecatus: si mundus corde mundo, conscientia mundâ, à vitiis expurgatâ & rectus rectitudine vitæ non declinans ad dexteram (*Prov. 4.*) felicitatis mundanæ vel ad dexteram voluptatis carnalis per consensum; nec ad sinistram adversarii allicientis, adversitatis occurrentis per dissensum impatientiæ, si inquam ita mundus & rectus, nec vacans sive otiosus incesseris, statim evigilabit ad te lumen gratiæ Divinæ, & pacatum reddet habitaculum justitiæ tuæ. (*Job. 8.*) Non habebunt in eo locum septem spiritus nequiores, in tantum, ut si priora tua fuerint parva in initio conversationis factæ ad Deum & in principiis spiritualibus, & novissima tua multiplicabuntur nimis, nec fient pejora sed meliora prioribus, quando justitia tua velut lux splendens procedet & crescet usque ad perfectam diem. (*Prov. 4.*) Audi igitur consilium Patris sapientis & spiritualis & suscipe disciplinam regularem docet Rex sapientissimus, ut sis sapiens in novissimis tuis. (*Prov. 19.*) Semita enim vitæ super eruditum, (*Ibid. c. 15.*) qui eruditur & erudit se; exercitatur, & exercet se & scopat spiritum suum (*Psal. 76.*) continuo, nec vacat ab oratione, humiliatur in exercitatione sua; recumbit in novissimo loco, (*Luc. 14.*) memoratur novissima sua ne peccet; (*Eccl. 7.*) novissimam tubam (*1. Corinth. 15.*) sibi insonantem audit, ut

A ut declinet de inferno novissimo, (*Prov. 15.*) lequitur non primum Adam, qui factus est in animam viventem, (*Gen. 1.*) quæ in sanguine est, imò in sanguinibus carni dedita, animam spiritualiter morituram: sed novissimum Adam, qui factus est in spiritum vivificantem (*1. Cor. 15.*) carnis facta mortificantem (*Rom. 8.*) & quærit assimilari ei, qui æstimatus fuit despectus & novissimus vir virorum, vir dolorum: (*Isaia 53.*) hic talis ridebit in die novissimo; quia in carcere corporis sui curat Deo reddere omnia usq; ad novissimum quadrantem. (*Matth. 5.*) Hæreditas illa cœlestis ad quam festinatur ab initio & postea zelus ille fervoris remittitur, in novissimo benedictione carebit dicit Sapiens *Prov. 20.*) Ergò conjungere DEO docet idem *Eccl. 2.*) & sustine, id est tene captum iter, progredere constanter, cura de die in diem proficere, ut crescat in novissimo vita tua. (*Ibid.*) Corenim durum, non flexibile ad bonum, non facile ad obedientiam, habebit malè in novissimo; (*Eccl. 3.*) & qui amat periculum, peribit in illo juxta mentem Sapientis *Ibid.*) qui non evitat occasiones peccandi, consortia prava non declinat; novissimus error fit pejor priore, (*Matth. 27.*) & ipsa vitæ novissima pejora prioribus. (*Idem c. 12.*) Abscondam faciem ab eis dicit DEUS & considerabo novissima eorum. (*Deut. 32.*) O summa hominis infelicitas visione DEI privari! Filioli exhortatur dilectus JESU Apostolus *Ep. 1. c. 2.*) novissima hora est, destruamus hic novissimam inimicam mortem peccati, (*1. Corinth. 15.*) mortem animæ nostræ, ut fiant novissima nostra Sanctorum similia (*Num. 23.*) & felices ac beati resuscitemur cum iis in novissimo die. (*Joan. 11.*)

Vetus homo
noster.

Mors secunda.

Societas prava

Novissima.

Sermo in Dominica Quadragesimæ quarta.

Fugit iterum in montem ipse solus JESUS. Joan. 6.

I Teratus Salvatoris nostri per fugam in montem recessus, quidni salvandos docet, suas quoque cum opus est reiterare fugas? Nec pudor est fugere, ubi salutis negotium adest. Si Author salutis fugam quandoque sibi consuluit, & docuit sequaces discipulos ob persecutionem ex una in aliam fugere civitatem; (*Matth. 10.*) si mulier amicta sole, lunam pedibus calcans, 12 stellarum coronam armata, (*Apoc. 12.*) Ecclesiæq; referens figuram dum salutis partum fecisset, ab insidiis draconis persequentis fugit in solitudinem; (*Ibid.*) nonne jure merito quisque salutis amans fugæ præsidiumumat, ubi cernit sibi salutis periculum imminere. Fuga talis victoria est, imò hoc artis est etiam fugiendo hostem superare. Non tamen nobis cum Jona (*c. 1.*) fugiendum à facie Domini est; benè enim monet Regius Vates *Psal. 138.*) Quò ibo à spiritu tuo, & quò à facie tua fugiam? Non à Domino, sed ad Dominum fuga capessenda. Quid mirum in vita fugere, si ipsa vita fuga est? homo enim brevi vivens tempore fugit velut umbra, neque in eodem statu permanet (*Job. 14.*)

Fuga salutaris.

Signum Magis.

Non fugiendū
à D. sed ad D.

Vita præsens
fuga.

*Fuge Peccatū
ut Colubrum.*

*Fugienda Con-
cupiscentia
Carnis.*

Avaritia.

Superbia.

*Babylon
Mundus.*

*Montes Soli-
tudinis S.*

Quid ergò illud est, quod nos ad fugam premere debet & terga vertere? Ponit primum Sapiens exhortans *Eccl. 21.*) Quasi à facie colubri fuge peccatum. Fuga peccati ante omnia nobis necessaria est, si salvari volumus. Quàm res terribilis & execranda sit peccatum, dicam sequenti Dominica, nunc considero similitudinem peccati cum colubro factam. Num ideò, quod ille antiquus serpens callidior cunctis animantibus (*Gen. 3.*) ille coluber tortuosus (*Job. 26.*) author sit peccati? per invidiam enim diaboli peccatum intravit in mundum. (*Rom. 5.*) An quod insidiosè se insinuet, in animam peccati virus? An fortassè hic coluber formam habet basilisci, quod necet intuitu, ideoque fugiendus. Quidquid sit; serpens venenum gestat mortiferum, peccatum contagione letali imprægnatum generat mortem, ideò ab eo qui salvari cupit, fugiendum. Particularia peccatorum docet Apostolus *1. Cor. 6.*) fugienda, ubi monet Corinthios & per ipsos nos, fugere fornicationem, & hic est inimicus domesticus concupiscentia carnis; (*1. Joan. 2.*) fugere ab idolorum cultura, (*1. Cor. 10.*) & hic est hostis extraneus divitiarum avaritia, videlicet concupiscentia oculorum: (*1. Joan. 2.*) generaliter tamen Deus imperat per Jeremiam Prophetam. *c. 51.*) Fugite de medio Babylonis, & hæc est superbia vitæ, vana gloria, mundi vanitas, quæ hodie fugæ suæ exemplo Salvator regiam aspernatus dignitatem monstravit fugienda. O Homo DEI hæc fuge, in Timotheo nobis dicit Doctor gentium *1. Tim. 6.*) ubi radicem omnium malorum posuit cupiditatem. Fugite Fratres mei, fugite Babylonem, fugite confusionem, fugite mendacium, deceptionem, illusionem mundi, ubi regnat peccatum, ubi fons peccati cupiditas sive concupiscentia dominatur, ubi salutis perditio, æternæ mortis acquisitio prævalet: ita tamen ut in poena æterna mori cupient & mors fugiet ab eis. (*Apoc. 90.*) Sed quò fugietis? In montem ipse solus DEUS fugit; (*Joan. 6.*) ut etiam ad montis solitudinem se conferat suæ salutis studiosus. Venite ascendamus ad hunc montem; (*Michea 4.*) mons enim est, in quo beneplacitum DEO habitare in eo. (*Psal. 67.*) In montibus salus: in monte ubi Dominus videt Abraham, immolat filium (*Gen. 22.*) & repromissionem Messiae ex ipso nascituri accipit. In monte loquitur Moyses cum Domino facie ad faciem (*Deut. 5.*) recipit legem Dei, fruitur Dei visione. In monte Elias quoque meruit videre Deum. (*3. Reg. 19.*) In monte discipuli gloriam Domini speculati sunt? (*Marci 9.*) In monte magnus Apostolus & Evangelista novique Propheta unicus testamenti vidit Apocalypsin, (*Apoc. 21.*) vidit omnia Ecclesiæ ventura & prædixit: quot verba, tot Sacramenta. Ipse denique Dominus in monte ut plurimum solus orat, (*Joan. 6.*) abstractus videlicet à valle miseriæ terrenæ, à cujus conspectu fugit terra; (*Apoc. 20.*) coelo vicinior, vult nos quæ sursum sunt, quærere, quæ sursum sunt, sapere. (*Coloss. 3.*) Solus ipse JESUS fugit, ad amorem solitudinis nos invitans. Neque enim satis est, semel in anno decen-

A

B

C

D

decendial
ries neces
do cum P
rudine;
& cum D
scientiæ ab
solius cum
omnium
pheta P
nimitate
salver à sp
mundanæ
ab increpa
æternam p
ex festinat
DEUM.
unde veni
quando n
fuga à me
rande refu
hic in terra
longè fugi
ultra, (Apo
quando r
ra, id est,
qui talis n
ne fiat fug
spiritus ing
am à veloc
ga nostra in
mi, in igne
118.) De
ardens, ne
ignis enim
mihî, sic
frigescit &
cervorum
ut & ipsa
tes Bethel
multæ su
tudinis fug
ga ex hoc

decendiali solitudini incumbere, fugit iterum Iesus, ut & nos toties, quoties necesse est, iterum fugiamus. Repetenda est sæpius solitudo dicendo cum Propheta *Psal. 54.*) Ecce elongavi fugiens & mansi in solitudine; solitudinem sibi pro habitaculo eligendo, habitando semper secum & cum Deo. Non enim loci solitudo facit solum, sed cordis & conscientiae absconditum, interioris hominis adytum & abditum, animæ solius cum solo DEO conjunctio. O anima sancta esto sola, ut soli omnium DEO serves teipsam, monet S. Pater Bernardus. Ibi ait Propheta *Psal. 54.*) expectabo Deum, qui salvum me fecit à pusillanimitate spiritus & tempestate. Festinabo (Hebraicus textus refert) ut salver à spiritu concitato, & tempestate passionum, à voce formidinis mundanæ, à ventura ira (*Luc. 3.*) iudicii Divini, à facie arcus (*Psal. 59.*) mortalis, ab increpatione DEI, (*Psal. 103.*) à facie gladii imminentis, (*Isai. 21.*) æternam poenam inferentis fugiendo velociter, & ibi expectabo salutem ex festinatione fugæ per orationem ad Deum. Fuga in montem est fuga in DEUM. Levavi oculos meos in montes (inquit Propheta *Psal. 120.*) unde veniet auxilium mihi, & infert; auxilium meum à Domino. Sic quando nullum in angustiis reperit effugium, (dicit *Psal. 141.*) perit fuga à me, & non est qui requirat animam meam: nemo juvare potest, tandè refugium ad Deum. Clamavi ad te Domine dixi: Tu es spes mea hic in terra (*Ibid.*) mortali; portio mea in terra viventium, (*Psal. 141.*) ubi longè fugiet egestas à me, (*Prov. 6.*) fugiet dolor & gemitus, nec mors erit ultra, (*Apoc. 21.*) sed vita æterna. Talem fugā facere in nobis ipsis possumus, quando recollectioni internæ studemus pro conservatione solitudinis veræ, id est, vitæ nostræ monasticæ. Nihil enim Monachus est, nisi solitarius: qui talis non est, non est Monachus. Monet Verbum Dei *Matth. 24.*) ne fiat fuga nostra in hyeme, quando frigus animi supervenit, languor spiritus ingruit, calor internus charitate refrigescit. Verè tunc perit fuga etiam à veloce, (*Amos 2.*) qui in exercitiis spiritualibus volabat ad DEUM. Fuga nostra in æstate fieri debet, (*Matth. 24.*) in fervore spiritus, in ardore animi, in igne charitatis, ut curramus alacriter viam mandatorum Dei. (*Psal. 118.*) Deus ignis est, (*Deut. 4.*) & qui ad Deum accedit, igneus sit & ardens, necesse est. Idcirco cæptum salutis iter semper prosequendum, ignis enim nunquam dicit, sufficit; (*Prov. 30.*) neq; justus dicit: sufficit mihi, sic manebo. Verè tunc deficit non proficit: negligentia tepescit frigescit & rigescit. Fuge dilecte mi & assimilare capreæ hinnuloque cervorū (*Cant. 8.*) supra montes Bethel (*Ib. c. 2.*) suadet Sponsa Sponso; utiq; ut & ipsa simul fugiat unita dilecto suo, velut damula fugiens super montes Bethel, (*Isai. 13.*) id est domus DEI, regni illius coelestis, ubi mansiones multæ sunt, (*Joan. 14.*) ubi omnes erunt montes: in hac solitudinis fuga omnem conversationem in coelis habens, (*Phil. 3.*) quò fuga ex hoc mundo, ex hoc ergastulo corporis erit felicissima.

Exercitia Spirituum.

Solitudo Cordis.

Fuga in DEUM.

Vita æterna.

Monachus quid?

Fuga in hyeme.

Fervor spiritus.

Sermo in Annuntiatione B. M. V.

Primordia sa-
lutis humane
& documenta.

Generatio My-
stica Verbi.

Verbum Deus.

Auditū concē-
pitur. Verbum
D. paritur o-
peris.

Emmanuel.

Nil sine Deo.

QUod Spiritus Sanctus ore Prophetico signum à DEO prædixerat in-
quiens, *Isaia 7.*) Ecce virgo concipiet & pariet filium & vo-
cabitur nomen ejus Emmanuel : hoc verbum salutis mis-
sus à DEO Archangelus Virgini nunc annuntiat dicens *Luc. 1.*) Ecce concipies in utero & paries filium & vocabis nomen ejus JESUM, qui verus fuit Emmanuel, id est nobiscum Deus. Et hæc sunt salutis humanæ primordia per Virgineum conceptum & partum : hæc eadem salvationis hominum sunt documenta. Neque enim aliter salvari possumus, quàm concipiendo verbum salutis & pariendo. Væ nobis, si steriles fu-
erimus ! maledictione namque sterilitas in Lege veteri notatur. Ipse Deus nobis præit exemplo apud *Isaiam* loquens *c. 66.*) Nunquid ego qui alios parere facio, ipse non pariam dicit DEUS ? Si ego qui generationem cæteris tribuo, sterilis ero, ait Dominus Deus tuus ? *Ibid.*) Sed hanc generationem in splendoribus Sanctorum ante luciferum (*Psal. 109*) ab æterno & in æternum, (*1. Paral. 16.*) ubi semper dicit Deus Pater filio suo (*Psal. 2.*) Ego hodie, id est, in illo absque principio & absque fine æternitatis die genui te & genero : quis enarrabit ? imò quis mente assequetur ? Imitari tamen pro modulo, & quantum ipse DEUS nobis dedit, tenemur. Nec arbitremur secundam hanc Verbi Divini in carne ex Virgine generationem primæ esse absimilem. Ibi ex Patre sine Matre, hic ex Matre sine Patre nascitur Verbum Deus. Ibi Unigenitus in sinu Patris, (*Joan. 1.*) hic Primogenitus in sinu Matris, ut nobis daret potestatem filios DEI fieri, (*Ibid.*) adeoque & nos per ipsum adoptionem filiorum Dei reciperemus. (*Gal. 4.*) In quo tamen situs est hic conceptus & partus salutis nostræ ? Dum mulier illa Evangelica exaltaret uterum Virginis Matris dicens ; *Lucæ 11.*) beatus venter qui te portavit, manifestavit nobis ipsa Veritas æterna veram Matris suæ & nostrum omnium beatitudinem subinfernens ; *Ibid.*) quin imò, beati qui audiunt verbum DEI (en conceptus mentis nostræ per aures animæ internas) & custodiunt illud : en partus Verbi Divini concepti per constantem bonorum operum executionem. In hoc beatitudo nostra fundatur, quod & ipsa determinatio nominis declarat, ubi dicitur apud Prophetam *Isaiam c. 7.*) & vocabitur nomen ejus Emmanuel, id est nobiscum Deus. Verè enim Deus nobiscum est operans, ipse dat concipere, ipse dat parere, in nobis opus suum peragens & perficiens gratiæ suæ potentiâ velut virtute Altissimi nobis obumbrante. Nobiscum Deus : & quæ maior felicitas, quàm Deum habere ? cum DEO esse ? Deum possidere ? Manifestat & Evangelica nominis positio *Lucæ 1.*) Vocabis nomen ejus Jesum ; id est Salvatorem. In ipso enim est vita, salus & resurrectio nostra ; sine ipso nihil possumus facere, (*Joan.*

A (*Joan. 15.*) ex ipso sufficientia nostra, (*2. Cor. 3.*) in ipso omne meritum nostrum, qui etiam Filius Altissimi vocatur; (*Luc. 1.*) imò quod nascitur sanctum, vocatur Filius Dei: (*Ibid.*) quando & nos recipiendo in corde verbum Dei, per opera, verbi Divini mandata, exequentia; opera planè sancta ad participium Divinæ filiationis deducimur. Sed cernite P. R. F. D. Virgineum partum. Antequam parturiret, peperit claustru pudoris clauso; antequam veniret partus, absque ulla corruptione peperit masculum. (*Isaia 66.*) Miratur Propheta dicens *Ibid.*) Quis audivit unquam tale & quis vidit unquam huic simile? Nunquid parietur gens simul, quia parturivit & peperit Sion filios suos. Hæc est vera Mater cunctorum viventium (*Gen. 3.*) MARIA, quia in hoc Primogenito ejus (*Matth. 1.*) nos omnes genui sumus ipsomet Verbo veritatis, (*Jacob. 1.*) Homo & homo natus est in ea, quam fundavit Altissimus. (*Psal. 86.*) Nostri verò conceptus & partus quales sunt? Avertat Deus! ut concipiamus dolorem aut laborem, & pariamus iniquitatem. (*Psal. 7.*) Procul sit à nobis pessima mater Eva, aut satius noverca, infanticida, concupiscentia concipiens & pariens peccatum, cujus consummatio generat mortem. (*Jacob. 1.*) Pereant tales conceptus & partus: Dei generationem in conceptione & partu Verbi Divini debemus imitari. Et sanè in exercitiis nostris spiritualibus, in hac beata solitudine Deum ad cor nostrum loquentem utique sensimus. Audivimus, quid loqueretur in nobis Dominus: (*Psal. 84.*) si tamen dignè suscepimus insitum verbum, quod potest salvare animas nostras. (*Jac. 1.*) Cum promptitudine semen illud Divini verbi suscipiendum est. Ecce, dicit Maria; Ecce ego, quia vocasti me, (*1. Reg. 3.*) qui priusquam vocetur, dicit *Isaia 58.*) Ecce adsum. Ancilla Domini subjungit *Luc. 1.*) cujus humilitatem respexit DEUS, ut & nos in corde contrito & humiliato (*Daniel. 3.*) illud recipiamus. Fiat mihi (concludit *Luc. 1.*) secundum verbum Tuum: resignatio voluntatis plenaria habenda, ut dicamus Verbo Dei: fiat voluntas tua in nobis, de nobis, per nos. Concepimus ergò in Verbo Dei sancta proposita: verendum est, ne verificetur de nobis illud *Isaia c. 26.*) Concepimus & quasi parturivimus & peperimus spiritum salutis, sed (quid dicendum? justitiam non fecimus in terra. Dies planè tribulationis & correptionis & blasphemiae dies hæc, (*Isaia c. 37.*) blasphematur enim in nobis verbum Dei, (*Tit. 2.*) quia venerunt filii usque ad partum, & virtus non est pariendi: (*Isaia 37.*) hæc sunt proposita inefficacia. Concepimus & locuti sumus de corde verba mendacii, (*Isa. 59.*) dum ea quæ proposuimus, non exequimur: vel etiam (quod absit) Dei apud eundem *Isaiam c. 33.*) effatum in nobis verificatur: concipietis ardorem & parietis stipulam; spiritus vester, ut ignis vorabit vos & erunt populi, quasi de incendio, cinis: quando fervor spiritus, ignis in meditatione nostra exardescens, (*Psal. 38.*) in stipula & cinere nullius bonæ actionis consumitur & extinguatur; aut quando terra nostra spinas &

B. V. partus
antè partum.

Mater Viventium.

Partus nostri
mali & boni.

Exercitiorum
Spir. fructus.

Resignatio
Voluntatis.

Proposita in-
efficacia.

Stipula tropol

*Fervor Spiritus
sancti.*

*Gloria Cal-
id.*

tribulos germinat, (*Gen. 3.*) sequitur, quod spinæ congregatæ igni comburuntur. (*Isaia 33.*) Conceptus quidem facilis, sed partus difficilis in dolore, & quando tristitiam habens. Euntes ibant & flebant mittentes semina sua. (*Psal. 125.*) Ut fiat facilis, vocari debet filius, accelera (nescit enim tarda molimina Spiritus Sancti gratia) spolia detrahe, (tol- lenda sunt omnia impedimenta) festina prædari, (*Isaia 8.*) illum qui nos prædatus est, innocentia, justitia, gratia, virtutum spolia ab ipso re- cuperando. Lætabimur tunc super eloquia Dei, (*Psal. 118.*) super verbum Dei conceptum & in lucem deductum per partum bonorum operum, sicut qui invenit spolia multa. (*Ibid.*) Venientes veniemus cum exultatione, portantes manipulos nostros, (*Psal. 125.*) in salutem ani- marum nostrarum (*1. Petr. 1.*) cum Jesu, in Jesu, per Jesum filii DEI no- minati & facti (*1. Joan. 3.*) utique & filii Virginis Matris; cujus patro- cinio salutem æternam consequemur. (*2. Timoth. 2.*)

Sermo in Dominica Passionis.

*Impeccabilitas
Christi imi-
tando.*

Peccati horror

Q Vis ex vobis arguet me de peccato? Dicit impeccabilis DEUS homo factus, (*Joan. 8.*) ut homo in peccatis conceptus & natus confors Divinæ naturæ factus sit etiam impeccabilitatis ipsius æ- mulator. Ille qui peccatum non fecit, (*1. Petr. 2.*) imò venit tollere pec- cata mundi, (*Joan. 1.*) propitiatio factus pro peccatis nostris (*1. Joan. 4.*) in carne peccati assumptâ absque peccato, quia in similitudinem carnis peccati (*Rom. 8.*) in corpore suo peccata nostra pertulit. Ipse inquam hostia factus & mortuus est pro peccatis nostris, (*1. Cor. 15.*) ut nos omnes qui pec- cavimus & in primo parente & in nobis ipsis, egentes gratiâ Dei (*Rom. 3.*) per ipsum liberaremur à morte peccati & destrueretur corpus peccati in nobis, (*Ib. c. 6.*) nec ultra serviremus peccato, adeoq; peccatis mortui justitiæ viveremus in ipso. Quidni ergò debemus conformari illi velut membra capiti impeccabili? Quidni per Filium DEI sine peccato te- nemur esse? Omnis enim qui natus est ex Deo, peccatum non facit, te- ste dilecto Jesu discipulo *Ep. 1. c. 3.* Quoniam semen ipsius in eo ma- net, semen nimirum verbi & non potest peccare *Ibid.* Ecce præ- servativum; en amuletum impeccabilitatis verbum Dei in se habere. Qui ex Deo est, verba Dei audit. (*Joan. 8.*) In hoc sunt manifesti filii Dei & filii diaboli. (*1. Joan. 3.*) Dicit idem Apostolus Virgo *Ibid.* Qui facit peccatum ex diabolo est, quoniam ab initio diabolus peccat, pri- mus peccati author in se & in homine per transgressionem verbi Divi- ni ac prævaricationem. Inde patet, quàm res terribilis sit peccatum. Primò enim est peccatum ad mortem; anima enim quæ peccaverit, ipsa morietur: (*Ezech 18.*) cum stipendia peccati sint mors (*Rom. 6.*) a- nimæ & corporis. Deinde privat hominem Deo & ejus gratiâ, privat unionem verbi Divini, communionem corporis Christi, privat in æternum visione

A visione & fruitione Dei in coelesti beatitudine. Facit hominem filium, imò mancipium diaboli. Qui enim facit peccatum, ex diabolo est (1. Joan. 3.) illius exterminatoris, illius crudelissimi hostis & carnificis, hæredis inferni ejusque ignis & pænarum nunquam finiendarum. Quis ad hæc non formidabit? quis peccatum non expavecat & per hæc à peccato non absterreatur? Væ nobis, quia peccavimus! (Thren. 5.) Sed laus Deo, à quo remedium peccati recipimus poenitentiam per Jesum Christum Dominum nostrum, ubi visitantes speciem nostram non peccamus, (Job. 5.) utique & illam si unquam, nunc tempore hoc acceptabili Quadragesimæ in his salutis diebus exercemus; utinam ita efficacem, ut per illam penitus deleantur omnia peccata nostra. (Act. 3.) Beatus planè vir, cui non imputavit Dominus peccatum. (Psalm. 31.) Jam restat, ut nihilominus de propitiato peccato non simus sine metu, (Eccli. 5.) & non tantum in hac Quadragesima, sed per totam vitam continuemus poenitentiam dicentes cum Propheta: Ps. 50.) iniquitatem meam agnosco & peccatum meum contra me & coram me est semper. Inde fiet, ut non peccemus. Et quis est qui non peccet? (3. Reg. 8.) imò non est homo justus in terra, qui faciat bonum & non peccet: (Eccles. 7.) & septies in diem justus cadit. (Prov. 24.) Tantò magis vigilandum est, ut reddamur impeccabiles. Fili peccasti (monet Sapiens Eccli. 21) non adjicias iterum, sed & de pristinis deprecare, ut tibi dimittantur, ut semper agatur poenitentia. Non adjicias (dicit idem cap. 5.) peccatum super peccatum, & ne dicas; misericordia Domini magna est, multitudinis peccatorum meorum miserebitur. Misericordia enim & ira ab illo citò proximant, & in peccatores respicit ira illius. Ne dixeris; peccavi & quid mihi accidit triste? Altissimus enim est patiens redditor; expectat ut misereatur nostri. (Isaia 30.) Dissimulat quandoque peccata hominum propter poenitentiam, (Sapient. 11.) quæ ut sit vera, debet esse perpetua poenæ tenentia ad impeccabilitatem obtinendam. Debemus autem ab omni specie mala peccati abstinere, (1. Thessal. 5.) quia qui in uno etiam minimo offendit, factus est omnium reus. (Jacob. 2.) Qui spernit modica, paulatim decidet, (Eccli. 19) & omnis qui facit peccatum, servus est peccati; (Joan. 8.) quia peccatum prædominatur ipsi, ita ut hominem postea funes peccatorum circumplectantur, (Ps. 118.) nec facile valeat se à peccatis extricare. Sed neq; difficultas est in peccato agnoscendo. Si feceris malè, (dicit Deus Gen. 4.) statim in foribus peccatum tuum aderit: ipse remorsus conscientie illud tibi indicabit. Et tunc non absconde quasi homo peccatum, nec cela in sinu tuo iniquitatem, (Job. 31.) nec confundaris confiteri peccata tua; (Eccli. 4.) multò minùs quære excusationes in peccatis (Psalm. 140.) more protoparentis in alium tuam rejiciendo culpam: sed confitere adversum te injustitiam tuam Domino, (Psalm. 31.) ut tibi remittat impietatem peccati tui. (Ibidem) Si tu agnoscis peccatum

F f

tuum,

Tempus Poenitentiae.

Nemo sine Noxo.

Servitus Peccati.

Confessio.

timor DEI.

Occasiones
pravae.Elemosyna,
Mortificationes.Conversionis
vera fructus.Sanctitas
quid?

tuum, Deus tibi illud ignoscit. Serviet autem ad præcautionem peccandi, præsentiam DEI & timorem ejus semper in corde habere. Si excusas, accusas: si accusas, excusas (inquit S. August.) Qui enim in DEO manet, non peccat; (1. Joan. 3.) & timor Domini expellit peccatum. (Eccli. 1.) Qui timet Dominum, nihil negligit. (Eccles. 7.) Cogitatio novissimorum mortis, judicii, coeli & inferni etiam præservat à peccatis, monente Sapiente: (Eccli. 7.) memorare novissima tua & in æternum non peccabis. Occasionum ad peccandum fuga, societatis malæ evitatio, plurimum ad id conferunt. Corruptunt namq; bonos mores consortia prava, (1. Cor. 15.) cum sancto sanctus eris, & cum perverso perverteris. (Ps. 17.) Elemosyna quoque resistit peccatis: (Eccli. 3.) ubi deest temporalis, sufficit spiritualis: Jejunium & mortificationes corporis, quod maximè inducit in peccatum, subsidia magna sunt impeccabilitatis, quibus addenda deprecatio ad Deum assidua. Sed qui jejunat in peccatis suis & iterum eadem faciens, quid proficit humiliando se? orationem ejus quis exaudiet? (Eccli. 34.) Et hæc unica cura & sollicitudo nostra esse debet, omnis conatus noster ad hoc tendat necesse est, quatenus liberi simus à peccatis. Avertat DEUS extollere se in peccatis, lætari cum malè facimus; & exultare in rebus pessimis. (Prov. 2.) Tantò magis absit à nobis, defendere peccata, vel alios facere peccare; vel facere Deum servire sibi in peccatis. (Isa. 43.) Prò quantū crimen læsæ Majestatis Divinæ! procul à nobis hæc, sed adsit potius confessio, humiliatio, peccati execratio, abominatio, correctio, rigoris & disciplinæ usus, emendatio, tandem perseverantia in bonis operibus. Nobis enim dicit primus Christi Apostolus (Epist. 2. c. 1.) Quapropter Fratres satagite nunc, ut per bona opera certam vestram vocationem & electionem faciatis: hæc enim facientes non peccabitis aliquando, sed salvi eritis (uti præcepit Deus Levit. 11.) Sancti estote, id est impeccabiles, quoniam Ego sanctus sum Dominus DEUS vester.

Sermo in Dominica Palmarum.

Ecce Rex venit tibi mansuetus sedens super asinam & pullum.

Matth. 21.

Humilitas Ma-
jestatis, exem-
plar Humili-
tatis.

ATtendite & videte P. R. F. D. Ecce Rex venit, Rex utique Regum & Dominus Dominantium, (Apoc. 19.) ille Rex gloriæ, (Psalm. 23.) qui sedet super Cherubim, (Psalm. 68.) cujus sedes cœlum & terra scabellum pedum ejus. (Isaia 66.) Venit sedens super asinam & pullum. (Matth. 21.) Hæccine sedes Majestatis, sedes Regni, sedes David Patris ejus, quam ipsi Dominus daturus erat? (Lucæ 1.) Egredimini Fratres mei, ab exaltatione oculorum & elatione cordis, (Prov. 21.) ab ambulatione in magnis & mirabilibus super vos, (Psalm. 130.) à cogitationibus mundanis, superbix, præsumptionis & vanæ gloriæ. Egredimini de terra carnis vestræ, & videte Regem (Cant. 3.) in throno suo, quale

quale ferculum sumpsit sibi Rex Sapientissimus imò Sapientia ipsa. Ecce venit Rex noster nobis mansuetus, humilis, pauper, ascensor asinæ & pulli. (*Zach. 9.*) Ille ipse est Rex exercituum coelestium, qui infinitas habet Angelorum legiones, (*Matth. 26.*) cui nascenti adfluit, & cecinit multitudo militiæ coelestis: (*Matth. 1.*) ecce jam asinâ & pullo, quæ cognoverunt præsepe Domini sui, (*Isa. 1.*) vehitur, portatur, præsentatur. Nonne hic planè dicit nobis *Matth. 11.*) Discite à me, quia mitis sum & humilis corde? dicit nobis, qui pia jumenta Domini sumus; tollite jugum meum super vos. (*Ib.*) O suave jugum! O leve onus! Dicit hoc ipse Dominus portans omnia verbo virtutis suæ, (*Hebr. 1.*) tribus digitis molem terræ appendens. (*Isaia 40.*) Videte, iterum dico, & attendite insolitam pompam, inperatum adventum, inopinatum ingressum Regis in sanctam civitatem. Considerate specimen Regiæ ipsius potentia & magnificentia. Utique dicitis regnum ejus non esse de hoc mundo, (*Joan. 18.*) de hoc mundo inflato, vano, superbo, ambitioso, glorioso: regnum ejus non esse temporale sed spirituale, ut regnaret per humilitatem & mansuetudinem in animabus nostris. Ecce Agnus mansuetissimus Paschalis, die decimo, hoc die palmarum, solenni pompa in urbem ducitur, decimo quarto, in ara crucis immolandus, ut tollat peccata mundi, (*Joan. 1.*) ut homines salvet & jumenta. (*Psal. 35.*) Cum pompa ingreditur, olivas pacis inter Deum & hominem per se stabiliendæ, & palmas victoriæ infallibilis supra mortem, peccatum, demonem, carnem, infernum, mundum reportandæ præferens & prælagiens. Ecce Rex venit mansuetus, (*Matth. 21.*) vanam mundi gloriam deridens & inconstantiam ejus despiciens, sciens illos ipsos, qui nunc acclamabant: (*Ibid.*) Hosanna Filio David, nempe vivat Rex noster Messias: post quatuor dies clamatueros *Marci 15.*) non habemus Regem, tolle, crucifige eum. Videte repetita vice infero, cum quanta solennitate, cum quanto gaudio & tripudio ad passionem & crucem festinat, ut & nos ad crucem nostram ferendam, ad mortificationem tolerandam, gaudentes velut ad epulas invitati cum exultatione procedamus. Venit Rex justus & Salvator (*Zach. 9.*) imò Justitia ipsa & salus nostra, ut per mortem ejus consummetur prævaricatio, finem accipiat peccatum, & iniquitas deleatur. (*Dan. 9.*) Venit ipse pauper, nempe pauper spiritu, id est humilis & mansuetus mansuetis insidens animalibus. Ast nunquid in utroque sedit? Ita est: sed successivè; prius asinæ, deinde pullo insedit. Cur hoc? non equidem propter itineris distantiam & animalium defatigationem mutatoriis usus jumentis, sed ut mysterium Regni sui futuri manifestaret. Non enim tantum venerat, ut salvum faceret populum suum à peccatis eorum, (*Matth. 1.*) populum Judæorum, quorum Rex erat; sed ut etiam ex gentibus filios DEI congregaret in unum, (*Joan. 11.*) ad unius fidei & Ecclesiæ suæ unitatem. Sedit ergò primum super asinam populum Judaicum, qui jugum legis veteris ferebat; sedit postea super pullum, super quem

Regnum C.
num de hoc
mundo

Diei Palmarum
... 24. 1.

Sic iter ad
Jerusalem.

De asina &
Pullo Allegor.

Felicitas Ser-
vi DEI.

Caro & Spi-
ritus.

Anima
Sed
Sed

Confessio Sa-
cramenti.

Superbia.

nemo hominum federat, supra populum gentilem, exlegem, indom-
mitum; vix humani quid demonstrantem, non tantum comparatum
jumentis insipientibus, (*Psalms. 48.*) sed plane reputatum ut jumenta:
& sic utramque nationem per incessionem fidei in coelestis Jerusalem de-
duceret mansionem. Utique Domini est regnum & ipse dominabi-
tur gentium: (*Psalms. 21.*) Dominus his opus habet. (*Matth. 21.*) Felix
jumentum, cui insidet Dominus! Dicamus Fratres mei Domino, quam-
vis bonorum nostrorum non eget: (*Psalms. 15.*) ut jumentum factus
sum apud te, & ego semper tecum. (*Psalms. 72.*) Reperat unusquisque
nostrum sapius cum illo pio Abbate in vitis SS. Patrum dicente: Ego
& asinus unum sumus. Camus asino, (ait Sapiens *Prov. 26.*) ne re-
calcitret; virga & onus asino, ne insolescat. (*Eccli. 33.*) Sed quam dulce
onus asino Agnus DEI, qui pascit oves! Quam grata virga! cujus vir-
ga & baculus me consolata sunt (ait Rex *Pf. 22.*) Venit plane mansuetus,
sicut ovis ad occisionem ductus. (*Isaia 53.*) Qualis ipse est, (ait Drogo
Hostiensis) talem te esse vult. Mansuetum jugum ejus portare, & ipse
sedeat super te asinam suam & pullum filium subjugalis. Et quæ est hæc asi-
na? Ipsa quæ caro vocatur, & mulier & virago, quia de viro sumpta est.
(*Gen. 2.*) Et quis est pullus ejus? Spiritus mansuetus virilis. Sed quo-
modo pullus carnis? Quia formavit DEUS prius hominem de limo
terræ, & postea inspiravit in faciem ejus spiraculum vitæ. (*Ibid.*) Prius
organizatur corpus, postea infunditur anima. Quia non prius quod spi-
rituale est, sed quod animale, deinde quod spirituale. (*I. Cor. 15.*) Sedet prius
Rex mansuetus super asinam, postea super pullum; prius caro doma-
tur, (ait idem Hostiensis,) ut iugo habilis sit, ne hæc videlicet caro, quæ
corrumpitur, aggravat spiritum: deinde nascitur pullus, spiritus nutritur,
roboratur; spiritu vivitur, ut sessorem suum portare possit & fiat sedes
ejus, qui spiritus est, Dei. (*Joan. 4.*) Anima nimirum iusti sedes est Sapientiae.
Sedet taque super utrumque Dominus noster faciens pacem,
ne caro concupiscat adversus spiritum, (*Gal. 5.*) spiritus adversus carnem sit
indiscretus & nimius; sed sub iugo Domini & præceptorum ejus suaviter
sibi invicem maneant copulata. Ut tamen Dominus in iis sedeat, debent
esse non ligata iugo peccati: sed soluta Apostolicæ potestatis absolutio-
ne. In malevolam enim animam non intrat sapientia, nec habitabit
in corpore subdito peccatis. (*Sap. 1.*) Veniat utinam non tantum ad nos,
sed in nos, & super nos illa sedium Divinarum assistrix sapientia, (*Sa-
pient. 9.*) Veniat de sede magnitudinis suæ, ubi sedet à dextris DEI, (*Marc. 16.*)
& sedem Sathanæ ex nobis tollat, illius qui dixit *Isaia 14.*) se in mon-
te testamenti sessurum. Ita sanè Rex super universos filios superbiæ (*Job. 41.*)
eligit sibi montes elationis pro sessione. Et quæ est sedes ejus, non-
ne superbia, quæ est initium omnis peccati. (*Eccli. 10.*) Veniat Rex hu-
milis & mansuetus, & ponat solium suum in humilitate nostra omnis
boni fundamento, per quam sedeamus semper solitarii & tacentes, (*Thi. 3.*)
per

A per orationem tamen, meditationem, continuationem exercitiorum spiritualium, levantes nos super nos ad eum, qui in altis habitat & humilia respicit. (*Psal. 112.*) Poterit & asina nostra ut illa Balaam (*Num. 22*) quandoque prophetare, sicut prophetarunt ossa Jeremiae, (*Eccli. 49.*) quando carnis nostrae ossa ut herba germinabunt (*Isa. 66.*) in illa felici resurrectione, quando in sede judicii veniet Rex justus carnem & spiritum salvans utraque secum in coelestem Jerusalem inducens & in sedibus collocans beatitudinis sempiternae.

Exercitiis spiritualia.

Asina prophetans.

Sermo in Festo Paschatis.

B Alleluja, salus & gloria & virtus DEO nostro. Apoc. 19.

Alleluja hebraicè, latinè laudate Deum hoc tempore Paschali continuò resonans in Ecclesia DEI militante, à triumphante sumptis exordium P. R. F. D. ubi beati, qui habitant in domo DEI, (*Psal. 83.*) in Sancto Spiritu laudant eum. Quater etenim in Apocalypsi retetur Alleluja repetitum. Ac primum fertur vox turbarum multarum in coelo dicentium Apoc. 19.) Alleluja, salus & gloria & virtus DEO nostro est; salus per Salvatoris nostri mortem & resurrectionem nobis parta, cujus gratiâ salvati sumus (*Ephes. 2.*) à morte, & inde Alleluja, laudate Deum. Gloria soli DEO sit, & virtus Domino virtutum, (*Apoc. 19.*) qui virtute passionis & crucis suae nos redemit, & hostes omnes superavit. Salus ergò nostra Deo nostro ex Agno tribuenda: gloria quoque in altissimis DEO (*Luc. 2.*) decantanda. Omnis demùm potestas à DEO est & virtus, sine quo nihil possumus facere. (*Joan. 15.*) Jure merito proinde dicere debemus *Psal. 117.*) Fortitudo & laus mea Dominus, qui factus est mihi in salutem. Sed quid tibi ô mi JESU laudis accedere potest à minimo terrae vermiculo, qui nihilum ante te, (*Psal. 38.*) ante quem omnes gentes ita sunt, quasi non sint, & tanquam nihilum & inane reputatae sunt ei? (*Isaia 40.*) Quid ego unus respectu omnium gentium & tamen incumbit mihi laus tua? Ergò laudabo JESUM in confessione; quia pulvis & cinis sum. (*Gen. 18.*) Laudabit usque ad mortem anima mea Dominum. (*Psal. 145.*) Laus DEI opus est Angelorum (teste Divo Basilio) & nihil ita propriè juxta effatum melliflui Patris nostri quendam in terris repræsentat coelestis habitationis statum, sicut alacritas laudantium Deum. Sed sciendum nobis est, non esse speciosam laudem in ore peccatoris: (*Eccli. 15.*) unde non potest esse laus DEI, nisi in sanctis ejus (dicente S. Augustino) Nam qui malè vivunt, non eum laudant, etsi prædicant linguâ, blasphemant vitâ. Necessè ergò est, ut laudem prius Dominum in vita mea. (*Psal. 145.*) Laudem dicite DEO nostro (monet vox de throno DEI Apoc. 19.) omnes servi ejus. Ipsi laudant Dominum, qui subdunt se Domino (teste S. Augustino) & qui timetis eum pusilli & magni. (*Apoc. 19.*)

Alleluia quid est
Caeleste melos
quater in visione
Apocaliptica
repetitum.

De laude DEI.

Initium Sapientiae timor Domini, (*Psal. 110.*) intellectus bonus omnibus facientibus eum, laudatio ejus manet in seculum seculi. (*Ibidem.*) Timor Domini bonam vitam facit, docet sequi ductum rationis, & inde laus Dei vera. Bonum est, ut semper sit laus Dei in ore nostro (*Pf. 33.*) & repleatur os nostrum laude; (*Psal. 70.*) sed cavendum, ne de nobis dicat DEUS *Marci 7.*) Populus hic labiis me honorat, cor autem eorum longè est à me. Psallam spiritu oris, psallam & mente (*1. Cor. 4.*) cordis, & sic verè sacrificium laudis immolabo. (*Psal. 49.*) Non tantum labiis exultationis laudabit os meum, (*Psal. 62.*) sed ex intima cognitione & amore DEI laudem dicam Domino: videlicet in ara cordis igne charitatis, thus devotionis, verum laudis sacrificium & thymiama offeram Deo. Talem imperat laudem Deus per Regium, Psalterium (*Psal. 49.*) Immola DEO sacrificium laudis in fundamento cognitionis & timoris Dei, ex motivo amoris ejus, & redde. Altissimo vota tua, (*Ibid.*) vivendo juxta hoc, quod distinxerunt labia tua. (*Psal. 65.*) Præcipuum autem votum, votum est obedientiae, quæ melior est quam victimæ. (*1. Reg 15.*) Tale sacrificium laudis honorificabit te, & illic iter, quò ostendetur tibi salutare Dei. (*Psal. 49.*) Hæc est vera via ad salutem æternam, ubi canes Alleluja, salus DEO nostro, (*Apoc. 7.*) cum apparuerit tibi salutare Dei: nunc per speculum & in ænigmate (*1. Cor. 13.*) fidei cognoscens salutem tuam à Domino, agnoscens nihilum tuum; ubi transi ad vituperationem tui propter peccata commissa (monet S. Augustinus) & laudabis Dominum: non enim mortui in peccato, (quales utique nos non sumus, qui resurreximus cum Christo à peccatis, *Col 2.*) laudabunt te Domine, neque omnes qui descendunt in infernum: (*Psal. 113.*) quod confirmat Ezechias Rex dicens *Isaiæ 38.*) Non infernus confitebitur tibi neque mors laudabit te, sed vita vera in gratia Dei, vita pia, vita iusti, vita timentis Dominum & servantis mandata ejus. Vivet anima mea sic, & laudabit te Deus. Deinde ex agnitione Dei summi Boni in meditatione tua exardescet ignis (*Pf. 38.*) amoris, & laudabis Dominum quia bonus Dominus. (*Pf. 134.*) Si deficiet ab amore, (præcavet August.) deficiet à laude. Est igitur in Ecclesia Dei militante laus Dei publica exterior in tremendo Missæ sacrificio, in Officio Divino, in psalmis, hymnis & canticis spiritualibus, in concionibus & exhortationibus; est & privata interior, ubi in corde laudatur Deus modo supernominato. Sed potissimum laus Dei spectatur in vita religiosa & devota Deo. Quater repetitum Alleluja hic patet, quando à turba multa laudes DEO ore canuntur, quando à senioribus per prædicationem verbum Dei propalatur, quando maximè in corde practicatur, quando denique per vitam Christiformem publicatur. Quadruplici Alleluja Deus trinus & unus laudatur: tria enim & unum, faciunt quatuor. Dum ergo tam frequenter iteramus Alleluja, exequamur Ecclesiæ triumphantis methodum, & non tantum hoc Paschali tempore, sed assidue laudemus

Psallendum
spiritu et mente

Votum Obedi-
entiae.

Penitentia.

Laus ex amore.

Laus DEI Ec-
clesiastica.

Vita Religiosa,
quadruplex
Alleluja.

Trinitas in
quadro.

demus no
salem, ub
(1. Cor. 4.
Ephrem
dius glori
nus Deus
(inquit id
do svavi j
quò oster
laude Dei
lestis casta
collaudat
est virtus
opere car
& sapient
potentia
re potest
omnia m
passionis
sionis, (C
rusalem,
num.

Sermo

U
nu
in
ultimariu
ejus fuit i
ticum se
geniem t
gnum m
crucis.
stiterit ur
escam co
tem cruc
stinctum
fuiti Fili
tollenda
lediction
cum it
ter lignu
generis t

demus nomen Domini, semper & ubique; ad imitationem cælestis Jeru-
salem, ubi in æternum laudabimus Deum, & laus erit unicuique à Deo.
(1. Cor. 4.) Beatus qui factus est sicut Seraphim & Cherubim (dicit S.
Ephrem) & in Divino ac spirituali Officio nunquam est segnis, sed assi-
duus glorificat Dominum clamans: Sanctus, Sanctus, Sanctus Domi-
nus Deus, & curans Dei sanctitatem imitari, & hic est salus. Beatus
(inquit idem S.) qui semper spirituali gaudio plenus est, nec in portan-
do svavi iugo pigrescit: coronabitur enim in gloria, nempe illic iter est,
quò ostenditur salutare DEI. (Psalm. 49) Et hic est gloria gloriari in
laude Dei. Beatus, qui in cella sua in Domino tanquam Angelus cœ-
lestis castas retinet cogitationes (ait demum sanctus Ephrem) suoque
collaudat eum in ore, qui omnium spirituum potestatem habet. Et hic
est virtus, est ubique Alleluja, laus Dei perennat, cum ore & corde &
opere canitur Alleluja & datur Deo benedictio, claritas, id est gloria
& sapientia & grátiarum actio, honor, virtus, sive potentia, id est omni-
potentia & fortitudo (Apoc. 7.) seu robur immensum, cui nihil resiste-
re potest, nimirum interior & exterior executio Divinæ potentiae, quæ
omnia maximè patuerunt & enituerunt in salute, gloria & virtute tam
passionis quam resurrectionis Christi, cuius socii erimus, si erimus pas-
sionis, (2. Corinth. 1.) ad illam cum Christo cælestem veniemus. Je-
rusalem, ubi per vicòs & plateas cantatur Alleluja (Tob. 13.) in æter-
num.

*Sermo in Festo Inventionis S. Crucis, & Exhortatio
ad parsimoniam victus.*

UBinam crucem Christi exortam & inventam creditis P. R. F. D. ?
num in monte Calvariae, ubi Dominus crucifixus fuit & cruce so-
in terra fuerant sepultæ? Ita quidem, quoad historiae veritatem
ultimarius ortus & inventio crucis accidit: sed primus & primarius ortus
ejus fuit in Paradiso, ubi parens noster primus fructum manducans ve-
titum se & fructum lumborum suorum, totam videlicet humanam pro-
geniem trucidans, mortem sibi & omnibus accivit. Ibi Dei Filius li-
gnum mortis tunc notavit, damna ligni ut solveret in ligno vitæ, ligno
crucis. Videte & perpendite, quanti filio Dei facto filio hominis con-
stiterit una protoparentis esca, ut nequiverit aliter diluere culpam per
escam contractam, nisi ipsemet, qui erat vita, fieret esca mortis per mor-
tem crucis. O maledicta esca, quæ Adamum per serpentis & Evæ in-
stinctum & carnis suæ appetitum ad mortem inescasti, & causa mortis
fuiſti Filii Dei in cruce, ut fieret maledictum pro nobis (Galat. 3.) ad
tollendam Dei propter te factam super humanum genus ma-
ledictionem. Siccine indulgendum erat appetentiæ carnali? O Adam!
cum tibi omni ligno Paradisi frui liceret abundanter præ-
ter lignum scientiæ boni & mali, ut & anima periret tua, & tota
generis tui massa ad æternam duplicis mortis præcipitaretur damnatio-

Detestatio
gulæ.

Esau prophanus.

Pœnitentia
sera.

Hebræi idolo-
latræ, Mur-
muratores.

Confusio gulo-
rum.

Parimonie
victus anti-
quitas.

S. Joann. Bap.

nem, nec daretur remedium salvationis, nisi per mortem Salvatoris in cruce. Revera gustasti tantum fructum, & ecce morimur; & ecce nonne ipsum Filium Dei oportuit tanta pati, (*Lucæ 24.*) ita ut etiam ipsi in escam daretur fel, & aceto potaretur, (*Psal. 68.*) adeoque in gustu concupiscentiæ tuæ crucem inveniret? Maledicta hæc appetentia escæ, hæc concupiscentia fructus, ex qua per quam & propter quam inventum est lignum crucis, in quo salus mundi, benedictus uteri Virginalis fructus debuit suspendi & morte ablumi. Nec primo duntaxat parenti nostro ejusque posteris malè cessit hic extraordinarius & inordinatus escæ appetitus, cessit & aliis talis prava appetentia in notabilem perditionem. Quid Esau inquinavit servumque fratris reddidit? (*Gen. 25.*) ait Divus Basilius: nonne esca una, propter quam primogenita vendidit, ita ut à Doctore gentium fornicator & prophanus nominetur? Ne quis fornicator (inquit ad Hebræos *cap. 12.*) aut prophanus ut Esau, qui propter unam escam vendidit primitiva sua. Hic sigillatim notandum, quod magnus subnectit Apostolus. *Ibid.*) Scitote quia & postea cupiens hæreditare benedictionem, reprobatus est. Quanta perniciēs ex appetentia unius escæ? Audite majora, Fratres mei; non invenit pœnitentiæ locum, quanquam cum lacrymis inquisivisset eam (dicit Vas electionis de Esau *Ibid.*) Quare reprobatus? Quare ejus pœnitentia locum non habuit? Propter gulam, propter unius escæ concupiscentiam. Idipsum cernite in populo Hebraico, de quo præfatus D. Basilius, uno temporis momento ob gulam populus ille per maxima prodigia Dei cultum edoctus in Ægyptiacam idololatriam devolutus est. Quare? Sedit populus manducare & bibere. (*Exodi 32.*) Gula (inquit S. Doctor) ad idololatriam populum deduxit ac contaminavit. Interrogat idem ultra. In deserto quorumnam membra ceciderunt? Nonne illorum, qui carnes appetivēre? Illorum, qui murmurabant dicentes *Num. 11.*) Quis dabit nobis escas carniū? unde jure merito, dum adhuc escæ eorum essent in ore ipsorum, ira Dei ascendit super eos & occidit pingves eorum, (*Psal. 77.*) deditos nempe gulæ illecebris, quorum Deus venter erat & gloria in confusione. (*Phil. 3.*) Ita planè. Omnis enim esca, quæ intrat per os, in ventrem vadit & postea per secessum emittitur: nonne in confusione sordidorum excrementorum escæ gloria? Ideone murmurandum Fratres mei? Audite ipsiusmet Dei circa primam creationem decretum datum primis parentibus nostris. (*Gen. 1.*) Ecce dedi vobis omnem herbam afferentem semen super terram & universa ligna, quæ habent in semetipsis sementem generis sui, ut sint vobis in escam & cunctis animantibus terræ omnique volucris coeli & universis, quæ moventur in terra & in quibus est anima vivens, ut habeant ad vescendum. Et hic cibus vitam humanam ad plurimas annorum centurias producebat. Magni Joannis plus quàm Prophetæ, Angeli illius terrestris, quis cibus? Esca autem ejus

ejus locu
cipitur p
qualis cib
rum &
ne dieru
fiii, Franc
luperaren
anni, & si
nos per a
Deus aut
esca verm
Neque ei
si non ma
ere opus
esca scan
(ait idem
zem. Si
minaberis
profuerun
esca? (Ma
in Spiritu
C murmur
hoc est cr
tui habere
linentia, n
serviendo,
non in con
tionis pare
cât, Dom
Sive ergo
morimur,
& morimur
reperi.

Q Vid
nol
pta
assumamu
exaltatio.
per elation

A ejus locusta & mel sylvestre ait Scriptura *Matth. 3.*) Si infirmo præcipitur per Apostolum *Rom. 14.*) olus manducare, quidni sano? Et qualis cibus erat Eremitarum antiquorum, imò & SS. Patrum nostrorum? Radices herbarum, olera, pisa & his similia, & exinde longitudine dierum adimpleti, (*Psal. 90.*) uti Pauli, Antonii, Hilariones, Onulfrii, Francisci de Paula; ita ut terminum à Propheta Regio stabilitum superarent dicente: *Psal. 89.*) Dies annorum nostrorum septuaginta anni, & si in Potentatibus 80. anni: quia hi nonaginta & ultra centum annos per abstinenciam & sobrietatem vixerunt. Esca ventri, venter escis, Deus autem & hunc & has destruet. (*1. Cor. 6.*) Quid enim erimus, nisi esca vermium? Equidem esca nos non commendat DEO. (*1. Cor. 8.*) Neque etiam, si quod volumus, manducaverimus, abundabimus; neque si non manducabimus, deficiemus. (*Ibid.*) Noli propter escam destruere opus DEI, monet Apostolus *Rom. 14.*) quod est charitas. Imò si esca scandalizat fratrem meum, carnem non manducabo in æternum, (ait idem Zelotes Evangelicus *1. Cor. 8.*) ne fratrem meum scandalizem. Subter te erit appetitus tuus, (docet DEUS *Gen. 4.*) & tu dominaberis illius. Optimum est gratiâ stabilire cor non escis, quæ non profuerunt ambulanti in eis. (*Hebr. 13.*) Nonne anima plus est, quàm esca? (*Matth. 6.*) Non est regnum Dei esca & potus, sed justitia, pax, gaudiû in Spiritu Sancto. (*Rom. 14.*) Nihil sanè indignius, quàm propter cibum murmurare, non esse contentum eo, qui exhibetur, alium appetere: hoc est crucem Christi invenire, rursum Filium DEI crucifigere & ostentui habere. (*Hebr. 6.*) Quin satius inveniamus & nos crucem in vera abstinencia, mortificatione, sobrietate; non gulæ indulgendo, non ventri serviendo, (*Rom. 16.*) cuticulam alendo, exquisita fercula appetendo, non in commensationibus & ebrietatibus (*Rom. 13.*) crucem nobis damnationis paremus. Sustentare non nutrire debemus carnem. Qui manducat, Domino manducet: nemo enim sibi vivit, & nemo sibi moritur. Sive ergò vivimus & vitam escâ sustinemus, Domino vivimus; sive morimur, Domino morimur. (*Rom. 14.*) Tunc autem felices vivimus & morimur Domino, si in cruce Domini inventa & portata fuerimus reperti.

Olus infirmorum.

Cibus Eremitarum longævorum.

Charitas & Cura spiritus

Inventio Crucis Mortificationis.

Recta intentio Vitæ.

Felix quem mors inveniet in Cruce.

Sermo in Ascensione Domini.

Ascendit in cœlos ait Symbolum Apostolicum

Quid adhuc hæremus in terra, & adhæret pavimento ejus anima nostra? (*Psal. 118.*) usquequò moramur, & in hoc sabulo reptantes commoramur? Ascendit JESUS in cœlum, ut & nos assumamur; elevatus est, ut & nos elevemur. Ascensio ejus est nostra exaltatio. Ascendendum ergò nobis est, non per exaltationem cordis, per elationem oculorum, per superbiam vitæ, juxta exemplum Regis

Ascensio Christi nostra Exaltatio.

Contra Superbiam.

Hh

super

Descensus huius
militum.

Vocatio Religi-
osa ad Caelos
Nuptias.

Sic itur ad
astra.

Palma Crucis
fructus.

Ascensiones in
Corde.

Quis ascendet
in montem
Domini?
Latus respectu
Dei, sui, pro
ximi.

super universos filios superbiae, (*Job. 41.*) qui etiam dixit *Isaia 14.*) Alcendam super altitudinem nubium, super astra exaltabo solium meum: quia vidi impium (ait Propheta *Psal. 36.*) superexaltatum & elevatum sicut cedros Libani, transivi & ecce non erat. Gaudium enim hypocritae ad instar puncti. (*Job. 20.*) Si ascenderit usque ad coelum superbia ejus (inquit *Idem Ibid.*) & caput ejus nubes tetigerit, quasi sterquilinum in finem perdetur. Non est hoc ascendere, sed praecipitari. Talis ascensus descensus est, ubi superbia ascendit semper, (*Psal. 73.*) ibi casus propè est, ruina est injanuis. Fratres mei, ipsa Veritas dicit *Joan. 3.*) Nemo ascendit in coelum, nisi qui descendit. Descensus hic humilitas est. Si cum Christo ascendere volumus, debemus etiam cum Christo, qui humiliavit semetipsum factus obediens, (*Philip. 2.*) descendere. Ideò Vas electionis asserit: (*Eph. 4.*) Quod ascendit, quid est, nisi quia & descendit primùm in inferiores partes terrae. Primùm igitur descendendum nobis est. Qui descendit, ipse est qui ascendit super omnes coelos, ut adimpleret omnia. (*Ibid.*) Ille ipse est, qui ascendit super occalum (*Psal. 67.*) humilitatis suae, passionis suae, crucis suae; Dominus nomen illi, (*Ibid.*) ut & nos servi Dominum imitemur, humiliando nos sub potenti manu DEI, (*1. Petri 5.*) mortificationem crucis in corpore nostro circumferendo, (*2. Cor. 4.*) communicando passionibus ejus: (*1. Petri 4.*) adeoque taliter sequamur ascendentem in coelum. Ea propter benè monet Sapientia aeterna: *Lucæ 14.*) cùm invitatus fueris ad nuptias, (utique nos sumus invitati, qui & vocati ad coelestes nuptias) recumbe in novissimo loco, ut qui te invitavit (videlicet qui ædificat etiam in nobis ascensionem suam, Dominus nomen illi *Psal. 67.*) dicat tibi: ascende superius. (*Lucæ 14.*) Sic itur ad astra per humilitatem, non per superbiam; per tolerantiam, non impatientiam; per mansuetudinem, non per excandescentiam. Benè dicit Sponsa *Cant. 7.*) Alcendam in palmam, utique crucis palmam, & apprehendam fructus ejus. (*Ibid.*) Fructus crucis humilitas, patientia, mansuetudo. Et hoc est ascensiones primùm in corde suo facere, eundo de virtute in virtutem. (*Psal. 83.*) Venite ascendamus in montem Domini ad domum DEI Jacob (invitat Propheta *Isaias c. 2.*) Sed quis ascendet in montem Domini? alter Regius Vates interrogat, & respondet sibi: *Psal. 23.*) innocens manibus & mundo corde. Innocentia manuum est operum rectitudo; cordis munditia, est esse absque peccato: & hoc respectu Dei. Prosequitur ultra Vir secundum cor DEI *Ibid.*) Qui non accepit in vano animam suam, & hoc respectu sui, qui nimirum vanitatem seculi minimè sectatur, qui pauper est spiritu, non inflatus, non ambitiosus, non quærit quæ sua (*1. Cor. 13.*) humilis, modico contentus. Tandem concludit: *Ibid.*) nec juravit in dolo proximo suo, utpote sincero corde & recto agit cum aliis & hoc respectu proximi. Hæc est generatio quærentium faciem ejus, (*Ibid.*) qui ascendit in coelum eodem tramite virtutum.

A virtutum. Jam videte in hoc mari seculi fluctuantes homines secula-
res. Ascendunt usque ad coelos vanæ gloriæ tumore & vento præsum-
ptionis agitati, descendunt usque ad abyssos (*Psal. 106.*) pusillanimitate
spiritus præcipitati, & sic semper in extremis habitant, (*Psal. 138.*) ad
extrema tendunt. Hinc sequitur: anima eorum in malis tabescebat;
(*Psal. 106.*) non eunt de virtute in virtutem, (*Psal. 83.*) licet quan-
doque speciem virtutis habeant, realitate tamen ejus carent. Virtus e-
nim subsistit in medio. Ascensus fit per medium, non per saltum. Non
datur etiam in spiritualibus actio in distans, non agendo per medium.
Medium ascensionis veræ in coelum humilitas est. Scrutatoribus terræ
promissionis dictum est (*Num. 13.*) Ascendite per meridianam plagam,
nempe per mediam charitatem Dei & proximi itur ad coelum. Agamus
igitur P.R.F.D.; ne unquam ascendat malitia nostra cum Ninivitis coram
Deo, (*Jona 3.*) ne reciprocè ascendat super nos ira Dei, (*Ps. 77.*) sed potius in
spiritu humilitatis & animo contrito (*Dan. 3.*) per patientiam & manivetu-
dinem, cum innocentia manuum, rectitudine, & munditie cordis, cum
rerum terrenarum & mundanarum contemptu, in veritate & sinceritate
conversationis, in charitate vera non ficta, (*2. Cor. 6.*) quæramus sequi
Christum ascendentem in coelum: ubi quæ præparavit humilibus & di-
ligentibus se Deus, nec oculus vidit, nec auris audivit, nec in cor ho-
minis ascendit, (*1. Cor. 2.*) ubi videbitur Deus Deorum (*Psal. 83.*) in
coelesti Sionis mansionem.

Ascensus vani
vana gloria.

Ascensus per
saltum, negla-
to virtutis me-
dio, nullus.

Post Christum
vulissimum ibi.

Sermo in Festo Pentecostes.

Veni Creator Spiritus canit Ecclesia in hymno.

Quemadmodum omne bonum sui est communicativum, (juxta
commune axioma) ita primum, summum & unicum Bonum De-
us homini se potissimum communicavit secundum naturam
in creatione ipsius, plasmato prius corpore de limo terræ & inspirato in
faciem ejus spiraculo vitæ; ut sic homo fieret in animam viventem, (*Gen.*
2.) in qua veram DEI communionem haberet ad imaginem & simili-
tudinem Dei creatus. Jam verò cadente homine per peccatum in
statum dissimilitudinis, & recedente à communione bonitatis Dei; pro-
pter immensam charitatem suam misertus hominis lapsi Deus volens e-
undem clementer recreare in reparatione ipsius secundum gratiam, ima-
ginem bonitatis suæ (*Sapient. 7.*) filium suum Unigenitum (*1. Joan. 4.*)
per omnia sibi similem quia Deum de Deo misit, ut carnem humanam
sibi conjungeret in similitudinem hominum factus & habitu inventus ut
homo, (*Philip. 2.*) adeoque homini carnali suam communicaret De-
itatem, & sic caro per carnem restauraretur. Quid accidit? Caro
Christi per crucem mortificata, per resurrectionem spiritualis effecta, per
ascensionem ad dexteram Dei collocata, efficit ulteriorem & ultima-

DEUS se
comunicat ho-
mini per Cre-
ationem, Invo-
cationem, Sbi-
ritus S. missi-
onem.

Creator Spiritus
sue s. mysticæ.

Hominis felicitas
et dignitas.

Imitatio Christi
et amoris.

Vita spiritualis.

Lux et ardor.

tam per Spiritus Sancti missionem Divinitatis communicationem. Si enim non abiero, Paraclitus non veniet ad vos (dicit ipsa Veritas *Joan. 16.*) ut reformatâ per filium Dei incarnatum carne, etiam per Spiritum Dei sanctum, spiritus hominis quodammodo recrearetur. Sic enim optat Propheta *Pf. 103.*) Emitte spiritum tuum & creabuntur, quasi de novo; quia renovabis faciem terræ id est hominis, qui de terra sumptus est, & in terrâ revertetur, (*Gen. 3.*) & sic fieret nova creatura. (*Gal. 6.*) Jurè merito proinde invocatur Spiritus Sanctus: Veni Creator Spiritus per gratiarum suarum communicationem, ac potissimum amoris sui inspirationem animam creans in DEO viventem, ut homo DEI participium in anima & corpore plenariè possideret. Primò igitur creavit Dominus novum super terram, quando foemina circumdedit virum, (*Jerem. 31.*) Virgo Mater Filium DEI concepit. Deinde hodie dicit *Isaia 65.*) Ecce ego creô cælos novos & terram novam. Ille visibilibus & invisibilibus Creator visibile corpus hominis è terra sumpti per visibilem in carne Filium Dei, & invisibilem hominis animam è cælo planè Divinitus inspiratam per invisibilem Spiritum suum nova quadam creatione restituit, & ad sui reducit communionem. Quanta hominis felicitas! Quanta beatitudo! Filio DEI & Spiritu DEI recreari & reformari, simulque ad consortium Divinitatis sic admitti. Agnosce ô homo dignitatem tuam, neque his abjectis, hisce caducis, his terrenis & mundanis ulterius immorare. Omnia arbitrare ut stercora, ut Christum lucri facias; (*Phil. 3.*) qui totum se tibi communicavit, totum te sibi requirit. Unde si volumus P. R. F. D. Filium DEI in nobis habere, debemus sicut ille ambulavit, & nos ambulare. (*1. Joan. 2.*) Ipso in carne passo & nos eadem cogitatione armemur, (*1. Petr. 4.*) ut per imitationem passionis similes ei efficiamur. Si ille crucifixus, crucifigamus & nos carnem nostram cum vitiis & concupiscentiis suis. (*Gal. 5.*) Si ille mortuus, moriamur & nos, ut vita nostra sit abscondita (*Col. 3.*) cum ipso in DEO. Si erimus socii passionis, erimus & resurrectionis, (*2. Corinth. 1.*) ut corpus nostrum aggravans animam, (*Sap. 9.*) jam velut anima spiritualis efficiatur; sitque initium aliquod creaturæ ejus. (*Apoc. 3.*) Exinde renovemur spiritu mentis nostræ, (*Eph. 4.*) spiritu vivamus, spiritu agamus, ut simus filii Dei (*Rom. 8.*) spiritu ambulemus, ne desideria carnis perficiamus, (*Galat. 5.*) imò ut spiritu facta carnis mortificemus. (*Rom. 8.*) Merebimur tunc illum Creatorem Spiritum, per quem velut amorem non tantum ad communionem, sed etiam unionem Dei admitteremur. Deus lux est: (*1. Joan. 1.*) Deus ignis consumens est. (*Deut. 4.*) Filius Dei de se dicit *Joan. 8.*) Ego sum lux mundi; ignem veni mittere in terram, & quid volo nisi ut ardeat. (*Lucæ 12.*) Spiritus DEI est lumen cordium, est lux beatissima, est fons vivus, ignis, charitas, dispertiens linguas tanquam ignis. (*Act. 2.*) Et nos quid? Debemus esse lucernæ ardentes & lucentes, (*Joan. 5.*) lucernas ardentes operum bonorum in manibus tenentes, (*Lucæ 12.*)
oleum

- A** oleum charitatis cum lampadibus habentes, ut luceat lux nostra coram DEO & hominibus. (*Matth. 16.*) Curemus, ne lumen quod in nobis est, lumen intellectus, lumen fidei, lumen gratiae, tenebrae fiant (*Luc. 11.*) per peccatum. Ardeat semper ignis amoris DEI & proximi super altari cordis nostri, & caveamus, ne unquam extinguatur. In igne zeli mei devorabitur omnis terra, dicit Dominus post diem resurrectionis suae apud Sophoniam: *cap. 5.*) debet enim in nobis igne Spiritus Sancti Creatoris novi ablumi omne quod terrenum est, ex illa terra maledicta peccati spinas & tribulos germinante (*Gen. 3.*) procedens, ut cum Christo in coelum ascendente, & nos in coelum transferamur, conversationem nostram in coelis habentes, tota cogitatione & aviditate in illa aeterna patria cum DEO commorantes; videlicet igne, qui sursum semper tendit, fervore nimirum charitatis sursum sublati, quae sursum sunt quærentes, (*Col. 3.*) eritque tunc spiritus ante faciem nostram Christus Dominus, (*Thren. 4.*) quem sequemur; erit Spiritus Sanctus apud nos manens nobis existens illuminans intellectum, quia Spiritus sapientiae, scientiae, consilii & intellectus: (*Isaia 11.*) accendens affectum, quia spiritus pietatis, fortitudinis & timoris Domini, Spiritus plane sanctus, per quem diffusa est charitas in cordibus nostris. (*Rom. 5.*) Ita spiritu mentis nostrae renovabimur, (*Ephes. 4.*) qui aqua & ignis est: (*1. Joan. 5.*)
- C** verè spiritus vitae, (*Ezech. 1.*) qui in humido & calido radicali subsistit, si humidum poenitentiae per communicationem passionum Christi & calidum charitatis per Spiritum Sanctum, qui est remissio peccatorum (*Act. 13.*) & radix amoris, habuerimus. Invocemus proinde Spiritum Sanctum sine intermissione, cum semper ope ipsius egeamus; Veni Creator Spiritus, mentes tuorum visita, imple supernam gratiam, quae tu creasti pectora; invocemus inquam, etiam in supplementum Haereticorum Socinianorum, qui negant Spiritum sanctum esse invocandum. Veni ergo S. Spiritus & Ecclesiae Tuae in utroque statu constitutae, cum qua promissus es manere in aeternum, Ordini nostro, Olivae nostrae assiste lumine gratiae
- D** Tuae animabus agonizantibus & defunctis rore consolationis Tuae, ut omnes ad consortium Divinitatis per Te admissi, simus & nunc & semper consummati in unum. (*Joan. 17.*)

igne zeli D.

Sursum cor.

Septem dona spiritus S.

Humidum & calidum radicale tropol. Poenitentia & Charitas.

Invocatio Spiritus S. contra Socinianos.

Sermo in festo Sanctissimae Trinitatis.

Gloria Patri & Filio & Spiritui Sancto, canit Ecclesia in Divino Officio.

V Erè soli DEO honor & gloria, (*1. Tim. 1.*) P. R. F. D. qui dixit (*Isaia 42.*) Gloriam meam alteri non dabo: ne tantum gloria in altissimis DEO, (*Luca 2.*) vel coeli solum enarrant gloriam Dei, (*Psf. 18.*) sed etiam terra plena est gloria Domini, (*Isa. 6.*) imò super omnem terram

Gloria DEI.

Oliva habitatio
glorie Dei.

Notatio nom.
Oliva.

Humilitas dis-
ponit ad Glo-
riam.

terram gloria ejus. (*Pf. 107.*) Benedicta ergo sit gloria Domini in coelo & in terra, & gloria ipsius semper innovetur (*Job. 29.*) ab omni creatura. Nobis tamen expedit singulariter bono animo reddere gloriam Deo, (*Eccli. 35.*) super quos speciali titulo gloria Domini habitavit. Quid enim, (*Exod. 24.*) ubi credimus nos degere? Nonne in loco habitationis gloriae DEI? (*Pfalm. 25.*) Utique domus hae sigillatim Deo Patri & Filio & Spiritui Sancto est dedicata. Et quae gloria Deitatis nisi Trinitas? Et Trinitatis quae gloria, nisi una Deitas? Huic unitrinæ Deitati Oliva consecrata, facta est templum gloriae Domini. Quidni in hoc templo ejus omnes dicant gloriam, (*Pfalm. 28.*) cum etiam unusquisque nostrum sit templum DEI, (*1. Cor. 3.*) nec non & Dominus sit gloria nostra & exaltans caput nostrum. (*Pfalm. 3.*) Si licet gloriari, gloriemur in Domino DEO nostro, (*1. Corin. 1.*) demus ei gloriam à labiis nostris. (*Eccli. 50.*) Demus gloriam laudi ejus, (*Pfalm. 65.*) gloriemur in laude DEI, (*Pfalm. 105.*) & de gloria ejus. Promittit DEUS Israel apud Osee *cap. 14.*) erit quasi Oliva gloria ejus. Jam hinc Oliva est gloria Dei, qui cum sit Alpha & Omega, principium nempe & finis: (*Apoc. 1.*) Oliva ab Omega id est sine incipiens tendit ad Alpha principium Deum suum, non sibi sed nomini ejus Unitrino dāns gloriam (*Pf. 113.*) Ergo non mentiatur opus Olivæ, (*Habac. 3.*) imò ut inhabitet gloria DEI in terra nostra: (*Pfalm. 84.*) misericordia & veritas obvient sibi, justitia & pax se osculentur. (*Ibid.*) Misericordia Dei cum veritate humilitatis nostræ jungatur. Omnes enim peccavimus & egemus gloriā DEI. (*Rom. 3.*) Gloria hæc est misericordia ejus; unde de nostra humilitate veraciter gloriemur, (*Judith. 8.*) ut gloriari possimus in miserationibus Dei. (*Pf. 17.*) Glorietur frater humilis in exaltatione sua; dives autem in humilitate sua, (*Jac. 1.*) nec sit scrutator sed venerator Majestatis, ne opprimatur à gloria. (*Prov. 25.*) Et sic humilis spiritu suscipiet gloriam, (*Proverb. 29.*) gloriam enim præcedit humilitas, (*Prov. 15.*) quando per confessionis veritatem spiritum humilitatis ac misericordiam DEI consequetur. Succedat justitia DEI, & faciat pacem in terra hominibus bonæ voluntatis, (*Luc. 2.*) Gloria enim virtutis nostræ DEUS est, & in beneplacito ejus exaltatur cornu (*Pfalm. 88.*) copię nostræ; in justitia ejus nos justificante pax vera, cum Deo soli datur gloria; ita ut etiam timor Domini sit gloria & gloriatio nostra, (*Eccli. 1.*) justitiam custodiens & pacem conservans. Gloria nostra hæc sit testimonium bonum conscientię nostræ (*2. Corin. 1.*) nos minimè reprehendentis: inde oriatur justitia & abundantia pacis. (*Pf. 71.*) Si tamen in lege testamenti Domini etiam gloriemur, (*Eccli. 39.*) pax multa erit nobis diligentibus legem Dei, (*Pfalm. 118.*) quæ est immaculata convertens animas: (*Ibid.*) testimonium quoque erit fidele sapientiam præstans parvulis (*Pfalm. 18.*) nobis, ne gloriam nostram, quæ in Deo est, evacuemus (*1. Corin. 9.*) vel mutemus in similitudinem vituli comedentis fœnum, (*Pfalm. 105.*) adhæ.

A adherentes carni quæ fœnum est, (*Isaia 4.*) adherentes mundo, cuius gloria est quasi flos agri, (*Idem cap. 40.*) flos decidens gloriæ, (*Idem c. 28.*) ut sic gloria nostra in pulverem deducatur. (*Pf. 7.*) Non inferamus tale crimen gloriæ nostræ, (*1. Mach. 9.*) nec demus maculâ similem in gloriam nostram. (*Eccl. 33.*) Gloria magna est sequi Dominum (uti testatur Sapiens *Eccl. 23.*) videlicet legem exequi, ambulare coram Deo in iustitiâ & veritate: (*3. Reg. 3.*) hinc gratia & misericordia in sanctos ejus & respectus in electos illius. (*Sap. 4.*) Apud Jeremiam *cap. 9.*) præcipit Deus. Non gloriatur sapiens in sapientia sua, & non gloriatur fortis in fortitudine sua, & non gloriatur dives in divitiis suis, sed in hoc gloriatur **B** qui gloriatur, scire & nōsse me, quia ego Dominus, qui facio iudicium & iustitiam in terra. Fratres mei, quæ est sapientia nostra? quæ fortitudo nostra? quæ divitiæ nostræ? nisi Pater & Filius & Spiritus Sanctus. Huic unitrino Deo sit gloria in nobis, de nobis & per nos; sit gloria, si quid est sapientiæ nostræ vel divitiarum nostrarum spiritualium, ei, ex quo omnia, in quo omnia & per quem omnia: (*1. Cor. 8.*) ipsi inquam soli gloria sit, (*1. Timoth. 1.*) nobis autem confusio. (*Daniel. 9.*) Et si gloriari oportet cum Vale electionis Divinæ Paulo *2. Corinth. 11.*) quæ infirmitatis sunt nostræ gloriemur, ut inhabitet in nobis virtus Christi. (*2. Corinth. 12.*) Gloriemur in infirmitatibus, (*Ibid.*) gloriemur in tribulationibus (*Roman. 5.*) scientes, quod momentaneum & leve tribulationis nostræ supra modum in sublimitate æternæ gloriæ pondus operetur in nobis. (*2. Corinth. 4.*) Absit nobis gloriari nisi in cruce Domini nostri JESU Christi, (*Gal. 6.*) ut exinde gloriari possimus in spe gloriæ filiorum Dei: (*Rom. 5.*) Non efficiamur inanis gloriæ cupidi; (*Gal. 5.*) gloria enim nostra talis nihil est, (*Joan. 8.*) est in confusionem, (*Phil. 3.*) imò hæc gloria in ignominiam convertetur; (*Osee. 4.*) erit stercus. (*1. Mach. 2.*) Gloria quidem erit nobis & honor operantibus bonum, (*Rom. 2.*) ita tamen ut omnia quæ facimus, in gloriam DEI faciamus. (*1. Cor. 10.*) Quid enim habemus, quod non accepimus? (*1. Cor. 4.*) Ideo non loquamur de nobis sublimia gloriantes; (*1. Regum 2.*) non habeamus gloriam nisi apud Deum; nec simus nisi in laudem gloriæ ejus, (*Ephes. 1.*) utinam condigna vasa gloriæ ejus (*1. Mach. 2.*) versemur & conversemur in hac domo Dei, (*1. Timoth. 3.*) domo SS. Trinitatis, cujus patrocínio gaudemus; ut cantet semper ei gloria nostra *Psal. 29.*) omnis actio nostra, ne de nobis unquam verificetur: *Isaia 26.*) In tēra sanctorum iniqua gessit, non videbit gloriam Domini: sed potius sit quasi Oliva gloria Dei in nobis; (*Osee 14.*) simus quasi Olivæ fructificæ in hac domo Dei. (*Psal. 51.*) O. Obedientiam diligentes. L. Legem Dei meditantes. (*Psal. 118.*) J. Justitiam sectantes. (*1. Timoth. 6.*) V. Veritatem & Vnitatem spiritus servantes. (*Ephes. 4.*) A. Amore DEI super omnia inflammati, ut sit species gloriæ Domini in nobis quasi ignis ardens super verticem montis, (*Exod. 24.*) nimirum in culmine

Servire DEO
gloria,

Gloria in
Cruce.

Soli DEO
Gloria.

Olive nomen
Virtutum.

perfectionis religiosæ, in conspectu universitatis. Ad hæc gratiam dabit Dominus (*Psal. 83.*) & postea gloriam, ubi percipientes immarcescibilem gloriæ coronam, (*1. Petr. 5.*) magnificentiam gloriæ sanctitatis suæ loquemur (*Psal. 144.*) & latibimur, cum apparuerit nobis gloria, (*Psal. 16.*) Patris & Filii & Spiritus Sancti.

Sermo in festo Sancti Joannis Baptiste.

Joannes est nomen ejus & mirati sunt universi. Lucæ I.

*Prædicat. 8.
Joannis B. ad
miranda.*

Ioannes Patriarcharum expectatio, oraculum Prophetarum, testamenti veteris Epilogus, novi Prologus, legis antiquæ coronis, novæ corona, Apostolorum primicerius, prima Evangelii tuba, Martyrum coryphæus, Virginitatis exemplar, Angelorum in terris prototypum, sterilitatis parentum proles, hodie nascitur. P. R. F. D. Nascitur inquam, dum circumciditur & vocatur Joannes. Hæc enim erat vera nativitas fieri filium Abrahamæ, adscribi catalogo populi electi, venire in censum plebis Israel, nimirum circumcisio. Hic denique à Matre nominatur Joannes, à Patre scribitur; Joannes est nomen ejus. (*Lucæ I.*) Infert Evangelista: (*Ibid.*) & mirati sunt universi. Joannes Archangeli Gabrielis prædictio, loquelæ paternæ præclusio, salutationis Marianæ tripudium, JESU Virgineo conclusi utero sanctificatio, Matris Spiritu Sancto repletio, infans in utero materno loquens quia exultans, quidni jam tunc poterat esse mundi prodigium? Nusquam tamen dicitur miratos esse universos nisi tunc, quando publicatur: Joannes est nomen ejus. Quidnam hic credimus, Fratres mei, potest esse tantæ admirationis causa? quæ origo stuporis, nihil aliud arbitror, nisi hoc quod in Joannis nomine præsignatur, videlicet DEI gratia. O verè opus inter omnia opera Dei maximè admirandum, gratia DEI gratis data hominibus peccatoribus! & hæc primum illuxit in Joanne. Joannes re & nomine gratus, oris paterni referator, Prophetiæ ejus præconium, Propheta Altissimi à patre dictus, à Filio Dei Incarnato plus quàm Propheta nuncupatus, (*Lucæ 7.*) post incola deserti, solitudinis cultor, Eremitarum Patriarcha, frater draconum & loci struthionum, (*Job. 30.*) ferarum non ferus accola, parsimonie in victu, austeritatis in vestitu portentum, speculum abstinentiæ & continentie, tandem in publicum prodiens prædicator pœnitentiæ, adeoque factus Præco gratiæ Divinæ; nonne jure merito admirationem parere poterat universis? Joannes homo missus à Deo, (*Joan. I.*) luminis exorti testis, viæ Dominicæ præparator, Filii Dei Incarnati præcursor, Verbi Divini antesignanus, in spiritu & virtute Elias, (*Lucæ I.*) index Agni Dei, Angelus ante faciem Christi, (*Lucæ 7.*) asylum peccatorum, pœnitentium refugium, denique ipsius Baptista Salvatoris: equidem magis & magis tantis facinoribus heroicis in admirationem rapere potest universos. Joannes scribarum

*Admirandum
opus D. Gratia.*

*Qualis Præco
Gratiæ D.*

Abarum & Phariseorum exhortator, publicanorum fulminator, Sacerdotum & Levitarum inquisitio, dum interrogatur *Joan. 1.*) Tu quis es? nullos sibi arrogat titulos ex omnibus; dum de officio examinatur, discutitur de ministerio, responder: (*Ibid.*) Ego vox clamantis in deserto. Quodnam istud? Scitis serpentem illum antiquum callidum Leviathan (*Isaia 27.*) imò Draconem magnum Behemoth principium viarum Dei, (*Job 40.*) sed à viis Dei exorbitantem, extorrem de coelo, sicut fulgur cadentem Luciferum, (*Lucæ 10.*) jam non Luciferum sed Satanam, authorem idolorum Beelzebub, (*4. Reg. 1.*) Patrem mendacii, hominis deceptorem, imò ab initio homicidam, (*Joan. 8*) regem super universos filios superbiæ? (*Job 41*) scitis inquam quid fecerit? Respondet Isaïas Propheta: (*cap. 14.*) posuit orbem desertum. In hoc deserto Joannes Vox clamantis est. (*Joan. II.*) Cujus clamantis? Gratiae Divinae, quâ per pravitatem consilii sui & Angelos & homines privavit ille pessimus veterator, fecitque à DEO desertos & derelictos. De hominibus notum est, quin experimur, qui omnes peccavimus & egemus gratiâ Dei. (*Rom. 3.*) Constat & de Angelis, in quibus Deus reperit pravitatem, (*Job. 4.*) sed ob summum malitiæ excessum gratiæ Dei fuere incapaces. Quid tamen? Et coelum fuit desertum. Dubitatis? Nonne nonaginta novem oves dimissæ sunt in deserto ab homine, (*Lucæ 15.*) sed Deo homine, qui descendit missus ad ovem, quæ perierat (*Matth. 15.*) requirendam, totum videlicet genus humanum: cæleste desertum terrestribus hominibus repleturus. Joannes primus, necdum natus, præfati serpentis per gratiam JESU conculcator, in peccatoribus per proclamationem penitentiae debellator, in Herode adultero corrector & redargutor, veritatis manifestatione mendaciorum ejus convictor, demùm innocentiam mortis suæ exstitit triumphator. Quis super his omnibus non obstupescat, quæ in se complectitur ille, cujus est nomen Joannes? (*Lucæ 1.*) Sed redeamus ad nativitatem illius: aliorumque nativitates cum eâ conferamus. Nascitur Isaac ex sterili Sarâ, & ecce ibi nulla est admiratio; sed risus. (*Gen. 18.*) Ridere lætitiæ signum est. Quidni rideret præ gaudio, quandoquidẽ initium promissionis Abraham à Deo datæ in prole nata fuerat adimpletum? (*Gal. 4.*) Sed in Joanne nascente promissionis hujus auditui consummatio, quando etiam in nomine ejus resonat gratiæ Divinae manifestatio, ubi verè natura humana posset eloqui: (*Lucæ 1.*) Unde mihi hoc? Nascitur Samson ex sterili matre, nulla ibi admiratio nec lætitia notatur, præterquam quòd Angelus prædicens nativitatem ejus, nomen suum dicat esse mirabile. (*Judic. 13.*) Nascitur Samuel ex sterili Anna, neque ibi mentio fit alicujus admirationis vel gaudii, nisi quòd mater in cantico suo declarat; exultavisse cor suum in Domino. (*1. Reg. 2.*) In Joannis nativitate est universorum admiratio; sed nec hæc sola, reperiuntur & alii affectus. Gabriel prænuntiat (*Lucæ 1.*) erit tibi gaudium & exultatio, & multi in nativitate ejus gaudebunt.

Kk

Dein-

Prædicata
Luciferi.

Orbis Desertum

Cali desertum

Joannes Anti-
lucifer.

Nativitas Isa-
ac.

Nativitas Sa-
sonis.

Nativitas Sa-
muelis.

In Nativitate
Joannis stupor,
letitia, timor.

Justificationis
maximum mi-
raculum.

Boni Gratiae
excellencia.

Timor DEI.

Nativitas Gra-
tia DEI.

Deinde legimus *Ibid.*) Et factus est timor super omnes vicinos eorum. Ecce in nativitate Joannis stupor, letitia, & timor; hæc omnia in se concludit Joannis nativitas. Ita equidem, quando gratia Dei illucescit, admiratio mentem ritè præoccupat; est enim gratia miraculum quoddam, per quam peccator justificatur, DEO reconciliatur & unitur. Creatio hujus universi utique magnum DEI miraculum; sed justificatio peccatoris longè majus est (teste D. Augustino) exponente illud Joannis 14.) majora horum faciet, & dicente: majus opus est, ut ex impio fiat justus, quàm creare coelum & terram. Justificatio autem sine gratiæ Divinæ infusione fieri non potest (docente Apostolo *Tit. 3.*) justificati gratis per gratiam ipsius id est DEI. Nonne miserationes DEI sunt super omnia opera ejus, juxta Regium Vatem? (*Psal. 144.*) Nonne DEUS omnipotentiam suam parcendo maximè & miserando manifestat, ex sensu Ecclesiæ Sanctæ? Nonne bonum gratiæ unius majus est quàm bonum totius naturæ universi, secundum Angelicum Doctorem? Admirandum idcirco est opus Dei, gratia ejus, quam Apostolus vocat vitam æternam. (*Rom. 6.*) Hæc sanè in anima humana est gaudium & exultatio. Enimverò quisnam non gaudeat in ejus nativitate, quando in corde hominis exoritur, cum sit omnium bonorum & supremæ felicitatis plenitudo? Sed ecce timorem letitiæ jungere oportet, ut gratia, quæ ex timore Dei non tam servili, quàm filiali capit initium (sic enim inquit Propheta *Isaias cap. 26.*) à timore tuo Domine concepimus & quasi parturivimus & peperimus spiritum salutis, explicat D. Thomas, spiritum pænitiæ salutaris, quæ gratiam DEI meretur, etiam eodem timore DEI expellente omne peccatum (*Eccli. 1.*) in anima conservetur. Sit igitur nativitas Joannis nobis quoque ex etymo nominis sui gratiæ Divinæ prælagium & effectus; sit admirationis motivum, vox exultationis & salutis; (*Psal. 106.*) timoris postremò Divini incentivum, ut per merita Divi Joannis unicum hoc & summum bonum thesaurum planè in vasis fictilibus nostris. (*2. Corinth. 4.*) gratiam Dei possimus consequi & usque ad mortem custodire.

Sermo in Festo SS. Petri & Pauli.

Tibi dabo claves regni coelorum. Matth. 16.

Clausum pec-
catò Paradisi
aperit D. El-
lius.

Post transgressionem Divini præcepti factam per primos parentes nostros in paradiso voluptatis (*Gen. 2.*) quodam velut atrio coeli, expulsis ipsis, paradisus per Cherubin & flammeum gladium atq; versatilem fuit obsecratus, (*Gen. 3.*) designavitque aditum coeli per peccatum fuisse occlusum. Agnoverunt hoc Prophetæ sapius, inclamantes *Esaias 45.*) Rorate coeli desuper, & nubes pluant justum, & desiderantes apud Eundem *c. 64.*) utinam dirumperes coelos & descenderes!

neq;

A neq; aperti sunt, nisi eo descendente, quod in coelis erat & est fons vitæ Verbo Dei, ipso quoq; in excelsis (& quo formati & firmati sunt coeli: *Pf. 32.*) Filio Dei, super quem baptizatum coeli aperti sunt, (*Matth. 3.*) & qui deniq; ascendit super coelos coelorum ad Orientem, (*Pf. 67.*) Et licet temporibus Eliæ clausum feratur fuisse coelum aliquot mensibus, ac per orationem ejus apertum, (*3. Reg. 18.*) hoc de coelo aëreo dictum fuisse manifestum est ex apertione ejus per pluviae eruptionem, prout etiam id nunc fieri dolentes cernimus & experimur, pro quâ meritò clamare debemus in coelum, ut Dominus det terris pluviam congruentem. Inde patet triplices coelos posse intelligi, aëreum nimirum, ubi nubes & volucres cæli; æthereum, ubi stellæ & luminaria coeli: Empyreum ubi sedes Dei, Angelorum & Sanctorum: ad quod Paulus raptus fuisse creditur, (*2. Cor. 12*) de quo nobis sermo. Hoc coelum igitur primogenio peccato clausum ille Sanctus & verus (*Apoc. 3.*) Sanctus Sanctorum (*Dan. 9. 2. Mach. 4 & 14.*) aperuit, qui habet clavim David, qui aperit & nemo claudit, claudit & nemo aperit, (*Apoc. 3.*) juxta Prophetiam Dei Iſaiam *cap. 22.*) Dabo clavem domûs David super humerum ejus, & aperiet & non erit qui claudat; & claudet, & non erit qui aperiat. Et quæ hæc clavis Fratres mei? Num reſeratio & intelligentia Scripturarum, quas David inter omnes genere Regio, gestis eximiiis & vaticinio ſingulari excellens in compendium conſuſit? cum & ipſa Veritas teſtetur id dicens Scribis *Luce 11.*) Tuliſtis clavem ſcientiæ, utique Scripturarum. An fortasſe clavis David eſt Regia Chriſti poteſtas? dabit enim illi Dominus (prædicat Angelus *Luce 1.*) ſedem David Patris ejus & regnabit. Vera ſunt hæc, ſed congruentius dicitur *Iſaiæ 22.*) clavis domûs David, templi nempe Davidici per Salomonem extructi, quod fuit typus Eccleſiæ, poteſtas Chriſti ſumma in Eccleſia Dei, ſua nimirum, eſt, quâ aperit illam iis, quos ad eandem per gratiam ſuam vocat; claudit verò iis, qui fidei & gratiæ Chriſti reſiſtunt. Hæc eadem poteſtas ejus, eſt in Eccleſia ad remittendas culpas & poenas, quam primariò Chriſtus Dominus Sancto Petro Apoſtolorum Principi & Eccleſiæ ſuæ primo Capiti communicavit dicens: *Matth. 16.*) Tibi dabo claves Regni coelorum. Nec ipſi ſoli tantum, ſed & aliis Apoſtolis, & inter eos S. Paulo eandem poteſtatem clavium impertitus eſt ligandi nimirum & ſolvendi, quod idem eſt claudendi & aperiendi, remittendi & retinendi peccata, per quæ coelum claudi eſt indubitatum. Jam verò qui coeli apertionem, vinculi ſolutionem videlicet remiſſionem peccatorum deſiderat, (*Ephes. 1.*) clavim ad hoc reperire neceſſum habet, & hæc non eſt alia niſi poenitentia, quæ aperit coelum, dum vera eſt, mereturq; à culpa abſolutionem. Huic altera clavis non minùs opitulatur, crux, de qua Aureum Os inquit: Crux Chriſti eſt veluti clavis, quâ ipſe coelum aperuit & veluti inſtrumentum omnipotentiae Chriſti, quod eſt clavis Regia, quâ omne-

Temp. Eliæ
clauſū Cælum

Cælū triplex.

Clavis David.

Clavis ſciētia.

Regia Chriſti
ſe-poteſtas.

Poteſtas ſūma
Pontificia.

Claves Petri.

Clavis Pœni-
tentia.

Clavis Cru-
cis.

Vita Apostolica,
Penitentia &
Crux.

Claves mortis
& inferni.

Clavis Abyssi.

Petrus penitēs

Paulus mundo
crucifixus.

Scientia inflat

Regnū & Sa-
cerdotes mysti-
cē.

res claudi & aperiri possunt, quā crucem tollere omnibus sui sequa-
cibus injunxit. Per poenitentiam igitur & per crucem coelum aperitur,
quæ quomodo Sancti Apostoli hodierni usque ad mortem tulerint, non
indiget explicatione. Vita enim & mors illorum nonnisi poenitentia &
crux fuit nobis in exemplum: ut in his eorum sequamur vestigia,
si regnum coelorum ingredi concupiscimus. Sciendum tamen nobis
est, quod ille ipse primus & novissimus (*Apoc. 1.*) Filius Dei, filius ho-
minis factus, de se dicit: (*Ibid.*) habeo claves mortis & inferni, quasi
dicat: habeo potestatem hostes meos inobedientes, rebelles, contu-
maces, morte & gehennā puniendi, eosque in morte & inferno con-
cludendi. Habet sanè utramq; potestatem & præmiandi in coelo, & puni-
endi in inferno velut Judex supremus, cui data est omnis pote-
stas in coelo & in terra: (*Matth. 28.*) diversimodè diversis & vitam æternā
conferendi, & supplicium mortis perpetuæ inferendi. Et hæc est clavis abyssi:
(*Apoc. 20.*) judicia enim Dei abyssus multa. (*Psal. 35.*) Unde jure
merito nobis si ab hisce judiciis timemus, recurrendum est ad primam
Regni coelorum clavim, & per imitationem SS. Apostolorum, quos
Deus voluit etiam obnoxios esse peccatis, ut nobis specula fierent poeni-
tentia: quorum unus abnegationis Christi delictum etiam sibi dimissum
continuis tamen usque ad mortem lacrymis diluebat? (*Lucæ 22*) alter
persecutionis Ecclesiæ transgressionem, castigatione corporis, stigmatum
Christi portatione (*Galat. 6.*) adimplens ea, quæ desunt passionum Chri-
sti in carne sua, detergebat: per eorum inquam imitationem faciamus
& nos dignos in cruce Religiosa Ordinis Sacri quam gestamus, poeni-
tentia fructus: (*Lucæ 3.*) & exinde eorum meritis digni reddamur &
per intercessionem ipsorum, Regni coelorum apertionem nobis merea-
mur. Habuerunt & ipsi clavem scientiæ, (*Lucæ 11.*) cum ipsa Dei Sa-
pientia illis aperiret sensum, ut intelligerent Scripturas, (*Lucæ 24.*) & uni-
quidem Pater, qui in coelis est, (*Matth. 16*) revelavit, alter per revela-
tionem Jesu Christi Evangelium accepit: (*Galat. 1.*) hæc nihilominus
scientia non eos inflabat sed ædificabat; ædificabat & alios, quibus ver-
bum DEI sibi revelatum prædicabant, ut sic & doctrinā & exemplo
omnibus prælucere. Nec minùs habuerunt potestatem Regiam &
Sacerdotalem in Ecclesia Christi, qui fecit illos & nos Deo Patri suo
regnum & Sacerdotes, (*Apoc. 1.*) regnum id est reges, qui hic vitiis
per virtutes & in futuro morti & miseriis per beatam æternitatem do-
minemur; Sacerdotes nimirum offerentes spirituales hostias Deo, ut-
pote orationes, elemosynas, jejunia, aliaque bona opera, & per hæc
Regnum coelorum velut genus electum, regale sacerdotium, gens san-
cta, (*1. Petr. 2.*) adipiscamur suffulti patrocínio Apostolorum veluti
Cherubinatorum illuminatorum scientiā, armatorum gladio spiritus, quod
est verbum DEI, Præpositorum paradisi ad custodiendam & aperiendam
viam Regni coelorum.

Sermo

A

Sermo in Octava S. Joannis Baptista.

Inter natos mulierum non surrexit major Joanne Baptista.

Matth. II.

QUIS DEUS magnus sicut DEUS noster? (*Psalm. 76.*) Revera solus DEUS magnus Dominus & laudabilis nimis (*Psalm. 144.*) in magnitudine sua: cujus magnitudinis non est finis, (*Ibid.*) neque numerus. Non enim terminari, neque computari potest DEI magnitudo. Si in excelsum supra respexeris; altissimus est: ita ut liceat cum Apostolo exclamare (*Rom II.*) O altitudo divitiarum sapientiae & scientiae Dei, quam incomprehensibilia sunt judicia ejus & investigabiles viae ejus! Ille enim altissimus, omnia sapiens, omniscius & omnipotens, incomprehensibilis est & investigabilis, adeoque verè magnus in sublimitate sua & magna virtus ejus; (*Psalm. 146.*) qui facit mirabilia solus. (*Psalm. 135.*) Si in profundum inferni despexeris, adest, qui intuetur abyssos. (*Daniel. 3.*) Si longitudinem, si latitudinem, circumspexeris; in illà infinitus, in hac immensus est: cujus centrum ubiq; circumferentia nusquam. Si amplitudinem & durationem temporis suspexeris, aeternus est: à seculo & usq; in seculum tu es Deus (ait Vates *Ps. 89.*) Si bonitatis ejus viscera inspexeris, hic verè est DEUS Optimus Maximus, qui meritò laudandus est secundum multitudinem magnitudinis suae. (*Psalm. 150.*) Quidquid porro in creatis magnum est, ab illius venit magnitudine: unde & Divus Joannes Baptista per ipsum magnus fuit, imò apud ipsum; quia magnus coram Domino, (*Luc. I.*) quo inter natos mulierum non surrexit major. (*Matth. II.*) Sed nunquid non filius Dei filius hominis factus ex muliere; (*Galat. 4.*) illa inquam muliere forte, cujus pretium procul & ab ultimis finibus, (*Prov. 31.*) muliere amictà sole & lunam peccati pedibus calcante; (*Apoc. 12.*) illà quæ circumdedit virum; (*Jerem. 31.*) ipsum nempe filium Altissimi in utero suo concepit, de quo Angelus (*Luc. I.*) Hic erit magnus: nunquid inquam hic natus mulieris non est Joanne major? Imò vel maxime: quia simul magnus DEUS. Et erit, (inquit Angelus) magnus, videlicet, magnus homo absolute & à seipso: quia una Persona Deus homo: Joannes autem magnus coram Domino; (*Ibid.*) magnus respectivè & ab alio, magnus per Dominum. Nunquid etiam Joannes major Matre DEI, quæ non minùs nata mulieris, filia Sanctæ Annæ? Minimè. Quid enim majus Matre Domini? (interrogat S. Joannes Damascenus.) Excepto DEO sola est omnibus major, (respondet S. Andreas Cretensis.) Ipsa est, quæ majorem facere Deus non potest (asserit Seraphicus & Angelicus Doctor.) Nihil tibi Domina æquale, (alloquitur eam S. Anselmus) nihil comparabile. Omne quod est, aut supra te est, aut infra te est. Supra te solus Deus, infra te omne, quod

DEI Magnitudo.

Altissimus.

Optimus Maximus.

Joannis Magnitudo.

Benedicta in Mulieribus.

Magnitudo Matris D.

LI

Sermo

*Surrectio præ-
supponit lapsū.*

*Omnia magna
& admiranda
in Joanne.*

*Victus inimi-
tabilis.*

quod Deus non est. Quomodo ergo inter natos mulierum non surrexit major Joanne Baptista? (*Matth. II.*) Notate verba, signate mysteria. Ipsa Veritas dicit *Ibid.*) Non surrexit. Surrectionem præcedit lapsus. Si Joannes surgere debuit, ergo cecidit. Ita est; non in te ipso; sed in primo patente per peccatum originale lapsus est & jacuit in communi massa damnationis: verum ope filii Dei, ope Matris DEI surrexit. Ut enim facta est vox salutationis Mariæ Verbum Dei gestantis in utero, exultavit infans Joannes in utero (*Lucæ I.*) Matris suæ Elisabeth. Tunc surrexit major, cum exultavit per præsentiam Filii DEI, per vocem Matris DEI, à lapsu primigenii peccati liberatus, quia sanctificatus. Jam verò JESUS Christus natus mulieris Virginis immaculatus peccatum non fecit (*I. Perr. 2.*) & fuit ab omni peccato immunis, imò venit tollere peccata mundi: (*Joan. I.*) Mater quoque ejus fuit absq; omni peccato, quin imò contrivit caput serpentis antiqui, (*Gen. 3*) quod caput erat originale peccatum, initium perditionis humanæ principale. Ac ideo neque Filius Dei, neque Mater ejus surrexit major, quia nunquam cecidit, sed semper tam ipse quàm ipsa majores fuerunt, semper manserunt constantes in magnitudine istâ sibi à DEO ab ipso ortus eorum instanti communicatâ. Quemadmodum primus homo & prima mulier ipsi data, recti à Deo creati, cum in honore essent, (*Psal. 48.*) à magnitudine suâ, per dissensum à voluntate Dei, & per consensum ad peccatum incurvati corruerunt, ita necesse erat, ut secundus Adam & secunda Eva jam felicior Mater cunctorum viventium (*Gen. 3.*) liberi à peccato, in magnitudine, in qua creati sunt, perseverarent: ut per utrumque sexum, uterque sexus ad magnitudinem Dei surgeret, elevaretur, & repararetur. Excepto igitur Filio DEI & Matre DEI inter natos mulierum non surrexit major Joanne Baptista. (*Matth. II.*) Sed quæ hæc magnitudo ejus omnes alias natas & creatas superans magnitudines? Quidquid in Joanne est, magnum est, & admirandum. Conceptus ejus ex matre sterili; ab Angelo prædictio. Sanctificatio ejus; exultatio in utero. Ortus ejus; gaudium multorum. Nomen magnum à DEO vocatum; per Angelum edictum, præter opinionem omnium, inditum, denique Joannes est nomen ejus, & mirati sunt universi. (*Lucæ I.*) Quidni mirarentur? cum hoc ipsum nomen, quod gratiam significat, patris muti os aperiret & linguam ejus faceret disertam; ita ut diffusa esset gratia in labiis ejus, (*Psal. 44.*) prophetizantis & benedicientis Deum. Munus ejus Angelicum; hic est enim, de quo scriptum est, testimonio ipsiusmet æternæ Veritatis: (*Matth. II.*) ecce ego mitto Angelum meum. Officium ejus; Præcursoris, Legati magni, Caduceatoris, Paranympsi, Amici Sponsi. Opus ejus. Vox clamantis in deserto, (*Lucæ 3.*) parare viam Domino, & parare plebem perfectam. (*Lucæ I.*) Vestitus ejus; pili cameli & zona pellicea. (*Ibid.*) Victus ejus inimitabilis: locustæ & mel sylvestre. (*Ibid.*) Habitatio ejus, desertum. Vita ejus,

ejus, rigor & disciplina. Prædicatio ejus, poenitentia. Honor ejus & gloria: baptismus Christi. Finis ejus; carcer & martyrium. Quanta & quam magna hæc sint; quis edisseret? Puer, Propheta Altissimi (*Ibid.*) ^{Finis Joannis prædicatio.} imò plus quam Propheta, (*Matth. II.*) quia Angelus, Seraphinus planè & Cherubinus, quia lucerna ardens & lucens. (*Joan. 5.*) Spiritu & virtute Elias. (*Lucæ I.*) Legis & Prophetarum terminus. Statûs gratiæ re & nomine principium. Primus novi Testamenti Patriarcha, Apostolus Dei, quia missus à Deo. (*Joan. I.*) Martyr multimodè in vita & in morte. Confessor & testis Christi digito eum monstrans & dicens: (*Ibid.*) Ecce agnus DEI. Virgo omnimodè, & carne & mente virgo, in Herode adulterium detestatus: deniq; & Doctoris & Martyris, & Virginis laureolam adeptus. Quanta Joannis magnitudo, omnium hominum, omnium dignitatum, omnium Hierarchiarum in se quasi compendio complectens magnitudines! Verè non surrexit, non ascendit major Joanne. Sed quare? Quia nemo descendit minor. Quid minus potest esse voce? Et talem se, dum interrogaretur quis esset, confessus est. ^{Humilitas exaltatur.} (*Joan. I.*) Hic planè verificatur Axioma Sapientis *Eccli. 3.*) Quanto magnus es, humilia te in omnibus, & invenies gratiam coram Altissimo. Joannes gratia cum major omnium surrexisset, humiliat se & facit minimû omnibus, vocem se nominans; & per hoc fit major omnibus: qui enim se maximè humiliat, maximè exaltabitur. (*Lucæ 14.*) Quare Joannes major? Quia licet innocens, tamen poenitens, & prius poenitens, ^{Innocentia Poenitens.} postea poenitentiam prædicans; prius ardens, postea lucens: præcurrens & sequens eum, qui caput prius facere, postea docere. (*Actor. I.*) Et nos non ad parva sed majora nati, semper majores surgere debemus ad exemplum Joannis. Magnitudinis Divinæ per fidem speculatores effecti, (*2. Petr. I.*) bono animo gloriam reddere Deo debemus. (*Eccli. 35.*) ^{Imitatio Joannis.} Magnificentiam sanctitatis Divinæ loqui, & mirabilia ejus narrare tene-mur (*Psal. 144.*) Magnum nomen Dei extollere atque exaltare; & ad magnitudinem Dei per humiliationem nostri tendere obligamur. Magnus esse vis? (interrogat magnus Augustinus, & responder) à minimo incipe. Cogitas magnam fabricam construere celsitudinis? De fundamento prius cogita humilitatis; & invenies gratiam coram oculis Domini: qui humilia respicit & alta à longè cognoscit: (*Psal. 112.*) sed nec ea volens cognoscere despicit. Esto & tu lucerna ardens interius, lucens exterius; poenitentiae per amorem Dei accensæ flammâ exurens & ablumens fluxa peccatorû; testimonium perhibens de vero Dei lumine, (*Joan. I.*) non ex te qui tenebræ es, (*Eph. 5.*) sed à Patre luminum (*Jac. I.*) orto: ad Deum referens omne bonum, tibi omne malum imputans, & ideò dignos faciens poenitentiae fructus. (*Lucæ 3.*) Esto vox verbi Dei, in te & corde tuo illud conservans; (*Lucæ 2.*) extra te, ore & opere tuo exprimens, & sic eris Joannes major: cum Joanne minutus per humilitatem, cum Christo crescens per virtutem, nempe in gratia

Lucerna ardēs
& Lucens.

DEI semper proficiens & te perficiens in eâ; quæ maxima Deus est; charitate (1. Joan. 4.)

Sermo in festo Visitationis B. M. Virginis.

*Sanctificatur
Joannes in
Utero.*

*Via Domini
Visitantis.
Incarnatio.*

Judiciū DEI.

Visitatio B. V.

Benedictus Dominus DEUS, quia visitavit & fecit redemptionem plebis suæ (Lucæ 1.) sigillatim hodie, quod Joannis præcursoris sui liberationem à funibus originalis peccati, quibus circumplexus erat, per visitationem Virginis Matris suæ sanctissimæ, adimpleverit. Planè per viscera misericordiæ visitavit (Ibid.) Dominus Joannem, per viscera materna illuxit Oriens ex alto (Ibid.) Joanni in vinculis, & in carcere uteri materni posito gratiam ei infundens sanctificantem. Nonne hic apertè visitatio Jesu & Mariæ custodivit spiritum (Job. 10.) Joannis, à captivitate diaboli ipsum vindicans sibi que vendicans Verbum, Vocem per vocem salutantis Mariæ? Consideremus mirabiles vias Domini visitantis nos. Per vocem Angeli nuntiantis Verbum incarnandum; atque aurem credentis & assentientis Virginis concipitur in utero ejusdem: ubi visitans verè visitavit nos Dominus, (Exodi 3.) ut ab Ægyptiaca Pharaonis infernalis redimeret servitute. Quid est homo, quod memor es ejus, aut filius hominis, quia visitas eum, (Ps. 8.) quia magnificas eum, & apponis ad eum cor tuum? (Job. 7.) Unigenitum tuum è sinu Tuo Paterno, in viscera materni uteri demittendo? Cognosce ô homo tempus visitationis tuæ, (Jerem. 50.) quâ te visitat in salutari suo, (Psalm. 105.) ne veniant in te dies tribulationis, dies alterius visitationis (Osée 9.) quando egredietur de loco suo, descendet de cœlo, ut visitet iniquitatem habitatoris terræ (Isaia 26.) contra eum in extremo judicio. Cognosce inquam, ne Propheta Jeremias super te lamentetur dicens cap. 8.) Milvus in cœlo cognovit tempus suum, turtur & hirundo & ciconia custodierunt tempus adventus sui: populus autem meus non cognovit judicium Domini. Nunc judicium est diaboli, nunc Princeps mundi ejicitur foras: (Joan. 16.) vix concipitur Filius Dei, mox descendit in prælium, parvulus. David contra Giganteum Goliathum, pro quo exurgens Maria, abiit in montana. (Lucæ 1.) Justitia enim Domini vindicativa sicut montes Dei. (Psalm. 35.) Abiit cum festinatione, (Lucæ 1.) ut acceleraretur prælium, citò veniret salus & non moraretur (Isaia 46.) Joanni captivo, ut salvaretur ab hoste & liberaretur. Sed per quam viam? Per viam salutis nostræ Mariam. Per hanc spargitur lux. (Job. 38.) Visitat illa Elisabeth & Joannem utero ejus inclusum salutat; & salutem per vocem salutationis impertitur. Transiit vox Mariæ per aurē Elisabeth, (Luc. 1) & ecce Joannes vox Verbi confestim exultat: quidni jam victor, jam triumphans de hoste, quia recepit salutem ex inimico suo, redemptus de manu ipsius, (Ps. 77.) qui oderat ipsum? Non est alia via salutis, fratres mei, quam per Mariam, & viam Mariæ, nempe auditionem & ob-

auditi-

A auditionem Verbi Divini. Repeto antedicta: Verbum Dei annuntia-
tur Virgini Sanctissimæ per vocem Angeli Gabrielis. Audit Maria &
beata, quæ credidit, quoniam perfecta sunt ea in ipsa, quæ dicta fue-
runt illi à Domino, (*Lucæ 1.*) quod non esset impossibile omne verbum,
quod ipsum erat Filius Dei incarnatus. Audit, inquam, Maria &
obaudit; præbet assensum & dicit: (*Ibid.*) fiat mihi secundum verbum
tuum. Et ecce mox Verbum Dei, Caro factum est: (*Joan. 1.*) effectus
verbi secutus est. Verbum Domini salutiferum non otatur, non stat
vacuum, procedit ultra & statim prodit se per vocem Angelicæ, imò Di-
vinæ quia Deo imprægnatæ Virginis salutantis. Audit Elisabeth, fit
vox salutationis in auribus ejus; (*Lucæ 1.*) resonat in utero; excitatur
vox Verbi Divini caro facta: Joannes vox Verbo Dei obtemperans sal-
vatur, exultat Vox clamantis in deserto (*Matth. 3.*) uteri non deserti à
Deo sed repleti, fit undique vox exultationis & salutis in tabernaculis
iustorum, (*Psal. 117.*) quia factus est Dominus Joanni in salutem (*Ibid.*)
per vocem Mariæ. Ubique Maria salutis nuntia, salutis bajula, Mater
salutis, & licet beata in visceribus, quibus Verbum Dei portavit; beata
in uberibus, quæ Filius Dei suxit: sed quin imò beatior ex auditu & cu-
stodia Verbi Divini, dicit ipsum Verbum Dei. Non meo, sed venera-
bilis Bedæ sensu loquor dicentis id ipsum. Dei Genitrix inde quidem be-
ata, quia Verbi incarnandi ministra facta est temporalis, sed inde multò
beatior, quia ejusdem semper amandi custos manebat æterna. Scitis
Fratres inobedientiam Verbo Dei factam per hominem, inimicitias inter
semen mulieris & serpentis secum traxisse. (*Gen. 3.*) Semen solius mu-
lieris est Verbum Dei caro factum (*Joan. 1.*) per obedientiam Virginis
Matris susceptum: semen serpentis originale peccatum per inobedienti-
am causatum. Inimicitia perennis inter utrumque semen, sed fortior
supervenienti (*Luc. 11.*) Virtus & Sapientia Divini Verbi fortem armatum
vicit, arma inobedientiæ abstulit, spolia gratiæ distribuit. Unde ad primum
conflictum festinavit, contrivit caput serpentis (*Gen. 3.*) in Joanne ipsum
sanctificando, quod prius in Matre contriverat illam præservando. Un-
de & ipsa Mulier benedicta in mulieribus (*Lucæ 1.*) virtute seminis sui
contrivit idem caput serpentis in Joanne per vocem allatæ salutationis,
& illatæ salvationis. Verè Virago de viro sumpta, (*Gen. 2.*) de viro,
quem circumdederat, sumens robur, viriliter egit: & per obedientiam
Verbum concipiens, per obedientiam in montana ad Joannem festi-
nans, inobedientiæ jugum à Joanne sustulit. Et sic Salvator operatus est
salutem in medio terræ (*Psal. 73.*) in utero Virginis Matris existens,
in utero positum Joannem salvificans, operatus est tamen illam pri-
us in Maria, postea cum Maria & per Mariam obedientiæ speculum.
O unicum salutis nostræ remedium Maria! O summum salutis huma-
næ refugium Maria! O desideratum omnigenæ salutis præsidium Ma-
ria! Vide qualis est Deiparæ Virginis dignitas, (dico cum Hesychio)

Verbum D.
audiendum.

Non otiosum
est Verbum D.

B. V. unde be-
ata?

Virago sancta.

B. V. Dignitas.

Mm

Unige-

unigenitus Dei Filius (*Joan. 1.*) velut infans gestabatur ab ea & Adamum reformabat, Evamq; sanctificabat, excludebat draconem, & Paradisum aperiebat, sigillū uteri muniens (liceat addere,) sigillo gratiæ signans Joannem exinde in utero exultantem, ad suavissimam Marianæ vocis melodiam salutem in salutatione conferentem. Et nos quid? Adhucne rebelles erimus lumini (*Job. 24.*) Verbi Divini? erimusne refractarii voci ejus? Statuemusne nos prævaricatores & transgressores legis (*Jac. 2.*) & mandatorum ipsius: dum à Domino adeò misericorditer visitamur in salutem? Absit: nisi velimus à Domino exercituum visitari in tonitruo & motione terræ & voce magna turbinis & tempestatis & flammâ ignis devorantis. (*Isaia 29.*) O tremendi dies visitationis hujus, cum visitare cæperit Dominus prævaricationes Israel? (*Amos 3.*) cum visitabit super orbis mala? (*Isa. 13.*) dum intendet ad visitandas omnes gentes Deus Dominus noster fortis zelotes (*Psal. 58.*) visitans iniquitatem patrum in filios. (*Exodi 20.*) Et quidem temporaliter dicit *Jerem. 27.* in gladio, in fame & in peste visitabo super gentem illam, donec consumam eos in manu ejus. Finaliter autem & perenniter ait *Sophon. 1.* Scrutabor Jerusalem in lucernis & visitabo super viros defixos in sordibus qui dicunt in cordibus suis: non faciet benè Dominus & non faciet malè: (bona opera negligentes & omnia mala perpetrantes) visitabo super vos malitiam studiorum vestrorum dicit Dominus *Jer. 23.* Juxta est dies Domini magnus, juxta est & velox nimis, vox diei Domini amara (*Soph. 1.*) extremi nimirum judicii. Sit vox diei Domini quæ appropinquavit nobis per Mariam, vox diei extremæ gratiæ, vox hæc planè dulcis in auribus (*Cant. 2.*) & cordibus nostris sit efficax, quâ Verbum DEI nos visitans alloquitur nos. Cum Samuele respondeamus, dicentes *1. Reg. 3.* Loquere Domine, quia audit servus tuus. Cum Davide paremus aurem *Psal. 84.* Audiam, quid loquatur in me Dominus. Cum Paulo offeramus nos ad obsequendum (*Act. 9.*) Domine, quid me vis facere? & cum sciverimus voluntatem Dei, obtemperemus (*Ephes. 5.*) ei exemplo Matris Dei, quæ fuit observatrix perfectissima mandatorum & consiliorum Dei supra omnes, (teste Divo Antonio) ut digni efficiamur salutis ejus patrocinio. Simus cum Ipsa auditores verbi & factores simul, (*Jacobi 1.*) observantiam legis Divinæ, observantiam Regulæ Sanctæ, quam vovimus, observantiam omnis disciplinæ strictè retinentes, neque ullas difficultates montanorum arduorum, defatigationes incommoditatum prætendamus, suggestiones satanæ conculcemos in sanctitate & justitia coram Deo (*Luc. 1.*) converlantes, & sic visitabimur à Jesu, visitabimur à Maria, exultabimus & lætabimur; redemptionem veram, & salutem consequendo æternam.

Sermo in festo S. Stephani Abbatis.

Disciplina Sapientiae cui revelata est & manifestata? Interrogat Sapiens Ecclesiasticus *cap. 1.*) Ipsam Dei Sapientiam ideò incarnatam fuisse, ut homines extra orbitam disciplinae positos & jumentis insipientibus comparatos (*Psal. 48.*) doctrinae Evangelicae ductu ad viam disciplinae Christianae & Christiformis revocaret; nemo est ex nobis, qui non sciat & fateatur. Ibi planè Sapientia Divina facta est infinitus thesaurus hominibus, (*Sapient. 7.*) quo thesauro qui usi sunt, participes facti sunt amicitiae Dei. Propter quid? propter disciplinae dona commendati. (*Ibid.*) Hanc Christianam disciplinam ad rigorem perfectionis reduxit Divus Legislator noster verè Benedictus Regulæ suæ magisterio benè nobis dicens: Ausculta ô fili præcepta Magistri, ac si cum Sapiente eloqueretur *Eccli. 16.*) Audi me fili, & disce disciplinam sensus, veri nimirum & conformis Divinae sapientiae. Disciplinam fili mi ne abjicias nec deficias, cum ab eo corripieris. (*Prov. 3.*) Tene disciplinam, ne dimittas eam; custodi illam, quia ipsa est viâ tua. (*Prov. 4.*) Audi consilium & suscipe disciplinam, ut sis sapiens in novissimis tuis: (*Proverb. 19.*) Initium sapientiae est verissima disciplinae concupiscentia. (*Sapient. 6.*) Auscultavit & audivit Patrem suum & Magistrum Divus Pater noster Stephanus, qui licet humanioribus literis & sanis disciplinis esset apprimè instructus, ad majorem disciplinae regularis observantiam in solitudine Molismi beatis Patribus, Roberto & Alberico se adjunxit, ubi disciplinam sapientiae in Regula Sancto Legislatori nostro revelatam, & præfatis Patribus nostris in strictiori Regulæ continentia manifestatam assecutus, in partem curæ assumptus, deformatam, postea in Molismo disciplinam cernens & dolens, ad loci & Ordinis Cisterciensis institutionem velut disciplinae regularis asylum ferventissimum studium impendit: nec voto frustratus fuit, quando Sanctissimum Patrem nostrum Bernardum triginta locis comitatum ad Cisterciensis disciplinae consortium recepit & multiplicatam in rigore disciplinae gentem suam magnificatâ planè respexit lætitiâ. Sciens porro curam disciplinae esse dilectionem, (*Sapient. 6.*) pro majori ejus conservatione conscripsit Chartam Charitatis, per eam stabiliens in regulari disciplina Ordinis unionem. Jam verò alloquitur nos omnes sui & Ordinis sequaces. Nunc ergò filii audite me: audite filii disciplinam Patris & attendite, ut sciatis prudentiam (*Proverb. 4.*) in exacta obedientia secundum Regulam Divi Benedicti, ut ad eum per obedientiae laborem redeatis, à quo per inobedientiae desidiam recesseratis. Audite disciplinam & estote sapientes, & nolite abjicere eam (*Prov. 8.*) per immortificationem corporis & sensuum vestrorum, imò servate eam per jejunium & abstinentioniam pro custodia castitatis. Accipite disciplinam

Discipline Au
tor & refor-
mator Christus

Regula Sancta.

Fructus Disci-
pline Sapien-
tiae.

Conversio S.
Stephani
Molismi.

Cisterciensis
rigoris aspi-
ciunt.
S. Bernardus.

Charta Chari-
tatis.

Obedientia ad
literam & Re-
gulam.

Timor Domini
est enim
via
ad
humilitatem

Quis sapiens
& disciplinatus
est?

Monasterium
Domus Disci-
plinae.

Infelicitas in-
disciplinatorum.

nam meam & non pecuniam à me paupertatis amatore, doctrinam magis quam aurum eligit (*Ibid.*) & diligite pro paupertatis conservatione. Audiamus ergo P. R. F. D. & inclinemus aures cordis nostri ad sciendam sapientiam & disciplinam, (*Prov. 1.*) ac velut filii admonitionem pii Patris libenter excipiamus & efficaciter compleamur. Nobis planè per ipsam disciplina sapientiae revelata est & multiplicationem ingressus illius intelleximus. (*Eccli. 1.*) Mandatum dilectionis novum in Charta Charitatis expressum nobis lucerna est; & lex Regula Sanctae lux, & via vitae increpatio disciplinae. (*Prov. 6.*) Planè via vitae custodiendi disciplinam. (*Prov. 10.*) Vultis scire quae illa sit? Timor Domini (respondet Sapiens *Prov. 15.*) disciplina sapientiae. Sapientia enim & disciplina timor Domini (*Eccli. 1.*) & quod beneplacitum est illi, utique facere. Qualis hic timor sit & esse debeat, primus humilitatis gradus in Regula nos edocet, videlicet in continua memoria omnium mandatorum Dei, poenarum in transgressores, praemiorum in observatores, in recordatione praesentiae Divinae, in voluntatis propriae abrenunciatione, in desiderio carnis & concupiscentiae mortificatione, in fuga peccati & declinatione ab omni malo. Hae sunt essentialia timoris DEI & hae sunt vera sapientiae & disciplinae argumenta. Quis sapiens & disciplinatus inter vos? (quaerit Jacobus Apostolus & insert *cap. 3.*) ostendat ex bona conversatione operationem suam in mansuetudine sapientiae. Hae sunt indicia bonae disciplinae: unde meritò orandum cum Regio Vate *Psal. 118.*) Bonitatem & disciplinam & scientiam doce me: qui enim diligit disciplinam, diligit & scientiam, (*Prov. 12.*) quae est effectus sapientiae, ut sciat quid acceptum sit coram Deo omni tempore, (*Sap. 9.*) & in bonitate ac disciplina illud operetur. (*Eccli. 33.*) Bonitas habet annexam misericordiam, ut sic cum misericordia disciplina accipiatur. (*Sap. 11.*) Sic enim monet Sapiens: *Prov. 3.*) misericordia (sui nempe cum miseremur animae nostrae placentes Deo (*Eccli. 30.*) & proximis omnibus bene facientes) & veritas (realitas nimirum: Spiritus enim Sanctus disciplinae effugiet fictum *Sap. 1.*) non te deserant, circumda eas gutturi tuo; scilicet, ut disciplinam labia tua custodiant (*Proverb. 5.*) quaestiones sine disciplina devitando, (*2. Tim. 2.*) & disciplinam verba tua foveant, (*Job. 34.*) sciendo etiam quod vir prudens & disciplinatus non murmurabit correptus, (*Eccli. 10.*) & describe in tabulis cordis tui & invenies gratiam & disciplinam bonam coram Deo & hominibus. (*Prov. 3.*) Nos ergo congregati in domo disciplinae, apprehendamus cum S. Patre Stephano disciplinam, ne quando irascatur Dominus & pereamus de via iusta, (*Psal. 2.*) & dicat *Jerem. 17.*) Induraverunt cervicem suam, ne audirent me, & ne acciperent disciplinam. Viam disciplinae ignoraverunt & semitas ejus non intellexerunt; (*Baruch. 3.*) cor eorum longè factum à disciplina. (*Job 17.*) Tunc fiet illis, quod dicitur *Prov. 13.*) Egestas & ignominia ei, qui deserit disciplinam. Qui enim abiecit disci-

disciplinam
qui non ha-
Cur detesta-
meum?
manè consi-
habuerint
everint con-
Avertat à n-
(*Psal. 49.*)
retrosum-
est enim p-
mentum. (
12.) Quod
tres videlicet
adulteri &
quae nos co-
ut ambulen-
mundanae
multitudine
Apostolo
tis, postea
stitae; con-
Stephano i-
disciplinae c-

Q Vae
dilecti
Hier-
Dei Virgin-
tione, ven-
Quae est ist-
modo enim
salus aetern-
paruit Jesu-
lorum parti-
rum quant-
(*Hebr. 7.*)
capere non
sua implet
licis, (*Ca-*
casque in-

disciplinam, despicit animam suam. (*Prov. 15.*) Ipse denique morietur, qui non habuit disciplinam, & gemet in novissimis & dicet. (*Proverb. 5.*) Cur detestatus sum disciplinam, & increpationibus non acquievit cor meum? Tunc (ait Deus *Prov. 1.*) invocabunt me & non exaudiam: manè consurgent, & non invenient me. Quare? eo quod exosam habuerint disciplinam, & timorem Domini non susceperint, nec acquirerint consilio meo, & detraxerint universæ correptioni meæ. (*Ibid.*) Avertat à nobis Deus ista! Nemo sit inter nos, cui possit dicere Deus. (*Psal. 49.*) Tu verò odisti disciplinam, & projecisti sermones meos retrorsum. Cum indisciplinatis animis non erremus; (*Sapient. 17.*) est enim processio in malis viro indisciplinato & est inventio in detrimentum. (*Eccli. 20.*) Non verificetur de nobis illud Apostoli *Hebr. 12.*) Quod si extra disciplinam estis, cujus participes facti sunt omnes Patres videlicet nostri, Benedictus, Bernardus, Robertus, Stephanus: ergò adulteri & non filii estis. Apprehendamus, dico iterum, disciplinam, (*Pf. 2.*) quæ nos corrigit in finem; (*Pf. 17.*) disciplina ipsa est, quæ nos docebit, (*Ibid.*) ut ambulemus in timore Domini, nec disciplina pacis nostræ carnalis vel mundanæ sit unquam super Christum (*Isaia 53.*) passum; simus verò in multitudine disciplinæ regularis perseverantes. Omnis autem disciplina (teste Apostolo *Hebr. 12.*) in præsentem quidem videtur non esse gaudii, sed mæroris, postea autem fructum pacatissimum exercitatis per eam reddet justitiæ; coronam videlicet illius justitiæ, (*2. Timoth. 4.*) quâ cum Divo Stephano in illo justis Judicis die à Divina Sapientia pro mercede bonæ disciplinæ coronabimur. Fiat, fiat.

Disciplina pacis.

Disciplina fructus.

Sermo in festo Assumptionis B. M. Virginis.

Quæ est ista, quæ ascendit de deserto deliciis affluens innixa super dilectum suum? Filia Hierusalem, (*Cant. 8.*) utpote Angelicæ Hierarchiæ & animæ beatæ coeli inquilinæ Mariam Matrem Dei Virginem de terra in coelum ascendentem hoc festivo cum admiratione, veneratione, & æstimatione excipiunt triumpho ac applausu. Quæ est ista? interrogant (*Ibid.*) Num ignorantes? Minimè. Quomodo enim ignorarent Salvatricem & salutis suæ Auatricem, per quam salus æterna, non tantum humano generi, sed & Angelico statui apparuit Jesus Salvator mundi, (*Joan. 4.*) hominum videlicet & Angelorum pariter Reparator. Ingeminant tamen, quæ est ista? Nimirum quanta, quàm magna, quàm sublimis, ipsis excelsior coelis facta, (*Hebr. 7.*) cujus uterus coelum animatum, eum, quem coeli coelorum capere non possunt, (*3. Reg. 8.*) cepit & comprehendit, nunc coelum suum implet præsentia. Quàm pulchra & quàm decora Charissima in deliciis, (*Cant. 7.*) quæ in se delicias paradisi DEI (*Ezech. 28.*) continet, easque in coelestem confert Paradisum. Qualis est hæc? Quàm ad-

Interrogatio admirantis.

Magnitudo B. V.

Sanctitas

Nn

mirabi-

Dignitas.

A memento
Conceptus,
augmentum
Gratia.Progressus Spi-
ritualis exem-
plar.Corona Stella-
rum 12.Horrendum
Desertum sine
B V.B V Paradisus
per amicitiam
et parentum.

mirabilis in splendore majestatis? quàm venerabilis in eminentiâ digni-
tatis? quàm inestimabilis in monilibus suis atque in pretii procul
& ab ultimis finibus, (*Prov. 31.*) thesaurorum Dei inventi excellen-
tiâ? Quàm amabilis in virtutum & gratiarum affluentia? Quàm de-
siderabilis in bonitatis suæ ac misericordiæ profluentia? Hæc sunt, quæ
supernas illas mentes in admirationem, venerationem & æstimationem
rapiunt, ita ut cogantur exclamare: (*Cant. 8.*) Quæ est ista, quanta &
qualis, quæ ascendit de deserto? neque nunc solum ascendit, sed ab
ipso immaculatæ conceptionis suæ primo momento semper ascende-
bat in omni plenitudine gratiarum; plena gratiâ & tamen ultra sem-
per inveniens gratiam. Ascendebat semper crescens ac proficiens quasi
lux splendens usq; ad perfectam diem. (*Prov. 4.*) Unde progrediebatur pri-
mum velut aurora consurgens (*Cant. 6.*) diluculum gratiæ Divinæ se-
cum adducens, deinde ut pulchra & plena luna noctis peccati tenebras
discutiens; tandem electa ut sol, (*Ibid.*) amicta sole, (*Apoc. 12.*) Je-
sum Dei Filium lucem mundi, (*Joan. 8.*) solem justitiæ (*Malach. 4.*)
generans: postremo terribilis non tam terrorem, quàm stuporem incu-
tiens, quia ut castrorum acies ordinata, (*Cant. 6.*) totius firmamenti
speciem repræsentans. Cincta quidem est stellis duodecim in capite, (*Apoc.*
12.) eo tamen numero universitatem prærogativarum & privilegiorum
Divinorum manifestans. Quid enim videbis in ea (canit Divinum Epi-
thalamium *Cant. 6.*) seu Sulamite id est pacifica vel perfecta, seu Su-
namite id est dormiente, quasi dormitionem mortis peragente, nisi
choros castrorum? Videbis hinc è coelo donorum & honorum Divi-
norum immensitatem, inde versùs terram mille clypeorum cum omni
armatura fortium (*Cant. 4.*) protectionem: utrinq; choros Angelico-
rum Spirituum assistentium & ministrantium. Castra enim DEI sunt
hæc, (ait Jacobus Patriarcha in succursu Angelorum. *Genes. 32.*) Hicce
vallata & circumdata ascendit Maria de deserto (*Cant. 8.*) terræ hujus,
eo ipso desertæ, quòd corporali Mariæ præsentia privaretur. Verè ibi
desertum, Fratres mei, ubi Mariæ devotio deseritur, ubi singularis ejus
cultus & obsequium exulat; ubi amor Deiparæ Virginis non est præ-
sens, abest & ipsa: jure merito desertores tuos deserit Maria. Ascen-
dit proinde de deserto deliciis affluens. Ast ubi Maria fuit, non erat
desertum; posuit enim Deus desertum illud quasi delicias & solitudi-
nes quasi hortum Domini. (*Isaia 51.*) Quidni Maria in terris habitans,
erat terrestris & coelestis Paradisus voluptatis, (*Genes. 2.*) paradus be-
nedictionis, paradus in benedictionibus? (*Ecclesi. 40.*) Et quidem ille
manè oriens ut Lucifer, (*Isaia 14.*) fuit in deliciis paradisi DEI,
(*Ezech. 28.*) sed iis excidit ob superbiam & concupiscentiam projectus
in puteum abyssi (*Apoc. 9.*) ad inferni supplicia. Fuerunt & primus
parens & prima mater positi à Deo in paradiso voluptatis, (*Genes. 2.*)
sed propter eandem superbiam & concupiscentiam causam ejecti, extorres
& exu-

& exules facti, totum genus humanum in miseria abyssum precipitarunt. Maria autem sanctior Eva nostra & vera mater cunctorum viventium (*Genes. 3.*) fundata & firmata in paradiso Dei, ipsamet Paradisus effecta per humilitatem & virginitatem, contraria superbiae & concupiscentiae: in quo positus à Deo secundus homo, (*1. Corinth. 15.*) novus homo coelestis paradisi illius assertor. Ille, cui deliciae sunt esse cum filiis hominum, (*Prov. 8.*) descenderat in hortum (*Cant. 6.*) deliciarum suarum, hortum conclulum (*Cant. 4.*) Mariam Matrem suam Virginem, existens ipsemet & faciens Mariam delictum non tantum generis humani, sed & totius Orbis. Delicias Mariae quis edisset? & quibus à Deo inundatur, & quibus in se affluit, & quas in alios effundit ac exundat? Ne appetieris fructum vetitum Eva, nec jam quaesieris pomi sive mali verè mali esum. En fructus benedictus ventris (*Luc. 1.*) Mariae JESUS, panis descendens de coelo (*Joan. 6.*) & praebens delicias Regibus, (*Gen. 49.*) qui sequuntur Regem factorem suum, qui Regi Regum (*Apoc. 19.*) parent, & in se regnum DEO parant, qui sibi ipsis dominantur. En Mariae emissiones paradisi maiorum puniceorum cum pomorum fructibus. (*Cant. 4.*) Ascendit igitur Maria non translata in paradisum ut Enoch, (*Gen. 5. & Hebr. 11.*) nec rapta ut Paulus, (*2. Cor. 12.*) sed ipsamet voluptatis paradisi existens, secum paradisum deliciarum ferens, quia innixa super dilectum suum, (*Cant. 8.*) qui deliciis cor ejus occupavit. Videte quomodo ascendat per desertum (*Cant. 3.*) illa virga Jesse, sicut virgula fumi ex aromatibus (*Ibid.*) myrrhae, mortificationis in se; & thuris devotionis erga Deum: & universi pulveris pigmentarii, omnium virtutum, gratiarum & meritorum abundantia. Innixa tamen super Dilectum suum; omnia illi attribuens: omnia in illum refundens. Dilectus enim meus mihi, (*inquit Cant. 2.*) & ego illi. Ille me sanctificans, laetificans, beatificans; ego illum clarificans, magnificans, glorificans. Innixa super Dilectum, (*Cant. 8.*) quia licet ascendit, tamen etiam ab eo assumpta est in coelum illi innitens, ab illo dulciter ad coenam nuptiarum invitata; ab illo suaviter in osculo oris sui (*Cant. 1.*) & amplexu, recepta ab illo, deducta ad thronum gloriae, ab illo super omnes coelos exaltata, (*Psal. 56.*) ab illo in coelestibus & aeternis sedibus collocata; ab illo gloria & honore super omnes creaturas coronata. (*Psal. 8.*) Sequamur & nos P. R. F. D. ascendentem Dominam nostram velut servi, Matrem nostram tanquam filii, Patronam nostram sicut clientes. Ascendamus cum illa de hoc deserto terrae deferentes illud, antequam ab illo deferamur, terrenam dico hanc & carnalem, quae de terra est & in terram ibit, relinquentes habitationis affectionem, in coelis conversationem nostram statuentes. (*Phil. 3.*) Ascendamus semper ascensiones post Mariam & per Mariam ad Deum in corde nostro facientes (*Psal. 83.*) sine intermissione: nec deficiamus

Delicia B. V.

Benedictus
Fructus.

Assumptio B.
V. gloriosior
raptu Enoch
& Pauli.

Myrrha Mor-
tificat. &c.

Omnis DEO
tribuenda.

Ethiopia
assumpta.

Imitatio As-
sumptionis.

Auxilium D.

Peroratio ad
B. V.

mus in hoc ascensu. Trahant nos deliciae Mariæ, curramus in odorem unguentorum ejus. (*Cant. 1.*) Fulciet nos, adjuvabit nos Dilectus ipse & noster Iesus Christus, cui innitimur sine ipso nihil potentes facere; (*Joan. 15.*) levabit nos gratiâ suâ, meritis suis & Mariæ, protectione suâ & Mariæ, ut ad paradysum cœlestem perveniamus. Quod ut fiat, intercessione Tua assiste nobis ô admiranda omni studio, omni cultu veneranda, omni pretio æstimanda Mater DEI & Virgo. Assiste utrique statui Spirituali & Politico. Assiste sigillatim Augustissimo Imperatori; Serenissimo Regi, Venetæ Reipublicæ, eorumque exercitibus pro fide & Ecclesiâ Sanctâ militantibus contra ejusdem inimicos. Assiste animabus in agone & purgatorio constitutis, ut per Te omnes cum Dilecto Filio Tuo simus in eo, quem hodie conscendisti paradiso.

Sermo in festo Sancti Bernardi.

Cistercium à
Cisternis.Bernardus à
Fontanæ.Clementis IV.
testimonium
de S. Ordine.Propagator S.
Ordinis S. P.
per humilitatē,
patientiā, cha-
ritatem.Granum fru-
mentum. Cisternis.Clarificatio
Exinanitio.

Cistercium à cisternis dictum Mater Ordinis nostri, vera fuit Domini cisterna ex vena aquarum viventium (*Jerem. 17.*) congregata, imbre cœlestis gratiæ irrorata, per Divum Patrem nostrum Bernardum Fontanensis Domini præclarum meritis hæredem cum triginta Sociis, qui non minus clari Fratres ex parte Fontanorum hæredes fuere; ad eam excrevit plenitudinem, ut mox in orbe clarescens in varia loca suos derivaret aquæductus. Unde jure merito Ordo inde profluens Cisterciensis per Clementem IV. Summum Pontificem nominatus est parvus fons, qui crevit in fluvium & in lucem solemque conversus in aquas plurimas redundavit. Hoc potissimum, per Sanctum Patrem nostrum adimpletum est, qui primum salutare aquas doctrinæ Regularis in suam deduxit Claramvallem, & exinde clarâ & quæ nunquam marcescit sapientiâ, tum & claritate virtutum & miraculorum orbi inclarescens, Ordinis & Clarævallis etiam ultra maria extendit propagines. Quâ virtute id factum creditis, Fratres mei, ut & Sanctus Pater & Ordo per ipsum clarificaretur? Nullâ aliâ, nisi per humilitatem & patientiam crucis, ac charitatem. Scitis dum de se loquitur Filius DEI dicens, (*Joan. 12.*) venit hora, ut clarificetur filius hominis; mox infert: (*Ibid.*) nisi granum frumenti cadens in terram mortuum fuerit, ipsum solum manet, si autem mortuum fuerit, multum fructum affert. Se ipsum dicebat (Sol Theologorum August. explicat) granum frumenti mortificandum infidelitate Judæorum, multiplicandum in fide omnium populorum. Ergo clarificatio JESU erat exinanitio & mortificatio crucis. Idipsum clariùs manifestat post exitum & abitum Judæ proditoris ampliantis adversus Dominum suum supplantationem. (*Pf. 40.*) Nunc clarificatus est filius hominis, & Deus clarificatus est in eo, (*Joan. 13.*) inquit ideò, quod per prodicionem Judæ dispositio fieret ad passionem & crucem ferendam. Idipsum repetit in ultimo sermone. (*Joan. 17.*)

Pater

A Pater venit hora, clarifica filium tuum, ut & filius tuus clarificet Te, (*Joan. 17.*) nimirum per passionis & crucis mortificationem. Hæc gloria & gloriatio fuit Sancti Patris nostri Bernardi, hæc claritas, quæ Orbi illuxit. Amator passionis & crucis Christi fasciculum hunc myrrhæ amarum gestavit, non tantum in continua meditatione, sed etiam primario in perfecta ejusdem imitatione. Et quid nobis in Testamento reliquit observandum? Nonne humilitatem, quâ plus alterius sensui quàm suo credidit; & patientiam, quâ læsus à lædente nunquam vindictam expetiit? Sed & tertiam, culmen planè virtutum charitatem addidit charitate vulneratus Bernardus, nobis pro Testamento fundans, ut ita funiculus triplex difficilè rumperetur, (*Eccles. 4.*) cujus essentiam in hoc declaravit, quòd scandalum nunquam fecerit, & si aliquando aliunde incidit, non propalavit, non auxit, non exaggeravit, sed sedavit. Inimici enim hominis est, imò diabolicum disseminare zizania (*Matth. 13.*) vel maximè contra Superiores: hoc est fodere cisternas dissipatas, quæ non possunt continere aquas (*Jerem. 2.*) disciplinæ regularis. Charitatem, inquam, nobis proposuit, habens & in hoc exemplum summi Magistri & Domini mandatum novum, (*Joan. 13.*) maximum & primum, (*Matth. 22.*) charitatem nominantis, & proximi adinvicem dilectionem: qui etiam de se asserit loquens ad Patrem *Joan. 17.*) Ego claritatem, quam dedisti mihi, dedi eis. Qualem mi JESU claritatem? ut omnes unum sint, sicut & nos unum sumus. En charitas; Deus unionem & unitatem charitatis vocat claritatem, quia per illam clarè Deus innotescit, patet Dei opus, signum veri servi Dei manifestatur. His ergò tribus mediis, humilitatis, patientiæ & charitatis S. Pater clarificatus est Orbi, & clarificavit Ordinem non in claritate generis, dum esset nobilis Burgundus imò illustris Familiæ Fontanensis, sed in claritate humilitatis gloriabatur, & in hoc secutus exemplum Salvatoris, qui cum in forma Dei esset, non rapinam arbitratus est esse se æqualem DEO, sed semetipsum exinanivit formam servi accipiens & habitu inventus ut homo. (*Philip. 2.*) Inde nunquam se jactabat filium Dei, sed semper filium hominis nominabat, ut & nos doceret, quatenus non gloriatur nobilis de nobilitate sua, sed potius dicat cum Doctore Gentium aliis: (*1. Corinth. 4.*) vos nobiles; sibi autem & sui similibus applicet: nos autem ignobiles; & sic clarificabitur & erit nobilior nobilissimis per humilitatem, quæ à DEO respicitur & exaltatur. Et hæc est vera Theologia, vera sapientia, quæ est emanatio quædam claritatis omnipotentis Dei sincera, (*Sapient. 7.*) & idè nihil inquinatum per superbiam, elationem, exaltationem, quæ hominem rationalem obfuscant & obscurant, in eam incurrit. Habebat propter hanc Sanctus Pater claritatem ad turbas & facies Principum admirabantur (*Sapient. 8.*) ejus humilitatem, cum etiam oblatas Episcopatum detrectaret dignitates, nolens ab hominibus accipere claritatem. Jam de patientia ejus

Oo

quid

Calceatus
Myrrhæ.

Testamentum
S. P.

Scandalum.

Charitas claritas.

Humilitas
honorata.

Genus non
jactandum.

Vera Theologia.

Autoritas S. P.

Episcopatum
recusat.

Vallis Absyn-
thij.

Mortification.

Fructus Passi-
onis Christi.
Amor Crucis.

Charitas ostē-
dit Christi
Discipulum.

Diversi gradus
glorie charita-
te beatifica-
untur.

Commendatio
Testamenti
S. P.

quid dicam & mortificatione? Hæc excessiva ferè fuit respectu sui, illa respectu aliorum semper concessiva, ita ut verè vallem absynthii repererit; sed per has virtutes effecerit Claravallem: imò Claravalem, ideò claram, quia vallem, quia humilem; ideò abundantem frumento, (*Psal. 64.*) quia undique patientem stillicidia & descensus aquarum. In qua Claravalle in omni planè virtute confortatus secundum potentiam claritatis ejus, in omni patientia & longanimitate cum gaudio (*Coloss. 1.*) persistebat. Dum æterna Veritas Christus velut ultimo testamento ante passionem suam instrueret Apostolos: inter alia hanc eis doctrinam instillavit. In hoc clarificatus est Pater meus, ut fructum plurimum (*Joan. 15.*) utique per gestationem crucis, per humilitatem, patientiam & mortificationem sui afferatis, & efficiamini mei discipuli. (*Ibidem.*) Sed in quo summa Sapientia hic discipulatus consistit? Respondet *Joan. 13.*) In hoc cognoscent omnes, quia discipuli mei estis, si dilectionem habueritis adinvicem. Hic charitatis nexus, est claritas discipulorum Christi. Hoc vinculum perfectionis Sanctus Pater summè tenuit & in ipsa, quam compilasse creditur cum Sancto Stephano, Charta Charitatis expressit. Illam Sanctam Civitatem Jerusalem, (ait in Apocalypsi dilectus JESU discipulus *cap. 21.*) claritas Dei illuminabit, quia charitas Dei inundabit, ita ut fluminis impetus lætificet civitatem Dei (*Psal. 45.*) in amore & gaudio. Et licet erit differentia graduum, differentia meritòrum, videlicet sicut stella à stella differt in claritate, ita ut alia sit claritas Solis, alia claritas Lunæ, alia claritas stellarum (*1. Corinth. 15.*) sicut & hic in terris est differentia statuum & dignitatum, imò sicut & in corpore membra inter se differunt, sub uno tamen capite uniuntur, & ibi in uno cœlo coadunantur; sic in cœlesti Jerusalem perpetua erit in DEO unio charitatis, intima clarificatio amoris, immensa dilectionis inundatio, etiam in differentia claritatis. Agamus & nos P. R. F. D. si sumus veri filii Bernardi, ut Testamentum ejus velut sacrum depositum custodiamus, illudque humilitatis, patientiæ & charitatis signaculum in nobis exprimamus. Qui alios contemnit, se supra alios extollit, aliis obloquitur, divisiones in congregatione facit, linguam suam acuit sicut serpentis, (*Psal. 139.*) anathema esto. DEUS verò, qui dixit de tenebris lucem splendescere, (*2. Cor. 4.*) ipse illucescat in cordibus nostris ad illuminationem scientiæ claritatis Dei in facie Christi JESU, (*Ibidem.*) ut ipse in nobis per virtutes prædictas clarificetur. Oremus semper pro statu utroque Politico & Ecclesiastico, speciatim pro Ordine nostro & pro nobis ipsis, ut dignetur nos vocatione sua Deus noster, & impleat omnem voluntatem bonitatis & opus fidei in virtute, ut clarificetur nomen Domini nostri JESU Christi in nobis & nos in illo secundum gratiam Dei nostri & Domini JESU Christi (*2. Thessal. 1.*) secundum exemplar S. Patris Bernardi, ut ad videndam claritatem Jerusalem (*Tobia 13.*) per humilitatem, patientiam & charitatem perducamur.

Vidi Sa-
(ait I-
gracia
imò debem
terrestris Jer-
stea autem
nec per ali-
tem nos, &
lumen glori-
Dei, in qua
Videamus
ipsis approp-
re valeamus
salem, quo
DEUS Op-
filios suos a-
mitteret, p-
erat pax no-
mum pacis
retur ab in-
trans janui-
Quid aliud
Christi del-
in quo cor-
lam super-
natione or-
stringitur u-
que abunde
pro pace s-
nomine qu-
nomen m-
rum, temp-
plinæ serv-
concordia
necessariu-
est omniu-
compositi-
quies tur-
(Act. 17)
conjuncti

Sermo in Dedicatione Ecclesiae.

Vidi Sanctam Civitatem Jerusalem descendentem de coelo à Deo, (ait D. Joannes in Apoc. cap. 21.) Verè Joannes, verè magna gratia Dei videre Jerusalem illam coelestem. Possumus & nos, imò debemus videre ipsam, nunc quidem per speculum (1. Corinth. 13.) terrestres Jerusalem, quæ in se tenetur illam coelestem repræsentare, postea autem facie ad faciem, (Ibid.) id est coram planè dabitur videri, nec per aliud medium hic, quàm per unicam gratiam Dei illuminantem nos, & oculos cordium nostrorum aperientem, illic verò per lumen gloriæ. Perpendamus interim hanc terrestrem, quæ in Ecclesia Dei, in quavis congregatione, & in qualibet anima exprimitur figuratè. Videamus ejus qualitates, ut illas domui & statui nostro imò nobismet-ipsis appropriemus, per quas veram templi nostri dedicationem peragere valeamus. Primum igitur, quod occurrit, ipsum est nomen Jerusalem, quod pacis denotat visionem. Pax est optima rerum; quia ipse DEUS Optimus Maximus est Autor simul pacis & Amator, qui etiam filios suos appellat pacificos. (Matth. 5.) Cùm filium suum in terram mitteret, pacem annuntiari voluit hominibus; (Lucæ 2.) quia ipse filius erat pax nostra, qui fecit utraque unum; (Ephes. 2.) qui etiam primum pacis nuntium in quavis domo prædicandum ordinavit, ut diceretur ab intrantibus Lucæ 10.) Pax huic domui: quod & ipse fecit intrans januis clausis post resurrectionem dicens Joan. 20.) Pax vobis. Quid aliud nobis per hæc omnia indicatur? nisi pacem DEI, pacem Christi debere esse in domibus nostris & in nobismetipsis. Sed hæc in quo consistit? In bono ordine, in unione, in quiete. Videte illam supernam civitatem Jerusalem, quomodo Hierarchicâ suâ alternatione ordinem servat; quàm svavi cum DEO & inter se adinvicem stringitur unione; quantâ beatitudinis æternæ perfruitur quiete; adeoque abundantia pacis inundatur. Et hæc in nostra Jerusalem terrestri pro pace stabilienda requiruntur. Ordo, qui est anima rerum, cujus nomine quævis congregatio intitulatur & nostra etiam Sacri Ordinis nomen meruit, requirit observantiam Regularum, personarum, locorum, temporum & actionum. Si hæc omnia exactè & in rigore disciplinæ servantur, utique bonus ordo censetur. Unio est cohærentia & concordia animorum ad unum bonum requirendum, ad unum illud necessarium (Lucæ 10.) comprehendendum. Quies inde subsequens est omnium affectuum, inclinationum & appetituum svavis & formosa compositio. Et sic ordo excludit mixturas, unio scissuras pellit, quies turbas proscribit. Cernimus idipsum in manufactis templis, (Actor. 17.) in quibus symmetria pacis apparet, quando omnia ordinatè, conjunctim & in quiete perleverant. Intercurrat mixtio fundamenti

Gratia D. h. v. e.
via ad gloriam

Jerusalem Vis
su. Pax.

In quo consistit
Pax?

Ordo, Unio,
Quies.

Ædificatio
Templi.

*Oliva typus
Pacis.*

*Civitas DEI,
et Civitas
Mundi.*

Sanctitas.

*Tabernaculum
D. Ecclesie.*

Victoria sui.

cum tecto, parietum inter se fiat collisio, interveniant fissuræ vel scissuræ, rumpantur inter se lateres; hic nullus ordo, sed sempiternus horror; (*Job 10.*) hic nulla unio, sed continua dissidia; hic nulla quies, sed perpetua fluctuatio & quassatio videbitur, adeoque non Jerusalem, non visio pacis, sedurbationis aspectus, Babylonis forma, id est species confusionis conspicietur. Absint hæc omnia ab Oliva nostra, quæ est typus pacis, civitas DEI, in qua cives sanctorum & domestici DEI (*Ephes. 2.*) tenentur pacifice cohabitare. Duas in toto mundo, (inquit Sol Theologorum Augustinus,) Civitates faciunt duo amores. Jerusalem facit amor DEI; Babylonem facit amor seculi: & concludit. Interroget ergo se quisque & inveniet, unde sit civis. Equidem non habemus hic manentem civitatem, (*Hebr. 13.*) ad tempus in terrestri incolatu moramur durante cursu vitæ mortalis; habitamus hic cum habitantibus Cedar, (*Psalms. 119.*) id est sumus positi in medio incolarum caliginolorum hominum mundi hujus, tenebrarum harum, (*Ephes. 6.*) in medio umbræ mortis. (*Psalms. 22.*) Quamdiu tamen hanc incolimus civitatem, Jerusalem sit, pacifica sit, sancta sit, necesse est. Si futuram civitatem, coelestem & sanctam requirimus; (*Hebr. 13.*) sanctitas sit nobis secundum propositum, (*Rom. 8.*) sit in intentione, sit in executione, quia hoc imperat ille, cui semper occinitur Sanctus, dicens nobis: (*Levit. 11.*) sancti estote, quoniam ego sanctus sum. Templum enim Dei sanctum est, quod estis vos. (*1. Corinth. 3.*) Sanctitas nihil admittit profani, nihil coinquinati, nihil perversi & iniqui. Quis consensus templo Dei cum idolis? (*2. Cor. 6.*) Non tantum sunt idololatæ, quorum DEUS venter est, (*Phil. 3.*) vel qui avaritiæ succumbunt, quæ est idolorum servitus, (*Gal. 5.*) vel qui vanitatem gloriæ suæ sectantur, sed etiam qui existimant se aliquid esse, cum nihil sint, (*Gal. 6.*) qui proprium sensum, aut propriam voluntatem sequuntur; quæ omnia vera Dei sanctitas detestatur. Unde mundemus nos ab omni inquinamento carnis & spiritus, monente Apostolo (*2. Corinth. 7.*) perficientes sanctificationem in timore DEI, ut simus sancta civitas, sanctum templum, (*1. Cor. 3.*) quia domum DEI decet sanctitudo: (*Psalms. 92.*) & Deum sanctitatis fontem nos inhabitantem possidere mereamur. Hoc est enim tabernaculum DEI cum hominibus & habitabit cum eis. (*Apoc. 21.*) Tabernaculum, quia est militans Ecclesia sub diversorum statuum tentoriis, fidei, spei & charitatis armis munita, contra mundum, carnem & dæmonem pugnans, postea civitas fortium victorum ac triumphantium illuc translatorum. Certandum ideo nobis est, acriter dimicandum, quia regnum coelorum vim patitur: (*Matth. 11.*) illa Civitas Sancta Jerusalem vi capienda; rapiunt eam violenti, (*Ibid.*) qui sibi vim inferunt, se superant, veterem hominem subigunt, novum hominem secundum Deum agunt. (*Ephes. 4.*) Eapropter non minus necessaria, quam decora qualitas Jerusalem

rusalem, quod sit nova: (*Apoc. 21.*) facta per illum, qui nova facit omnia. (*Ibidem.*) Novitates quidem in statu & regimine Politico damnantur, sed illæ quæ ad malum, non ad bonum tendunt. Moribus antiquis Patrum nostrorum vivendum, & hoc ipsum novum est; ut vetere homine in nobis semper in deterius tendente, semper spiritu mentis nostræ ad sanctitatem & perfectionem sectandam renovemur. (*Eph. 4.*) Nonne nova Ecclesiæ structura, vel nova ejus restauratio oculis arridet? nonne gravior est quàm vetusta? Idem de nobis sentiamus, diligamus in nobis decorem domus Dei, ut nova semper simus in Christo creatura. (*2. Cor. 5.*) Sed quod descensus Jerusalem de coelo à Deo collimat? An ut opem nobis ferat? An ut nos sursum trahat, & secum faciat ascendere? An quod ministeria Angelorum descendendum manifestet? Omnia hæc quidem ita sunt, sed cum Divo Augustino dixerim, Jerusalem de coelo descendere; quia coelestis gratia est, quâ Deus eam fecit. Et de coelo quidem ab initio sui descendit, Spiritu Sancto misso de coelo, sed & ipse filius DEI inclinavit coelos & descendit: à DEO venit, quia desursum divina gratia veniens, sine quâ minimè ad coelum pervenitur. Ad coelestis proinde Jerusalem consortium non ascendunt testimonio ejusdem Magni Ecclesiæ Doctores, nisi qui toto corde profitentur, non proprii operis sed Divini esse muneris, quo ascendunt. Qui descendunt in nihili sui abyssum per humilitatem, hi ascendunt ad coelos. Descendit equidem Jerusalem coelestis frequenter ad nos: descendit gloria Domini in nube (*Exodi 16.*) per inspirationes internas; quæ per orationes nostras faciunt ascensiones in cordibus nostris. (*Psal. 83.*) Communicat se nobis splendor ille, dulcedo illa, lumen illud inaccessibile velut sol per radios, ut exclamare liceat! (*Psal. 30.*) O quàm magna multitudo dulcedinis tuæ Domine, quàm abscondisti timentibus te, idque potissimum in domo tua, domo Ordinis: ubi etiam in meditatione exardescit ignis (*Psal. 38.*) devotionis. Eapropter sic decet nos in hac domo DEI hic & ubique præsentis conversari velut populum ejus, populum acquisitionis, gentem sanctam, (*1. Petr. 2.*) ut sit ipse Deus nobiscum, sit Deus noster, solus hic & non alius. Ipsi soli serviamus, ipsum solum amemus, ut non tantum hoc templum, lateritium, sed totum Monasterii ædificium, quævis uniuscujusque cellula, sed & quisque ex nobis sit verum sanctum templum DEI vivi, (*2. Cor. 6.*) ipsi dedicatum, DEI cultura, Dei ædificatio; sit Sancta Civitas Jerusalem nova descendens de coelo à Deo, (*Apoc. 21.*) sit coelesti conversatione ipsum coelum. Ita enim mellifluus Pater noster ait: Est coelum sancta anima, habens solem intellectum, lunam fidem, astra virtutes, quæ maximè in nocte, id est in adversis emicant. Utinam super hanc civitatem nostram Jerusalem & in nobis oriatur Dominus & gloria ejus, operante itidem ejus gratiâ in nobis, ab omnibus videatur: ut & nos gloriam DEI in illa civitate Jerusalem aliquando videre

Jerusalem nova

Jerusalem de
descendens de
Cælo, quare?

Quomodo?

Adhortatio ad
imitationem
Devotionis.

Cælum spi-
rituale.

videre, & per conservationem veræ pacis ad visionem illius pacis, quæ DEUS est, admitti mereamur.

Sermo in festo Nativitatis B. M. Virginis.

Festa Nativitatis 4. in anno.

Gradatio Nativitatis.

Nativitas B. V. & nostra.

Maria Aurora.

Nativitas est hodie S. M. V. canit Ecclesia in Officio. P. R. F. D. Magna equidem Divinæ bonitatis circa nos dispensatio, quod certo temporum recurſu nobis ſemel ſecundum carnem natis, ſæpius autem in ſpiritu renatis, frequentem ſalutaris renovet memoriã nativitatis. Et ſanè quadripartitam anni ſeriem quadruplici nobilitavit nativitate, ita ut initia æſtatis natali Sancti Joannis inſignirentur & lætificarentur, autumnus primordia S. Virginis Dei Matris ortu illuſtrarentur & decorarentur; hyemis principium ipſius Filii Dei in filium hominis generatione ſanctificaretur & conſecraretur. Jam verno tempore creditisne ſuum deſſe natalem? minimè. Et hic glorioſo reſulget ortu; quando è ſepulchrali utero idem Filius Dei in ſimilitudinem hominum factus, (*Phil. 2.*) natus eſt ad æternitatem. Videte quàm gradatim hæ prodeant nativitates. Primum quidem, in æſtu & fervore iræ Dei erga genus humanum, apparuit diluculum gratiæ Joannes. Hoc fervore remiſſius agente, & Sole juſtitie vindicativæ in Virgine manſeſcente, progreſſa eſt Virgo Virginum Beatiffima, plena gratiã, Mater gratiæ, velut conſurgens aurora (*Cant. 6.*) jam majus adferens luminis incrementum. Tandem cum veniſſet plenitudo temporis, (*Galat. 4.*) ad plenum gratiæ diem, ortus eſt ex ea Sol Juſtitie (*Malach. 4.*) nos juſtificantis, rigorem juſtitie pænalis in ſe recipiens: Oriens nomen ejus. (*Zachar. 6.*) Hic denique abſoluto pænæ rigore per paſſionem & mortem ſuam, in reſurrectione aperuit nobis diem æternitatis, diem quàm fecit ipſe Dominus virtutum, (*Pſalm. 117.*) Rex gloriæ, (*Pſalm. 23.*) diem coeleſtis & ſupernæ illius in æterna gloria nativitatis. Ad quid ſervit tam frequens natalium recurſus? Nonne ad hoc, ut & nos ſemper ſacro hoc in gratia DEI renovemur natali? Jam ergò nativitas eſt hodie S. M. V. utique & noſtra eſt hodie nativitas. Non creditis mihi? Credite ſacro Eccleſiæ Doctore Hieronymo dicenti. Maria naſcitur & cum ea mundus renaſcitur; & Eccleſia ſuo ipſius decore circumdatur & ornatur. Renāſcimur proinde & nos, qui in mundo & Eccleſia continemur; nobis in Maria & per Mariam illuxit dies redemptionis novæ, reparationis antiquæ, felicitatis æternæ. Prius tollendum, quod eſt antiquum, ut ſequatur novum. Nox præceſſit, dies autem appropinquavit (*Roman. 13.*) per conſurgentem Auroram naſcentem Mariam. Magna affinitas Mariæ cum Aurora. Sicut aurora (ait D. Petrus Damiani) terminum noctis & diei principium adeſſe teſtatur; ſic & Virgo noctem expulit ſempiternam (addo ego) & diem attulit ſalutarem. Sicut aurora valdè rutilans in mundum progreſſa eſt Maria, lo-

quor

quor cum Mellifluo Patre nostro, quando veri Solis splendorem tanto claritatis jubare præcurristi, ut verè diem salutis dixerim, diem propitiationis, diem quam fecit Dominus, (*Psalm. 117.*) quam tuæ claritati initiari dignum fuit. Felix aurora felicitis diei extitisti nuncia. Talis dies talem diei decuit auroram. Rectè planè auroræ implevisti officium (continuo cum Mariophilo Bernardo) Ipse enim Sol Justitiæ (*Malach. 4.*) de te processurus, ortum suum quadam matutina irradiatione præveniens, in Te lucis suæ radios copiosissimè transfudit. Nunquid post ortum suum præcepisti diluculo, & ostendisti auroræ locum suum? interrogat Deus Job 48.) qui aliàs diei suæ maledicens inquit *cap. 3.*) Exspectet lucem & non videat, nec ortum surgentis auroræ; illa utique dies, in qua dictum est: natus est homo in mundum. Maledicta planè nativitas est, quā nascimur mundo non Deo, nec meretur illa dies tenebrosa Ægyptiaca caligine obscurata videre lucem & nostræ ortum auroræ. Redeo ad interrogationem Dei & Osee Prophetiam ipsi adjungo dicentis *cap. 6.*) Quasi diluculum præparatus est egressus ejus: & cum Richardo à S. Laurentio infero, quòd in hoc tangeretur utraque generatio, videlicet Christi & Mariæ. Præcepit enim Deus diluculo, id est B. V. & illuxit; & ostendit auroræ eidem Virgini Beatissimæ locum suum, ut terminaret tenebras & lucem inchoaret. Diluculum dicitur ortus Mariæ, quia fecit diluculum diei gratiæ, quia usque ad illam duravit nox peccati, quam prima mater, mater planè morientium non viventium (*Gen. 3.*) in mundum introduxit. Ab illa hora (ait Petrus Damianus) tenebræ factæ sunt super terram universam usque ad Virginem. Sed natâ Virgine surrexit aurora: quia Maria prima lucis bajula nativitate sua mane clarissimum serenavit. Scitis illam luctam Jacobi (*Gen. 32.*) matutinam Patriarchæ cum Angelo: figura fuit SS. Patrum luctantium cum Deo, precibus & lacrymis obtinere à Deo incarnationem Filii ejus nitentium. Propter Sion non tacebo (ait Propheta Isaias c. 62.) & propter Jerusalem non quiescam, donec egrediatur ut splendor justus ejus, & Salvator ejus ut lampas accendatur. Famosa lucta, diuturnus agôn, 4000. annorum concertatio, mox ad ortum auroræ cessavit. Dimitte me ô homo, dicit Deus *Gen. 32.*) cessa luctari, iam enim ascendit aurorâ. Nondum cessavit homo, expetit benedictionem à Deo; & Dominus dedit benignitatem, benedixit eum in eodem loco, (*Gen. 32.*) & terra dedit fructum suum, (*Ps. 84.*) benedicta virgineâ terra protulit benedictum fructum ventris sui, (*Luc. 1.*) & ecce jam gloriatur homo. (*Gen. 32.*) Vidi Dominum facie ad faciem. A facie Divinitatis ubi erat Deus (interpretatur Sol Doctorem Augustinus) ad faciem humanitatis, quam erat assumpturus, & salva facta est anima mea, quia ortus est statim Sol post benedictionem, ait Scriptura *Ibid.*) Nam reverà antequàm benedictionem dedisset Legislator, ut videretur Deus Deorum in Sion; (*Ps. 83.*) Deum nemo viderat unquam: (*Joan. 1.*) per illam autem benedicti-

Maledicta dies
in qua natus
sum.

Generatio
Christi & B.

Lucta Oratio-
nis pro Incar-
natione.

Facie ad Faciē

onem effectum est, ut nos visitaret Oriens ex alto & illuminaretur his, qui in tenebris & in umbra mortis sedebant, (*Lucæ 7.*) viderentque Deum nunc per speculum in ænigmate, postea autem facie ad faciem. (*1. Cor. 13.*) Sed unde ortus est Sol? (*Gen. 32.*) Ex ascendente & consurgente aurora Maria. Hinc fidei lumina, hinc radii gratiæ, hinc splendores gloriæ. Jam vidistis, arbitror, Fratres mei, per quam viam spargitur lux, (*Job. 38.*) nimirum per viam nativitatis sanctæ. Erigite animos, attollite oculos intellectus vestri ad speculationem ipsius Divinæ Majestatis. Quid primum in DEO? Nonne æterna Filii Dei generatio? Ego hodie genui te, dicit Pater *Psal. 2.* Nativitas est hodie Sanctæ Mariæ Virginis, canit Ecclesia, ut & nos hodie, id est quotidie renascamur & regeneremur. Sed in quo? In verbo DEI, ut simus factores verbi, (*Jacob. 1.*) ut generemus illud per sanctas cogitationes, per pias locutiones, per justas operationes. Quia si quis auditor est verbi & non factor, hic comparabitur viro consideranti vultum nativitatis in speculo, (*Jac. 2.*) venerunt filii usque ad partum, & virtus non est pariendi. (*Isaia 37.*) Nativitas nostra debet esse Mariæ, id est illuminatricis, ut abiciamus opera tenebrarum & induamur armis lucis sicut in die honestè ambulemus. (*Rom. 13.*) Debet esse Mariæ Virginis, id est Dominæ immaculatæ, ut dominemur passionibus nostris & simus sine maculâ peccati. Debet esse auroræ candidæ & rubicundæ, quia & ipse dilectus candidus & rubicundus, (*Cant. 5.*) ut sit in nobis candor puritatis & rubor charitatis in cogitatione, operatione & locutione. In hoc quidem sigillatim, quia lingua (teste Apostolo Jacobo *cap. 3.*) constituta est in membris nostris, quæ maculat omne corpus & inflamat rotam nativitatis nostræ inflammata à gehenna. In cogitatione verò & operatione necesse est facere fructum nativitatis. (*Psal. 106.*) Arbor enim non ferens fructum excindetur, & in ignem mittetur. (*Matth. 3.*) Tunc benedicet nobis DEUS & multiplicabimur in gratia Dei, in qua verbum Dei observantes, potissimum tenemur semper renasci; ut efficiamur quasi modò geniti infantes, (*1. Petr. 2.*) de quo aliàs. Jam verò nemo assumit nova, nisi qui deponit vetera; nemo nascitur, nisi qui deserit secretum uteri obscurum & venit in lucem. Nemo vivet in bono, qui non moritur malo. Inde dicit Sapiens *Eccles. 7.* meliorem esse diem mortis, nempe quàm morimur mundo, morimur carni, morimur passionibus & concupiscentiis nostris, ut cum renascente per resurrectionem Christo, nos quoque ad meliorem vitam in DEO & cum DEO renascamur. Melior ergò est talis dies mortis die nativitatis, quàm nascimur in mundum, (*Ibid.*) sicut mundani homines, ut mundo vivamus. Hujus nativitatis fructus, non pascunt homines, (*Sap. 16.*) sed occidunt. Sermo autem Dei eos, qui in ipsum crediderint, conservat, (*Ibid.*) in quo est vera nativitas, vera dies, vera lux, vera salus. Nativitas est hodie

S. Ma-

Verbum DEI.

Puritas.

Charitas.

Lingva maligna.

Melior est dies mortis die Nativitatis.

S. Mariæ V.
pertum, pri
one felicit
rare Deum
natus est m
sto per auct
separari. C
luce suâ pra
Deus Pater
ex utero au
B nativitatis
uterus, luc
ni aurora
Sol per auro
re facit fru
quæ statu
nostrâ, pro
temus &
ut hic part
bo veritati
C in profectu
diernam, q
transferam

Se

Nisi co

Umm
vitae
suam
excelsus est
nihilum re
erudiens i
(*Psal. 35*)
nuitate:
(*Marci*)
Sinite par
cet Docto
celorum
bis, (*Isa*

S. Mariæ Virginis, in qua oportet nos prævenire solem, id est juxta Rupertum, prius ad Mariam venire, quam ad Solem justitiæ pro benedictione felicitis nativitatis nostræ obtinendâ, & ad ortum lucis debemus adorare Deum, id est gratias agere DEO de ortu Mariæ, per quam illuminatus est mundus. Lumen & gratia præveniens, provenit à Sole Christo per auroram Mariam; neque enim à luce Solis auroræ lux potest separari. Gaudet justitiæ Sol (*Malach. 4.*) præveniri à nobis, qui nos luce suâ prævenit per Mariam. Ex utero ante luciferum genui te, dicit Deus Pater ad Filium (*Pf. 109.*) Hebræus textus legit; ros nativitatis tuæ ex utero auroræ est: vel juxta Pagninum; ex utero ad auroram fuit tibi ros nativitatis tuæ. Jam Isaias asserit: (*cap. 26.*) ros lucis, ros tuus. Auroræ ergo uterus, lucis uterus est, & promus condus roris. Ex aurora & in finem auroræ Sol nascitur, licet à Sole ipsa & lucem accipiat & naturam: & Sol per auroram distillat rorem, quo terra fecundata subsequente ejus calore facit fructus nativitatis. Ab hac Aurora & nos pro nobis & pro utroque statu Politico & Ecclesiastico, pro Ordine nostro ac speciatim Olivâ nostrâ, pro animabus agone extremo vel igne purgatorio pressis impetremus & lucis profluvia, & roris stillicidia, & caloris solaris fomenta, ut hic participantes de nativitate Joannis, Mariæ, & Christi; geniti verbo veritatis, (*Jacobi 1.*) renati in gratia Dei, semper simus Orientes in profectu & incremento luminis operum bonorum, donec ad illam hodiernam, quia æternam, semper præsentem, quâ in Dei lumine nascemur, transferamur nativitatem.

Ad Jesum per Mariam.

Generatio Dei filij.

Sermo in festo S. Michaelis & susceptione octo Novitiorum.

Nisi conversi fueritis & efficiamini sicut parvuli, non intrabitis in regnum cœlorum. Matth. 18.

Summa Dei misericordia erga nos manifestata est in eo, quod parvitatem imò nihilum nostrum sic dignatus sit respicere, ut illud ad suam magnitudinem sublimaret. Affectavit hanc primus homo, excelsus esse voluit sicut Deus; parvus factus est per peccatum, imò ad nihilum redactus est, & nescivit. (*Psal. 72.*) Venit Sapientia DEI erudiens illum, (*Tit. 2.*) ut sciret & intelligeret, quomodo bene ageret, (*Psal. 35.*) sublimitatem regni cœlorum quærendo in parvulorum tenuitate: reducit hominem ad statum infantiae, & vocat illum ad se: (*Marci 10.*) si quis est parvulus, veniat ad me. Ita planè asserit *Ibid.*) Sinite parvulos ad me venire, talium est enim regnum cœlorum; & docet Doctor parvulorum, Magister infantium: nonnisi parvulis regnum cœlorum conferri. Ille utique, qui non tantum parvulus natus est nobis, (*Isaia 9*) sed semper parvulus permansit, nimirum mitis & humilis

Parvulorum exaltatio.

Qq

corde.

(*Matth. II.*) Ille puer parvulus minans & ducens gregem parvulorum, (*Isaia II*) de quo Deus per Prophetam Jeremiam *cap. 49*) Ecce parvulum dedi te in gentibus, contemptibilem inter homines. Ille, qui minimos facit in mille & parvulos in gentem fortissimam. (*Isaia 60.*) Sed observandum nobis est, quod converti nos velit ad statum parvulorum dicens antea, quod oporteat nos nati denuo. (*Joan. 3.*) Si ergo sumus renati & planè regenerati per gratiam Dei, debemus effici sicut parvuli, ut normam status nostri à parvulis accipiamus. Quomobrem, quales sunt parvuli, attendamus. Primum quidem timor ipsis innatus est, ut facile pavore corripiantur. Nonne juxta Sapientem (*Prov. 28.*) Beatus, qui semper est pavidus? videlicet ne Deum vel in minimo offendat. Timor enim Domini expellit peccatum. (*Eccli. 1.*) Quomodo proinde miseretur pater filiorum, misertus est Dominus timentibus se, quoniam ipse cognovit figmentum nostrum, (*Psal. 102.*) imperfectum nostrum viderunt oculi ejus: (*Psal. 138.*) novit infirmitatem parvulorum, & idè oculi Domini super timentes eum. (*Pf. 32.*) Inde sequitur, quod parvuli sint in tutela parentum suorum. Et quæ major protectio quàm Dei? Portavit te Dominus Deus tuus, dicit Moyses ad populum Israeliticum, (*Deut. 1.*) ut solet homo gestare parvulum filium suum in omni via, per quam ambulasti. Quàm bonum in protectione Dei coeli commorari (*Psal. 90.*) velut infantem! Sed necesse est ita esse resignatum, ita morigerum & ad omnem nutum obedientem, ita ejus regimini & beneplacito esse subjectum, quemadmodum parvulus est resignatus, obediens & subditus parentibus suis; tunc erit custodiens parvulos Dominus. (*Pf. 114.*) Nota quoque omnibus est virtus simplicitatis in infantibus; non est in ipsis duplicitas: corde & cordonon loquuntur, (*Psal. 11.*) nec habent linguam dolosam, neque venenum aspidum sub labiis eorum; (*Psal. 13.*) & exinde fit, quod Dominus sapientiam præstat parvulis, (*Pf. 18.*) dat intellectum (*Pf. 118.*) imò quæ abscondit à Sapientibus, parvulis revelat. (*Matth. II.*) Dum Salomon de se dicit *3. Reg. 3.*) Ego sum puer parvulus & ignorans ingressum & introitum meum, datur ipsi sapientia omnimoda, illa sedium Divinarum assistrix, (*Sapient. 9.*) assistens illi & cum illo existens & laborans, ut sciret quid acceptum esset coram Deo omni tempore. (*Ibid.*) Jam verò quod ab aliis omnibus vitiis liberi sint parvuli, quis ignorat? non æmulantur, non sunt ambitiosi, non agunt perperam, non inflantur, non quærunt quæ sua sunt; (*1. Cor. 13.*) non concupiscunt, nullo iracundiæ impetu feruntur, invidiâ haud laborant, rancorem nullum foveant, pacifici sunt & mansueti, ab omni odio & dissensione alieni. Et quæ major virtus esse potest Christianorum, quàm talis parvulorum? Sigillatim tamen Sapientia æterna reflectit se ad virtutem humilitatis in parvulis, quam vel staturâ suâ declarant. Idcirco ait *Matth. 18.*) Quicumque humiliaverit se sicut parvulus iste, hic est major in regno coelorum.

Videte

Quales Tar-
vult

Timor DEL.

DEI protectio.

Obedientia.

Simplicitas.

Sapientia.

Paritas.

Humilitas.

Videte Sa-
Samuel
in oculis
milis Dei
stram agn-
scamus tel-
mus ullas
culemus
(1. Mac-
non habe-
dissimo;
Archange-
depressus
esse parvu-
quisque a
facile resu-
(Prov. 24)
Sed resipi-
facere, (3)
sufficienti
cem vagi
emittere.
in hac va-
crymam,
pilla oculi
crymis str-
ab oculis
tergat.
tandum,
iisque str-
stem &
mus, am-
diabolum
(Proverb-
mur ater-
vis potiùs
sponder
ad vitam
portæ an-
pter cam-
sire per f-
nò beati
(Matth

A Videte Saulem propter inobedientiam postea reprobatum, & audite Samuelem ipsi exprobrantem *1. Reg. 15.*) Nonne cum parvulus esses in oculis tuis, caput in tribubus Israel tactus es? Omnino parvulos humilis Deus exaltat, & facit maiores. Necessse est, ut parvitatem nostram agnoscamus, sub potenti manu Dei humiliemur, (*1. Petr. 5.*) agnoscamus semper imperfectiones nostras, ante omnia autem non faciamus ulla excusationes in peccatis, (*Psal. 140.*) sed potius semper accusemus nos in conspectu Dei, & tunc miserebitur nostri Dominus, (*1. Mach. 4.*) & ille accusator fratrum hostis antiquus (*Apoc. 12.*) non habebit locum in nobis, qui etiam se exaltans similis voluit fieri Altissimo; (*Isaia 14.*) sed virtute Dei per ministerium Divi Michaelis Archangeli extollentis Deum & dicentis, Quis ut Deus? humiliatus & depressus à summo ad infimum, à coelo ad infernum detrusus est, quia noluit esse parvulus humilis, nec voluit resipiscere. Credo, quod in parvulis quisque advertat magnam fragilitatem & debilitatem; facile cadunt, nec facile resurgunt, nisi adjuventur. Ita sanè si septies in die cadit iustus, (*Prov. 24.*) quidni nos peccatores in multis offendimus omnes? (*Jac. 3*) Sed resipiscendum nobis est cum Dei adjutorio, sine quo nihil possumus facere, (*Joan. 15.*) nec adicere ut resurgamus; (*Pf. 40.*) quia omnis nostra sufficientia ex ipso est. (*2. Corinth. 3.*) Tunc tenemur cum parvulis vocem vagientis, vocem plangentis, vocem gementis per poenitentiam emittere. Status noster, status est gementium & fientium filiorum Evæ in hac valle lachrymarum, (*Psal. 83.*) ita ut deducant oculi nostri lachrymam, quasi unam continuam per noctem & diem, & non taceat pupilla oculi nostri (*Jerem. 14.*) à ploratu & ejulatu parvulorum, rigans lacrymis stratum (*Psal. 6.*) conscientiae nostrae, donec misericordia Dei ab oculis nostris lacrymas abstergat, (*Apoc. 21*) ab anima maculas detergat. Est adhuc unum, quod in parvulis notandum nobis & imitandum, quod scilicet patrem tantum & matrem agnoscant, ament, iisque strictim adhæreant, ab alienis alieni: virtus quâ Patrem coelestem & Matrem terrestrem Ecclesiam, Religionemq; Sacram agnoscamus, amemus, iisque solis adhæreamus; ad alienos, mundum, carnem, diabolum, quos deseruimus, nunquam transeamus; quia juxta Sapientem (*Proverb. 27.*) parvuli transeuntes sustinuerunt dispendia, & nos patemur æterna. Sed liceat mihi ô summa Veritas inquirere, quare nos vis potius habere parvulos quàm magnos ad ingressum coelorum? Respondet nobis *Matth. 7.*) quia via arcta & porta angusta, quæ ducit ad vitam. Facilius ergo parvuli transeunt per viæ arctitudinem & per portæ angustiam. Fortassè paupertatem à nobis requirit. Eapropter camelum asserit *Matth. 19.*) funem illum nauticum facilius transire per foramen acûs, quàm divitem in regnum coelorum. Ita omnino beati pauperes spiritu, quoniam ipsorum est regnum coelorum: (*Matth. 5.*) & hi sunt verè parvuli, nudi, nihil habentes, nisi quod

Saul inobediens
reprobatur.

Victor Michael.

Status Penitentia.

Parvuli ab alienis alieni.

Regnum Coelorum per Parvulos.

Parvuli spiritus.

Ad Aspirantes.

ipsis datur. Ecce in forma parvulorum, norma vivendi Christiana, multò magis religiosa. Ad hanc vos octo novi Ordinis nostri Sacri Cisterciensis candidati acceditis. Videte, curate, satagite, ut tales parvuli efficiamini, quales vobis representavi, ut per hanc parvulorum perfectionem possitis unà nobiscum intrare in regnum coelorum. Fiat, fiat.

Sermo in festo Sanctæ Ursulæ.

Media nocte clamor factus est, ecce Sponsus venit, exite obviam ei. Matth. 25.

Reliquie SS.

Ursula anag.
Laurus.Flores Ecclesiæ
Virgines.

Sponsa Christi.

Incerta Mors
in hora.

Mors Nox.

Nox festi Di-
ni.

UNdena Virginum millia hodie martyrio coronatarum, quarum Reliquiis Ecclesiæ nostra honoratur, animant nos ad aliquid de iis dicendum, P. R. F. D. Et licet dignâ mente ac eloquio eas celebrare minimè valeamus, humilibus tamen ex mente Sanctæ Matris Ecclesiæ sermonis & devotionis obsequiis prosequi tenemur. Quàm triumphalem gloriosi agonis Laurum nomen Ursulæ hic præfere! Quàm speciosi flores Ecclesiæ, quasi Lilia & quasi Rosæ, plantati super rivos aquarum, super fluentia gratiarum Dei radicati, flores dantes odorem & frondentes in gratiam, (Eccli. 39. in terra quidem nati sed hodie ad coelestem translati paradysum conspiciuntur! Veræ Christi Sponsæ, qui primò tanquam sponsus procedens de thalamo (Psalm. 18.) Paterni sinûs ad thalamum uteri Virginei, desponsavit sibi solennibus nuptiis Sponsam naturam humanam, & in ea sigillatim Ecclesiam, quam sanguine suo acquisivit. (Actor. 20.) In hac demùm prima & principalis Sponsa est ipsa Mater Regina stans à dextris ejus in vestitu deaurato circumdata varietate, (Psalm. 44.) per quam & post quam adductæ sunt Virgines Sponsæ filia Sion, filia Jerusalem, (Cant. 3.) ubi adolescentularum non est numerus. (Cant. 6.) In hac magna societate Sponsarum Christi non postremum obtinet locum S. Ursula Regina cum undecies milleno Virginum collegio, quæ hodie cum lampadibus igne martyrii accensis exierunt obviam Sponso Christo Domino (Matth. 25.) & sponsæ illi coelesti Jerusalem, Ecclesiæ videlicet triumphanti, quæ utiq; sponsa est, uxor Agni tanquam sponsa ornata viro suo; (Apoc. 21.) & illuc pervenerunt ad nuptias Agni (Ibid.) in consortium Virginum coelestium, spirituum Angelicorum. Mediâ nocte vocatæ & excitatæ, quia insperatè, exinopinatò venit hora mortis, venit filius hominis Sponsus, (Luc. 12.) quâ nescimus & quâ non putamus horâ. (Matth. 25.) Media nocte, ubi dicit Sponsus Apoc. 14.) ut requiescamus à laboribus nostris. Venit enim nox mortis, in qua nemo poterit operari: (Joan. 9.) quia tunc opera antea acta sequuntur nos. (Apoc. 14.) Sed sponsis nostris nox sicut dies illuminata fuit. (Psalm. 138.) Dormierunt somnum suum, (Psalm. 75.) & nox fuit illuminatio in deliciis coeli: (Psalm. 138.) neque enim earum nox, earum mors obscurum quid habuit, sed tota in luce

A luce Sponsi clarescebat. Ecce Sponsus venit, (*Matth. 25.*) tunc susci-
piens, complectens, & uniens sibi Sponsas dilectissimas : venit tunc al-
liciens unamquamque earum & facie decora, & voce dulci inclamans
(*Cant. 4.*) Veni de Libano virginei candoris sponsa mea. Gaudebat
tunc Sponsus super sponsam & gaudebat super ipsas Deus earum. (*Isaia*
62.) Ecce Sponsus venit: *Matth. 25.*) dicens unicuique ex illis: (*Cant.*
4.) vulnerasti cor meum, vulnerata charitate meâ, vulnerata martyrio.
Veni in hortum meum soror mea sponsa: (*Cant. 5.*) quia & tu hortus con-
clusus es, (*Cant. 4.*) in quem serpentis suggestio non penetravit. Exite, egre-
dimini de cubili vestro, de thalamo vestro sponsæ. (*Joel. 2.*) Egredimi-
ni filia Sion & videte prius Regem Salomonem in diademate passionis,
quo coronavit eum Mater sua Synagoga in die desponsationis illius,
(*Cant. 3.*) quando in cruce profluvio sanguinis & aquæ ex corde Evam
alteram velut costam è latere eductam Ecclesiam sibi desponsavit. Exi-
te obviam ei. (*Matth. 25.*) Quid vobis videtur? Nonne sponsus san-
guinum (*Exodi 4.*) hic vobis est, qui pretio magno, pretioso sanguine
vos sibi emit, redemit & desponsavit? O gravis & amara dies despon-
sationis hujus, sed hæc erat lætitia cordis illius proposito gaudio sustinens
crucem, (*Hebr. 12.*) ut & vos tanquam hilares datrices tollentes cru-
cem vestram exeatis obviam sponso Salvatori vestro. Ita est: exierunt
C felicissimè Virgines nostræ Martyres coronatæ, ut duplici Virginitatis
& Martyrii laureolâ redimirentur: & factæ sunt corona gloriæ in manu
Domini & diadema regni in manu Dei nostri. (*Isaia 62.*) Veræ Christi
Sponsæ ornatae monilibus ejus & suis, (*Isaia 61.*) per gratiam & meri-
tum. Beatus illarum per obitum exitus, quia à morte ad vitam æternam
transitus, ex vita temporali ad felicem æternitatem abitus. Reliquerunt
hic sacras exuvias, quarum & nos participes sumus, monumentum
transacti fortiter ac generosè certaminis ad nos animandos, ut earum
vestigiiis insistamus & bonum certamen certemus. (*2. Timoth. 4.*)
Nec arbitremur sexui earum nomen sponsæ duntaxat convenire, conve-
nit & nostro. Quid enim animæ nostræ sunt, nisi Sponsæ Christi? O uti-
nam tales! utique si in baptismo desponsatæ datam semel fidem serva-
verunt, vestem nuptialem innocentiae non perdiderunt, con-
stantes in puritate & castitate sua permanserunt. Sed quodsi reperian-
tur animæ nostræ sponsæ adulteræ, quid faciemus? Loquitur de qua-
dam Deus per Prophetam Jeremiam *cap. 2.*) In omni colle sublimi va-
nitatis mundanæ, & sub omni ligno voluptatis carnalis tu prosterneba-
ris meretrix. Infelix anima derelinquens Dominum Deum suum & non
habens timorem Dei ante se, excutens sive jugum Sponsi dicens: *Ibid.*)
non serviam. Infelicior perseverans in malitia sua, veniens in profundum
peccatorum & contemnens, (*Prov. 18.*) cui frons meretricis facta & ne-
scit erubescere. (*Jerem. 3.*) Quid tamen sponsus Deus ad talem animam?

Rt Media

Hortus con-
clusus.

Diadema
Passionis.

Sponsus Sano
Sanguine.

Gloria Cale-
stia.

Reliquiae SS.

Anima Spon-
sæ Christi.

DEI Misericordia in peccatores.

Vocatio, ad Penitentiam.

Media nocte peccati clamor factus est: (*Matth. 25.*) ecce Sponsus venit, exi obviam ei. Tu fornicata es cum amatoribus multis, tamen revertere ad me, dicit Deus (*Jerem. 3.*) Ergo saltem amodò voca me; Pater meus, dux virginitatis meae Tu es (*Ibid.*) O bonitas! ô misericordia! ô amor Dei patientis, Dei vocantis, Dei dissimulantis peccata hominū propter poenitentiam! (*Sapient. 11.*) Quousque deliciis dissolvêris filia vaga, (*Jerem. 31.*) anima peccatrix? Convertere ad Dominum Deum tuum. (*Jer. 4.*) Quoties venit tibi obviam misericors & miserator Dominus, (*Psal. 110.*) & tu non vadis obviam ei? Exi tandem, vocanti obviam, exi de terra tua, de cognatione tua; (*Gen. 12.*) exi de ergastulo corporis tui, quod terra est; exi de conversatione mundana & seculari: surge, propera; (*Cant. 2.*) exurge à mortuis, peccatis nempe mortalibus, & illuminabit te Christus (*Ephes. 5.*) Sponsus tuus. Sequere Sponsum sanguinum, (*Exodi 4.*) mundo, carni, diabolo, ad sanguinem usque resistendo; carnem tuam crucifigendo cum vitiis & concupiscentiis tuis. (*Galat. 5.*) Vigila, in omnibus labora, repara dies male actos vitae tuae perejus emendationem. Viriliter age, (*Psal. 26.*) noli dormire præ tædio, (*Psal. 118.*) ne postquam veniat Sponsus, & tu non adsis, vel absit à te oleum gratiae Divinae, & tunc claudatur janua regni coelestis. Vae nobis! si dixerit nobis Sponsus: (*Matth. 25.*) nescio vos. Vocavi & tenuistis: Ego quoque in interitu vestro ridebo. (*Prov. 1.*) Eapropter sit oleum semper in lampadibus nostris, oleum devotionis, quo ignis amoris Divini semper ardeat in nobis, & nunquam extinguatur. (*Levit. 6.*) Sint lumbi nostri ad exemplum SS. Virginum præcincti per castimoniam disciplinam; sint & lucernae ardentes in manibus nostris, (*Luce 12.*) ut luceat lux nostra coram Deo & hominibus, & videant opera nostra bona, ut glorificetur in nobis Deus. (*Matth. 5.*) Spiritus noster & anima nostra Sponsa, dicat semper Sponso: (*Apoc. 22.*) Veni Domine JESU, ut in media nocte mortis nostrae audire mereamur clamorem: (*Matth. 25.*) ecce Sponsus venit, venite cum illo ad requiem æternam.

Sermo in festo omnium Sanctorum.

Merces vestra copiosa est in caelis. *Matth. 5.*

Ecclesiae Militantis cum triumphante communitio.

Quàm jucunda connexio Ecclesiae militantis cum triumphante! Quàm amabilis conjunctio illorum, qui ex fide vivunt; (*Rom. 1.*) & iustorum, qui in manu Dei sunt & in perpetuum vivunt! (*Sap. 5.*) Quàm frivis unio eorum, qui secundum propositum vocati sunt sancti; (*Rom. 8.*) & eorum, qui in coelis regnant! Est autem per hodiernam festivitatem, quā recolentes eorum gloriosam post temporalis vitae labores in æterna vita mercedem, nos quoque animamur ad labores similiter perferendos, stimulamur ad æternam mercedem requiren-

quirendam. Nos quidem in via, illi in Patria; nos in cursu, illi in termino. Illis jam reddidit Deus mercedem laborum suorum, (*Sapient. 10.*) & inde sicut lætantium omnium habitatio est in Sion: (*Psal. 86.*) nobis autem merces est in promissione, quoniam copiosa est in coelis; (*Matth. 5.*) ac ideo laborandum nobis est, non cum tristitia sed cum lætitia, velut hilares datores (*2. Corinth. 9.*) faciunt, ut condignam mercedem percipiamus. Si enim volentes, id est libenter & gaudentes agimus, mercedem habebimus. (*1. Cor. 9.*) Illi igitur mercedem possident, nos speramus, & ad illam aspiramus. Sciendum tamen est, quod testimonio Apostoli (*1. Cor. 3.*) unusquisque propriam mercedem accipiet secundum suum laborem. Labor parvus, merces parva; labor magnus, merces magna. Eapropter idem Apostolus, qui ait (*1. Cor. 15.*) abundantius omnibus se laborasse, monet; (*Gal. 6.*) ut quamdiu tempus habemus, operemur bonum ad omnes, & ut bonum facientes, non deficiamus sed proficiamus; tempore enim suo metemur non deficientes: sic curramus, ut comprehendamus. (*1. Corinth. 9.*) Sed dicet aliquis: Nonne & illi primi, qui primo mane venerunt, ut operarentur in vinea Domini portantes pondus diei & æstus, (*Matth. 20.*) & hi novissimi circa undecimam venientes & unâ horâ laborantes, dum cunctis redderetur merces, acceperunt singulos denarios? (*Ibid.*) Æqualis proinde merces dari videtur & plus & minus laborantibus. Ita est: idque primariò. Et quæ hæc merces? Nulla alia nisi Deus, qui uti Abraham primo Patri credentium promisit: (*Gen. 15.*) Ego protector tuus & merces tua magna nimis: ita de veniente ad nos Salvatore dicit apud Prophetam Iaiam *cap. 40.*) Ecce merces ejus cum eo, & opus illius coram illo: ita demum ad iudicium properans Ipsemet de se inquit in *Apoc. cap. 22.*) Ecce venio citò, & merces mea mecum est, reddere unicuique secundum opera sua. Est ergo Deus merces nostra primariò copiosa in coelis; (*Matth. 5.*) est tamen secundariò communicans se diversimodè & reddens cuivis iuxta opera sua. (*Matth. 16.*) Opus majus, communicatio major: labor multus, merces multa. Nonne sicut stella differt à stella in claritate, ita erit resurrectio mortuorum? (*1. Cor. 15.*) Pater luminum (*Jacobi 1.*) habitans lucem inaccessibilem (*1. Timoth. 6.*) illuminabit omnes, accendet omnes; sed lucernæ differentes differenter illuminabuntur, differenter accendentur. Videamus ipsas Hierarchias Angelicas. Nonne omnes vident faciem Patris, qui in coelis est? (*Matth. 18.*) Haud dubiè. Sunt tamen gradus inter illas, sunt remotiores, sunt propinquiore, omnes de eodem lumine gloriæ participant, sed diversimodè. Vidit Isaias *cap. 6.*) stantes juxta thronum Seraphinos, id est inflammatos & ardentes: vidit Ezechiel *cap. 10.*) stantes Cherubinos, id est illuminatos & lucentes, imò sedentem super Cherubim Dominum & volantem, quia sapientiâ & scientiâ Dei summe præditi & amore DEI summe accensi viciniore sunt Majestati. Quid dicam de Thronis ipsis, de Principatibus & Po-

Merces laborū

Deus Merces magna.

Grades Gloriæ hominum et Angelorum.

Talēta varia.

Vasa gloriæ.

Profectus spi-
ritualis cum
sepe verantis.

Humilitas.

testatibus? de Virtutibus & Dominationibus? de Angelis atque Archangelis? Ipsa diversitas nominum diversitatem designat meritum & dignitatum. Idem dicendum de hominibus, ubi uni dantur talenta quinque, alteri duo talenta, alii verò unum: unicuique secundum propriam virtutem. (*Matth. 25.*) Recepit ille decem mnas & lucratur alias decem, & accipit potestatem super decem civitates. (*Lucæ 19.*) Alter quinque percipit mnas, lucratur alias quinque & ponitur super quinque civitates, (*Ibid.*) & sic de reliquis. Unicuique datur gratia secundum mensuram donationis Christi, (*Eph. 4.*) ita & gloria. Omnes erimus vasa gloriæ, (*Rom. 9.*) sed & inter ipsa vasa datur differentia. Replebuntur omnia ab ubertate domus DEI, (*Psal. 35.*) sed unumquodq; juxta capacitatem suam. In domo DEI mansiones multæ (*Joan. 14.*) & diversæ sunt. Habitat tamen in omnibus Deus & inambulat in eis & est Dominus Deus illorum in perpetuum. (*2. Cor. 6.*) Sic ergò seminanti justitias, quantò plures, tantò melius, cum imperetur (*Apoc. 22.*) qui justus est, justificetur adhuc; & qui sanctus est, sanctificetur adhuc; seminanti, inquam, justitias, erit merces fidelis. (*Prov. 11.*) Omnes, qui fideliter obediunt, dignam pro fide recipient mercedem. (*Esth. 16.*) Rectè monet Sapiens: (*Eccli. 18.*) Non impediari orare semper, & ne verearis usque ad mortem justificari; quoniam merces Dei manet in æternum. Et alibi exhortatur ad fidem: (*Eccli. 2.*) Qui timetis Dominum, credite illi & non evacuabitur merces vestra. Aliàs quoque ad laborem animat: (*Eccli. 51.*) Operamini opus vestrum ante tempus, id est tempestivè & dabit vobis mercedem in tempore suo, illò æternitatis sine tempore, quia sine fine. Interea laborem nostrum etiam maximum non magni æstimemus. Modicum & leve tribulationis nostræ æternum gloriæ pondus operatur. (*2. Cor. 4.*) Modicum laboravi, ait Sapiens (*Eccli. 51.*) & inveni mihi multam requiem. Ita est apud illum, apud quem copiosa erat redemptio, (*Psal. 129.*) copiosa quoque merces est pro modico labore, multa requies, mensura conferta, coagitata, supereffluens, (*Lucæ 6.*) gaudium plenum & perfectum. (*2. Joan.*) O quàm magnà multitudine dulcedinis suæ (*Psal. 30.*) DEUS parva nostra opera recompensat! Vos ergò confortamini, loquor verbis Scripturæ 2. *Paral. 15.*) & non dissolvantur manus vestræ; erit enim merces operi vestro. Dignus erit operarius mercede suâ. (*1. Tim. 5.*) Caveamus tamen, ne hic justitiam facientes, vel jejunantes, vel orantes, vel eleemosynam dantes, ut videamur, mercedem ab hominibus recipiamus: alioqui apud Patrem cœlestem mercedem non habebimus. (*Matth. 6.*) Qui enim tales mercedes congregat, mittit eas in sacculum pertusum, juxta Aggæum *cap. 1.*) imò omnes tales mercedes comburentur igne. (*Mich. 1.*) Videte ergò vosmetipsos, monet dilectus JESU discipulus *cap. 2.*) ne perdatis, quæ operati estis, sed ut mercedem plenam accipiatis. Cuxemus autem etiam minima bona opera

- A opera agere; quia etiam calix aquæ frigida datus indigenti, non perdet mercedem suam: (*Matth. 10.*) quidni receptio iusti, mercedem iusti accipiet? quidni dilectio inimicorum, (*Matth. 9.*) beneficium illis exhibitum, mutui datio (*Ibid.*) nihil inde sperando, multam mercedem merebitur? Hoc tamen notandum, quod uti iustis apud Dominum est merces eorum (*Sapient. 5.*) per præmia æterna, ita impii mercedes iniquitatis portabunt, (*Eccli. 30.*) mercedem erroris sui in semetipsis recipientes (*Rom. 1.*) per poenas æternas; in corruptione sua peribunt percipientes mercedem iniustitiæ. (*2. Petri 2.*) Omnis enim prævaricatio & inobedientia accipiet justam mercedis retributionem. (*Hebr. 2.*)
- B Cum igitur ingratus labor hic, quem præmia nulla sequuntur; ita gratissimus debet esse hic, quem præmia magna sequuntur. Ac proinde non in vanum laboremus; (*Psal. 126.*) laboremus sicut boni milites Christi, (*2. Timoth. 2.*) laboremus sustinentes, (*Jerem. 6.*) labor improbus omnia vincet; labor habet finem, merces sine fine; finiti ad infinitum nulla est proportio. Et quia nemo libenter gratis laborat, laboremus pro mercede eaque æterna. Ecce merces bonorum operantium clamat in coelum, (*Jacob. 5.*) & Pater, qui in coelis est, (*Marc. 11.*) audit & reddet illam. Illa planè merces, ait Divus Legislator noster in Regula, nobis à Domino recompensabitur, quam ipse promissit, quod oculus non vidit, nec auris audivit, nec in cor hominis ascendit, quæ præparavit DEUS his, qui diligunt eum; (*1. Corinth. 2.*) & hi sunt, qui laborantes non laborant. Dilectio enim omnem laborem etiam maximum facit levem. Sicut Patriarchæ Jacobo septem quoque anni videbantur pauci dies præ amoris magnitudine: (*Genes. 29.*) ita nobis leve iugum Domini & onus leve (*Matth. 11.*) amor Dei efficiet, ut legitime certantes (*2. Timoth. 2.*) bonum semper operantes (*Galat. 6.*) & in eo proficientes, magnam nobis apud Deum laborum & meritorum mercedem congregemus in eo, qui est Sanctus sanctorum (*Daniel. 9.*) Christo Jesu, in quo utraque Ecclesia militans & triumphans unita, perennem mercede coronatur. Huic omnium Sanctorum Remuneratori supplicemus, ut intuitu eorum, utrique statui, Ecclesiastico & Politico sigillatim Ordini nostro & Olivæ nostræ, omnium peccatorum veniam indulgeat, omnium gratiam conferat meritorum, ac demum gloriam impertiatur æternam.
- D

Cura minimorum.

Amor inimicorum.

Merces peccati.

Adhortatio ad laborandum.

Nihil emantibus durum.

Sermo in die Animarum.

Misericordiam DEI & vestram, Fratres mei, imploro pro Animabus in igne purgatorio detentis. Auditisne gemitus ad vos clamantium? (*Job. 19.*) Misereamini nostri saltem vos amici nostri. Videtisne, quomodo manus Divinæ iustitiæ illas tetigit? Agnoscitisne, quantis crucientur doloribus & tormentis? Creditisne, quod

Pathetica ad juvandas in Purg. Animas adhortatio.

Miseria Purgatorij.

Pena damni.

Charitas.

Oratio, Jejunium, Eleemosyna, Missa.

non sit illis adjutor (*Psal. 108.*) præter nos? Illa patiens Ecclesia Christi, quæ ex Ecclesia militante transmigravit & est in viâ ad triumphantem constituta in tenebrosis & in umbra mortis, (*Psal. 87.*) proprio destituta auxilio ad nos suspirat gemens & ejulans, nostrum requirit adiutorium. Qui obturat aurem suam ad clamorem pauperis, & ipse clamabit & non exaudietur, (*Prov. 21.*) imò iudicium erit illi sine misericordia, qui non facit misericordiâ. (*Jac. 2.*) Et quis pauperior animâ purgante, imò quis miserior? quis afflictior? Imaginemini vobis hominem nudum, jacentem, cæcum, surdum, paralyticum, sine motu non tamen sine sensu, imò simul & semel, dolores capitis, oculorum, dentium, stomachi, iliacos, colicos, sciaticos, calculi, chiragræ, podagræ, dolores parturientium intrinsecus patientem, insuper in tenebris, in angustiis, in factoribus, in terroribus, & in horroribus positum, fame & siti enectum; extrinsecus variis ignis & frigoris, nec non diversorum tormentorum generibus in omnibus membris suis excruciatum; quid vobis videtur? Nonne hic congeries omnium miseriarum, confluxus omnium afflictionum, si adhuc non sit, qui misereatur ipsius, (*Psal. 108.*) malorum abyssus? Sed hæc nec umbra sunt eorum, quæ animæ purgantes patiuntur, idque super omnia per pœnam damni, quâ premuntur & constringuntur, ideò quòd visione Dei beatificâ priventur. Agnoscunt enim lumen illud Bonum, anhelant ad centrum suum, Deum authorem suum, à quo & ex quo prodierunt: vim patiuntur, violenter detinentur. Et his opitulari nemo potest præter nos. Qui viderit fratrem suum indigentem & clausit viscera sua ab eo, quomodo charitas Dei est in illo? (*1. Joan. 3.*) Nec DEI charitas est in eo, qui creaturæ ejus miseræ non misereatur, nec proximi dilectio, qui fratri suo patienti non compatitur, non condolet, nec fert opem cum possit. Induite viscera misericordiæ, super omnia autem charitatem habete, quæ est vinculum perfectionis, imperat Apostolus (*Coloss. 3.*) Hæc nos DEO, hæc nos proximo vincit & unit: sed si in solo affectu absque effectu subsistit, nulla est. Operosa sit, operibus se patefaciat, necesse est. In hoc cognoscimus charitatem Dei, quoniam ille animam suam pro nobis posuit & hanc maiorem charitatem nemo habet, & nos debemus pro fratribus animas ponere, docet dilectus JESU Discipulus. (*Ep. 1. cap. 3.*) Sed quomodo? Ut sicuti nihil charius, nihil pretiosius animâ suâ quisque habet, ita quidquid reperit charum, gratum, pretiosum, impendat fratribus suis indigentibus. Quatuor sunt, quibus animas purgantes juvare possumus. Oratio, jejunium, eleemosyna & Missæ sacrificium. Oratio deprecationem ad Deum, jejunium mortificationem sui, eleemosyna donationem rerum suarum, sacrificium oblationem Agni immaculati in se complectuntur. Orationes & obsecrationes faciamus per merita Christi patientis pro animabus patientibus. Jejunia & mortificationes corporis exhibeamus ipsis pro doloribus illarum sublevandis. Eleemosynas profundamus debitis & necessitatibus illarum

A illarum subveniendō. Sacrificia demū & communionē sacras offeramus, ut sic pro defectibus earum satisfaciamus per eum, qui est satisfactio unica & plenaria pro peccatis nostris. Quid si reperiantur animarū patrum, matrum, fratrum, sororum & propinquorum nostrorum, opem nostram implorantes? Nonne summa impietas esset illas, cum possimus, non juvare? Qui curam suorum negligit, infideli est deterior. (*1. Tim. 5.*) Quod si benefactores & fundatores nostri adhuc ope & operā nostrā indigerent, quanta ingratitude nostra esset, panem illorum manducare, & hoc pane ipsis non subvenire? Nihil est, quod à Deo indignationem provocet Altissimi atque ingratitude, ait Petrus Ravennatensis; ipsa est malorum provocatio, bonorum exinanitio, meritorum exterminatio. Peremptoria res est ingratitude (ait melissius Pater noster) hostis gratiæ, inimica salutis; quoniam nihil ita displicet DEO in filiis gratiæ, quàm ingratitude. Hæc est ventus urens, siccans fontem pietatis, rorem misericordiæ, fluentia gratiarum. Nec tantum ex motivo misericordiæ, charitatis & gratitudinis tenemur animabus purgantibus opitulari, tenemur & ex iustitia reddendo ipsis hoc, quod ipsorum est. Nonne ante nos laboraverunt, & nos in labores eorum intravimus, (*Joan. 4.*) labores manuum eorum manducamus? (*Ps. 127.*) restituamus idem illis, quæ ad ipsos spectabant, quæ ab ipsis participavimus. Tenemur etiam ex ratione salutis nostræ ipsis adesse & prodesse; nihil enim nobis prodest ad salutem præter opera misericordiæ. Venite benedicti, dicit Iudex (*Matth. 25.*) Quare? Quia esurivi, sitivi, nudus fui in carcere, & his similia, & adjuvistis me. (*Ibid.*) Et quis magis esuriens, sitiens, nudus & incarceratus, quàm animæ infernorum, quæ unā cum coelestibus & terrestribus in nomine JESU genua flectunt & clamant: (*Marci 10.*) Jesu fili DEI vivi miserere nostri. Invocemus ergo misericordiam DEI pro ipsis dicentes. Pater de cœlis DEUS, qui illas plasmasti, miserere eis. Fili redemptor mundi Deus, qui illas proprio sanguine & morte crucis redemisti, miserere eis. Spiritus sancte Deus, qui eas gratiā tuā & amore sanctificasti, miserere eis. JESU Nazarene Rex Judæorum crucifixe, (*Joan. 19.*) miserere eis. Hoc igitur ultimò faciamus hisce animabus indigentibus, quod nobis in eo statu necessitatis positus ab aliis fieri optaremus. Simus inter illos beatos misericordes, (*Matth. 5.*) ut & ipsimet misericordiam à DEO consequamur: (*Roman. 12.*) ita enim nobis præcipit Pater misericordiarum & Deus totius consolationis. (*2. Cor. 1.*) Estote misericordes; sicut Pater vester misericors est. (*Luce 6.*) Et omnium voto concludamus: animæ fidelium defunctorum per misericordiam Dei infinitam superexaltantem judicium, (*Jacobi 2.*) requiescant in pace. Dicamus omnes, Amen.

Pietas erga suos.

Gratitude,

Iustitia.

Ratio salutis nostræ.

Opera Misericordiæ.

Suspirium pro Defunctis.

Sermo in festo Præsentationis B. V. M.

Exemplar Vi-
tae Monastice.Virtutum sū-
damentum
humilitas.

B. V. Oliva.

Viror innocen-
tie fidei Per-
severantia.Mater Lumi-
nis.

Præsentatio est hodie S. Mariæ Virginis triennis in templo Dei, ubi quindecim alensis sine labore & cum promptitudine gradibus à parentibus & seculo abstracta, soli Divino servitio se mancipavit. Hic Divi Joannis Damasceni testimonio in domo Dei plantata atque per Spiritum Sanctum saginata, instar Olivæ fructiferæ virtutum omnium domicilium efficitur, nobisque omnibus velut exemplum omnis sanctitatis, & exemplar omnis perfectionis præsentatur. Eja filiae Sion egredimini, (*Cant. 3.*) adolescentulæ, animæ devotæ, & intuemini, quanta sit ista, quæ ascendit de deserto sicut virgula fumi ex aromatibus myrrhæ & thuris & universi pulveris pigmentarii. (*Ibidem.*) Quàm suave thymiama! quàm gratum sacrificium! quàm dulce holocaustum Deo præsentatur in odorem suavitatis! (*Levit. 4.*) Hic myrrha mortificationis per votum castitatis; hic thus devotionis per ardorem charitatis; hic omnium virtutum in humilitatis pulvere fundatarum gratissima redolentia. Exurgite & currite in odorem unguentorum ejus: (*Cant. 1.*) sequimini progredientem & ascendentem respicientes eam velut exemplar, quod vobis in monte Sion in domo Domini ostenditur. (*Num. 8.*) Vultis scire, quale exemplar? Est Olivæ fructiferæ, uti dixi, per Spiritum saginata, teste Divo Joanne Damasceno. Verè Virguncula nostra trimula in templum Domini deducta potuit de se dicere: (*Psal. 51.*) Ego sicut Oliva fructifera in domo DEI: utique plantata in domo Domini, in atris domus Dei nostri florens, (*Psal. 91.*) & odore & pulchritudine virtutum florentium, aliis exempla monstravit. Olivæ qualitates & proprietates Virgini DEIPARÆ convenire, nemo inficiabitur. Si enim est Oliva semper virescens; Virgo sanctissima fuit continuæ viriditatis, quæ virorem innocentie, virginitatis & sanctitatis nunquam amisit, nec in ætate prosperitatis, nec in hyeme adversitatis, nec in vere juventutis, nec in autumnio senectutis. Ejus viror, juxta Richardum à S. Laurentio, fuit fides & perseverantia, quæ in ea non aruit propter hyemem Dominicæ passionis, sicut in omnibus discipulis, quia tunc defecit omnis Sanctus. Ideò prædictum fuit de ea velut muliere forti: (*Proverb. 31.*) non extingvetur in nocte (Dominicæ passionis) lucerna ejus. Lucerna fides est (ait D. Ambrosius.) Nonne Beata, quæ credidit; (*Lucæ 1.*) beatissima, quæ in fide perseveravit? Accedite ad eam filiae Sion & illuminamini (*Psal. 33.*) ab illuminatrice lumine fidei, de luce vera omnem hominem illuminante. (*Joan. 1.*) Mater est luminis & splendoris; quia ex ea ortus est ut splendor justus author justitiæ, & Salvator ut lampas accensus est, (*Isaia 62.*) qui est lux mundi. (*Joan. 8.*) Huic Luci subministravit Oliva nostra oleum salutare, adipem & pinguedinem purissimi corporis sui, quando hæc Oliva fructifera (*Psal. 51.*) fru-

fructum benedictum ventris sui generavit. (*Luc. 1.*) Hæc est, à quâ corporalem Domini ramum (inquit S. Proclus) accipiens Spiritus Sanctus, naturæ humanæ tempestate convulsæ pacem cœlitus læto faustoque nuntio prædicatam attulit. Illa est planè, quæ mundo naufrago ramum illum Olivæ Paternæ protulit Jesum Christum, imò de qua processit & nata est vera Oliva Christus, qui est pax nostra, lux nostra, misericordia nostra. (*2. Tim. 1.*) Christus viridis in tota sua conversatione, rubens in passione, niger in morte; fructus enim olivæ primò virefcit, deinde rubescit, postea nigrescit. Christus qui est unctus Domini, (*Num. 35.*) Rex Regum (*Apoc. 19.*) & Pontifex factus in æternum, (*Hebr. 6.*) unctione Regia & Sacerdotali supereminens & oleo lætitiæ unctus præ participibus suis, (*Pf. 44.*) eodem ungens Christianos. Hoc oleum lætitiæ, est gratia Dei, quâ Verbum caro factum (*Joan. 1.*) plenum erat gratiæ, ortum ex plenâ gratiâ, ex Oliva pingvedine spiritualis gratiæ superabundante. Mater omninò gratiæ, omnis gratiæ fontem & Authorem orbi edidit universo. Est Oliva pacis (*Gen. 8.*) verè pacifera, reperiens pacem coram DEO, (*Cant. 8.*) Salomonis pacifici genitrix facta, in cujus diebus primò orta est abundantia pacis, (*Psal. 7.*) & sicut regni ejus, ita & pacis non erit finis. Ipsa est Oliva totius misericordiæ & pacis & bonitatis, juxta D. Albertum Magnum, Oliva reconciliationis, quæ Deum nobis reconciliavit, quæ totius mundi reconciliationem obtinuit, imò quæ DEUM homini pace æterna copulavit. Misericordiæ autem ejus superfluentem pingvedinem, quis enarrabit? Mater utique misericordiæ, in qua misericordia & veritas obviaverunt sibi, justitia & pax osculatæ sunt, (*Psal. 84.*) adeoque ex ea effluxit fons misericordiarum, misericors & miserator Dominus, longanimis & multum misericors: (*Psal. 102.*) ille Samaritanus, qui misericordiam fecit cum homine peccatis vulnerato: (*Luc. 10.*) vinum Divinitatis & oleum humanitatis in vulnera ejus infundens eumque salvificans. Nonne hæc ipsa Oliva fructifera in domo Dei, (*Psal. 51.*) est etiam Oliva speciosa in campis (*Eccli. 24.*) propter communionem pietatis & misericordiæ, quam cunctis exhibet, quantum in se est sine acceptione personarum? Est enim Oliva hæc, juxta Idiotam, plena pingvedine pietatis & compassionis. Oliva speciosa in campis, in Ecclesiis Christi, quæ congruè dicuntur campi, quos disciplinæ cælestis aratrum colit, doctrina Evangelii ferit, justitiæ executio reddit fertiles. In campis autem licentiæ, illis sigillatim, qui sequuntur latitudinem suæ pravæ voluntatis & discuntur velut equi emissarii & effrenes, nullis detenti vel retracti frenis timoris DEI vel amoris, vel mundani pudoris camo retardati, nec vinculis Divinorum præceptorum constricti, his inquam est speciosa (teste Idiotam) quando ex toto corde pœnitentes ad eam confugiunt peccatores, quibus gratiæ oleum suis orationibus, exemplis & meritis tubministrat; ut excolantur & faciant fructum, adeoque velut campi bonorum

T t

norum

Incarnationis
Ramus.

Ramus Olivæ.

Olivæ fructus
Allegor.

Christus
Unctus.

Olivæ Pacis.

Olivæ Speciosa.

Samaritanus
Alleg.

Olivæ Speciosa.

Campi Ecclesiæ

Lata Via.

Camus
Frangum Pec-
catorum.
Refugium Pec-
catorum.

Flos Campi.

Perizomata
tropol.

Olive dotes.

Olive rami
& folia.Doctrix Apo-
stolorumDecursus A-
quarum.Unctio spiri-
tus S.Peroratio ad
FF. de Oliva.

norum operum repleantur ubertate. (*Pf. 64*) O Oliva speciosa, (*Eccli. 24*) cuius gratia & misericordia omnibus est omnis! verè speciosa in campis posita, florem campi (*Cant. 2.*) protulit speciosum formam præ filiis hominum, (*Pfalm. 44.*) ex cuius amoenitate pulcherrima campestria sibi naturæ humanæ nuditas procuravit. Campestria sunt perizomata velamenta turpitudinis, quæ de flore isto sibi consuunt; quicumque per fidem & amorem Virginei partus criminum verecunda deponunt. Talis & hæc Oliva est, qualè describit Jeremias *cap. II.*) Olivam uberem, pulchram, fructiferam, speciosam vocavit Dominus nomen tuum. Fuit enim Oliva, inquit Richardus à S. Laurentio, uber per affectum misericordiæ, pulchra per puritatem affectus, fructifera per effectum misericordiæ, speciosa per abundantiam effectus. Oliva hæc habet ramos flexibiles, quia facillimè flecti potest oratione devotâ, ut habeatur fructus ejus, qui Christus est. Ejus folia, verba sunt Evangelicæ veritatis, juxta Absalonem Abbatem, quibus docuit Apostolos & filios nascentis Ecclesiæ, qui planè sicut novellæ olivarum fuerunt in circuitu mensæ, (*Pfalm. 127.*) ubi verbum Domini ministrabatur. Nunc ergo Oliva nostra parvula quoad corpus, quoad spiritum perfecta, in Præsentatione hodierna; vultis scire, unde tantas adepta est perfectiones & proprietates? Inde, quod plantata fuerit secus decursus aquarum. (*Pfalm. 1*) Sed quarum? illarum, de quibus ipsa Veritas dicit: *Joan. 7.*) quod de ventre credentis fluent aquæ vivæ; de quibus Propheta Ezechias: *cap. 36.*) effundam super vos aquam mundam. Et hoc declarat S. Damascenus dicens; quod per Spiritum fuerit saginata: non alium certè nisi Sanctum. Hujus unctio docuit eam de omnibus, & dedit ipsi plenitudinem gratiarum, qui si Joannem Domini præcursores replevit adhuc in utero matris suæ, multò magis Matrem Domini Virginem in utero, adeoque in ipso conceptionis suæ immaculatæ momento implevit, de quo aliàs. Hinc spiritu agens, spiritu vivens, charitate utraque diffusa, in corde illius celestis unctionis balsamo imbuta & delibuta, non potuit nisi oleum præstantissimum, unguenta optima, charismata meliora proferre, (*I. Cor. 12.*) nectantur stillare, sed exundare. Et nos Olivæ surculi inserti in hanc bonam Olivam (*Rom. 11.*) per fidem, spem & dilectionem in domo Domini plantati, (*Pfalm. 91.*) Divino servitio mancipati, ambulemus in lumine ejus (*Isaia 2.*) portantes lucernas oleo exultationis repletas, oleo gratiæ exultantis, & sectemur ea quæ pacis sunt, (*Rom. 14.*) misericordiæ & pietatis opera donantes invicem, (*Eph. 4.*) invicem ministrantes. Spiritum Sanctum invocemus, ut nobis assistat, quatenus spiritu vivamus, spiritu agamus & agamur. Simus campi exculti per poenitentiam, florigeri per castitatem, fructiferi per operationem bonam, si volumus Olivæ speciosæ in campis (*Eccli. 24.*) patrocinia promereri. Præsentemus nos Virgini DEI paræ & cum illa, & per illam præsentemus nos Deo, semper ipsi præsentemur, præsentiam ejus semper recolentes, digna ejus præsen-

A tiā agamus, coram ipso ambulemus & simus perfecti atque semper in puritate cordis virentes & per Mariam Olivam immarcescibilis & perennis gloriæ oleagineam victorum in coelis adipiscamur coronam.

SERMONES DIVERSI

In Diversis Occurrentiis Habiti.

Gratulatio Adventus Reverendissimi Domini
JOANNIS ZAPOLSKI, Commissarii Generalis
S. Ord. Cisterciensis.

B **N**on potuit gravior nec fortunatior cum novi Anni currentis *Observantis*
auspiciis dies Olivæ illucescere, quàm per lucidum præsentis *Commissarii*
Tuæ jubar Præsul Reverendissime. Percipit namque *anno officij 25o*
vividos Solis, Paterni nimirum amoris radios, quibus illustrata
& animata Oliva, redditur fructifera (*Psal. 51.*) & speciosa, (*Eccli. 24.*)
ita tamen, ut speciem & fructus Tibi Vicarie & Commissarie Ordinis
dignissime deferat, referat & offerat reciproco amoris filialis tributo.
Intende ergo Antistes Maxime feliciter Olivæ Tuæ; prosperè procede
& regna (*Psal. 44.*) in cordibus eorum, qui se Tuis subjiciunt plan-
tis cum voto: Annis jam viginti quinque à Te regitur Ordo, hunc viginti
C aliis quinque & Olivam regere perge.

Sermo in Professione Fratris Timothei.

D **F**rater Timothee, id est honorem DEI nomine tuo præferens, eo
ipso magnam apud Deum misericordiam reperisti, quod in sacro
Ordine Cisterciensi & in hoc Canobio Oliveni, Divino te honori
intendas devovere & dedicare. Homo primus à Deo creatus, gloriâ
& honore coronatus est, (*Hebr. 2.*) & magnalia honoris Dei vidit ocu-
lus ejus & honorem vocis audierunt aures ejus. (*Eccli. 17.*) Cum in tan-
to honore esset, non intellexit; non dedit Deo honorem debitum, com-
paratus jumentis insipientibus, (*Pf. 48.*) cessitque honore ejus in nihilum.
(*1. Mach. 1.*) Inde tota massa humana omni privata honore mansit, do-
nec ipse DEUS, ut ostenderet divitias gloriæ suæ in vasa misericordiæ,
quæ præparavit in gloriam, (*Rom. 9.*) assumptâ naturâ humanâ eandem
ad Divinitatis suæ honorem elevâisset. Inde convenit jure merito gentes
super misericordiâ honorare Deum, (*Rom. 15.*) imò totum genus humanum
in Deo honoratum debet dare Domino honorem, gloriam & benedicti-
onem, (*Apoc. 14.*) quia redemit illud sanguine suo: fecit nos Regnum & Sa-
cerdotes (*Apoc. 1.*) ipse Rex summus & supremus Sacerdos, & regnabi-
mus in æternum. Magna equidem misericordia DEI in honore isto.
Aut enim non habet potestatem figulus luti ex eadem massa facere ali-
ud quidem vas in honorem, aliud in contumeliam? (*Rom. 9.*) Aut
non licet ei, quod vult facere? Per suam igitur misericordiam salvos

*Timothei ety-
mon.*

*Honor Dei per
S. vocationem,
ex misericor-
dia Incarnati-
onis.*

Timor DEI
& dicitur.

Quomodo De-
honorandus?

Castitas

Vera Conversio.

Obedientia.

Soli Deo honor

Paupertas.

nos fecit, ita ut nobis sit honor credentibus (1. Petri 2.) vocatis in honorem DEI, qui vocavit nos ad æternam gloriam suam. (1. Petri 5.) Benè proinde, monet Angelus in Apocalypsi cap. 14.) Timete Dominum & date illi honorem. Semen enim hominum honorabitur hoc, teste Ecclesi. cap. 10.) quod timet Dominum. Sit ergò in timore DEI primùm gloriatio tua (Ecclesi. 9.) frater Timothee cum hoc servitio Dei religioso, quod assumis, cui servire, regnare est. Honora Deum ex tota anima tua (Ecclesi. 7.) honora Dominum de tua substantia, (Prover. 3.) totum te ei consecrando, & pleno corde serviendo certus de æternæ Veritatis effato dicentis: Joan. 12.) Si quis ministraverit mihi, honorificabit eum Pater meus. Audi Sapientem te monentem: Ecclesi. 10.) Fili in mansuetudinem serva animam tuam, & da illi honorem secundum meritum suum. Peccantem in animam suam quis justificabit? Et quis honorificabit exhonoratam animam suam? Et hoc est, ut scias vas tuum possidere in sanctificatione & honore (1. Thessal. 4.) per virtutem puritatis & castitatis. Si quis emundaverit se ab iniquitate, erit vas in honorem sanctificatum, ait Vas electionis Divus Paulus. (2. Tim. 2.) Jam siquidem gloria & honor & pax omni operanti bonum, (Roman. 2.) ideò satage, ut per bona opera certam facias vocationem tuam, (2. Petri. 1.) ut possis gloriari in Patre luminum, à quo omne bonum, omne donum & datum perfectum descendit. (Jacobi 1.) Monet Baruch cap. 5.) Ambulet Israel diligenter in honorem DEI; diligenter sanè: maledictus enim, qui facit opus DEI negligenter, qui est in populo labiis tantum Deum honorante, corde à Deo remoto. (Matth. 15.) Tu mandasti, dicit Regius Vates Psalm. 118.) mandata tua custodiri nimis. Omni diligentia opus est abundare ad omne opus bonum exequendum, (2. Cor. 9.) ad mandata DEI servanda; & in hoc te juvabit virtus obedientiæ, ut curras viam mandatorum Dei (Ps. 118.) in Regula sancta expressorum, & in dispositione Superiorum, qui invigilant animabus tanquam pro iis rationem Deo reddituri. (Hebr. 13.) Si sequaris iustitiam, dicit Sapienter: Ecclesi. 27.) apprehendes illam & indues quasi poderem honoris. Indue proinde novum hominem, qui secundum Deum creatus est in iustitia & sanctitate veritatis; (Eph. 4.) & hoc age, ut in omnibus honorificetur DEUS, (1. Petri 4.) nec des alienis, videlicet mundo, carni, diabolo honorem tuum, (Prover. 5.) nec honorem DEI transfer ad creaturas. Cum verò juxta Sapientem Prover. 22.) victoriam & honorem acquirat, qui dat munera; nullum majus munus habere potes, quàm te ipsum Deo dando, nullum majus, quàm relinquendo omnia, per virtutem paupertatis. Per hæc tria vota, quæ distingvent labia tua (Psalm. 65.) nimirum castitatem, obedientiam & paupertatem, videbis salutem tuam in DEO, quæ superveniet tibi cum honore magno & splendore æterno, (Baruch. 4.) quando probatio fidei & virtutis tuæ pretiosior auro, quod per ignem probatur, invenietur in laudem, gloriam

riam & h
in humili
(Luc. 14.)
enim sur
(Hebr. 3.)
quæ putat
torem cir
Christi, c
bundanti
Sic hono
humilitati
B fine hono
tere binthu
mei hono
DEI (Psa
at tam in
gloriam &
rem, virtu
mus fratre
in honore

Ser
D O

D E Cce
Hod
suo A
res liberav
requiescere
quomodo
non miret
tum, in se
tas itineru
ret, ibique
possideret.
onus Abb
se immerse
est, qui al
belli Sveri
vinciam P

A riam & honorem in revelatione JESU Christi. Quod ut fiat, radica te in humilitate omnium radice virtutum. Recumbe in novissimo loco: (Luc. 14.) noli quærere à Rege cœlesti cathedram honoris. (Eccli. 7.) Nemo enim sumit honorem sibi, sed qui vocatur à DEO tanquam Aaron: (Hebr. 5.) sciens juxta sensum Doctoris gentium, (1. Corinth. 12.) quod quæ putamus ignobilia membra esse corporis, iis honorem abundantiorum circumdamus. Deus autem temperavit corpus hoc mysticum Christi, cujus nos omnes membra sumus, (1. Cor. 6.) ei cui deerat, abundantiorum tribuendo honorem, (1. Cor. 12.) ut possit dici: Esth. 6.) Sic honorabitur, quem Rex gloriæ voluerit honorare in fundamento humilitatis, cæterarumque virtutum firmatum. Sic finis tuus non erit sine honore, (Sapient. 5.) quin poteris dicere: Eccli. 24.) Ego quasi terebinthus extendi ramos meos, ramos votorum sanctorum, & rami mei honoris & honestatis. (Ibid.) Ego quasi Oliva fructifera in domo DEI (Psalm. 51.) produciens bonorum operum fructum. Quod ut fiat tam in ipso quàm in nobis; oremus Deum, offeramus Domino gloriam & honorem, quia dignus est accipere à nobis gloriam, honorem, virtutem, laudem & benedictionem; (Apoc. 4. & 5.) & suscipiamus fratrem hunc nostrum Timotheum, sicut & Christus suscepit nos in honorem Dei, (Rom. 15.) cui soli honor & gloria in æternum. (1. Tim. 1.)

Sermo in die Anniversario obitus Reverendissimi
DOMINI ADAMI TREBNIC
Abbatis Olivensis 14. Augusti.

Ecce quomodo moritur justus, & nemo percipit corde. P. R. F. D. Hodie annua dies vertitur, in qua fecit Deus misericordiam cum servo suo Abbate nostro Adamo Trebnic, & post plurimos vitæ labores liberavit eum de corpore mortis hujus (Rom. 7.) & dixit, (Apoc. 14.) ut requiesceret à laboribus suis. Jure merito exclamandum nobis est! Ecce quomodo moritur justus. Verè cum admiratione dicendum: Ecce. Ecquis non miretur hominem è seculo nobili prosapia natum, seculo innutritum, in seculo benè provisum, attractum ad Ordinis jugum ultrò, tantas itinerum defatigationes acceptasse, ut in Claravalle novitiatum transigeret, ibique spiritum, cui S. Pater noster servivit, in se traheret, hauriret ac possideret. Ecce. Quis non obstupescat violenter retrahi Olivam ad onus Abbatiale ferendum ex Claravalle, cujus dulci habitationi totum se immerferat. Ecce. Meretur monstrari digito & dicier, hic est. Hic est, qui alter Bernardus dicebatur. Hic est, qui in magna tribulatione belli Svetici rexit Olivam sæpiùs exul cum Fratribus, quos ita per Provinciam Polonam dispensavit, ut ubique magno vitæ religiosæ præluce-

Ecce quomodo
 moritur ju-
 stus.

Bellū Sveticū.

Uu ren:

rent exemplo. Hic est, qui disciplinam regularem in Oliva rigore servatam per Regnum Poloniæ disseminavit. Hic est, qui Abbatia & Commissoria Jura quoad Electiones & Benedictiones Abbatum & Administrationes Abbatiarum post decessum eorum manutenuit & conservavit. Ecce hic est, qui nullum pietatis opus omisit, quo Deo placere & proximo benefacere potuisset. Ecce hic est, qui noctes diebus congenitatas devotioni impendit. Ecce hic est, qui mortificationem crucis pertulit in corpore suo & cilicio acriter usque ad mortem illud crucifigens, gravi herniâ omnibus occultatâ verè fuit crucifixus. Ecce quomodo moritur justus? Nunquid non justus, qui ad imitationem Dei semper in se & aliis justitiam dilexit, & ubique æquitatem vidit vultus ejus? (*Psal. 10.*) Quinimò justus semitas justitiæ servans, (*Prov. 2.*) nemini injuriam faciens, omnibus justitiam administrans. Nonne justus, quem deduxit Dominus per vias rectas, & ostendit illi regnum DEI & dedit illi scientiam sanctorum; honestavit illum in laboribus, & hoc die completit labores illius. (*Sapient. 10.*) Ecce quomodo moritur? In maturitate laborum, in exactitudine virtutum, in plenitudine meritorum. Quomodo moritur? in die messis (*Isaia 18.*) veniens cum exultatione & portans manipulos suos, (*Psal. 125.*) nimirum operum bonorum. Quomodo moritur? In Vigilia Virginis & Matris DEI in coelum assumptæ; quidni ipsius fidelis servus & pedisequus in tempore & æternitate. Magnæ Virginis DEI paræ. Amator meruit utique sequi assumptam in coelum, ut sicut ejus hic gratiæ, sic ibi gloriæ participio frueretur. Sed ecce quomodo moritur justus, & nemo percipit corde. Itane, Fratres mei, vecordes an excordes sumus, ut non percipiamus Abbatis & Patris nostri obitum, imò abitum potius ex hoc mortali corpore, quod ipse nobis velut exuvias mortalitatis suæ in magnæ virtutis indicium reliquit, utique nobis ipsis spectantibus incorruptum. Itane nolumus intelligere, ut bene agamus, (*Psal. 35.*) videlicet agnoscamus Virum Virtutis Patrem nostrum nobis filiis suis in vita & post mortem incorruptionis vestigia demonstrantem? Siquidem incorruptio corporis ejus incorruptionem animæ manifestat. Quomodo enim anima esset corrupta morte peccati, quando corpus peccati mortale non permisit Dominus videre corruptionem? (*Psal. 15.*) Nonne incorruptio proximos Deo facit? (*Sap. 6.*) Dedit nobis Dominus signum, & nemo percipit corde. Ille nemo qui ita simplex est uti columba seducta non habens cor. (*Osee 8.*) Ille nemo, cui in oblivionem datus est pius Pater tanquam mortuus à corde. (*Psal. 30.*) Ille nemo, videlicet nullus homo, cui non est intellectus (*Psal. 31.*) percipiendi, imò cordi sibi sumendi opus virtutis Divinæ, opus dexteræ Excelsi in magno hoc Abbate patefactum. Carnalis planè homo, qui non percipit ea, quæ sunt spiritus DEI. (*1. Cor. 2.*) Et quidem parcat DEUS nostris, qui tam præcipitanter, tam inordinate, tam inconsultè egerunt & absque debitis solennitatibus primordia manifestata.

festationis hujus omnibus admirandæ & ab omnibus piâ memoriâ reco-
lendæ peregerunt. Abstrahit DEUS gratiam ab his, qui temerè nec
præmeditatè, qui non cum debita reverentia, & respectu ejusmodi, piè
tractanda tractant; ab his, qui ingratos se Deo pro tanto beneficio exhi-
bent: denique ab his, qui non percipiunt corde. Simus nos melius cor-
dati P. R. F. D. & thesaurum hunc in vase fictili reconditum (2. Cor. 4.)
melius æstimemus. Illuminetur cor nostrum ad cognitionem Viri justì,
cujus hodie memoria in pace & benedictione est. (Eccli. 45.) In-
flammetur cor nostrum ad imitationem ejus, qui in diebus suis placuit
DEO & inventus est justus, ut sciamus & nos vas nostrum
corpus hoc, quod corrumpitur & aggravat animam, (Sap. 9.) possidere
in sanctificatione, (1. Thessal. 4.) absque omnis peccati corruptione.
Hoc est percipere corde, inclinare cor ad faciendas justificationes DEI
in æternum (Psalm. 118.) ad exemplum pii Patris Viri DEI, ut conca-
lescat cor nostrum intra nos: deprecemur faciem DEI in toto corde no-
stro & scrutemur mandata Dei, ut fiat cor nostrum immaculatum in
justificationibus illius; in corde nostro abscondendo eloquia Dei, (Ibid.)
ut non peccemus: toto corde exquirentes Deum, toto corde sectan-
tes justitiam, (1. Tim. 6.) & illam in alterutrum administrantes. (1. Pet. 4.)
Condemnat enim justus mortuus vivos impios; (Sapient. 4.) pius
Pater filios injustos, qui ipsi post mortem nec justitiam præstant, nec pi-
etatem ejus imitantur; planè hi sunt, qui non percipiunt corde. Audite
alloquentem nos ex tumba Doctorem & Magistrum olim nostrum,
(Psalm. 4.) Filii hominum usquequò gravi corde, ut quid diligitis va-
nitatem habentes realitatem, & quæritis mendacium tenentes veritatem?
Scitote, quoniam mirificavit Dominus justum suum. (Ibid.) Agno-
scunt exteri, experiuntur vicini, venerantur longinqui; nos propinqui,
nos domestici, nos intimi non agnoscimus, non experimur; quia non
debito affectu & cultu veneramur, ideò non percipimus corde beneficia
DEI. Agamus abhinc aliter, si taliter egimus, & corde recto ac per-
fecto in justitia & sanctitate coram DEO ambulemus (Lucæ 1.) Viri
justi vestigiis insistentes, ut & nostrum mortale corpus mereatur immor-
talitatem, & corruptibile hoc aliquandò induat incorruptionem in Chri-
sto Jesu Domino nostro. (1. Cor. 15.)

Sermo in Memoria Martyrum Olivensum 20. Septembr.

*Vidi animas decollatorum propter testimonium JESU, ait D. Joannes
in Apocal. cap. 20.*

OLiva, ficcine tui ipsius immemor es, ut diem præsentem mini-
mè recolas in benedictione? Dies hæc, dies est mæroris & læti-
tiæ, dies tribulationis & consolationis, dies mortis & vitæ: in quâ
incolæ tui, Fratres tui gladiis impiorum occubuerunt; in qua profuso
sangvine testimonium Jesu reddiderunt, (Apocal. 12.) in qua sacræ vi-

Tristitia con-
versa in gau-
dium.

Casimirus E-
thler Abbas
Olivæ.

Quid Martyr
& Martyriū.

Imitatio Mar-
tyrij S. testi-
monij per bo-
na opera.

Novellæ Oli-
varum.

Etiam DEO immolata ceciderunt. Nonne tunc tristitia implevit cor-
tuum? (*Joan. 16.*) Nonne magnam perpeffa es tribulationem? nonne ubiq;
in te mortis imago videbatur? Sed mentita est iniquitas sibi, (*Psal. 26.*)
neque mentitum fuit opus Olivæ. (*Habac. 3.*) Conversa est tristitia in
gaudium. (*Joan. 16.*) Isti sunt enim, qui venerunt ex magna tribulatio-
ne & laverunt stolas suas in sanguine Agni; visi sunt oculis insipientium
mori, illi autem sunt in pace & requie sempiterna. (*Apoc. 7.*) Et hi sunt
Martyres nostri sub Abbate Casimiro Ethlero per manus Barbarorum
Prutenorum trucidati. Hi in Olivæ facti sunt Olivæ fructiferæ in do-
mo Dei, (*Pf. 51.*) Filii olei splendoris, (*Zach. 4.*) & candelabra habentia ole-
um in vasis suis cum lampadibus & lucentia ante Dominum. (*Apoc. 11.*) B
Hæ sunt animæ decollatorum propter testimonium Jesu, (*Apoc. 20.*)
quæ acceperunt palmas suas & meruerunt habere coronas perpetuas.
Et nos quid? Conserui sumus & Fratres Fratrum nostrorum habenti-
um testimonium JESU. (*Apoc. 19.*) Quid est Martyr nisi testis? Quid
Martyrium nisi testimonium? Et hoc est, quod in vita & in morte Deo
& Jesu perhibere tenemur. Jesus est, qui testimonium perhibet de se
ipso, (*Joan. 4.*) qui est testis fidelis (*Apoc. 1.*) & ipsa Veritas; & testi-
monium perhibet de JESU, (*Joan. 1.*) ipse qui misit illum Pater, quia
verax est. (*Joan. 8.*) Spiritus est qui testificatur, quoniam Christus est Veritas,
(*1. Joan. 5.*) qui est Spiritus veritatis. Joannes missus est à DEO, ut testi-
monium perhiberet veritati, (*Joan. 5.*) qui stetit in veritate & confessus est, &
digito monstravit; ecce Agnus. (*Joan. 1.*) Testimonium Domini nostri Jesu
Christi reddebant Apostoli (*Act. 4.*) radicati & firmati in veritate; unde te-
stimonia DEI per ipsos credibilia facta sunt nimis. (*Pf. 92.*) Et ille, qui
vidit Joannes propter testimonium Jesu in Pathmos insulam relegatus,
testimonium perhibuit Verbo Dei, & verum est testimonium ejus. (*Jo-
an. 19.*) Quidni nobis quoque, si salvi esse volumus, incumbit testimo-
nium Jesu, nempe testimonium Salvatoris & salutis, testimonium fidei
& veritatis, ut fideliter & veraciter testimonium Dei in nobis habea-
mus, interiùs & exteriùs exhibeamus? Corde enim creditur ad justiti-
am, ore autem confessio fit ad salutem: (*Rom. 10.*) sed multò magis
opere DEI confessio manifestatur. Opera quæ ego facio, dicit JESUS
Joan. 5.) ipsa testimonium perhibent de me. Ita planè in simili opera
quæ facimus, dent testimonium Dei existentis in nobis & operantis.
Confessio & magnificentia opus Dei: (*Pf. 110.*) qui verè Deum confitetur;
magna pro Deo patrat. Et hoc est opus DEI per confessionem DEUM
magnificare, Deo testimonium perhibere. Quanta dignitas Dei testem
agere; sed longè major, testamento sanguinis Dei testimonium confi-
gnare. Et quis nostrum usque ad sanguinem restitit testimonio fidei pro-
batus? (*Hebr. 11.*) Nostræ novellæ Olivarum, nostræ Martyrum primitiæ,
quia millesimo ducentesimo à fundatione Olivæ Anno per fidem vincentes
paganismi barbariem, operantes justiciam, fortes facti in bello, (*Ibid.*) per-
sisten-

- A silentes in amore fraternitatis, (*1. Petr. 1.*) sanguinem suum fuderunt pro Domino tanquam aurum in fornace passionis probati, (*Sap 3.*) quasi holocausti hostia in morte accepti sunt. (*Ibid.*) Terra igitur, quam calcamus, terra sancta est, (*Exodi 3.*) sanguine Martyrum tincta & imbuta. Videmusne an audimus? si non licet videre, audiendum saltem, quid vox sanguinis Fratrum nostrorum ad Deum clamet de hac terra; (*Gen. 4.*) vel pro nobis vel contra nos. Pro nobis, si liberi à sanguinibus (*Psal. 50.*) non acquiescimus carni & sanguini, (*Gal. 1.*) sed potius abstinentes à carnalibus desideriis (*1. Petr. 2.*) exhibemus ut ipsi corpora nostra hostiam viventem, sanctam, Deo placentem. (*Rom. 12.*) Clamant contra nos; vindica sanguinem nostrum, (*Apoc. 6.*) si post concupiscentias nostras euntes, voluntatem carnis & sanguinis voluptates facimus. (*Eph. 2.*) Equidem carnem cum concupiscentiis crucifigere, (*Gal. 5.*) hoc est Martyrem esse. Si propter Deum mortificamur tota die facti sicut oves occisionis; (*Psal. 43.*) si mortificamus membra nostra, quæ sunt super terram hanc; (*Coloss. 3.*) si dominamur appetitui nostro, ut sit subter nos (*Gen. 4.*) non super nos, martyrium sustinemus. Si abnegantes nosmetipsos, crucem nostram tollentes, (*Lucæ 9.*) in humilitate & obedientia sequamur Jesum humiliantem se & obedientem usque ad mortem, (*Phil. 2.*) Martyrium consummamus. Delicati Martyres sumus, quando aliquid non ad gustum, non ad palatum, non ad sensum nostrum habentes murmuramus, resistimus, obrectamus. Non est in nobis testimonium JESU humilis, mitis corde (*Matth. 11.*) & patientis, si sic agimus; non confitemur Deum sed abnegamus, quia ejus justitiæ & beneplacito nos diffformes monstramus. Mandavit Deus justitiam testimonia sua & veritatem suam nimis, (*Psal. 118.*) ut ambulemus coram eo ad ejus nutum in justitia & veritate. (*Ephes. 5.*) Cæterum uti multiplicia, ita mirabilia sunt testimonia Dei (*Psal. 118.*) juxta multiplicem gratiam ejus in nobis. (*1. Petri 4.*) Beati, qui scrutantur testimonia Dei, in toto corde exquirunt eum. (*Psal. 118.*) Nos qui hæreditate acquisivimus post Martyres Fratres nostros testimonia Dei, (*Ibid.*) sint meditatio nostra, sint exultatio cordis nostri. Custodiat anima nostra hæc testimonia & diligat ea vehementer; in via testimoniorum ejus delectemur sicut in omnibus divitiis: (*Ibid.*) adhæreamus testimoniis ejus, exquiramus ea in æternum, ut in vita & in morte semper testimonio bonæ conscientie muniti (*2. Cor. 1.*) Dei præsentiam, gratiam, & operationem in nobis testemur, & semper confiteamur Dominum mente, opere & ore, atque mortui mundo, carni, & omni creaturæ, soli Deo & ipsius confessioni, laudi & gloriæ vivamus. Inde certò palmam Martyrii adipiscemur. Jam igitur gaudens gaude Oliva in Domino (*Isaia 61.*) sanguine Martyrum tuorum habitatorum Domino dedicata, qui velut Olive speciosæ in celestibus campis assistunt Dominatori universæ terræ (*Zach. 4.*) pro te Dominum deprecantes, ut sis verè tabernaculum testimonii, (*Exodi 28.*) in quo sit arca testimonii, (*Exodi 26.*) verbum Dei; stet candelabrum cum lucernis

X x

luis

Vox Sanguinis
Fratrum Olive
versum.

Mortificatio

Humilitas
Obedientia
Iustitia
MartyrTestimonia
Dei
exquiramus
in æternumPeroratio ad
Olivam.

fuis per cognitionem ejusdem Verbi Divini; & altare aureum (3. Reg 7.) per amorem & conservationem ejus, in quo adoleatur incensum (1. Paral. 28.) devotionis; sisque verè oleo unctionis uncta & consecrata, oleo nimirum gratiæ Divinæ: oleum stillans & ipsa operum bonorum, & ita sint in te Sancta sanctorum, adeoque gloria Domini impleat hoc tabernaculum testimonii: (Exodi 40.) nubes protectionis refrigerans de die incubet super illud, & ignis amoris Divini calefaciens de nocte, idque per merita & intercessionem Animarum nostrorum decollatorum propter testimonium JESU, (Apoc. 20.) quorum sepulchri locum ut nobis revelet Deus testimonio fidei, semper enixè & ardentè est obsecrandus.

Sermo in Professione duorum Fratrum petentium misericordiam more Ordinis die festo SS. Simonis & Judæ Apostolorum.

Misericordia
Dei vocantis.

FACIT Dominus misericordiam cum servis suis, & misericordia DEI maxima super illos, qui diligunt eum in veritate, (3. Joan. 1.) Frater Theodule, & Frater Theophile. Experti, credo, hætenus fuistis magnam in vobis misericordiam Dei vocantis vos ad servitium & amorem suum trahentis; neque enim volentis neque currentis hominis opus est servire Deo & amare Deum, sed miserentis Dei, (Rom. 9.) qui nos suo dignatur servitio & amore. Ego elegi vos de mundo, inquit misericors & miserator Dominus, (Psalm. 110.) & vocavi vos dicens: (Matth. 11) Venite ad me omnes, qui laboratis in vanum servientes mundo, & onerati estis pondere peccatorum vestrorum, & ego reficiam vos servitio & amore meo. Tollite hoc jugum meum super vos. (Ibid.) O verè onus leve servitii Divini! O verè suave jugum Divini amoris! per tale onus & tale jugum post labores seculi inutiles, post damnosa peccaminosa conscientiae onera, invenietis requiem animabus vestris. (Ibid.) Ad hanc requiem paratis vos in hoc loco, & ideo simul petitis misericordiam Ordinis, ut in hanc domum possitis admitti, de qua, uti arbitror, dicit quisque ex vobis. (Psalm. 131.) Hæc requies mea in seculum seculi; hic habitabo, quoniam elegi eam. Sed quid creditis requiem hanc esse? An otium & vacationem à laboribus? Si hoc putatis, erratis. Requies religiosa est quidem vacare à seculi curis, abesse à solitudinibus mundi, esse extra labores Babylonicos & Ægyptiacos, quibus mancipia Pharaonis infernalis gravantur; sed etiam requies hæc, ad quam tenditis, in Ordine est religiosa, est vacare DEO in ipsius servitio & amore. Et hoc est nomen novum, quo vocati estis. (Isaia 62.) Videte, ne in vanum illud assumatis (Exodi. 20) & feratis nomen supervacue; sed potiùs ut rem nominis in vobis exprimatis. Theodulus quidem ex Græco intelligitur servus Dei. Theophilus autem

Amans

Onus leve Di-
vini servitii,
Amoris jugum
leve.

Misericordia
Ordinis.

Otium & va-
cationes religio-
sa.

Theoduli &
Theophyli sty-

Amans Deum interpretatur. Tales ergo estote, quales nominamini: sitis servi DEI, amantes Deum. Ad hoc contendite, hoc satagite, in hoc laborate, in hoc desudate, ut sitis veri servi Dei, (1. Petr. 2.) verè amantes Deum. Hoc est jugum vestrum, hoc est onus vestrum; hic labor vester cum requie, hæc requies cum labore. Ac proinde non debetis amplius jugum ducere cum infidelibus, (2. Cor. 6.) sed & labores in stipula carnalium desideriorum, (omnis enim caro fœnum *Isaia 40.*) & lateres terrenorum affectuum deferendi vobis sunt. Multo minus per peccata dæmonis servituti (quod Deus avertat) vos addicetis; qui enim facit peccatum, servus est peccati (*Joan. 8.*) & mancipium dæmonis, per quem peccatum venit in mundum. (*Rom 5.*) O detestabile jugum! O abominandum pondus vel unius minimi delicti hominem ad æternam gravantis & prementis imò præcipitantis damnationem! Servus Dei Theodulus, Amator Dei Theophilus, procul debet esse ab omni peccato, per quod excutitur jugum Domini à prava voluntate dicente: non serviam; (*Jerem. 2.*) per quod abrumpitur amoris Dei vinculum, abjicitur delectabile opus Divinæ charitatis. Væ talibus rebellibus, desertoribus, prævaricatoribus (*Isaia 30.*) servitii & amoris Divini! Si servus sciens voluntatem Domini & non faciens plagis vapulabit multis, (*Luca 12.*) quid merebitur servus transgrediens Domini sui voluntatem? Felices servi Dei, qui sunt fideles & prudentes in obsequio ejus, qui faciunt verbum ejus, qui memores sunt mandatorum ejus ad faciendum ea; (*Psal. 102.*) qui sunt ministri facientes voluntatem ipsius, (*Ibid.*) qui sunt (liceat ex occasione festi Apostolici dicere:) Simonēs, id est obedientes; & Judæ videlicet confitentes: & hi sunt Theoduli & Theophili, qui serviunt Domino Deo in toto corde suo, qui diligunt eum ex tota anima sua, (*Matth. 22.*) adeoque per obedientiæ obsequium & amoris confessionem Domino dignè famulantur. Hæc est vocatio vestra Fratres, (1. Cor. 1.) hæc sunt vota, quæ distingvent labia vestra, (*Pf. 65.*) Obedientia secundum Regulam S. Benedicti & stabilitas in eâ, quæ convenit servis Dei & conversio morum vestrorum ad amorem Dei, ut nulli obediatis, nulli morem geratis, nisi soli Deo; ejus servitio attendatis, ejus amori intendatis. Reliqua duo vota nimirum paupertatis, quâ & mundum & terram abdicatis, tum & castitatis, quâ vosmetipsos abnegatis, hisce includuntur obedientiæ vinculis, per quæ vos ad serviendum soli Deo, ipsumque solum amandum obligatis. Quanta felicitas Frater Theodule, servire Deo! hoc utique regnare est. Quanta beatitudo Frater Theophile, amare Deum! hoc utique est summum bonum possidere. Jam ergo cum Regio Vate dicat unusquisque vestrum (*Pf. 26.*) unam petii à Domino, hanc requiram, ut inhabitem in domo Domini, in hoc loco, qui vocatur Oliva omnibus diebus vitæ meæ per stabilitatem, ad serviendum ei per obedientiam, ut videam voluntatem Domini ad faciendum eam: (*Ibidem.*) quæ nulla alia est, nisi ut

*Labor cum requie, requies cum labore
Labores Egypti tropici.*

Servitus Peccati abominanda.

Felices servi Dei.

*Simon et Judæ
et ceteri.*

*Obedientiæ obsequium, amoris Confessio
Professionis substantiandi.*

Stabilitas.

*Voluntas Dei
summâ.*

Quorum nomi-
na sunt in li-
bro Vitæ?

Quomodo ser-
viendū Deo?


Modus diligē-
di Deum.

S. Theodulus.

S. Theophilus.

Amor Crucis.

Deum & proximum amemus. Nomina vestra manifestant hæc omnia, quæ Divino nomine insignita vobis Oliva Deo Unitrino consecrata indit, ut & vos Deo sacri nonnisi Deum spiretis. Terrigenæ vocaverunt nomina sua in terris suis, (*Pf. 48.*) vos jam cœligenæ in cœlis imò in ipso Deo nomina vestra reponitis, ut aliquando gaudere possitis & exultare scripta esse in cœlis. Beatos vos, si hunc finem adepti fueritis: idcirco ad hunc solum collimare debetis, quia nemo in hoc album venit, nisi Theodulus & Theophilus, id est verus DEI servus & amicus. Jam ergo servite Deo vivo & vero (*2. Thess. 1.*) qui imperat: (*Deut. 6.*) soli Deo servies, cui serviunt omnia; (*Pf. 118.*) servite in veritate, (*Tob. 14.*) servite in timore & tremore, (*Pf. 2.*) sed & servite Domino in lætitia, (*Pf. 99.*) servite cum omni humilitate, (*Act. 20.*) servite in novitate spiritûs (*Roman. 7.*) mandatum novum charitatis exequentes. Diligite Dominum DEUM vestrum ex toto corde vestro, ex tota anima vestra, ex tota mente vestra & ex omnibus viribus vestris, & omnem proximum sicut vosmetipsos; (*Matth. 22.*) tunc eritis veri Theoduli, veri Theophili. Imitemini quoque Patronos vestros, quorum nomina assumpsistis; & tu quidem Frater Theodule, sancti Theoduli senis Martyris pro fide 17. Februarii crucifixi: tu verò Frater Theophile, sancti Theophili Monachi dira & exilium pro cultu Imaginum 2. Octobr. passi. Sectemini virtutes heroicas patientiam & constantiam usque ad mortem: sequimini eos crucem Ordinis ferentes, imò in Ordine crucifixi & mundi exules effecti, ut sitis demum cives sanctorum ac domestici Dei, (*Eph. 2.*) & hic in terris & ibi in cœlis per misericordiam DEI infinitam, in Christo JESU Domino nostro vobis conferendam.



SYNO.

SYNOPSIS

Sermonum ex Tertio Tractatu.

- Sermo I. *In Nativitate Domini. De silentio, Obedientia & Humilitate ad similitudinem nati infantis, pannis involuti, positi in praesepe.* Fol. 84
- Sermo II. *In Die Sirena, ubi Abbas & Pater & Puer esse deducitur, & vera pueritia qualis esse debeat, demonstratur.* Fol. 87
- Sermo III. *In Circumcisione Domini. Ubi profectus pueritiae per circumcisionem nimirum abnegationem sui ipsius declaratur.* Fol. 89
- Sermo IV. *In Epiphania Domini. Ubi Regia via crucis, virilis perfectionis gradus esse ostenditur.* Fol. 91
- Sermo V. *In Dominica prima post Epiphaniam Domini. De Spirituali lepra & Paralysi.* Fol. 93
- Sermo VI. *In Quinquagesima. De Diluvio irae Divinae & amoris Dei & de bona voluntate.* Fol. 94
- Sermo VII. *In Dominica prima Quadragesimae. De varia tentatione.* Fol. 97
- Sermo VIII. *In secunda Dominica Quadragesimae. Quomodo solus Jesus videndus.* Fol. 99
- Sermo IX. *In Dominica tertia Quadragesimae. De novissimis hominis, quae sunt pejora prioribus.* Fol. 101
- Sermo X. *In quarta Dominica Quadragesimae. De fuga salutari.* Fol. 103
- Sermo XI. *In Annunciatione B. V. M. de Conceptu Spirituali & partu.* Fol. 106
- Sermo XII. *In Dominica Passionis. De effectibus peccati & carnelis ac poenitentia sectanda.* Fol. 108
- Sermo XIII. *In Dominica Palmarum. De sessione mansueti Regis super Asinam & Pullum.* Fol. 110
- Sermo XIV. *In Die Paschatis. De Alleluja & vera laude Dei.* Fol. 113
- Sermo XV. *In Inventionem S. Crucis. De Concupiscentia escae ejusque murmurationis detrimento.* Fol. 115
- Sermo XVI. *In Ascensione Domini. De ascensione per humilitatem.* Fol. 117
- Sermo XVII. *In Die Pentecostes. De humido poenitentiae & calido charitatis.* Fol. 119
- Sermo XVIII. *In Festo SS. Trinitatis. De gloria DEI & gloriatione nostra.* Fol. 121
- Sermo XIX. *In Festo S. Joannis Baptista. De nomine Joannis admirando propter gratiam Dei.* Fol. 124

- Sermo XX. *In Festo SS. Petri & Pauli. De Clavibus Regni cœlorum & aliis.* Fol. 126
- Sermo XXI. *In Octava S. Joannis Baptista. De magnitudine ejus propter humilitatem.* Fol. 129
- Sermo XXII. *In Festo Visitationis B. M. V. De Varia Visitatione & adiutorio B. V. M.* Fol. 132
- Sermo XXIII. *In Festo S. Stephani Abbatis. De disciplina Regulari.* Fol. 135
- Sermo XXIV. *In Assumptione B. M. V. De Ascensu illius continuo & deliciis, & quod fuerit paradysus.* Fol. 137
- Sermo XXV. *In Festo S. Bernardi. De clarificatione & de testamento S. Patris.* Fol. 140
- Sermo XXVI. *In Dedicatione Ecclesie. De Civitate Jerusalem visione pacis.* Fol. 143
- Sermo XXVII. *In Nativitate B. M. V. De quadruplici nativitate per Annum celebrata.* Fol. 146
- Sermo XXVIII. *In Festo S. Michaelis. De conversione & statu parvulorum.* Fol. 149
- Sermo XXIX. *In Festo S. Ursule. De Sponso Christo & Sponsis ejus.* Fol. 152
- Sermo XXX. *In Festo Omnium Sanctorum. De copiosa mercede in cœlis.* Fol. 154
- Sermo XXXI. *In Die Animarum. De Misericordia illis in purgatorio existentibus exhibenda.* Fol. 157
- Sermo XXXII. *In Presentatione B. V. M. Quod B. V. fuerit Oliva fructifera & speciosa.* Fol. 160
- Sermo XXXIII. *In Professione Fratris Timothei. De honore Divino* Fol. 163
- Sermo XXXIV. *In Die Anniversario obitus R. D. Adami Trebnic Abbatis Olivensis super textu; Ecce quomodo moritur iustus.* Fol. 165
- Sermo XXXV. *In Memoria Martyrum Olivensium super textu; Vidi Animas decollatorum &c.* Fol. 167
- Sermo XXXVI. *In Professione duorum Fratrum. De Servitio & Amore DEI.* Fol. 170

F I N I S.

SSS) () (SSS

T R

SE

C

Sermo
stur, c
eruditioEpist
perSuper
Sce Pa
sum ad e
illas ad
tis in mag
cogitasse,
pationibus
di Enthusi
virtutibus
cumulata
Domini C
vensis &c

TRACTATUS QUARTVS SERMONUM CAPITVLARIVM

Ab Anno 1686. ad Annum 1687.

FACULTAS SUPERIORVM.

Sermones Capitulares R. D. M. A. H. A. O. imprimantur, quandoquidem seruiunt omnium devotioni & eruditioni. Datum Landæ, die 15. Sept. Anno 1688.

Fr. Joannes de Roxyce Zapolski, Abbas Landen.

S. O. C. Vicarius Generalis per Regnum Poloniarum, Prussiam & Lituan. S. R. M. S.

Epistola R. P. ALBERTI NIGRICI
per modum Censuræ scripta ad R. P. Rectorem
Collegii Gedanensis.

Reverende in Christo Pater.

Superno providente Numine, jam tertia vice oblata mihi sunt Ascetica Paræneses, è divite S. Spiritus venâ emanata, quibus illustratus sum ad expeditius munus meum Pneumaticum peragendum. Legi illas ad utramque lucem, diurnam & nocturnam; quibus perlustratis in magnam rapior admirationem, potuisse Autorem tam multa legisse, cogitasse, scripsisse, perorasse, in tantis præsertim rerum agendarum occupationibus, quæ Bono communi subserviunt. Hereditario Divi Bernardi Enthusiasmo ubique loquitur, genuinis Ditthardi Abbatis præfulget virtutibus, dignus planè ob Encyclopædicam, scientiæ eruditionem, ac accumulatam meritorum abundantiam, in sortem venire Reverendissimi Domini Christiani Episcopi primi Cubaviensis & Culmensis, Professi Olivensis &c.

Zz

Peril-

Perillustri ac Reverendissimo

DOMINO DOMINO

ANTONIO KRZESIMOWSKI

Divinâ Vocatione Abbati Monasterii B. M. de
Copriunicio seu Clarâ Provinciâ S. O. C. per Regnum
Polon. M. D. Litvaniz & Prussiam Vicario
& Commissario Generali, S. R. M.

Secretario,

Domino & Patrono Colendissimo

Salutem & Prosperitatem.

TRifarios Sermonum meorum Tractatus Supremo Sacri Ordinis Capiti ac Primati, debitâ obæratæ mentis devotione sacravi: Quarto Parænesum spiritualium contextu TE Ejusdem Vicarium & Commissarium Generalem pari cultu & affectu ambio stringere ac venerari. Agnosco enim in TE Optimum pro Nerva Trajanum, & Alterum pro Atlante Herculem, qui Polonæ Coelum Provinciæ infractis Vigilantiæ lacertis desudas succollare. Hinc meritò super TE sors cecidit suffragantium Animorum, quem juncta Virtuti Sapientia Tanto parem Honori elaboraverat. Nec sine Numine viduus Provinciæ Fascis TUIS in præmium meritis obtigit, cui præsens sacre dignitatis culmen, Copriuniciu ceu Clara Provincia haud vano omine & Nomine portenderat. Innotescit Orbi ardens inflammandis omnium cordibus TUÆ Pietatis Zelus, quem VIATOR CHRISTIANUS Anagogicis refertus affectibus abundè spirat, ut miræ devotionis fomenta inspiret ac incrementa. Permittes igitur faventissimè hunc Sermonum meorum Tractatum TUO Nomini & Honori inscribi, à quo Operæ pretium referet, dum sub TUIS auspiciis beator, in majus Legentium cedit emolumentum. Id optat

Perillustr. ac Reverendiss. Dominat. Vestræ

Omni cultu & obsequio

Devotissimus

M. A. H. A. O.


*Munus Com-
missarij.*

*Clavis Pro-
vincia.*

*Viator Chri-
stianus.*

STEMMA ERZESIMOWSCIANUM IASTRZEMBIEC

super Aspidem &
aspidem ambulabis,
& conculcabis Leo-
nem & Draconem.
Psal. 90.



Ipsi calcaneum meum
observabunt. Psal. 55.
Longè sequere, & ve-
stigia semper adora.
St. Th.

Centum Lemmatis & Distichis decantatum.

ANNO
Vo VIsltaVIIt hIC oVes sVas DoMInVs
eX aLto.

1. TOTVM IMPLEAT ORBEM.

Accipitrinorum sacra sunt hæc Stemmata Genti;
Quò SOLEIS Terras impleat, Astra CRUCE.

2. MORIBUS ANTIQVIS.

Accipitrinorum Gens Prisca, coæva Polonæ;
Et Ferro SOLEÆ est, & Pietate CRUCIS.

3. HÆC REGIT, ILLA TUETUR.

Sc benè Crux Soleis miscetur sacra profanis:
Qui SOLEâ audit Eques, PRÆSUL is esto CRUCE.

4. DIVUM GENUS.

Supra Equites, Solea hæc volat, alto à sanguine Divum:
SALVATOREM, de Stemmate nosco Crucis.

5. NOBILITAS VIRTUSQ; PARES.

Accipitris quicunq; Crucem putat esse pedestrem;
E Soleis poterit discere, quàm sit Eques!

6. TOLLOR UT EXTOLLAM.

Accipiter Soleate, Crucem qui tollis ad Astra;
PRÆSVLIS & te Crux Aurea, tollit humô.

7. VIA LUBRICA SURSUM.

Ergò vel Aligeris hinc est Via lubrica Coeli?

Illuc Accipitrem Crux Soleæque ferunt.

8. NON EST MOLLIS AD ASTRA VIA.

Sunt satis haud Pennæ; Soleis opus, Alta petenti:

Dura Crucis, non est mollis ad Astra Via.

9. AUXILIO DULCESCIT ONUS.

Pondus inest Soleæ, Crux & sine pondere non est

Dulce at utrumque facit, PRÆSVLIS Ales, onus.

10. REGIS AD EXEMPLUM.

Non Crux, non Soleæ gravitant: Duce Præsule ad Astra

Cum Volucris volucres Crux Soleæque volant.

11. DE LUMINE LUMEN.

Provolat Illustri KRZESIMOWSCIA Gloria Nidus:

Sol Solea est, neque Lux, Crux sacra, Sole minores.

12. AB ORIGINE MAGNI.

Accipitris, Cruce quem cernis Soleamque micantem,

Heroum Nidum, Præsulemque puta.

13. NON ALIENA SEQUITUR.

Accipiter, Nidum non extra, porrigit alas;

Heroum ad Soleas, Præsuleamque Crucem.

14. EVEHIT AD DEOS.

Dicite, Crux, Soleæ; Quo sanguine PRÆSVL? Eques

Accipiter Galeas sed volat ipse supra.

15. ARMAT ET ORNAT.

Quid tibi cum Soleis? quid cum Cruce Nobilis Ales

Emeritam Soleam Crux super Astra feret.

16. REGNAT APOLLO.

Este suæ Aonio, Pennæ Soleæque, Caballo:

Ales hic, hæ Soleæ, & Crux, meliora dabunt.

17. PROSPERE PROCEDE.

Currit inoffensò pede PRÆPES, in Astra, volatque;

Cui Soleis Plantæ, tutaque Penna Cruce.

18. MEL DE PETRA.

Si cui dura Crucis decora hæc, Soleæque putantur:

MELLIFLVI Ceras noverit esse Patris.

19. CÆLO NON CÆNO.

Accipitrem, è Solea, de terris esse putarem:

Coeli sed Volucrem nosco, ab amore Crucis.

20. AMOR ADDIDIT ALAS.

Stare Crucem, Soleas aut ire, aut currere censes?
Sanctior his alas addidit *Ales* Amor.

21. SIC ITUR AD ASTRA.

Pennâ opus, & Soleâ, & fulcrô Crucis, Astra petenti:
Dura etenim Cœli est, Ardua, Longa Via.

22. OMNIA VINCIT.

uncta terunt Soleæ, Vincuntur & omnia Ferrô:
Styx restat; sed & hanc Crux fugat Accipitris.

23. ODI RAPINAM.

Quæ præda *Accipitris*! Soleæ, Ferrumq;, Crucesq;!
Ingenium sancti *Præfulis* Ales habet.

24. NON VENTO RAPIMUR.

æpè leves plumas tollunt ad sidera cygni:
Accipiter, Soleam *Præfulis*, atquè Crucem.

25. IN UTRUMQ; PARATVS.

Accipitris via quæ, ô *Salomon*? Crux ducit ad Astra:
Solaquæ non Solea, hæc & celer Ala petit.

26. CÆLESTIA DONA.

Astra petit *Volucris*: Soleamné hanc portat ab astris?
CRUX certè è cœlo, *Præfulis* alta venit.

27. SVBSIDIVM EST QVOD PONDVS ERAT.

it fatis, ut vulgò est, quòd *Avem* non degravet *Ala*:
Cœlipetam *Accipitrem*, Crux Soleæquè levant.

28. GRANDE DECUS COLUMENQ;

Accipitri cedat *Jovis* Ales. Fulmine sternit
Illa, sed hic Soleas fulcra dat, atq; Cruces.

29. REM NON VERBA DAMVS.

Verba Tibi ô *PRÆSVL*! debet, sed & Arma, Viator:
Pennæ, seu Soleæ, scala placetvé Crucis.

30. VIATORI.

Rumpe moras, Christi, tendens super Astra, Viator:
En Soleæ, en Pennæ, Regia Cruxquè Via.

31. TUTA CELERQ; VIA.

variter ille equitat, Superûm quem gratia portat:
Et tutum, & Volucrem, Crux Soleata facit.

32. A DOMINO SALVS.

Ales hic, an non is cuius fert *penna salutem*?
Tuta est in Soleis, in Cruce tota salus.

33. *AVGVRIVM VIRTVS HABET.*

Archipræsuleis Præsul cumulabere Mitris:
Huc tollit Soleas, Aliger hic Crucifer.

34. *OMNIA DIGNA TRIUMPHO.*

Roma *Pedester Ovet.* Volucris Tua, Cruxq; Triumphans
Nam quis, de Solea nosco, triumphet Equis?

35. *ALIOS TIBI ORBES QVÆRE.*

Hæc Crux digna DEO, hæc Volucris Jove dignior: hæc
Lux Soleæ, Solis quâ soleantur Equi.

36. *OMNIBUS OMNIA.*

Si qua Cruci Pax est? folio requiescit in isto:
Si currit? Solea est: si volat? Ales adest.

37. *MEDIO IVTISSIMVS IBIS.*

Crux Soleam est intra, TIBI Clementissime PRÆSV
Dura Crucem latè Claustra volare vetant.

38. *PRETIUM NON VILE LABORUM.*

Ferrea, dura, Cruci, Soleæ circumdata sepes:
Nam custodiri sic pretiosa solent.

39. *ASTRA PATENT CLAVSIS.*

Clausæ est Crux Soleâ, circum clausa, atq; deorsum:
Penna Cruci sed adest, Porta; in astra patet.

40. *DUCE VIRTUTE.*

Felici Soleâ, Pennatus & ibit in Altum;
Cujus Stemmatis Crux Benedicta præit.

41. *MERUIT REGNARE ROGATVS.*

Crux Honor est, fugit instantem, sequiturq; fugacem:
Et Soleâ, & Pennis, Crux in utroque celer.

42. *DOMINUS SUPPONIT MANUM.*

Si Crux quando gravis; Solea hæc si ferrea quando:
Præfulis ANTONIJ, est Aurea facta, Manu.

43. *HAC PRÆDA CAPIOR.*

Carnivoram hanc *Volucrem*, potuit qui credere, nescit
Accipitrem, Soleas qui capit, immò Cruces.

44. *VINCENTI DABO.*

Et Genus, & Mundum, & Soleas calcaverat iste;
Qui modò Præsuleâ, transvolat alta, Cruce.

45. *REX VOLVCRVM CÆLI.*

Non Jovis, huic *Martis Volucris*, date sceptrâ Volucres:
Si Solea à Solio est dissita; Crux Thronus est.

46. *IMPERIUM SUPER HUMERUM.*

Quis neget? *Accipitrem* hunc, CHRISTO ratione placere?
Quàm Soleâ ille gravem tollit, amatq; Crucem.

Martius hic Ales Soleam cur prenet? apertum est:
Cur Crucem? In hoc signo vincere ubiq; solet.

48. O SANGVEN DIJS OR UNDUM!

Martis is est Volucris: non carne, at Sangvine gaudet:
Sangvine Patritio sed, Crucis & Soleæ.

49. CAPITIS DECUS.

crasuleum Crux pectus habet; Soleæ date plantam:
At CAPITIS Nostri est, non pedis, hæc Solea.

50. SOLI DEO.

RVX Sceptum Christo: Solea est sub Calce; sed *Ejus*,
Scabellum cujus, credita Terra, pedum.

51. SCIENTIARUM DOMINO.

Megase, quid plantam, Soleâ hac, vis tollere, visâ?
Cui sacra sit? Sacro è Stemmata nosce Crucis.

52. MEI NON DEGENERANT.

Ad Solem Pullos Aquilæ exploratis? inane est:

Ad Soleam Accipiter certior, atque Crucem.

53. OMNIA BONA PARITER CUM EA.

Astra patent Soleæ: Cruce cum, *Benedictio Cælô*

Larga veni: Solea est, ne dubitato, capax.

54. VIRTUS IN MEDIO.

Crux petit Astra, solum Soleæ: moderatur utriq;

Virtutem in medio qui tenet Accipiter.

55. VIVITE FELICES.

Crux fugat ista Cruces; Soleâ hâc fera sæcla premuntur

Ferrea: *Nidificent in Galeis Volucres.*

56. NEC BELLO NEC PACE DEEST.

In Cruce Purpureâ, te cernere crede Senatum:

In Solea, & *Martis Præpete*, Martigenas.

57. RUBIGINIS EXPERS.

Crux pretiosa aurum est: Solea est *rubiginis expers*:

Et Solea est aurum: hanc *Martius Ales* amat.

58. SOL CLARIS VALLIBUS ALTER.

Vnde, rogas, *Clara* est Provincia, *Claraq;* Vallis?

Commisum est Soleæ, Solis ad Officium.

59. CÆLUM HUIC COMMITTERET ATLAS.

Cum Cruce, cum Solea, fit Commissarius, Ales:

In Solea Virtus tecta, resecta Cruce.

60. INGENS GENTIS HONOS.

Hoc ABBATE, Minor Polonia, non Minor audit;

Altior in Solea est, & petit alta Cruce.

Crux hæc, quas etiam Castris non explicat Alas?
Et Castra, hanc *Soleam* Martis, & Astra decent.

62. CEDE DEO.

Crux premit, ut tollat: *Solea* aggravat, evolat Ales:
Cum Sancto meritis PRÆSULE certat Honos.

63. VIRTUTI & SAPIENTIÆ.

Vndè hæc Accipitri? dicent, Sapientia, Virtus:
In *Soleæ* solido hæc, in Crucis ista sacro.

64. CONCEDE NULLI.

Ut *Solea* Heroës, Antistes vincis, Equestres;
Sic *Cruce*, PRÆSULEAS vincere perge, Cruces.

65. PIETATI & FORTITUDINI.

In *Solea* Robur, Pietas est in *Cruce*: tutus
Calcet PRÆSUL humum; serus in Astra volet.

66. HOC VIRTUTIS OPUS.

Stemmata quid faciunt? *Solea* hæc, Terrestria calcet;
Crux regit; in Cælos *Accipiterque* volat.

67. NOBILI PRÆSULI.

Hoc Equitem quàm Stemma decet, *Solea Accipitrinum*!
Sed PRÆLATUM *Crux*, Angelum & Ala decet.

68. TE DUCE

Mirer in astra *viam* KRZESIMOWSCIA *Penna* quod optat
Hoc *Soleæ*, hoc *Crux*, hoc integer *Ales* agit.

69. CANDORE & CONSTANTIA.

In medio *Soleæ*, *Crux* est vice cordis, amanti:
Hanc ne dimittat, sic tenet *Ales* amans.

70. SERVANTEM SERVAT.

Ut Clypeum, obtendit *Soleam*, *Mavortius Ales*:
Sed Clypei Clypeum credimus esse *Crucem*.

71. NEC SPERO, NEC SPERNO.

Accipit *Accipiter*, sed non rapit hic, neque spernit:
Dat *Soleam* Tellus, dant merito Astra *Crucem*.

72. MUNITUM VIRTUTIS ITER.

Convocat Ales Honos; *Soleam* Virtutibus offert:
Ad dignamque *Crucem* PRÆSULE, sternit iter.

73. NON UNI SED UNIVERSIS.

Quâ *Cruce*, quâ *Solea*, KRZESIMOWSCIA nititur Ales;
Fulcra hæc, Sarmaticæ sunt, & erant, Aquilæ.

74 AUSPICIJS PACIS.

Crux, finis belli, *Victoria*: vulsa, vacansque,
Pax *Solea*; auspiciô PRÆSULEÆ *Volucris*,

75 DECET OMNE, DECENTEM.

Accipitris plantæ, *Solea* hæc si cum *Cruce*, quadrat:
Quàm magis *Accipitris* tempora *Mitra* decet.

76 NON JACET IN MOLLI.

Molle nihil *Crux* est, *Soleæq;* & *Martia præpes*:
Sic *duris Patiens gaudet*, at & *Sapiens*,

77 NON DVBIIS VICTORIA PENNIS.

Aufonijs non una *Aquilis* victoria parta est:

Accipitrinæ sunt plura *Trophæa Crucis*.

78 CÆLESTIS ORIGO.

Nulla solo, *Soleæque* isti confinia: soli
Deberi cælo, *Crux Volucrisq;* docent.

79 MILITIÆ CÆLESTI.

illum Regis *Crux* est; *Solea* armat *Equestres*:
Dux *Virtus*, comes est *Gloria*, Miles *Honos*.

80 DOMINO EXERCITVVM.

t *Crux*, quot *Solea* hæc, *Equitum* jam computat *Alas*!
Una duas de se *Martia* præstat *Avis*.

81 EXCELSÆ VESTIGIA FAMÆ.

Humana ostendet vestigia, *Fama Pedestris*:
Nobilior, *Solea* noscere; summa, *Cruce*.

82 AGERE & PATI FORTIA.

Qui *Soleas*, prensatq; *Crucis*, est *Martius Ales*:
Fortius illo nil, sanctius estque nihil.

83 TRANQVILLA POTESTAS.

Ceu *Arcus Solea* est; *Crux* est velut una *Sagitta*;
Ales Amor, sanctè qui pia corda ferit.

84 DESURSUM EST.

Si *Soleæ* benè penso situm; descendit ab astris:
PRÆSULIS, illinc *Crux*, pectore digna, venit.

85 TIBI LAMPADA.

PRÆSULE quo, Duplex latè *Provincia*, gaudet;
Ales huic *Soleæ* *Lampada*, datque *Crucis*.

86 PALLADE DIGNIOR.

Palladis Accipiter decus esto: *Noctua* probro est:
Non manibus vacuis hic venit, aut cerebrô.

In *Solea* solers rutilat Sapiëntia; constans
In *Cruce* stat Pietas: Omnia Cæsar hic est.

88 A DOMINO FACTUM.

Vulcani non est *Solea* hæc labor: Ignis ab Alto
Excoxit; facilem flexit, amore Crucis.

89 DVCE DIGNA SACRO.

Militibus præes CHRISTI, pro *Præsede summo*:
Munus id è *Solea* noscitur, atque *Cruce*.

90 REDEUNT SATURNIA REGNA.

A *Cruce* si Edmundus dedit Aurea secula nobis;
A *Cruce* non minor est spes, *Soleâq*; Tuâ.

91 SIC SVRGIT SACER, & STAT APEX.

Non soleis *Solea* hæc similis, sed cum *Cruce* Mitris:
Accipiter CAPITI dat Diadema Sacro,

92 MAJORUM PREMIT ISTE VIAM.

Grande onus est, Patrum vestigia, *Cruce* *Soleâq*ue:
Hæc volat; & Præpes quàm premit illa Sacer!

93. IMPERIVM SINE FINE TENE.

E Cælo hæ nobis *Soleæ* venêre, *Crucesq*ue:
O Bona *Adis*! Fasces hos finè fine tene.

94. NON PRÆVALEBUNT.

PRÆSULIS *Accipiter*, Styga Marte oppugnat, & Arte:
Supplantat *Soleâ* fraudem, abigitque *Cruce*.

95. AD MAXIMA NATO.

Quid? *Soleamq*; *Crucemq*; vides, Calcemque requiris?
Multis Verticibus celsius ista sedet.

96. NON SICVT POPVLVS.

Vulgares pedibus soleæ; *Solea* ista *Cruci* hæret:
Confixa est, DOMINI more, & Amore, *Cruci*.

97. DEFENSIVO NON OFFENSIVO.

Arma vides *Soleam*, Arma *Crucem*, nata Arma tueri:
Ales & ipse, fit ex Carnivoro *Cruciger*.

98. HÆC PREMIT, ISTA LEVAT.

Ad plantas Humilis, *Soleâ* contendis Avitâ?
Cruce, super haud unum, Te feret ista caput.

99. AVFERENS BELLA.

E Terris exesto Pavor. *Soleamque* *Crucemq*;
Evehit *Accipiter*: pressa quiescat humus.

100. PROPTER INNOCENTIAM.

Cum *Cruce* qui *Soleæ* vestigia cernis, adora:
IN PECCATORUM NON STETIT ILLA VIA:
OLIVÆ Typis

Sermo in Dominica I. Adventus.



RATRES, hora est jam nos de somno surgere, excitat omnes magnus verbi Divini Præco & Gentium Apostolus: *Rom. 13.*) Excitat nos ore & verbo ipsius in Epistola hodierna Sancta Mater Ecclesia. Ecclesiasticus verò singularem nobis porrigit admonitionem *cap. 32.*) Horâ surgendi non te trices, præcurre autem prior in domum tuam & illic avocare, & illic lude, & age conceptiones tuas.

*Hora surgendi,
Adventus D.*

Quæ hæc hora sit, quid arbitramur? Hæc non incongruè dici posset tempus Adventus Domini. Hic quemadmodum duplex est, primus ad salvandum, alter ad judicandum; ita & hora una est, quâ propior est salus nostra: una quoque est, quæ veniet, in qua omnes, qui in monumentis sunt, audient vocem Filii Dei & resurgent. (*Joan. 5.*) Et hæc est hora mortis, ubi privatum universorum judicium absolvetur, quam nescimus, quando Dominus noster venturus sit. (*Matth. 24.*) Hæc ipsa est, quâ non putamus, filius hominis veniet. (*Lucæ 12.*) Filioli inclamat Evangelicæ Aquilæ tuba Apostolica: *Ep. 1. cap. 2.*) novissima hora est. Et licet sint duodecim horæ diei, una tamen hora est Adventus Domini, una hora salutis nostræ. Duodenario enim numero universitas designatur. Totum tempus vitæ nostræ una hora est; totus hic novi Testamenti Status, quo Adventus Domini prædicatur, una hora est: & licet exeat primo mane, egrediatur circa tertiam, exeat circa sextam & nonam, denique circa undecimam; una eademque merces datur unâ horâ laborantibus, quæ portantibus pondus diei & æstus. (*Matth. 20.*) Modicum enim est tempus vitæ nostræ, modicum ac leve tribulationis nostræ; hora est momento transiens. Sed quid nobis in hac hora faciendum? Num somno indulgendum, ut dormitet anima nostra præ tædio? (*Psal. 138.*) Usquequò piger dormies? excitat Sapiens: *Prov. 6.*) Quando consurges à somno tuo? Surge qui dormis, impellit Vas electionis (*Ephes. 5.*) & exurge à mortuis, & illuminabit te Christus. Reverà hora est jam nos de somno surgere, (*Rom. 13.*) excutere veterum, tollere grabatum, (*Joan. 5.*) negligere negligentiam, pellere desidiam: Dominus venit, citò venit salus nostra, appropinquat redemptio nostra. (*Lucæ 21.*) Nos utique sumus similes hominibus expectantibus Dominum suum. (*Lucæ 12.*) Regius Vates monet: (*Psal. 26.*) expecta Dominum, viriliter age non somnolenter, confortetur cor tuum & sustine Dominum. Vide, ne redarguaris cum Petro. (*Matth. 26.*) Sic non potuistis unâ horâ mecum vigilare? Vigilate & orate, ut Dominus veniens in prima vigilia, veniens in secunda & tertia vigilia ætatis nostræ videlicet juvenilis, virilis, & senilis nos reperiât semper vigilantes. (*Lucæ 12.*) Beati sunt servi illi, quos

Hora Mortis.

*Vita nostra
hora una.*

invenit omni horâ, omni vigiliâ sic facientes. (*Ibid.*) Mutetur ergo negligentia in diligentiam, torpor in fervorem, ignavia otii in devotionis frequentiam; & si hactenus dormitavimus, jam surgentes vigilemus, impensius agamus, satagamus, id est satis agamus, quod nobis sufficiat ad salutem. Eapropter horâ surgendi non te trices, hortatur Sapiens *cap. 32.*) Credite mihi, multas tricas facit nobis mundus; multas tricas causat nobis caro, plurimas fur ille nocturnus: (*Lucâ 12.*) leo rugiens & quærens quem devoret, (*1. Petr. 5.*) adinvenit per somnolentiam. Et quis ex tot laqueis, ex tot funibus peccatorum, (*Psal. 118.*) ex tot concupiscentiarum labyrinthis poterit se extricare? nisi adjuvetur à Domino, à quo omnis sufficientia nostra. (*2. Cor. 3.*) Ideò vigilandum & orandum, ne intricemur & intremus intimationem. (*Marci 14.*) Vigilat hostis, ut nos perdat; vigilemus nos, ne pereamus, sed ut salvemur. Vigilantia autem nostra ne sit otiosa, sit per orationem negotiosa. Oportet semper orare & nunquam deficere, docet ipsa Veritas *Lucâ 18.*) Idcirco subjungit Ecclesiasticus *cap. 32.*) Præcurre autem prior in domum tuam. Veni prior ad monumentum, & perpende salutis tuæ momentum. Et quæ domus nostra? Nonne Ecclesia? Tam illa formalis credentium congregatio, quàm hæc materialis orantium conventio & coadunatio? In hac domo nascimur per Baptismum, roboramur per Confirmationem, purgamur à sordibus per Pœnitentiam, nutrimur per Eucharistiam, conservamur per Ordinationem, copulamur per Matrimonium; demùm ad ultimam luctam munimur per extremam Uctionem, donec in eadem requiescamus & ponamur in monumentis nostris. Ad hanc domum præcurrere debet quisque prior, certare debet diligentiam, ibique adventum Domini præstolari, si fortè veniat illa dulcis hora Divini solatii, internæ dulcedinis, conversationis & unionis cum Deo: ubi licet sit aliquando in illa hora brevis mora consolationis Divinæ juxta mentem mellisui Patris nostri, nunquam tamen à vigilantia & oratione desistendum. Sine intermissione orate, imperat Doctor gentium *1. Thess. 5.*) ut si fortè Dominus venerit rursus & pulsaverit ad cor, confestim aperiatur ei; (*Lucâ 12.*) ne nobis accidat, quod accidit Sponsæ. Vox dilecti mei, ait illa pulsanis *Cant. 5.*) Aperi mihi soror mea Sponsa. Agnoscis vocem dilecti, discernis sonum pulsanis anima mea? surge, quæ dormis. (*Ephes. 5.*) Si enim in lectulo tuarum commoditatum, in strato pigritiæ quæris dilectum; per noctes peccatorum quæris eum, qui Lux est: (*1. Joan. 1.*) scito, quod quæres & non invenies. (*Cant. 5.*) Si prætendis te exspoliata tunicâ (*Ibid.*) veteris Adæ per baptismum, pedes affectuum tuorum lotos per pœnitentiam, & hoc tibi sufficere, nec vigilas ad adventum Sponsi, nec surgis ad aperiendum ei, vel etiam tandem surgis & pessulum duntaxat ostii aperis non totum ostium, totum cor patefacis: fiet tibi, quod factum est Sponsæ. Dilectus jam declinaverat atque transierat. (*Ibid.*) Tunc surgas & circuabis civitatem, per vicos & plateas quæres, quem diligit anima tua; per discursus

Multa trica.

Vigilanti in
tatione &
orandum.

Domus nostra
Ecclesia.

Sacramentorum
usus.

Hora consolationis.

Quomodo
ubi quærendus
Deus?

discursus &
invenies.
(quæ domus
tix, vulner
circa te?
dicet tibi?
(*Ecclesi. 32.*)
tionibus &
tempore i
lunt esse c
32.) prop
tuo, sed c
charitate
dius? H
illa dicem
re. (*Joan.*
crucifixo
(*Galat. 2.*
(*Psal. 7.*
ctionis;
tui, venit
vere. (*Isa.*
qui refo
suz. (*Ph*
mus? H
quasi her
quæ com
cum JES
corpore
num.
bimur?
scalam f
Non est
Elia tem
(*3. Reg. 1.*
tudine
svavem,
visione

DE
9

A discursus & ambages humanorum conceptuum quæres dilectum & non invenies. Utinam te inveniant vigiles Angeli, qui custodiunt civitatem: (quæ domus est, eadem est & civitas) percutiant te stimulo conscientie, vulnerent cor tuum instinctibus sanctis; ut & tu ipsa melius vigiles circa te: paululum, cum illos pertransibis, priusquam invocaveris eum, dicet tibi: Ecce adsum. (*Isaia 58.*) O felix hora! Jam illic avocare, (*Eccli. 32.*) abstrahere te ab omnibus mundanis, terrenis, carnalibus cogitationibus & desideriis; illic lude cum illa Divina Sapientia, quæ ludit omni tempore in orbe terrarum, (*Prov. 8.*) qui est homo; (delicie enim ejus sunt esse cum filiis hominum. *Ibid.*) Illic age conceptiones tuas, (*Eccli. 32.*) proposita firma deduc ad effectum, ne unquam separeris à DEO tuo, sed dicere possis cum Apostolo: (*Rom. 8.*) Quis nos separabit à charitate Christi? An tribulatio? num angustia? an fames? an gladius? Hæc est hora nostra & potestas tenebrarum. (*Lucæ 22.*) Quid in illa dicemus? Pater salvifica me ex hac hora, orandum cum Redemptore. (*Joan. 12.*) Sed ideò venimus in hanc horam, per quam cum Christo crucifixo & ipsi mundo crucifixi, (*Galat. 6.*) imò Christo confixi cruci (*Galat. 2.*) clarificemur. Quando dormiemus somnum nostrum, (*Psal. 75.*) quando erimus in numero dormientium cum spe resurrectionis; veniet rursus Dominus, veniet hora, quâ dicetur: Surgite mortui, venite ad iudicium. Expergiscimini & laudate, qui habitatis in pulvere. (*Isaia 26.*) Tunc evigilabimus in æternitate Salvatorem salutantes, qui reformabit corpus humilitatis nostræ configuratum corpori claritatis suæ. (*Philip. 3.*) Nonne tunc cum Adamo excusso mortis sopore dicemus? Hoc nunc os de ossibus nostris, (*Gen. 2.*) quando ossa nostra quasi herba germinabunt; (*Isaia 66.*) & caro de carne nostra, (*Genes 2.*) quæ communicavit Christi passionibus, (*1. Petri 4.*) quando conresurget cum JESU & conglorificabitur. Erunt duo in carne una, (*Gen. 2.*) in uno corpore Christi, quod est Ecclesia: DEUS & homo unientur in æternum. Nonne cum Jacobo Patriarcha evigilantes à gravi somno fatebimur? (*Gen. 28.*) Verè Dominus est in loco isto: (ubi vigilantia & oratio scalam fecit ad Deum, disposuit ascensiones in corde suo. *Psal. 83.*) Non est hic aliud nisi domus DEI & porta coeli. (*Genes. 28.*) Interea cum Elia temporali desidiæ somno pressi evigilantes, fruamur pane subcinericio, (*3. Reg. 19.*) manducantes panem doloris & mortificationis, donec in fortitudine cibi istius ambulantes, perveniamus ad montem Dei Horeb id est svavem, in multitudine dilectionis, ubi facie ad faciem (*1. Corinth. 13.*) visione DEI perfrui mereamur.

Sermo in die Nativitatis Domini.

Non erat eis locus in diversorio. Lucæ 2.

DEUS conditor mundi (mundus enim per ipsum factus est *Joan. 1.*) qui in mundo erat invisibilis quia Spiritus; (*Joan. 4.*) venit in

Aaa

mun-

Custodes Angeli.

Hora conversionis.

Hora Resurrectionis.

Erant duo in carne una mystice.

Scala ad Deum.

Pauli subcineritius; Penitentia; Mons DEI Horeb.

Cui sui Chris-
tiani non re-
ceperunt?

Mundus in
maligno.

Diversorium
tenebrarum
omnium ma-
lorum.

Mundus quis?

Macrocosmus
& Microco-
smus.

mundum visibilis in carne, & ecce mundus eum non cognovit. (*Joan. 1.*) Venit DEUS simul & Salvator mundi, in propria venit, & sui eum non receperunt: (*Ibid.*) denique non erat ei locus in diversorio. (*Luca 2.*) Quare? quia DEUS lux est & tenebrae in eo non sunt ullae. (*1. Joan. 1.*) Erat lux vera illuminans omnem hominem venientem etiam in hunc mundum: (*Joan. 1.*) sed homines in mundo positi, dilexerunt magis tenebras quam lucem. (*Joan. 3.*) Dum ergo lux in tenebris luceret, tenebrae eam non comprehenderunt. (*Joan. 1.*) Nonne qui male agit, odit lucem? (*Joan. 3.*) mundus autem in maligno positus erat, (*1. Joan. 5.*) & ideo lucem odio habuit mala ejus opera manifestantem. Jam quae societas luci ad tenebras? (*2. Corinth. 6.*) Hinc non erat luci locus in diversorio tenebrarum. Ita sane populus, qui ambulabat in tenebris peccatorum, vidit lucem magnam (*Isaia 9.*) gratiae cum DEO venientis. Sed eheu! quanta malitia, quanta ingratitude, quanta indignitas populi gravis iniquitate, gentis peccatricis (*Isaia 1.*) eligere & diligere potius tenebras quam lucem? Equidem super hoc potissimum lamentatur DEUS apud *Isaiam Ibid.*) Cognovit bos possessorem suum & asinus praesepe Domini sui venientis & nascentis in mundo, Israël autem me non cognovit & populus meus non intellexit, imò noluit intelligere, ut bene ageret, (*Psal. 35.*) ac ideo non erat ei locus. Quid mirum jam adultum Salvatorem non habuisse locum, ubi caput suum reclinaret, (*Matth. 8.*) dum redargueret mundum; quando adhuc infanti & tacenti non erat locus? Quid tamen credimus causae; quare in mundo caruerit loco Dominus universorum, qui nullius indiget? (*2. Machab. 14.*) Certè non alia de causa, nisi quòd mundus fuerit diversorium omnium gentium, confluxus cunctorum malorum, omnis iniquitatis colluvies & sentina. Non potuit idcirco ulla esse communitio boni cum malo, recti cum obliquo, aequi cum iniquo. Justus est Dominus & justitias diligit, aequitatem videt vultus ejus; (*Psal. 10.*) rectus Dominus Deus noster, & non est iniquitas in eo: (*Psal. 91.*) mundus est oculus ejus, & non potest respicere ad iniquitatem. (*Habac. 1.*) Mundus autem immundus erat, neque diluvium generale suffecit ad abluendas ejus immunditias; plenus omni iniquitate: diversorium planè omnium abominationum & idolorum. Quae autem conventio Christi eum Belial? (*2. Cor. 6.*) Sed qualem Mundum censetis, Fratres mei? num istum, qui in se coelum & terram complectitur, Deo locum denegasse arbitramini? minime. Quia de hoc DEUS loquitur: (*Isaia 66.*) Coelum mihi sedes est, terra autem scabellum pedum meorum. Coelum & terram ego impleo, dicit Dominus. (*Jerem. 23.*) In hoc mundo non est locus, ubi non sit DEUS. Non iste magnus mundus Macrocosmus dictus, sed parvus mundus Microcosmus id est homo, hic intelligendus, apud quem Deus homo factus, locum non invenit. Et quomodo inveniret? Homo cum in honore esset, non intellexit: (*Psal. 48.*) Iniquitatem meditatus est in cubili suo, astitit omni viæ non

non bonæ, malitiam non odit, (*Psal. 35.*) imò requisivit : denique addidit prævaricationem Deum ad se venientem minimè recipiendo. Quare ? quia comparatus erat jumentis insipientibus & similis factus erat eis, (*Psal. 48.*) sicut equus & mulus, quibus non est intellectus. (*Psal. 31.*) Quare ? quia erat omnis immundi spiritûs diversorium. Eapropter Deus per Prophetam *Isaiam cap. 1.*) inlclamat. Lavamini, mundi estote, auferite malum cogitationum vestrarum ; quiescite agere perverse, discite benè facere : & venite & arguite me, videlicet quod non venerim & deflexerim ad vos. Desinite esse diversorium omnium peccatorum, & veniam ad vos, & inhabitabo in vobis & inambulabo in medio vestri. (*2. Cor. 6.*) Ita est P. R. F. D: venit Filius Dei non tantum ad nos, sed in nos factus filius hominis, filius Virginis carnem nostram in se assumens, mansionem apud nos faciens, (*Joan. 14.*) habitavit in nobis. (*Joan. 1.*) Adhucne detrectabimus ei locum ? Locus habitationis Dei sanctus esse debet, liber ab omni peccatorum inquinamento. Anima justî sedes est sapientiæ : si est scelerum diversorium anima injusta, non est ibi locus Sapientiæ Dei incarnatæ. Venit superbia in hoc diversorium, & ecce super astra exaltat solium suum, in monte testamenti, in lateribus aquilonis sedet. (*Isaia 14.*) Venit ambitio, & ista sumit sibi honorem (*Hebr. 5.*) & ponè in proximo ponit sibi thronum. Venit avaritia, & occupat gazophylacia. Venit luxuria, & recumbit in cubilibus & impudicitis. (*Roman. 13.*) Venit ira, & datur locus iræ (*Rom. 12.*) non cedendo, vel recedendo, sed accedendo. Venit gula, & dominatur in comestationibus & ebrietatibus : (*Rom. 13.*) mensas, cellaria, culinas sibi vendicat. Venit invidia, & respicit per fenestras, prospicit per cancellos (*Cant. 2.*) livore tabescens. Venit acedia, & jacet, stertit, volutat se in angulis. Venit detractio & mendacium, & linguam universitatem iniquitatis (*Jac. 3.*) infidet. Denique die ac nocte circumdat eam super muros ejus iniquitas, & labor in medio ejus & injustitia : nec deficit de plateis ejus usura & dolus. (*Psal. 54.*) En diversorium animæ peccatricis ; omnia sunt plena, sed iniquitate. (*Lucæ 11.*) Venit Sapientia Dei increata, illa quæ desursum est ; illa pudica, pacifica, modesta, svadibilis, bonis consentiens, plena misericordiâ & fructibus bonis, non judicans, sine simulatione : (*Jac. 3.*) putas inveniet locum in hoc diversorio, (*Lucæ 2.*) fidem in terra ? (*Lucæ 18.*) fides enim unicus est locus Dei in anima ; illa inquam viva fides, quæ in spe per charitatem operatur. (*Galat. 5.*) In tali sanè mundi diversorio non habet locum. Quid ergo ? Sapientia Dei munda & immaculata, (*Jac. 1.*) mundo inimica, eligit stabulum in habitationem sibi, ut humilitate præcipitaret superbiam ; contemptu vanæ gloriæ, ambitionem tolleret ; paupertate avaritiam pessundaret ; flore virgineo castitatis, sordes luxuriæ everreret ; mansuetudine, iræ extingveret incendium ; abstinentiâ, gulam damnaret ; charitate, invidiam procriberet ; acediam, fervore devotionis eliminaret ; detractiorem, mendacium, iniquitatem, injusti-

Diversorium
immundi spi-
ritûs homo.

Venit Filius D.
ad nos, & in
nos

Locus DEI
sanctus.

Diversorium
Vitiarum.

Datur locus ira.

Sapientia Dei
qualis ?

Fides viva.

Sapientia D.
immaculata munda.

tiam rectitudine, sinceritate, veritate & æquitate exterminaret. Hic est locus Dei Sanctus; (*Psal. 67.*) verè non est hic aliud, nisi domus DEI & porta coeli, (*Gen. 28.*) ubi Filius DEI de coelo descendens requievit; ubi eadem virtus Dei & sapientia ædificavit sibi domum, (*Proverb. 9.*) ubi Verbum Dei habitavit & habitat in nobis plenum gratiæ & veritatis. (*Joan. 1.*) Propter quod loquor cum Apostolo Jacobo *cap. 1.*) abjicientes omnem immunditiam & abundantiam malitiæ, expurgantes diversorium animæ nostræ à veteri fermento (*1. Cor. 5.*) imò exspoliantes nos veterem hominem cum moribus & actibus suis, (*Coloss. 3.*) suscipiamus insitum in carne nostra Verbum DEI, (*Jac. 1.*) Sapientiam Dei, ut habitet in nobis abundanter; (*Coloss. 3.*) illum unigenitum Filium è sinu Patris venientem, (*Joan. 1.*) qui salvabit animas nostras, (*Jac. 1.*) redimendo nos ab omni iniquitate, (*Tit. 2.*) & emundando conscientias nostras ab omni inquinamento. (*Hebr. 9.*) Suscipiamus autem in illa viva, quam dixi fide, armatâ spe, & animatâ charitate, ut ille qui locorum intervallis non distinguitur sed ubique est, ille incomprehensus, omnia comprehendens; in anima nostra cum comitatu suo comprehendatur & locum reperiat talem, qualem ipse elegit sibi in stabulo stationem suam figens; humilitatis, paupertatis, castitatis, mansuetudinis, abstinentiæ, charitatis, devotionis, veritatis & justitiæ suæ vestigia in nobis inveniat, adeoque per gratiam suam in nobis stabuletur. Sit Jesus in intellectu verbum salutiferum & salvificum concipiente; sit Maria in voluntate illud per bona opera pariente & generante: sit Joseph in memoria semper illud recolente & gestante; sit eis locus ejusmodi in diversorio animæ nostræ, ut & ipsi nos in nativitate nostra ad æternitatem suscipiant & deducant in locum tabernaculi admirabilis usque ad domum Dei. (*Psal. 41.*)

Stabulum vir-
tutum in ani-
ma.

Jesus Maria
Joseph.

*Gratulatio à Conventu facta P. ac R. Domino Abbati
in die Colendæ.*

Tenebra Spi-
rituales.

Lux de Cælo.

AManior post nubila phæbus; lætior dies opacâ caligine in rutilos lucis radios transmigrante exoritur P. ac R. Domine. Operuerant antehac faciem universi palpabiles Ægypti tenebræ, non quæ sensum externum afficerent, sed quæ internum conficerent. Errorum ubivis gentium tetra caligo; ligno, limo, lapidi Divini cultus dati; proscripta lex, inversum jus, ad libitum omne nefas licitum; ipsa lumina mundi sapientiæ extincta, & in reprobum sensum data, ut agerent, quæ non expediunt: meridionali luce obscura mentium nox; omnium animis horrendæ mortis imago insedit. Sed ecce dum nox ignorantiae & mundialis vitæ; cursum suum perageret, nova lux descendit de coelo, Sapientia DEI increata, nube corporis obvelata, Candor lucis æternæ, & speciosior sole nobis apparuit. Tripudiat Angelorum exercitus, resonant DEO laudes, gaudium magnum nunciatur. Quidni gaudium magnum de proscrip-
ptis

A ptis exitialibus & fatalibus umbris exoriente Sole Sapientiae? Cessant jam tenebrae interiores, quibus devolvebatur mundus in exteriores perennaturas: cessat caligo insipientiae, quibus illuxit ipsa magistra Doctrina increata Sapientia: cessat insipidus gustus terrenorum, quando descendente aeterna Sapientia seu sapida Scientia melliflui facti sunt coeli: stillant montes dulcedinem, & colles fluunt lac & mel.

Hujus igitur fortunatae diei beatum tempus, quod P. ac R. D. Vestra superstes incolumisque attigerit, hac corona Filiorum tuorum animitus gratulatur: eoque ampliori plenitudine affectus quavis desiderabilia de thesauris Sapientiae Dei vovet & apprecatur gestiens Oliva, quod sub TUO magisterio nomen suum re exprimat. Oliva symbolum sapientiae, quidni particeps effecta incarnatae Sapientiae? Te enim nutricio crescit in sapientia, & gratia Dei est in illa. Quid Tua Sermonum & piarum Paranesum frequentia, nisi sapientiae nutrimenta? Quid praestantissimorum Voluminum magnis impensis comparata copia, nisi apparatus deliciarum sapientiae? Quid patrocinium & promotio studii sacrarum literarum, nisi facis sugere mel de petra, oleumque de saxo durissimo? Quid quod exoptas perfectiori modo studium virtutis practicum instituere? elevare mentes altius a terrenis ad mystica & supercoelestia, nisi ut Filii tui trahant sapientiam de occultis, nisi ut Oliva tua cum puero Jesu crescat sapientia & gratia Dei sit in illa: quousque formetur in virum perfectum aetatis plenitudinis Christi.

Oliva.

Cura Abbatis.

Verum haud sufficit Tibi Praesul Munificentissime, Olivam ab intrinseco formare sapientem & gratiosam; formas quoque exterius speciosam per constructam templi Portam, & hac sapit oculis: formas Olivam structuram organi musici dulcisonam, & hac sapit auribus: formas antiquorum jurium confirmatione, & novorum bonorum collatione fructiferam pro augmento pacis & boni ordinis, pro incremento cultorum & servorum Dei; & hujusmodi proventuum fructus sapiunt ipsi summo Numini ad beneplacitum, sapiunt in odorem suavitatis.

Pro hac ergo multimoda participatione Sapientiae Dei increatae & incarnatae per Te in Olivam Tuam derivata (omne enim pulchrum, bonum, sapiens a summo Ente, pulchro, bono, sapiente ducit ortum juxta principium Theologicum) quid nisi solemnes decet nos referre grates? Magna enim & praeciosa sunt haec. Equidem Doctore Angelico teste; sapientia, quam formaliter sapientes sumus, est quaedam participatio Sapientiae Divinae, quae est Deus. Et Horatius:

Gratitudo
Mons. Paris.

Sapientia.

*Ad summum sapias, uno est propior Jove; dives,
Liber, honoratus, pulcher, Rex denique rerum.*

Philo quoque doctissimus sapientem esse alterum in mundo solem asseruit, Et Poeta: *Virtus cui sapit, ille sapit.* Sole igitur virtutis & intelligentiae

Bbb

dum

dum radiare facis Olivam sive intellectu sapientem, sive sensu sapidam; pronissimâ id acceptamus gratitudine, amplissimâ refundimus gratiarum actione, & unanimi cordium voto precamur, TE ad seras temporum annorumque myriades superstitem in abundantia pacis & omnigenæ prosperitatis perennare.

Responsum P. ac R. D. Abbatis ad Gratulat. Conventûs.

Bonitas Sal-
vatoris nō red-
dit malū pro
malo.

Memendum
in Christo.

Porta myst.

Domus Dei.

Quanta bonitas Salvatoris! In terra natus, non habens locum in diversorio; (*Lucæ 2.*) in terra cum hominibus conversatus, non reperiens locum ubi caput suum reclinaret; (*Matth. 8.*) hominibus adeo ingratissimum offert sedem suam pro æterna ipsorum mansione. Sic Sapientia Divina vincit malitiam humanam, (*Sapient. 7.*) & ut unicuique esset commoditas, in domo Patris mei, ait *Joan. 14.*) mansiones multæ sunt: neque homo à coelo deviare, seipsum januam coeli constituit. Ego sum, inquit *Joan. 10.*) ostium ovium, per me si quis introierit, salvabitur & pascua inveniet. Nec hoc contentus, in seipso refugium habitationis & quietis humanæ locum præparavit. Venite ad me omnes vocat, invitat omnes; (*Matth. 11.*) & ego reficiam vos & invenietis requiem animabus vestris. Si in me manseritis, quidquid petieritis, habebitis & fiet vobis; (*Joan. 15.*) utque non minus habitatio hominibus esset jucunda & hilaris, in me gaudium habebitis. (*Joan. 17.*) Gaudebit cor vestrum, & gaudium vestrum nemo tollet à vobis. (*Joan. 16.*) Erit gaudium velut ad sonitum organi, (*Job. 21.*) ibi laudabimus eum in chordis & organo. (*Psal. 150.*) Omnia tamen hæc nobis statuit in exemplum Sapientia Dei incarnata, ut sequamur vestigia ejus. (*1. Petri 2.*) Si ille porta est coeli, Matremque suam Virginem sanctissimam voluit esse Januam coeli, & Portam Paradisi; voluit Apostolos duodecim, 12. esse portas cœlestis illius Jerusalem; (*Apoc. 21.*) quidni unumquemque nostrum cupiat quoque portam esse, utique apertam sibi Christo, clausam diabolo, clausam carni, clausam mundo, soli DEO patentem? Portam esse, ut luceat lux nostra coram hominibus, ut videant opera nostra bona, & glorificent Patrem nostrum, qui in coelis est? (*Matth. 5.*) Portam esse ad Deum exemplis bonorum operum deprædicandum: neque enim exinde nobis, sed nomini Domini danda est gloria. (*Psal. 113.*) Felix porta, in qua anisæ boni exempli patentes, homines ad Deum trahunt & ducunt! Debemus esse porta lapidea, firma, lapidi angulari Christo Jesu innitens, (*Ephes. 2.*) fundata supra petram, (*Matth. 7.*) nullo flatu ventorum mundanorum, nullis fluctuum carnalium impulsibus, nullis portarum inferi invasionibus & oppressiōibus subruenda. Nec tantum porta, sed & domus Dei, Templum Domini sanctum esse tenemur. (*1. Cor. 3.*) In me manet, dicit Christus de homine fidei. *Joan. 6.*) sed addit: & ego in eo. Ad eum veniemus & mansionem apud eum faciemus. Inhabitabo in

in eis & inambulabo. (2. Cor. 6.) Domus sit munda, ornata, & non vacans sive otiosa, in qua Deus possit habitare. Sint in hac domo organa variarum virtutum, laudem Domini resonantia. Non suspendantur organa nostra, (Psalm. 136.) sed sint semper in actu, nomen Domini sanctificantia & benedicientia. Concinnendum Domino diversi generis organis. (2. Paral. 23.) Sit pedale humilitas, & teneat bassum obedientia. In tenore sit patientia & mansuetudo. Altum teneat castitas, ne inficiatur luto carnalium affectuum: adsit in alto paupertas, quæ sursum sunt in coelo, non quæ super terram, quærat; (Coloss. 3.) ne terrenis desideriis contaminetur. In summo cantu charitas exaltet vocem suam, jam ad Deum ascendens, jam ad proximum condescendens; & sic resonent, sic modulentur suaviter organa, ut sit in voce exultationis & confessionis sonus epulantium (Psalm. 41.) in domo Domini. Sit harmonia pacis, sit melodia unionis, sitque concordia discors, & discordia concors. Discordiam dico, diversitatem virtutum ad concordiam tamen fraternitatis & laudis Divinæ tendentium. Procul absit discordia pacis & sensuum: in se enim, teste Sapiente cap. 19.) dum elementa sensuum nostrorum convertuntur, sicut in organo qualitatis sonus immutatur. Necesse est, ut omnia suum sensum custodiant, & tunc cantantibus organis laus Dei optimè decantatur. Nunquam meliùs, quàm si quisque nostrum sit organum Dei, sit instrumentum Dei Spiritu Sancto afflatum, spiritu Dei agens; (Rom. 8.) dumque caro concupiscens adversus spiritum (Galat. 5.) calcatur, spiritus hominis ad laudem DEI & opera sancta peragenda elevatur. Hæc proinde mei muneris in præsentī Natali Domini est oblatio verè colenda, recolenda, & excolenda. Offero Portam Ecclesiæ nostræ foris lapideam, intus marmoream. Offero Organa triplicia SS. Triadis gloriæ sacrata, in quibus Ascensio Christi, Assumptio Mariæ & assistentium Angelorum, sint nobis ansæ, sint illicia, quibus sursum corda nostra trahantur. Et hæc omnia materialia Spiritualibus nunc præsentō, ut etiam R. P. & F. Vestræ sitis mihi per suffragia sacrificiorum & orationum vestrarum portæ ad Deum, januas coeli mihi aperiatis. Sitis mihi domus, ut in cordibus vestris, bono regimine habitare & regnare possim; sitis mihi organa gratitudinem animi exprimentia, & reciproca-tione affectûs filialis ad affectum Paternum consonantia, dum ego quoque vobis desidero esse ad coelum porta doctrinæ, institutionis & exhortationis, bonique exempli clavi pro posse fragilitatis meæ januam coeli aperiens. Cupio esse domus, in qua pacificè, quietè & securè cum adjutorio Altissimi in protectione Dei coeli habitare possitis & commorari. (Psalm. 90.) Ambio esse organum benè sonans (Psalm. 150.) concordia, pacis & unionis, concertationem consonam vobis præcinens, ut sic in terris hic per nos, de nobis, in nobis laudetur JESUS Christus Salvator noster; habitet in nobis incarnata Sapientia, habeat semper portam apertam & locum in diversorio (Lucæ 2.) cordium nostrorum, velut in domo sua

Organum mysti-
ca virtutum.

Discordia
concors.

Colenda.

Clavi boni
exempli.

reclinat caput suum, (*Lucæ 9.*) ipse seipsum in nobis laudet & glorificet, ac demum in coelis in sua nos deducens tabernacula, det nobis lætam mansionem & in seipso velut fonte æternam sapientiam degustare.

Sermo in festo Circumcisionis Domini.

*Postquam consummati sunt dies octo, circumciditur Puer,
& vocatur JESUS. Lucæ 2.*

Consummatio
& abbrevia-
tio.

Unio Hyposta-
tica.

Verbum abbre-
viatum.

Observantia
legis.

Novam Te-
stamentum.

Octo Beati-
tudo.

Paupertas spi-
ritus Humili-
tas.

Consummato veteris anni circulo, novi decursum inchoamus, ubi in consummatione dierum octo fit pueri circumcisio, & nominis ab æterno ordinati vocatio seu vocalis publicatio, quod est JESUS P. R. F. D. Nunquid non hic juxta Isaïæ Prophetæ *cap. 10.* effatum, consummationem & abbreviationem Dominus Deus exercituum, ille qui cum multitudine coelestis militiæ (*Lucæ 2.*) ad nos venit natus, fecit in medio omnis terræ videlicet in semetipso? Caro enim secundi Adæ Christi, sicut & primi è terra originem ducens, est omnis terra, est omnis caro, ad instar primi hominis totam progeniem humanam in se virtualiter continentis, omnes totius Ecclesiæ fideles in se velut membra in corpore spiritualiter complectens; est omnis caro, quæ in se videt salutare DEI, (*Lucæ 3.*) imò & recepit per hypostaticam Deitatis cum Humanitate unionem, & vocatur JESUS id est Salvator. Fecit, inquam, consummationem dierum octo & abbreviationem in se (*Isaïæ 10.*) per circumcisionem Verbum Domini abbreviatum, quod fecit Dominus super terram, (*Rom. 9.*) Verbum utique secundum Apostolum consummans & abbrevians in æquitate; (*Ibid.*) observans rigorosè legis justitiam, ac exinde planè operatus salutem in medio terræ, (*Psal. 73.*) in medio carnis suæ. Lex DEI in veteri Testamento erat: (*Genes. 17.*) Infans octo dierum circumcidetur. Custoditio legis hujus per Jesum facta, verè fuit consummatio incorruptionis. (*Sap. 6.*) Omnis enim caro Protoparentis corruerat viam suam, (*Genes. 6.*) sed in Christo venit finis universæ carnis Adamicæ, (*Ibid.*) dum per circumcisionem ex corruptione peccati & mortis, ad incorruptionem gratiæ & vitæ fuit translata: ut ita salva fieret omnis caro. (*Matth. 24.*) Jam verò Lex Dei in novo Testamento quid? Crediderim neque hanc à veteri lege discrepare, cum sit legis antiquæ adimpletio, imò consummatio. Fortassè etiam pro circumcisione nostra reperietur in lege Evangelica requisita octo dierum consummatio. Nec abs re compendium doctrinæ Christi per octo beatitudines nobis præscriptæ, octo dies ad veram circumcisionem & salutis adoptionem debere consummari manifestat. Et quidem paupertas spiritus, quæ ex mente SS. Patrum est humilitas, primum ponit gradum ad circumcisionem tollendo initium & radicem omnium malorum superbiam, (*1. Tim. 6.*) quæ primò & primariò primum hominem præcipitaverat. Deinde nonne mansuetudo, quam

A quàm mitis & humilis corde Jesus docet, (*Matth. 11.*) monstrat præcinderet impetus iracundiæ? Nonne luctus & ad velperam peccati demorans fletus (*Psal. 29.*) indicat amputanda vana carnis gaudia & mundi? Nam gulæ illecebras proculdubio esuries & sitis justitiæ (*Matth. 5.*) satura faciet nauseare. Opus etiam misericordiæ immisericordis avaritiæ malignitatem arguit resecandam, mundum quoque cor immunditias luxuriæ postulat relegandas. Venena porrò invidiæ & odii, pacificatio hominum bonæ voluntatis, quales Jesus natus requirit, (*Luc. 2.*) poscit expellenda. Denique patientia persecutionis propter iustitiam (*Matth. 5.*) supremam omnium impedimentorum molem perficit superare, quæ perfectum opus habet, (*Jac. 1.*) ut sic in consummatione harum octo beatificarum virtutum vera Christiani hominis circumcisio absolvatur; & nominis Jesu participium in optatæ salutis consecutione adimpleatur. Quidni hæ octo tam lucidæ virtutes sunt octo dies, ut homo Jesum sequens non ambulet in tenebris, sed habeat lumen vitæ, (*Joan. 8.*) & tanquam filius lucis sicut in die honestè ambulet? (*Rom. 13.*) Invenientur præterea non minùs octo quædam in carne nostra circumcidenda, ut simus non tantum cordibus, sed & corporibus circumcisi. Ac primum quinque sunt corporis sensus; visus, auditus, gustus, odoratus & tactus, quibus si accedat communis sensus sive phantasia, tàm duæ potentiæ concupiscibilis & irascibilis, octonarium numerum adæquabunt; quorum omnium consummatio, nihil aliud est quàm circumcisio, ut hi pravi sensus hominis & ad malum proni, (*Gen. 8.*) nec non passiones inordinatæ non quod volunt malum agant, (*Rom. 7.*) sed ad verum, quod debent quærere, bonum se per circumcisionem adaptent & extendant: quod est Jesus, id est æterna animæ & corporis salus, ac consummata beatitudo. In cubito consummabis summitatem arcæ, imperat Deus Noe (*Gen. 6.*) in qua octo animæ tantum, teste Apostolorum Principe D. Petro (*Ep. 1. c. 3.*) salvæ factæ sunt. Cubitus est Regula mensurans alia omnia dimetienda, in quo summitas arcæ debet consummari. Fabricator orbis, plasmator hominis, vult nos omnes esse fabros, qui sustinuit etiam, cum esset Dei & Virginis filius, fabri filius reputari; vult ut securam in hoc mundi naufragi mari magno & spatiofo (*Psal. 103.*) Arcam salutis, quâ vehamur ad cælum, vitæ æternæ portum nobis exstruamus. Sed nonne ipsimet DEI ipsius ædificatio, Dei cultura sumus? (*1. Cor. 3.*) Quod est fastigium construendæ fabricæ, quam molimur? interrogat Sol Doctorum Augustinus. Quæ est consummatio summitatis Arcæ? Cubitus, Regula Christi octo beatitudinibus expressa. Per observationem hujus regulæ, cui quoque subjicitur Regula S. Patris nostri Benedicti, cujus strictam observantiam professi sumus, vitæ nostræ structura in summa perfectione constituitur. Hæc est via plena luminaribus, quâ dilectus Domini Benedictus ascendit, octo videlicet dierum, octo virtutum consummatio. Quò pervenit cacumen ædificii? in domum Dei, usque ad conspectum Dei. *Ædificavit domum Domini Rex Salomon.*

Mensuratio.

Penitentia.

Justitia.

Misericordia.
Cor mundum.

Pax.

Patientia.

Quæ spiritualiter
et circumcisi
sunt
corpora
Phantasia
et appetitus.

Passiones.

Cubitus consummationis,
Regula S.

Arcam salutis
fabrica.

Regula Christi.

Via S. Benedicti.

Domus Salomon.

Ccc

Salc.

Observantia.

Verus Sapiens.

Vita reflexa.

Qui stat, videat ne cadat.

Stultum perfectionis.

Semper incipendum.

Novi anni devotio.

In cruce consummatio.

Salomon, ait Scriptura 3. Reg. 6.) & consummavit eam, vel ideò verè sapientissimus. Agamus & nos sic, ne de nobis dicatur: *Lucæ 14.*) Hic homo coepit ædificare & non potuit consummare. Unde sit nobis Regulæ sedula memoria & consideratio ad custodiendum eam. Hanc meditari dico sapientiam: (*1. Timoth. 4.*) ita sine mendacio consummabitur verbum legis, legis Christi, & sapientia in ore fidelis observatoris, complanabitur. (*Eccli 34.*) Si ex mente Sapientis *cap. 6.*) cogitare de sapientia, sensus est consummatus; quidni custoditio legis & Regulæ executio erit sapientiae consummatio, (*Ibid.*) & erit in consummatione virtutis octonaria? Verus namque sapiens, Deum sapiens, cor suum dabit in consummationem operum; (*Eccli. 38.*) quandoquid ex operibus fides est consummata, teste Jacobo Apostolo: *cap. 2*) & vigiliâ suâ id est vigilantia ac sedula reflexione ornabit imperfectionem, (*Eccli. 38.*) ornabit tempora sua usque ad consummationem vitæ, (*Eccli. 47.*) ut etiam sic consummatus possit explere tempora multa. (*Sap. 4.*) Sapiens dixi, Deum sapiens, cui nosse Deum consummata iustitia sit, & scire iustitiam & virtutem Dei octuplicem, radix sit immortalitatis. (*Sap. 15*) Notate, quid asserat Ecclesiasticus *cap. 9.*) Et si quis fuerit consummatus inter filios hominum, si ab illo abfuerit Sapientia Dei, in nihilum computabitur. Ergone quis consummatus esse potest absque Dei Sapientia? Minime. Quid ergo? Consummatio quidem virtutis non est nisi per Divinam Sapientiam, sed qui stat, videat ne cadat. (*1. Cor. 10.*) Vidimus stellas etiam de cælo cadentes, (*Apoc 9*) & videmus tantum opera Dei consummata, sed in sapientia Dei laud constantia. Stet ergo sapiens in timore DEI præparans animam suam ad perfectionem, (*Eccli. 2.*) quia sicut initium sapientiae timor Domini, (*Eccli. 21.*) ita consummatio timoris Dei est sapientia & sensus. (*Eccli. 1.*) Qui stat, non stet immotus, sed itans succinctus progrediatur semper per profectum sapientiae & virtutis, nec retrocedat, ne cum spiritu coeperit, carne consummetur; (*Galat. 3.*) sed potius semper carne circumcidatur. Ac ideò bonum certamen certet, cursum consummet, (*2. Tim. 4.*) viam mandatorum Dei currat (*Psal. 18*) corde dilatato, nec deficiat in via, (*Matth. 15.*) sed constanter prosequatur bravium vocationis Christi, sequens monitum Ecclesiastici dicentis, *cap. 18.*) Cum consummaverit homo, tunc incipiat: (hæc est vera DEI sapientia) tunc repetat: nunc coepi. (*Psal. 76.*) Cum hoc novo Anno dicat quisque nostrum, nunc rursus incipio octo dierum consummationem: octo virtutum exercitium, carnis & spiritus circumcisionem, salutis meæ cum timore & tremore operationem; quia cum quieverit homo, inquit Ecclesiasticus *c. 18.*) tunc operabitur. Ante passionem suam loquitur ad Patrem Jesus: *Joan. 17.*) opus consummavi, quod dedisti mihi ut faciam. Sed quomodo bone JESU? In cruce respondet, usque ad mortem crucis humilians se & obediens factus Jesus. (*Philip. 2.*) Ita est Fratres mei. In cruce dixit Jesus: (*Joan. 19.*) Consummatum est: neque enim extra crucem consummatio. Nunc semel,

mel, ait Vas electionis Divinæ (*Hebr. 9*) in consummatione seculorum ad destitutionem peccati per hostiam suam apparuit Jesus in crucis altari, hostia & victima pro nobis oblatus, quia ipse voluit. (*Isaia 53*.) Sed & circumcisio initium crucis Christi fuit; sacrati sanguinis effusio principium martyrii & passionis. Crux est cubitus, in quo summitas arcæ consummatur. Decebat enim eum, inquit idem Vas electionis: *Hebr. 2.*) per quem omnia, & propter quem omnia, (*1. Cor. 8.*) qui multos filios, (illos quibus dedit potestatem filios Dei fieri *Joan. 1.*) ad gloriam duxerat, per passionem crucis consummare. Crux est summitatem veræ arcæ testamenti consummans. Deponentes proinde omne pondus & circumstantes nos peccatum, (utique circumcidendo,) exhortor cum præfato Apostolo *Hebr. 12.*) per patientiam haud dubiè crucis; curramus ad propositum nobis certamen, aspicientes in Authorem fidei & consummatorem Jesum, qui proposito sibi gaudio vitæ æternæ & salutis nostræ, sustinuit crucem. Audite, quomodo orat Patrem ante mortem suam pro sui sequacibus discipulis. Sint unum, ait *Joan. 17.*) sicut nos unum sumus, ego in eis & tu in me, ut sint consummati in unum. Quo pacto? quâ methodo? per cubitum, per Regulam crucis, in qua maximè octo elucet virtutum beatitudines. Hæc est consummatio sanctorum. (*Eph. 4.*) Me expectaverunt peccatores, ut perderent me, conqueritur Propheta. *Psal. 118.*) Et hi sunt spiritus, qui ad vindictam creati sunt, teste Ecclesiastico *c. 39.*) & in tempore consummationis effundent virtutem, ut nos faciant prævaricari legem DEI, regulam salutis, ut tanquam prævaricatores in consummatione tabescamus: (*Eccli. 40*) nationes enim iniquæ, diræ sunt consummationis. (*Sapient. 3.*) Sed quid Propheta? Testimonia tua intellexi, infert *Psal. 118.*) Videte, quo se tueatur; intellectu mandatorum Dei, cogitatione legis, regulâ virtutis. En Sapiencia Dei illuminans intellectum, & docens de omnibus, per quam omnis consummationis, inquit *Ibid.*) vidi finem. Quem? Divus Ambrosius & D. Hieronymus asserunt, Christum crucifixum; planè qui est consummatio salutis nostræ. Quem finem? Divus Augustinus affirmat coronam martyrii, quia consummata est perfectio, mori pro Christo; & hæc est octava beatitudo pati persecutionem propter iustitiam, (*Matth. 5.*) quæ est Christus. Vidi finem, Theodoro interprete, omnia humana, opes, honores, voluptates, hisque similia, licet consummata & perfectæ esse videntur, habere finem. Et idè in die consummationis dierum vitæ tuæ, monet Ecclesiasticus *c. 33.*) & in tempore exitus tui distribue hæreditatem tuam, quæ cum morte habet finem. Et hic est finis, quem autumat Euthymius, omnis interitus tam bonorum quàm malorum, quòd finis mortis illorum, sit vel gloria vel poena æterna. Vidi finem, qui omnium hominum in consummatione erit, (*Eccli. 16.*) in quo meritò bonis & malis consummatis, his supplicia, illis reddentur præmia. Sic erit in consummatione seculi. (*Matth. 12.*) De illo novissimo die præcavet Eccle-

Initium Cru-
cis circumcisio.
Crux cubitus
consummationis.

Tendens pec-
catum.

Consummatio
Sanctorum.

Finis consum-
mationis Christi.

Omnia huma-
na finita.

Mors.

Consummatio
seculi.

Consummatio,
Perfectio Obs-
ervatæ.

Conclusio
duodecimi O-
ctonarii Psal.
118.

Reconciliatio
solemnis.

fiasticus *cap. 18.*) Memento iræ (procul dubio Dei) in die consummationis. Denique intelligens testimonia DEI, legem DEI, regulam Evangelii: vidi finem omnis consummationis, (*Psal. 118.*) omnis perfectionis vitæ esse mandatum tuum (hoc est præceptum meum, ait JESUS *Joan. 15.*) nempe dilectionis præceptum, quod est latum nimis (*Psal. 118.*) omnia mandata in se comprehendens, in quo universa lex pendet & Prophetæ; (*Matth. 22.*) finis enim præcepti est charitas: (*1. Timoth. 1.*) latum nimis ad Deum, Angelos, homines etiam inimicos se extendens. Per hanc dilectionem unum sumus & cum DEO & cum proximo planè consummati in unum. (*Joan. 17.*) Et hæc est conclusio duodecimi octonarii in Psalmo 118. Beatorum immaculorum in via, ambulantium in lege Domini; hæc est vera salutis illorum consummatio: ut & per duodenarium universitas & per octonarium consummatio perfectionis manifestetur in ea, quæ Deus est, charitate. Quia etiam consummatio sermonum (*Eccl. 43*) ipse est in omnibus, ideo oremus nostram consummationem fieri in charitate, quam sigillatim in hoc novo anno, donantes invicem ex corde, consummemus; eandem consummato vitæ tempore ab omni malo circumcisi, & de salute nostra spei fiduciâ suffulti, in beata annorum æternorum duratione consummaturi.

Sermo in festo Epiphaniæ.

Vidimus stellam ejus in Oriente. Matth. 2.

Princeps mi-
di plagarum
Oriens.

Ab Oriente
omne bonum.

INter quaternas mundi plagas primatum tenet Oriens P. R. F. D; partim quod ab eo syderum ortus ac potissimum principis astrorum Solis irradiatio proveniat, partim quod Paradisi creatio, primorum parentum nostrorum exortus, ipsa demum salvationis nostræ origo ibidem sua jecerit fundamenta: partim quod mater sit scientiarum, omnium rerum & omnium mercium præstantia ac raritas abinde oriatur. Nobis tamen major est ratio æstimandi Orientem, quos per viscera misericordiæ Divinæ visitavit Oriens ex alto (*Lucæ 1.*) JESUS. Ecce Vir, Oriens nomen ejus, (*Zachar. 6.*) natus nobis Salvator, de quo Zacharias Propheta *cap. 3.*) Ecce ego adducam servum meum Orientem; & altera *Isaiæ cap. 46.*) Consilium meum stabit & omnis voluntas mea fiet, dicit Deus, vocans ab Oriente justum, & de terra longinqua virum voluntatis meæ. Hic est Christus Dominus verus Sol justitiæ, (*Malach. 4.*) Lux mundi, (*Joan. 8.*) qui etiam seipsum appellat in Apocalypsi, *cap. 22.*) Ego sum stella splendida & matutina, illa planè stella, quæ promissa fuit: (*Num. 24.*) Orietur stella ex Jacob, idque de tribu Juda, cui præcepit Deus: *Num. 2.*) Ad Orientem Judas figat tabernacula sua. Et alibi: (*Josue 15.*) fors filiorum Judæ ab Oriente erit initium mare salissimum usque ad extrema Jordani, quia mare sanguinis Domini in Baptismo, quem Dominus in Jordane acce-

accepit, m
Deo, vero
bus, qui a
ab Orient
rim extru
it turris B
deli Abrah
Gomorrha
rium Dom
(1. Paral.
demus: (1
dibus nost
(Matth.
instar idol
de popule
Sunt, qui
cupati.
um, in qui
di, non lip
intenti, &
ejus est?
rem & ver
plenum g
imperat P
(Ibid.) h
quàm jucu
tias hujus
do ex me
fidei in an
DEI: (P
ligentia;
manant à
omnem h
ciferum p
diceret: n
in te est l
cati. O
est descen
gratiam i
fidei illum
rem terra
vis est, &
& celest

A accepit, maxime nos in sortem beatorum credentium & confitentium Deo, verorum nempe Judæorum transferre debuit & firmare. Væ omnibus, qui ab Oriente recedunt ! Post diluvium progenies Noë proficiscens ab Oriente, (*Gen. 11.*) scitis quò deviavit ? Vesanâ præsumptione turrim extruere voluit pertingentem usque ad coelum; (*Ibid.*) sed facta fuit turris Babel, id est confusionis. Loth quàm infelix ! postquam à fidei Abraham divisus ab Oriente recessit: (*Gen. 13.*) in terram Sodomæ & Gomorrhæ delapsus est. Maneamus in Oriente Fratres, ubi propitiatorium Domini ad Orientem: (*Levit. 16.*) respiciamus semper Orientem, (*1. Paral. 5.*) donec illuminemur, qui in tenebris & in umbra mortis ledemus: (*Luc. 1.*) donec Lucifer ille cœlestis illucescat & oriatur in cordibus nostris: (*2. Petri 1.*) donec videamus stellam JESU in Oriente. (*Matth. 2.*) Multi sunt, qui oculos habent & non vident (*Psal. 113.*) instar idolorum. Sunt, qui videntes non vident, ritu excæcatorum corde populorum. Sunt, qui vident & non intelligunt more brutorum. Sunt, qui vident sed nolunt intelligere, vel infascinati vel malitiâ præoccupati. Absit à nobis talis visio; simus autem veri Israelitæ videntes Deum, in quibus dolus non sit animi, non cæcitas cordis, non fascinus mundi, non lippitudo carnis. Videamus stellam ejus, puro & fixo intuitu illi intenti, & illam nos antecedentem semper sequentes. Sed quæ hæc stella ejus est ? Est gratia DEI. Nonne lex per Moylen data est, gratia autem & veritas per Jesum Christum facta est, (*Joan. 1.*) per illud Verbum plenum gratiæ & veritatis ? (*Ibid.*) Circumspice Jerusalem ad Orientem, imperat Propheta Baruch *cap. 4.*) Tu visio pacis; vide jucunditatem, (*Ibid.*) haud dubiè gratiæ, quæ venit tibi à Deo tuo. Quàm lucida, quàm jucunda stella Jesu, lumen gratiæ Divinæ nobis infundens ! primitias hujus luminis gratiæ percepimus in Oriente nostro, in Baptismo, quando ex morte peccati renati & regenerati sumus ad vitam. Ibi lumen fidei in anima nostra radicaturn. Hinc lucerna pedibus nostris verbum DEI: (*Psal. 118.*) Inde lux scientiæ & doctrinæ, rerum Divinarum intelligentia; abinde plenior Dei cognitio & contemplatio. Hæc omnia promanant à stella Christi, à lumine gratiæ ejus, à Luce illa vera illuminante omnem hominem venientem in hunc mundum. (*Joan. 1.*) Nunquid luciferum produces in tempore suo ? interrogat Deus Job *cap. 38.*) Quasi diceret : non tuæ potestatis aut voluntatis, sed meæ gratiæ opus est, si quid in te est luminis à Lucifero Christo veram lucem ferente tibi communicati. Omne enim datum bonum & omne donum perfectum defursum est descendens à Patre luminum. (*Jac. 1.*) Vide stellam ejus, agnosce gratiam ipsius. Prima Dei promissio Abraham Patri credentium, primo fidei illuminato facta fuit : (*Genes. 13.*) faciam semen tuum sicut pulverem terræ, & hæc carnalis & terrena. Homo enim carne constans pulvis est, & in pulverem revertetur. (*Gen. 3.*) Secunda promissio spiritualis & cœlestis fuit. (*Genes. 15.*) Numera stellas si potes; & dixit Deus: sic erit

Ddd

semen

Væ qui ab Oriente recedunt

Præsumptio filiorum Noë.

Loth infelicitas.

Cæcitas varia.

Stella Gratia Dei.

Oriens Baptismi.

A Deo lumen.

Promissio Abraham duplex.

Multiplex
DEI Gratia.

Cooperandum
DEI Gratia.

Subtrahit
Gratia.

Onus Babylo-
ni.

semen tuum; nullum certè aliud, nisi illud, de quo ulteriùs: *Genes. 22.*) In semine tuo benedicentur omnes gentes, interprete Apostolo, quod est Christus. Ipse est benedictum Abrahæ semen instar stellarum, quarum non est numerus; (*Psal. 39.*) quia innumerabiles sunt gratiæ ejus. Nonne divisiones gratiarum sunt ab uno Spiritu Christi? (*1. Cor. 12.*) Nonne dispensatio est multiformis gratiæ Dei? (*1. Petri 4.*) Multiplicabo semen tuum sicut stellas coeli, ait Dominus *Gen. 16.*) Semen est verbum DEI: (*Lucæ 8.*) semen est gratia DEI multiplex per verbum ejus. Species coeli gloria stellarum, mundum illuminans in excelsis Dominus: (*Eccli. 43.*) Solus ipse est, qui numerat multitudinem stellarum, & omnibus eis nomina vocat, (*Psal. 146.*) quæ etiam dederunt lumen in custodiis suis, (*Baruch. 3.*) (gratia enim est custodiens & præservans nos à peccato) & lætata sunt. Vocata sunt & dixerunt: Adsumus; & luxerunt illi cum jucunditate, qui fecit illas. (*Ibid.*) Nihil enim jucundiùs & gratiùs Deo, quàm quando gratia ejus in nobis reperit locum; Dei voluntati correspondet voluntas nostra ad obediendum prompta & pro posse suo gratiæ Dei cooperatur in omnibus. Ac ideò hortamur vos fratres, ait Vas electionis Paulus: *2. Corinth. 6.*) ne in vacuum gratiam Dei recipiatis, ne sitis rebelles lumini, (*Job. 24.*) ne rumpatis jugum Domini dicentes: (*Jerem. 2.*) non serviam: hæc est dies illa maledicta nocti similis Ægyptiacæ, cujus caligine stellæ coeli obtenebrantur, gratiæ Dei evacuantur. Verè tunc cum *Job cap. 23.*) si ad Orientem jero, non apparet ille, qui præcipit Soli & non oritur; claudit stellas quasi sub signaculo. Ab ingratis enim gratiæ & beneficia tolluntur. Talis gratiam Dei in se extinguens experietur, quod minatur Deus apud Ezechielem *cap. 32.*) Et operiam, cum extinctus fueris (extincta enim gratia Dei & homo extingvitur) coelos, & nigrescere faciam stellas ejus. Solem nube tegam Christum Authorem gratiæ & fontem luminis, & Luna illa pulcherrima Mater gratiæ non dabit lumen suum. Omnia luminaria coeli mædere faciam super te; Sanctos & Angelos pacis amarè flentes (*Isaia 33.*) super excæcatione & perditione nostra, quam causat minimus Divinæ gratiæ neglectus, ne dicam (quod Deus avertat!) contemptus. Hoc est onus Babylonis, onus confusionis apud *Isaiam*, ubi prædicit *cap. 13.*) Ecce dies Domini veniet crudelis & indignationis plenus & iræ furorisque ad ponendam terram in solitudinem & peccatores ejus conterendos de ea. Quoniam stellæ coeli & splendor earum non expandent lumen suum. Cessabunt gratiæ, ubi incipiet judicium severum, ubi adventus Domini erit sicut fulgur exiens ab Oriente & parens in Occidente (*Matth. 24.*) vitæ nostræ. Aperiamus igitur oculos intellectus nostri & videamus stellam Christi, illius Justi ab Oriente suscitati, (*Isaia 41.*) qui ascendit super coelum coeli ad Orientem dans dona hominibus, (*Psal. 67.*) gratias suas distribuens (unicuique enim data est gratia juxta mensuram donationis Christi. (*Ephes. 4.*) Et non negligamus gratiam, eam quæ in nobis est, (*1. Timoth. 4.*) ne sol & luna obtene-

obtenebrentur, & stellæ retrahant splendorem suum. Contemplemur ne quid nobis desit gratiæ Dei, (*Hebr. 12.*) non sit vacua in nobis gratia Christi (*1. Cor. 15.*) imò crescamus in gratia & cognitione Domini nostri Jesu Christi. (*2. Petri 3.*) Confortemur in illa, ut ipse Dominus faciat gratiam suam abundare in nobis; (*2. Cor. 9.*) nihil nobis desit in ulla gratia, (*1. Cor. 1.*) imò regnet in nobis gratia per justitiam in vitam æternam per Jesum Christum Dominum nostrum. (*Rom. 5.*) Stellæ manentes in ordine & cursu suo, gratiæ Dei benè in nobis dispensatæ, pugnabunt contra Sitarum infernalem. (*Jud. 5.*) Qui vicerit & custodierit usque in finem opera mea, (*Apoc. 2.*) opera gratiæ gratis datæ, inter alia ait Christus: *Ibidem.*) dabo illi stellam matutinam, videlicet post Occidentem vitæ temporalis, in occasu mortis & in ortu vitæ, & in illo æternitatis Oriente ac matutinæ resurrectionis die, dabo ipsi lumen gloriæ, dabo me ipsum, qui sum stella splendida & matutina; dabo illi (*Apoc. 22.*) ut & ipse sit stella matutina, jam non in medio nebulae (*Eccli. 50.*) sed lucis, & quasi stella fulgeat in perpetuas æternitates. (*Dan. 12.*) Quid enim est finaliter gratia Dei, ex mente Doctoris Gentium *Rom. 6.*) nisi vita æterna? idque in Christo Jesu Domino nostro, qui de se ait: *Joan. 14.*) Ego sum via, veritas & vita. Adeamus ergò cum fiducia ad thronum gratiæ ejus, (*Hebr. 4.*) ut pro utroq; Statu Ecclesiastico & Politico, Regulari & Seculari, pro Sacro Ordine & Monasterio nostro, pro animabus agonem & ignem Purgatorium patientibus, misericordiam consequamur, finalemque gratiam inveniamus in auxilio opportuno, (*Ibid.*) videamusq; semper stellam Dei & eam sequamur, donec assequamur, ut per lumen gratiæ lumen gloriæ apprehendamus: & qui in Oriente gratiæ vidimus stellam ejus, ipsum Solem justitiæ in Oriente gloriæ videamus.

Gratia DEI
cooperans.

Mors Occasus,
Oriens Eternitas.

Stella Matutina.

Finis & Gratia
gratiarum
Vita æterna.

Oriens f. Lumen
Gratia &
Gloria.

Sermo in festo Purificationis B. V. M.

Nunc dimittis servum tuum Domine secundum verbum tuum in pace, verba sunt Simeonis justī, timorati & expectantis consolationem Israel, ipsumque jam solatium Orbis JESUM ulnis suis complectentis ac stringentis, Deumque benedicientis. Felix equidem talis pacifica justī servi Dei dimissio in unione Jesu Salvatoris, in unione salutaris Divini, in ipsa vera pace Dei, quæ est Christus. Quàm grata dissolutio, quàm suavis dimissio corporis, ubi est admissio animæ in admirabile lumen Dei, (*1. Petri 2.*) illud lumen, quod est ad revelationem gentium (*Lucæ 2.*) in revelatione gloriæ plebis Israel; & hæc est Dei visio. Quis non optaret sibi in pace sic dimitti? Hic sanè finis noster esse debet P. R. F. D; hic terminus, hæc consummatio. Sed qui ad hoc admitti cupit, debet esse Simeon, justus, timoratus & expectans. Simeon, videlicet audiens vel obaudiens. Fides est ex auditu, auditus per verbum Christi; (*Rom. 10.*) ergò fidelis verbo Christi obtemperans, audiens quid loquatur in ipso Dominus, (*Pf. 84.*) audiens & custodiens Verbum Dei, (*Lucæ 11.*)

Mors justorum.

Simeon imitandus.

Accusator sui
iustus, Adam
excusator.

Timor D.

Confessio.

Habitus pravi.

Dimissio infe-
lix reprobis.

Incorrigibili-
tas.

Sera peniten-
tia.

auditor & factor verbi sit. (*Rom. 10.*) Et quia corde creditur ad iustitiam (*Ibid.*) uti Abrahamæ fidei credenti DEO reputatum est ad iustitiam; (*Gal 3.*) sit iustus ex fide vivens, fide per charitatem operans, (*Gal 5.*) per fidem vincens regna (*Hebr. 11.*) mundi omnia & gloriam eorum: Apostolico animo omnia arbitrans sicut stercora, ut Christum lucrifaciat; (*Phil. 3.*) seipsum æstimans omnium perisema (*1. Cor. 4.*) (iustus enim in principio accusator est sui: *Prov. 18.* uti David, non excusator ut Adam,) abrenunci-ans demum mundo, carni, Sathanæ, seipsum abnegans, & sic per fidem operans iustitiam adipiscetur repromissiones; (*Hebr. 11.*) secundum verbum Dei dimittetur in pace. Et quia etiam iustus septies in diem cadit, (*Prov. 24.*) sit timoratus; timorem enim Domini expellit peccatum. (*Eccli. 1.*) Ac ideo dimissio à peccatis per timorem Dei est necessaria. Scimus, quod nemo possit dimittere peccata nisi solus Deus. (*Marci 2.*) Confitebor adversum me iniustitiam meam Domino, dicit Regius Vates: (*Psal. 31.*) & tu dimittes impietatem peccati mei. Ecce sic confessio fit ad salutem. (*Rom. 10.*) Sed qui vult sibi à Deo peccata dimitti, debet & ipse dimittere peccata tempestivè. Dissolve colligationes impietatis, imperat per Prophetam Isaiam *cap. 5.* Deus; solve fasciculos deprimentes, utique peccatorum: dimitte eos qui contracti sunt liberos, nempe habitus pravi ad peccandum, & omne onus dirumpe, delictorum conscientiam tuam aggravantium, idque dum tempus est miserendi, (*Psal. 101.*) ne fortè non audiens vocem Domini & non intendens ei, dimittaris à Deo secundum desideria cordis tui, (*Psal. 80.*) ut eas in adinventionibus tuis. O miseram hominum statum! quando illos Deus dimittit in manu iniquitatis suæ, & tradit in desideria cordis eorum, (*Rom. 11.*) tradit in passionem ignominiae, tradit in reprobum sensum, (*Rom. 1.*) ut faciant ea quæ non conveniunt. Considera opera Dei, ait Ecclesiasticus *cap. 7.* quia nemo potest corrigere, quem ille despexerit. Tunc obdurato corde impius peccata peccatis accumulatur, thesaurizans sibi iram in die iræ, (*Rom. 2.*) ita ut cum in profundum venerit, contemnat: (*Prov. 18.*) tunc irritat Deum in adinventionibus (*Psal. 105.*) malitiæ suæ. Quid sequitur? Multiplicatur in eis ruina. (*Ibid.*) Omnes qui cæperint, eos tenent, inquit Jeremias *cap. 50.* nolunt dimittere eos, pravæ nimirum, perversæ, habituatae in malo consuetudines: nec jam datur magis horrendum supplicium, quam cum peccata pæna sunt peccatorum, ipsis ulterioribus planè pedissequis peccatis Deus peccata punit anteriora. O anima sic à Deo dimissa, peccata non dimittens dum tempus est! veniet tempus, ubi non erit tempus amplius (*Apoc. 10.*) ubi non tu peccata, sed te peccata circa mortem dimittent. Sed qualem? Dimittent te nudam & ignominiam plenam (*Ezech. 23.*) in perpetuum. Ac ideo dum tempus est, sta in iustitia & timore, (*Eccli. 2.*) effuge peccatum, dimitte illud, require ocyus per veram penitentiam, purificationem. Fili peccasti, inquit Ecclesiasticus *cap. 21.* ne adjicias ultra, sed & de pristinis deprecare, ut tibi dimittantur.

tur. En vera poenitentia, pro præteritis dolere & orare Deum cum Davide poenitente dicendo : *Psalm. 24.*) Dimitte universa delicta mea : & de futuris cavere per timorem Dei, adeoque sic purificari dimittendo peccata, & expetendo ac expectando redemptionem per illum, qui est Filius Dei & hominis, qui habet potestatem dimittendi peccata. (*Matth. 9.*) Ipse enim est propitiatio pro peccatis nostris, (*1. Joan. 2.*) qui venit tollere peccata mundi; (*Joan. 1.*) qui redemit nos à peccatis nostris in sanguine suo. (*Apoc. 5.*) Hic est Christus Domini, (*1. Reg. 24.*) quem si videris per fidem, non videbis mortem peccati. (*Joan. 8.*) Hic est ille, quem optabat Moyses & à Deo exposcebat. (*Exodi 4.*) Mitte, quem missurus es, videlicet Messiam. Hic est ille, qui mittendus erat, futurus expectatio gentium, (*Gen. 49.*) missus à Deo Patre, Deus ipse Filius, missus in mundum, ut salvaretur mundus per ipsum. (*Joan. 3.*) *Nisi enim ille fuisset missus*, ait Sol Doctorum Augustinus, *nemo nostrum esset ab iniquitate dimissus* : Ille qui dimissis nonaginta novem ovibus in deserto relictis, nimirum novem Angelicis choris venit quærere ovem, quæ perierat (*Matth. 18.*) hominem peccatorem. Hunc cum Jacobo Patriarcha per piam luctam orationis fortiter apprehende, nec dimittas nisi benedixerit tibi. (*Gen. 22.*) Hunc cum Sponsa tene, nec dimitte, donec introducat te in domum matris tuæ, (*Cant. 3.*) in templum Domini, ubi suscipias misericordiam ejus in medio templi (*Psalm. 47.*) per manus Matris Virginis, quæ est medium templi, medium Ecclesiæ, Mediatrix nostra, Refugium peccatorum, purificatione suâ etiam hodie per oblationem Jesu, purificationem peccatorum tuorum faciens. Nonne tunc dicere poteris cum Simeone : *Lucæ 2.*) Nunc dimittis servum tuum in pace ? Jam tunc si spiritus potestatem habentis ascenderit super te, (*Eccli. 10.*) fomes peccati; si supervenerit prava consuetudo, dæmonis suggestio si occurrerit, ne dimittas locum tuum, (*Ibid.*) medium templi, gratiæ Divinæ assistentiam. Ecce sagittæ ultra te sunt : (*1. Reg. 20.*) adjutorio Christi, auxilio Auxiliatricis Christianorum. Sagittæ parvulorum factæ sunt plagæ eorum : (*Pf. 63.*) vade in pace : Dominus enim dimisit te, ne tibi noceat, (*Gen. 31.*) sed potius dimittat te inimicus tuus. Si tamen verè volumus nobis peccata dimitti à Deo, dimittamus & nos debitoribus nostris. Ita dicit ipsa Veritas Christus : *Lucæ 6.*) dimittite & dimittimini ; Et addit alibi apud Matthæum *cap. 6.*) Si dimiseritis hominibus peccata eorum, dimittet & vobis Pater vester coelestis delicta vestra : si non dimiseritis, non dimittetur vobis. Et ne superficialiter agamus, asserit alio in loco : *Matth. 18.*) si non remiseritis unusquisque fratri suo de cordibus vestris : unde sic nos orare docuit. (*Matth. 6.*) Dimitte nobis sicut & nos dimittimus. En Regula dimissionis peccatorum ex nobis à Deo sumpta & hoc pro justitia. Pro expectatione verò consolationis debemus esse in Statu Apostolico, ut dicere possimus : *Marci 10.*) Ecce nos dimisimus omnia, adeoque ad expectationem Israel solum Deum anhelare tenemur. Et quæ est expecta-

Vera Poenitentia.

Præsentia Dei.

Necessitas Incarnationis.

Oves Angeli.

Perseverantia.

Medium templi B. V.

Fomes peccati.

Dimittite & dimittimini.

Statu Apostolico.

Ecc

pecta-

Potentia Ob-
stantis i Moysē
& iacob.

Dolor de Pec-
catis.

Gustus vite a-
terne salivæ.

pectatio nostra? Nonne Dominus? & substantia nostra apud illum est. (*Psal. 38.*) Unde jure omnia dimittere possumus, ut ipsum solum teneamus, & sic cum Simeone ex hoc mundo dimitti ad ipsummet postulemus. Beata igitur anima, quæ audire meretur: (*Lucæ 13.*) Dimissa es ab infirmitate tua, cui inquit Iesus: (*Matth. 9.*) Dimittuntur tibi peccata tua, & quia cui minus dimittitur, minus diligit; (*Lucæ 7.*) nos quibus dimittuntur peccata multa, diligamus multum. (*Ibid.*) Stringamus Deum amoris ulnis. O potens amoris proximi vis in Moysē! ut cogatur Deus dicere: (*Exodi 32.*) Dimitte me ut irascatur furor meus, ut conteram populum rebellem & deleam nomen ejus de sub coelo. O prævalens amoris Dei potentia in Jacobo Patriarcha! ut constringatur Deus urgere: (*Gen. 32.*) Dimitte me, jam enim ascendit aurora. O utinam tam efficax & amoris virtute armata esset oratio nostra ad Deum! quā iram Dei mitigare possemus, ita ut cum ascendente aurora Maria Solem justitiæ (*Malach. 4.*) generante & gestante requirat Deus dimitti ad benedicendum nobis. Interea quoad vivimus, petamus dimitti, ut plangamus paululum (*Job. 10.*) in hoc modico tempore vitæ, dolorem nostrum pro peccatis nostris. Tædeat tamen animam nostram vitæ nostræ, dimittamus adversum nos eloquium nostrum, (*Job. 7.*) ut paucitas dierum nostrorum finiatur brevi, (*Job. 10.*) & ad exemplum Simeonis facti justī, timorati, & expectantis Dominum suum, viriliter agentes & confortato corde sustinentes eum, (*Psal. 30.*) vigilando & orando; postquam pepercerit nobis & dimiserit, ut glutiamus salivam nostram, (*Job. 7.*) gustum videlicet æternæ beatitudinis in animæ nostræ interiora transmittamus; gustantes & videntes, quā dulcis est Dominus: (*Pf. 33.*) cum Simeone tandem mereamur dimitti in pace ad coelestis pacis & luminis visionem in unione Jesu, & Mariæ assistentiā, ubi oculis nostris facie ad faciem (*1. Cor. 13.*) gloriā Domini splendente salutare DEI videamus. (*Lucæ 2.*)

Sermo in Dominica Quadragesimæ prima.

Cum jejunasset quadraginta diebus & quadraginta noctibus, postea esuriit, & accedens tentator dixit ei, Matth. 4.

Sequels Chri-
sti in Desertū
S. Ordinis
Exercitiorum.

Vita Monachi
Quadragesimæ
observantia.

DUCTUM JESUM in desertum à Spiritu Sancto (laus DEO) parvitas & fragilitas nostra pro posse sequitur & imitatur non tantum per hoc, quòd ad desertum Religionis sanctæ, imò ad strictam Claustrī Regularis solitudinem, ubi mundus deseritur, instinctu Spiritūs Sancti sumus deducti, sed etiam in hoc ipso Ordinis & Claustrī deserto, consortio aliorum deserto & derelicto, intra piæ solitudinis secessum stringimur & arctamur. Quid hic nobis agendum? Proculdubio exemplo Christi jejunium quadraginta dierum & quadraginta noctium nobis est observandum. *Paucorum hæc virtus est, ait D. Legislator, & tamen omni tem-*

pore,

pore, inquit, *vita Monachi quadragesimæ debet observantiam habere.*
 Per quadraginta dies & quadraginta noctes omne tempus, totus vitæ no-
 stræ decursus in Religione designatur, ubi per legis Divinæ in Decalogo ma-
 nifestatæ & quadruplicis Evangelii cum eo in se ducti regularem custodiam
 vera quadragesimæ observantia nos ad apicem summæ ducit perfectionis,
 ut cum Moyle in monte Synai facie ad faciem Dei fruenter alloquio, legis
 Divinæ plenitudinem adipiscamur: (*Exodi. 33.*) cum Elia ad videndum
 DEUM, montem DEI Oreb, id est svavem, æterna planè svavitare reple-
 tum conscendamus. (*3. Reg. 19.*) Sed ad hanc visionem, ad hunc ascen-
 sum, jejunium Quadragesimale requiritur. Nonne Moyses quadra-
 ginta diebus & quadraginta noctibus panem non comedit, & aquam non
 bibit? (*Exodi. 24.*) Nonne Elias in fortitudine panis subcinericii per
 quadraginta dies & quadraginta noctes jejunus cucurrit? (*3. Reg. 19.*) Ipse
 Filius Dei per jejunium quadraginta dierum & noctium pervenit ad sum-
 ptionem cibi ab Angelis ministrati. Jejunium eapropter quadragesimale
 nobis est necessarium. Nec abs re. Scitis primum Adam comestione
 deliquisse, ac se & suam esu cibi interdicti progeniem occidisse? En
 secundus Adam jejunio tam diuturno delictum brevis comestionis expiat
 & compensat, ac primum hominem cum toto genere suo salvat. Jam
 advertite, ad utrumque tentator venit. Quando? Tunc cum se occa-
 sio tentandi obtulit. Venit mulier curiosa, vidit bonum lignum esse ad
 vescendum, pulchrum oculis, aspectu delectabile; (*Gen. 3.*) accessit serpens
 callidus, trahit eam primò ad discursum, deinde ad consensum, demùm
 ad tollendum fructum, ut comederet & daret Viro suo. En occasio fecit
 furem. Jejunat Jesus quadraginta diebus & quadraginta noctibus, abest
 tentator: esurit Jesus, post jejunium accedit tentator. Sic esuries Jesu
 corporis fame attenuati occasio fuit tentationis diabolo. Idem nobis ac-
 cidit. Data est nobis mulier à Deo, caro nostra depravatum habens ap-
 petitum, omnis enim caro corrumpit viam suam; (*Genes. 6.*) post primum
 Adæ lapsum est in nobis fomes peccati, concupiscentia carnis, concupi-
 scentia oculorum, superbia vitæ, (*1. Joan. 2.*) & impetus irascibilis. Esurit
 caro nostra, appetit aliquid hujuscemodi, ducitur passione; en occasio
 tentationis; accedit tentator, inducit sensum, svadet, allicit, pertrahit ad
 consensum, præcipitat ad actum, & sic per insidias tentatoris diaboli se-
 quitur mors peccati. Peccatum, dicit Apostolus *Rom. 7.*) occasione ac-
 ceptâ per mandatum seduxit me, & operatum est in me omnem concu-
 piscentiam. Si occasio peccandi abfuisset, peccatum non adfuisset. O quan-
 tâ curâ, quantâ diligentia, vigilandum est nobis! ut occasiones ad pec-
 candum devitemus & amputemus. Volo autem nullam occasionem da-
 re adversario, ait Apostolus *1. Tim. 5.*) qui in nobis reperit & de nobis accipit,
 unde nos tentat & perdit. Monet Ecclesiasticus *c. 26*) in filia non avertente se,
 firma custodiam; dico ego, in carne nostra frenum abstinentiæ & jejunii, juxta
 ac camus mortificationis non tantùm per hanc quadragesimam, sed per to-

Quadragesima
 myst. ex De-
 calogi & 4.
 Evang. legib.

Moyses et Elia

Gula Originali
 Jejunio in-
 ter.

Occasio facit
 tentationem.

Eva curiosi-
 tas perniciosa.

Eva tropoli
 Caro.

Fomes peccati

Occasio pec-
 catorum fugienda.

Fructus & Ca-
 mus Mortifica-
 tionis

Goliath Tortor

Pœnitentia.

Vita Monastice.

Corvus Peccatum.

De ora Oratorum.

Gedeon quid?

Terra promissionis.

Murmurantes.

Jonas Columba.

Ninive quid?

Numerus Perfectionis et Inimicitia.

Dies consolationis
Nox desolationis.

tam vitam nostram (*omni tempore*, ait S. Pater noster) adhibeatur, ne inventâ occasione abutatur se. (*Ibid.*) Ac ideò contra Goliath, hunc Gigantem infernalem, manè & vesperi, die ac nocte nos per occasiones impugnantem, quadraginta diebus stare debemus veri Israelitæ; (*1. Reg. 17.*) Cum Moyse quadragenarii Ægyptium nobiscum altercantem, & nos injuriantem occidamus. (*Exodi 2.*) Transeant quadraginta dies, ut cadaver hoc corporis nostri præstantissimis jejunii & mortificationis aromatibus condiatur. (*Gen. 50.*) Assumamus cum Ezechiele, *cap. 4.* imperante Deo) iniquitatem domûs Juda per quadraginta dies, (diem pro anno, ait Deus Prophetæ *Ibid.* diem pro anno dedi tibi) & nostra & aliena peccata cunctis vitæ nostræ diebus & annis per pœnitentiam deleamus. Sit quadraginta dierum & quadraginta noctium diluvium, (*Gen. 7.*) mundatio lacrymarum ad diluendas maculas peccatorum. Quiescat arca animæ nostræ à fluctibus hujus seculi quadraginta diebus supra montes Armeniæ, (*Gen. 8.*) supra lucem currentis gratiæ Dei, & emittatur corvus videlicet peccatum, nec unquam ad arcam revertatur. Quiescat terra corporis nostri ab omni malitia quadraginta annis sub Othoniele, (*Jud. 3.*) videlicet hoc tempore Dei acceptabili, hac horâ Dei exoptatâ, hisce diebus salutis, (*2. Cor. 6.*) quibus vivimus super terram: sub Debora, (*Jud. 4.*) id est Oratorio: nunc enim maxime orationi instare imò semper sine intermissione orare Deum debemus, (*1. Thessal 5.*) vel sub ductrice hâc, nimirum Quadragesimâ: sub Gedeone, (*Jud. 6.*) id est conterente & confringente nos pœnitentiâ, vel abscissione iniquitatis. Exploremus meditationibus & ascensionibus sacris per hos quadraginta dies terram sanctam, terram promissionis, fluentem lac & mel, (*Num. 13.*) & paremus nos per bonam vitam ad possidendam illam, ne increduli, vel rebelles, vel murmurantes in deserto per quadraginta annos, (æternos illos damnationis annos) consumamur & pereamus. (*Num. 17.*) Credamus Jonæ Prophetæ vociferanti, columbæ Spiritûs Sancti inclamanti *cap. 3.*) Adhuc quadraginta dies, & Ninive, id est pulchra seu speciosa anima, nempe nostra subvertetur, habitaculum hoc Dei. Nam nisi pœnitentiam habuerimus, omnes similiter peribimus, asserit ipsa Veritas Christus. (*Luce 13.*) Ante omnia curemus, ne in numero quadragenario perfectionis deficiamus, (*Deut. 25.*) & ad numerum octavum paralytici deducamur. (*Act. 9.*) Quia *charitas implet legem*, teste Divo Augustino. Ad plenitudinem legis in omnibus operibus pertinet quadragenarius numerus. In charitate autem duo sunt præcepta, diligere Deum, & diligere proximum. Si ergò quadragenarius numerus habet perfectionem legis & lex non impletur, nisi in gemino præcepto charitatis, utique langvorem maximum teneremus, qui ad quadraginta duo minùs haberemus. Beatos nos igitur, si cum JESU quadraginta diebus & quadraginta noctibus jejunaverimus, tam in die consolationis, quàm in nocte desolationis; tam in die prosperitatis, quàm in nocte adversitatis, constanter jejunium tenuerimus: idque si ab omni malo, ab omni peccato,

cato, à pre
gloriæ, à la
illecebris
abili corde
omni speci
lam elurien
adescam, (C
illas per va
scha, trans
gloriosam
ti, quadrag
Dei, per q
in sanctissi
ginta anni
celestem,
quadragen
bi incom
in se, conf
plentis: ut
manducab

Ioseph f
novi T
quem E
Nec imm
agnoscere
de domo
solitâ: le
tutes repr
ter putare
tum deno
do per D
num imm
concipere
um à pec
bo Filius
secundus
accrelcent
one exen
Altissimi
lceretur t
que facie

1 cato, à pressurâ flammæ (*Eccli. 5.*) carnalis ac tempestate iræ, à fulgure vanæ gloriæ, à labiis linguæ iniquæ, (*Psal. 119.*) à verbo mendacii, (*Eccli. 51.*) à gulæ illecebris, à spiritu præsumptionis, à philautia, à superbo oculo & insatiabili corde, (*Psal. 100.*) à sensu proprio, à propria voluntate; denique ab omni specie mala si abstinerimus, (*1. Thess. 5.*) felices nos; sic enim solum esurientes & sitientes iustitiam, liberati à rugientibus tentatoribus, paratis ad escam, (*Eccli. 5.*) de manibus quærentium animas nostras ad devorandum illas per varias tentationes; Angelicum merebimur ministerium, felix Pascha, transitum beatum ex hoc mundo consequemur: perveniemus ad gloriosam resurrectionem, ac tum jejuni, sobrii, iusti, pii, emeriti, probati, quadraginta annis cum Davide hic regnantes (*2. Reg. 5.*) per servitium Dei, per quadraginta dies apparitione Christi (*Act. 1.*) frequenti roborati, in sanctissimo Sacramento manna hoc absconditum comedentes quadraginta annis, (*Exodi 16.*) donec ad terram veniamus habitabilem, illam celestem, loquentes semper de regno DEI, (*Act. 1.*) pasti Verbo DEI, quadragenarii cum Moysè in hoc deserto videbimus Deum in flamma rubi incombusti (*Exodi 13.*) nos per amorem ad se trahentis, absorbentis in se, consumentis nos, perpetuâ esurie & satietate gloriæ suæ nos adimplentis: ubi beati in regno DEI (*Lucæ 14.*) panem illum supersubstantialem manducabimus in æternum.

Sermo in festo S. Joseph Sponsi B. V. M.

Ioseph fili David: loquitur Angelus ad ultimum veteris sed principalem novi Testamenti Patriarcham, & eundem ipsi dat titulum filii David, quem Filio Dei facto filio hominis sacra attribuit Scriptura. (*Matth. 1.*) Nec immerito: non ideò tantum, ut de familia David origo Salvatoris agnosceretur, utpote ex desponsatione Virginis Deiparæ factâ cum viro de domo David in eadem cognatione apud Hebræos ex lege Divina fieri solitâ: sed etiam quòd Regii sanguinis hæres Regias patris sui David virtutes repræsentaret, & Christo Domino simillimus, meritò ejusdem Pater putaretur. Joseph igitur sanctus ethymo nominis primò augmentum denotans, quidni verum salutis humanæ tulit incrementum, quando per Divinæ Incarnationis mysterium sibi concreditum, statum humanum immensa Divinæ gratiæ auctione cognovit sublimatum? dum ille conciperetur & nasceretur Jesus, qui saluum facere debuerat populum suum à peccatis eorum. (*Matth. 1.*) Jure primus Patriarcha à Patre Jacobo Filius accrescens bis nominatus est & decorus aspectu, (*Gen. 39*) ut secundus Joseph Patriarcha noster & ipse Jacobo Patre natus verè filius accrescens dupliciter indigeretur, videlicet filius accrescens ex conversatione exemplarissima Virginis conjugis suæ; filius accrescens ex consortio Altissimi Dei hominis: ut sic exinde omnimodè decorus aspectu cognosceretur tanquam verus Davidis filius, qui & ipse pulcher aspectu, decorâque facie fuisse describitur. (*1. Reg. 19*) Quantum hinc semper Divus hic

Fff

profe-

abstinentia à
vitijs quàm
fructuosa?

Gloria Cate-
ris.

Manna Sacra-
menti.

Filius David,
generosus vir-
tute.

Joseph An-
gmentum.

Filius accre-
scens, conver-
satione JESU
& MARIE.

JESU.

JESUS MA.

K. A. J. JESU.

Vir secundum

cor u.

Vir Sanctus.

Vir simplex.

Vir desideriorum

Vir conjugis.

Vir Oriens.

Vir Mariæ.

Mansuetudo

Patientia.

Joseph in

Ægypto.

An ex inimi-

cum.

Goliat

th u.

Filius Patre

magis.

S. Somniator.

profecerit Patriarcha & quantum sumplerit gratiæ & meritorum augmentum ex tam intima & continua summarum orbis Personarum JESU & Mariæ cohabitatione, quis explicare poterit? Nonne planè justus hujus, (sic enim eum nominat Evangelista Matthæus *cap. 1.* Joseph cum esset justus) justus, inquam, Josephi semita indies crevit quasi lux splendescens usq; in perfectum diem? (*Prov. 4.*) Quàm congruè idem Evangelicus textus tria hæc nomina conjunxit dicens: *Ibid.*) Mater JESU, Maria, Joseph? velut tria terræ Numina gradatim á summo procedens ad Sanctum nostrum. Neque enim Jesu & Mariæ ullus vicinior, ullus similior fuit S. Joseph, per quem jure merito nobis ad Mariam & Jesum progrediendum est ac ascendendum, ut & nos per ipsum augmentum gratiarum Dei consequi possimus. Sed quomodo Divus Joseph filius David, à patre haud degener videamus, imò quo pacto verus virtutum paternarum fuerit hæres & successor. Si David fuit Vir secundum cor DEI, (*Act. 13.*) quis Divum Josephum negabit Virum fuisse, quem talem nominat alius Evangelista Lucas dicens: *cap. 1.*) Mariam desponsatam Viro, Viro planè virtutum? Vir enim erat Dei sanctus, uti Elias; (*4. Reg. 4.*) Vir simplex, rectus ac timens Deum, uti Job; (*cap. 1.*) Vir desideriorum uti Daniel, (*cap. 9.*) desiderans & exspectans redemptionem Israel (*Lucæ 1.*) per adventum Messias; Vir prudens, sapiens, justus, Vir consilii Angelo magni consilii assistens: Vir Oriens nomen ejus, (*Zachar. 6.*) augmentum lucis præferens: denique Vir Mariæ, & hoc sufficit. Vir utique secundum cor Dei, (*Act. 13.*) qui uti David fecit omnes voluntates ejus. (*Ibid.*) Passus est David Saulis (*1. Reg. 23.*) & aliorum persecutiones (*2. Reg. 17. & 20.*) easque mansuetudine & patientiâ superavit: quidni sanctus Patriarcha Herodis & Judæorum plurimas expertus insidias & tribulationes, quas patienter & mansuete sustinuit, ita ut etiam ad exemplum Josephi Patriarchæ venditi in Ægyptum, ipse quoque in Ægyptiacis oris cum JESU & Maria exulare ac delitescere cogeretur? (*Matth. 2.*) Fuit David beneficus erga inimicos suos; (*1. Reg. 24.*) haud dubiè filius ejus Joseph omnes hostes suos & Christi Domini, omni beneficiâ excepit & tractavit. Stravit Goliatum David: (*1. Reg. 22.*) Joseph noster Sathanam terribilem gigantem, justitiâ suâ profligavit. Habuit David filium sapientissimum Salomonem, (*2. Reg. 12.*) qui templum Domini Jerosolymis extruxit: (*3. Reg. 6.*) habuit Joseph filium putativum, ipsam Dei Sapiëntiam, qui domum DEI Ecclesiam per totum orbem terrarum ædificavit. Verè filius David erat Joseph noster, origine, virtute & sanctitate; major etiam Patre Davide, tum quia nunquam cecidit ut David, tum quia ipsam Davidi factam re-promissionem oculis vidit & manibus contrectavit: desiderium illud collum æternorum, (*Gen. 49.*) quod in benedictione Josephi Jacob Pater expressit. Haud dubiè non absimilis illi Patriarchæ Josepho noster Patriarcha, (*Gen. 40. & 41.*) qui & ipse felici somniorum solatio usus & interpretatione, nec minus castimonie puritate insignis, (*Gen. 39.*) continentiâ

nentiâ longè magis excelluit, quia virgo in ævum permansit, imò creditur primus ad exemplum castissimæ Virginis conjugis suæ virginitatem per votum Deo consecrâsse. Quanta sublimitas virtutum in Patriarcha nostro? quanta dignitas functionis? esse Virginis DEI Matris Sponsum, esse Filii DEI incarnati nutritium, bajulum, imò in hominum reputatione Patrem? Et verè Pater erat non generatione, sed educatione Christi, & ut alter Joseph Patriarcha frumenta pro terra Ægypti & vicinis congregavit & conlervavit, (*Gen. 41.*) ita noster frumentum electorum, (*Zach. 9.*) Panem vivû de cœlo verum, (*Joan. 5.*) universitati totius terræ gestavit & custodivit. Nonne meritò, ut ille sic & iste Salvator mundi vocandus? (*Gen. 41.*) & hoc titulo ad supremum accedens orbis Salvatorem. Et si ille præfectus fuit toti terræ Ægypti; (*Ibid.*) quod nomen Joseph quoque significat; non minùs iste præfectus fuit Illi, cujus est terra & plenitudo ejus, (*Psal. 23.*) cui data est omnis potestas in cœlo & in terra: (*Matth. 28.*) quandoquidem de eo scribitur: (*Lucæ 2.*) & erat subditus illis, Josepho nimirum & Mariæ. Inde nonne verè in ipsum omnes Patriarchæ Josephi benedictiones redundârunt; adeò ut benedixerit ei Dominus benedictionibus cœli desuper, (*Gen. 49.*) quando cœli Regem ut Pater & Præfectus, Reginam cœli uti Vir possedit; benedixerit & benedictionibus abyssi jacentis deorsum, (*Ibid.*) quando in hac abyssu peccatorum tenebrosa, singulare lucis ei contulit patrociniû, quò jacentes in desperatâ abyssu peccatorum caliginosorum illuminare queat & sublevare. Credite mihi Patres mei, quòd post JESUM & Mariam magnum Divina providentia Ecclesiæ Sanctæ hîc in terris militanti dederit Patronum, eumque ad nostra speciatim servaverit tempora, ubi devotio ergà ipsum floreat, ut ab hoc Sancto Patriarcha precibus juvaretur, & quod possibilitas nostra (quæ nulla est) non valet obtinere, ejus nobis intercessione donetur. Propter ipsum sanè filium David, uti propter David servum suum multa Deus variis confert beneficia. Ipsius meritis & adjutorio & nos leones rugientes præparatos ad escam, (*Eccli. 51.*) ipsumque Goliathum infernalem suffocare & superare poterimus, & qui supra omnes meruit in agone suo assistentiam & solatium habere JESU & Mariæ, tum quoque nobis haud deerit; si tamen non tantum sedulò ac devotè ejus protectionem imploraverimus, sed etiam excellentiam virtutum, justitiæ, castitatis, patientiæ ac mansuetudinis ejus imitari studuerimus. Sit nobis nomen Divi Josephi junctum JESU & Mariæ frequens in ore, frequens in corde, quo audito teste S. Gertrude, omnes Sanctorum chori in cœlo cum reverentia speciali exultant. Nec dubitemus nos impetraturos, quidquid vel per hunc Sanctum, vel ab ipso petierimus; quia id sancta Terefia experta est: si tamen illum cum ipsa dignè invocemus & honoremus, cujus honor cedit in honorem JESU & MARIE.

Virgo.

Pater pat.
Christi.

Salvator M^{ri}-
æ.

Dignitas
Josephi

Benedictionum
compensum.

Patronus pec-
catorum, &
Europæ.

Patronus ego-
disantium.

Imitatio Vir-
tutum.

S. Terefia.

Sermo in festo S. Benedicti.

Omnis qui reliquerit domum & reliqua propter nomen meum. centuplum accipiet; affirmat & pollicetur ipsa Veritas Deus. (*Matth. 19.*) Jube Domine benè dicere in Divi Patris nostri Benedicti solennitate, ut nos filii ejus quoque paternâ muniti intercessione & benedictione (si enim dat benedictionem Legislator, tunc itur de virtute in virtutem, donec videatur Deus in Sion, *Psal. 83.*) à te mereamur benedici. Magna equidem est scientia, benè dicere, benè loqui, benè docere, ut super prædicatores & audientes sequatur Domini benedictio. Diffusa est gratia in labiis tuis, dicit Regius Propheta de specioso præ filiis hominum Christo: propterea benedixit te Deus in æternum. (*Psal. 44.*) Gratia Divinæ profluvium requiritur ad eloquium benè-dictionis. Hanc ardenti voto à Deo exposcamus, ut nobis ad benè dicendum largiatur benedictionem. Qui benè dicit, benè scribit: ut lingua ejus fiat calamus scribæ velociter scribentis. (*Ibid.*) Et hæc est vera Divini Spiritûs unctio, hæc docet de omnibus, (*Marci 2.*) & rectè docuit S. Patrem nostrum Benedictum, qui testimonio Vicarii Christi benè scripsit & præscripsit nobis Regulam discretionis præcipuam; utinam à nobis plenariè observatam & observandam! Hic sanè tota Mysticæ Theologiæ scientia, quæ est vitæ in Deo & cum Deo exercitatio spiritualis, brevi compendio tradita; hinc omnis benedictionis fons in eum, qui reliquerit omnia propter Jesum & secutus fuerit ipsum. *Hic ille est*, dicit S. Legislator, *qui abrenunciavit propriis voluntatibus* (en relictio omnium, omnia enim reliquit, qui desertis iis quæ habuit, etiam voluntatem habendi deserit) *Domino Christo vero Regi militaturus obedientia fortissima atque præclara arma assumit* (en sequela Christi per obedientiam.) Hic est verus Divi Benedicti filius, qui benedictionem centupli accipere meretur. Quanta usura, quantum fœnus pro relictione omnium, centuplo omnium potiri! Hoc planè est nihil habentes, omnia possidentes, (*1. Corinth. 14.*) Tales enim benedictio Domini verè divites facit, (*Prov. 10.*) qui omnia reliquerunt propter Deum. Si Pater & Mater relinquitur, ut homo adhæreat uxori; quanto magis totum relinquendum est, ut adhæreat DEO & unus cum eo Spiritus efficiatur? Nonne propter Creatorem jure merito omnis Creatura relinquenda? Ecquis nolle commutationem facere luti cum auro, abjecti pulveris cum unionibus, terræ vilis cum pretiosis lapidibus? Et tamen cæca mens humana magis inhiat terrenis quàm celestibus, magis appetit creata mundana, quàm increata Divina; magis requirit temporalia, quàm æterna: quantumvis hæc sunt vana, transitoria & nociva, illa verò salutifera & permanentia imò perennia. Ingredere benedictæ Domini, cur foris stas? (*Gen. 24.*) eo ipso benedictus Divi Benedicti discipulus si ingressus Ordinem ejus ingrediaris te ipsum. Foris stas, quando te extendis ad exteriora, peregrè proficisceris in regionem longin-

Benedictionem
dat Legislator.Magna scientia
benè dicere.Approbatio S.
Regulæ.Theologia My
stica definitio.Summa Vita
Religiosæ.

Centuplum.

Relinquenda
omnis propter
Deum.Ingredere te
ipsum.

inquam cum filio prodigo; sed jam in te revertere, & tecum habita, ibique Deum in fundo animæ tuæ habitantem intueri. Ut ergo ad hanc relictionem omnium propter Deum accedamus: gradus quales in ipsâ sunt, perpendamus. Videtur Sathan hos gradus observâsse in Job tentando. Primum enim ipsi exteriora, boves, asinos, camelos sustulit, tandem filios & filias, deinde ipsummet in carne ulcere pessimo percutiens sanitatem illi ademit. Ita sanè exteriora mundi, terrena substantia, possessiones & his similia extra nos posita primò sunt propter Deum solum possidendum relinquenda. Quid enim? Nonne hæc omnia & casus uti Job, & mors denique auferet? Nonne simul insipiens & stultus peribunt & relinquent alienis divitias suas? (*Psalm. 48.*) Dormierunt somnum suum, ait Propheta: (*Psalm. 75.*) somnum mortis, & nihil invenerunt omnes viri divitiarum in manibus suis. Si inviti hæc perdimus, cur non liberè & voluntariè propter majus bonum habendum relinquimus? Fide Moyses reliquit Ægyptum, (*Hebr. 11.*) ut & nos mundum & ea quæ sunt mundi, vera fide centupli adipiscendi deseramus, sicut ille fide terræ promissionis assequendæ. Non potestis Deo servire & Mammonæ, inquit ipsa Veritas Christus: (*Matth. 6.*) non possumus duobus Dominis servire, mundo & Deo. Aut ergo unus odio habendus, id est mundus; & alter diligendus, videlicet Deus: quod si non fit, mundus sustinetur, & Deus (quod absit) contemnitur, adeoque relinquitur. Quid fiet tunc? vos reliquistis me, ait Dominus (*2. Paral. 12.*) & ego reliqui vos in manu Sefac Regis Ægypti cui servietis, ut sciatis distantiam servitutis meæ & servitutis Regni terrarum. Et alibi apud Prophetam Jeremiam (*cap. 15.*) Tu reliquisti me dicit Dominus, retrorsum abiisti ad mundum, nempe quem ante reliqueras. Terribile quod sequitur: (*Ibid.*) & extendam manum meam super te & interficiam te. Scito & fide, quia malum & amarum est reliquisse te Dominum Deum tuum. (*Jer. 2.*) Quantum lamentatur Moyses super Israël (*Deut. 32.*) Dereliquit Deum Factorem suum & oblitus est Domini Creatoris sui creaturas sectando! Et ipse Christus Dominus: (*Matth. 23.*) Quoties congregare volui filios tuos quemadmodum gallina pullos suos congregat sub alas, & noluit. Maluisti sequi mundum quàm Deum. Ecce relinquetur vobis domus vestra deserta. (*Matth. 23.*) Relinquis Deum, Deus relinquit te. Jam igitur relinque mundum, sequere Deum; mundo servire, perire est: servire Deo, regnare est. Relictis ita exterioribus mundi & terræ sequere Divum Benedictum, qui relicta domo rebusque patriis soli Deo placere cupiens, sanctæ conversationis habitum quæsit. Relinquenda est caro nostra cum passionibus suis. Hæc est abnegatio sui ipsius exterior. Sanctus Pater noster dicit de sui sequacibus, ut *nemo habeat quidquam proprium, nullam omninò rem, neque codicem, neque tabulas, neque graphium, sed nihil omninò; & hæc est relictio exteriorum; perinde addit de interioribus, quippe quibus nec corpora sua, nec voluntates (en abnegatio sui ipsius interior) licet habere in propria potestate.*

Filius Prodigus.

Gradus in Job tentando.

Mammona Vanitas.

Dignus relinquitur à Deo qui Deum relinquit.

Abnegatio corporis, & sui.

Putiphar quid?

state. Si proinde caro Putipharica, id est saginati tauri corporis nostri rebellis & recalcitrantis nos trahat ad se, fugiamus cum Joseph, ipsum etiam pallium relinquamus, nuditatis nostræ memoriam nobis refricantes, nudo ex utero matris egressi nudi, (*Job. 1.*) ad alteram matrem terram altricem nostram nudi regressuri: ubi subter hanc carnem, quæ nos à Deo conatur abstrahere, sterneretur tinea & operimentum ejus erunt vermes. (*Isaia 14.*) Jam hic gradus altior est, relinquere inter omnia & seipsum, ita uti Christus in carne passus est pro nobis, relinquens nobis exemplum, ut vestigia ejus, qui peccatum non fecit, (*1. Petri 2.*) sequamur nos peccatores, & carnem hanc peccatricem crucifigamus cum vitiis & concupiscentiis suis. (*Gal. 5.*) Supremum eumque maximum gradum, jam credo, animadvertistis ex Regula Sancti Patriarchæ nostri, ubi à voluntatibus nostris avertere nos debere asserit, imò illas deferere. Nonne totus manducatur Agnus Paschalis, nec quidquam in crastinum relinquitur? Totos nos cum ipso immolare debemus, totos nos sequela Christi devorare debet, ut relictis omnibus simus verum holocaustum Deo in odorem suavitatis; (*Num. 29.*) odoratusque Dominus hunc odorem (*Gen. 8.*) relinquat nobis post se benedictionem, quæ nos veras divitias in Deo amantes verè divites faciat, ubi & centuplum & vita æterna. Hoc tamen admirandum, quod nobis imperat Divina Veritas: (*Matth. 5.*) Si offers munus tuum ad altare & ibi recordatus fueris, quod frater tuus habeat aliquid adversum te, relinque munus tuum; vade prius reconciliari fratri tuo & tunc veniens offeres munus tuum. Itanè Domine vis te à nobis relinquere propter hominem? Ita est, Amor proximi propter Deum adeò Deo gratus, ut propter illum velit etiam suum servitium relinquere. Hinc dicitur Deus etiam propter Deum relinquendus: Deus est in paupere, Deus est in hospite, Deus est in infirmo; quod his præstatur, Deo exhibetur. Quidquid uni ex his minimis meis fecistis, mihi fecistis; dicit supremus Judex. (*Matth. 10.*) Qui habuerit substantiam mundi, & viderit fratrem suum necesse habere, & clauferit viscera sua ab eo, quomodo charitas Dei est in illo? (*1. Joan. 3.*) Ubi charitas, ibi Deus. Ibi in proximo indigente, si juvetur, non relinquitur Deus sed reperitur. Redarguit Deus in Apocalypsi (*cap. 2.*) Episcopum Ephesi, quòd charitatem primam reliquerit. Charitas prima est Dei, & altera huic similis est proximi. Qui non diligit proximum quem videt, quomodo diligit Deum, quem non videt? (*1. Joan. 4.*) Si non reconciliatur proximo, quomodo reconciliabitur Deo? qui ita nobis debita dimittit, sicut & nos dimittimus debitoribus nostris. Non est hoc relinquere munus ad altare, sed seipsum per humilitatem & charitatem Deo gratius munus facere ac sacrificare; hoc est relinquere omnia propter Deum, etiam offensas ergà proximum. Summa postremò omnium derelictio est, quando propter Deum etiam ipsa vita relinquitur, quod faciunt Martyres. Hanc licet nobis etiam assequi, si totam vitam nostram usque ad mortem Deo impenderimus. Sed dicet aliquis: ubi est laus Divi Benedicti,

De tota Deo.

Charitas potior
ex ablatione.Relinque D.
propter D.Ubi Charitas
ibi DEUS.

Charitas prima.

Martyrium.

dicti, cui
benè dicitu
dum. Gl
chæ nost
am sectat
calcavit;
religionis
ni Benedi
ter benè d
nè scribam
Regulam
ad sinistr
iusti recta
bus, ut fa
tam (M
quem tu
plum acc
tecum po

It glo
Sment
qui v
gloria, (r
omnes di
ramis velu
jacent ra
autem ab
nobis sit
norum m
refumecti
quos lign
morte, h
tam tam
crux mun
crucem si
de cruce
stra spes
Crux der
(Rom. 8
Sed ah!
tura hum
ganis &

dicti, cujus solennitatem agimus? Sat superque laudatur Sanctus Pater & benè dicitur de ipso, quando membra Ordinis ejus formantur ad benè agendum. Gloria patris filius sapiens: (*Proverb. 10.*) gloria Sancti Patriarchæ nostri ingens erit, si juxta Regulam ejus viventes relinquamus infantiam sectatricem mundi, si ambulemus per vias prudentiæ ejus, quas ipse calcavit; & si non reliquerimus sed tenuerimus hoc ipsius iter rectum derelictionis omnium & sequelæ Christi. Hæc est via, quâ dilectus Domini Benedictus ascendit ad centuplum & vitam æternam. Jube ergò S. Pater benè dicere simul & benè facere filiis tuis, ut & benè loquamur, & benè scribamur, & benè agamus: Regulam tuam, verè summæ Theologiæ Regulam tenentes, nec declinemus ad dextram per prosperitatis, illicita nec ad sinistram per adversitatis obstacula, sed recto tramite euntes (semita enim justi recta est, rectus callis justi ad ambulandum (*Isaia 26.*) relictis omnibus, ut facilius & expeditius possimus per viam angustam & arctam portam (*Matth. 7.*) progredi & ingredi, sequentes te & JESUM Christum, quem tu secutus es, non dimittamus sed teneamus solum Deum: centuplum accipiamus (*Matth. 19.*) coelestis gloriæ, & vitam in Deo æternam tecum possideamus.

Sermo in Dominica Palmarum.

Sit gloria JESU Christo ab omnibus, applaudat ipsi Orbis totus, acclament & accinant universi *Hosanna*, id est *salva obsecro*: benedictus qui venit in nomine Domini Rex Israel. (*Matth. 21.*) Ipsi enim soli debetur gloria, (*1. Tim. 1.*) qui est Rex gloriæ. (*Psal. 23.*) Gloriantur de gloria Domini omnes discipuli ejus, & præcedentes & subsequentes procedant obviam ei cum ramis velut Victori & Triumphatori; sternant vestes in tributum, cædant & jaciant ramos Olivarum Regi pacifico in trophæum gloriabundi: nobis autem absit gloriari nisi in cruce Domini nostri Jesu Christi, per quem nobis sit mundus crucifixus & nos mundo. (*Gal. 6.*) Gloria Christianorum multò magis Religiosorum est crux Christi, in qua est salus, vita & resurrectio nostra. Crux enim primò nos in peccatis mortuos vivificat, & quos lignum scientiæ boni & mali (*Gen. 2.*) in fructu gustatū duplici peremit morte, hos lignum vitæ, arbor Sapientiæ Dei, verè fructu benedicto ad vitam tam animæ quàm corporis, temporalem & æternam reduxit. Deinde crux mundo ægro & in variis infirmitatibus languido salutem attulit, ita ut per crucem sit redemptio nostra copiosa; (*Psal. 129.*) in cruce sit robur salutis nostræ, de cruce sanitas gentium & populorum promanet. Crux Christi est illa nostra spes unica, per quam reis donatur venia, justisque augetur gratia. Crux demùm est resurrectio nostra; si enim concrucifixi fuerimus Christo, (*Rom. 8.*) conresurgemus cum ipso: si compatimur, conglorificabimur. Sed ah! quantum à cruce abhorret caro nostra infirma, vetus Adam, natura humana vitiata! Non credamus, quod tantum gentibus Ethnicis, Paganis & Saracenis Crux Christi sit stultitia; vel Judæis sit origo scandali:

Ggg 2 (1. Cor. 1.)

Gloria Patris
filius sapiens.

Via S. Benedicti.

Hosanna quid?

Gloria in
Cruce D.

Quid sit Crux
breviter?

*Crux fatus
Monastici.*

*Premium
Crucis.*

*Sua cuique
crux.*

*Mons Oliva-
rum.*

*Per Crucem
Pax, et Re-
quies aeterna.*

(1. Cor. 1.) est & Hæreticis & pravis Christianis horror atque abominatio, his qui sunt inimici veri crucis Christi; (Philip. 3.) illi nimirum, quorum Deus venter est & gloria in confusione; qui terrena sapiunt, (Ibid.) qui ad coelestia se non erigunt per crucem. Et tamen uti Christus per mortem crucis debuit intrare in gloriam suam; (Lucæ 24.) proculdubio nonnisi per crucis gestationem usque ad mortem, ad gloriam ejus tendere ac pervenire potest Christianus. Quidni nos qui mortificationem crucis in corpore nostro & tribulationem crucis in animo tenemur semper circumferre? (2. Cor. 4.) Felices nos, si cum Apostolo stigmata Domini Jesu in corpore nostro portemus; (Galat. 6.) si communicemus passionibus ejus, (1. Petri 4.) si gloriemur in tribulationibus, (Rom. 5.) & tamen non loquamur sublimia sed humilia gloriantes. (1. Reg. 2.) Ita planè empti pretio magno in cruce glorificemus & portemus Deum Jesum, nimirum crucifixum singulariter in corpore nostro (1. Cor. 6.) Christo confixi cruci, (Galat. 2.) nihil scientes nisi Jesum & hunc crucifixum. (1. Corinth. 2.) Nonne sic etiam cum illa turba magna, quam nemo dinumerare poterat ex omnibus gentibus, tribubus & lingvis, stante ante thronum DEI & in conspectu Agni (Apoc. 7.) obviam ei cum ramis palmarum & olivarum curremus? Imò vel maximè. Quid enim crux, nisi palma victoriæ Christi? Ascendamus in palmam & apprehendamus fructus ejus; (Cant. 7.) frangamus ramum, accipiamus pro nobis participium crucis Christi: Christum enim sequentes, nostram crucem tollere debemus. (Matth. 16.) Quis enim totam Christi ferre posset? suam quivis crucem ferat, necesse est, & sic gaudeat & gloriatur se per crucem Christi palmam victoriæ consecutum. Quid ultra crux Christi, nisi mons Olivarum, mons coagulatus, mons pinguis, (Psalm. 67.) ubi Oliva pacis Christus? Ipse est pax nostra, qui fecit utraque unum; (Ephes. 2.) per mortem crucis Deum homini reconciliavit, pacificavit ea, quæ in coelis & in terris sunt, pacem conferens hominibus bonæ voluntatis, (Lucæ 2.) benè volentibus nempe crucem; quæ carnem spiritui subjicit, passionibus rationi facit obtemperare, pravam voluntatem sano judicio & intellectu stringit, adeoque pacem in homine operatur: cum talibus ramis Palmarum & Olivarum itur Christo obviam, curritur ad bravium vitæ æternæ, salutis veræ & resurrectionis beatæ. Crux est, per quam gloriamur in virtute Dei, quæ etiam est crux (Galat. 6.) & gloriamur in spe gloriæ. (Rom. 5.) Hujus gloriæ proposito gaudio (Hebr. 12.) sustinemus cum Christo crucem, per quam surgit nobis virtus de infirmitate, (2. Corinth. 12.) gloria de opprobrio, vita de morte, ut non gloriatur in conspectu Dei omnis caro, (1. Corinth. 1.) sed in lege Testamenti Domini spiritus gloriatur, (Psalm. 39.) quæ non est alia quàm crux. Hæc nobis Testamento relicta est, ad hanc nos lex obligat Christi, ut tollamus crucem nostram. Sit ergò gloriatio nostra crux Christi, cujus participatio quantò major erit in nobis, tantò sublimior erit & gloria (Lucæ 14.) in Christo JESU Domino nostro, cui sit laus & gloria per crucem in secula seculorum. (Hebr. 13.)

Sermo

Sermo in festo Paschatis.

Præcedet vos in Galilæam, ibi eum videbitis. Matth. 28.

Agnoscamus resurgentem Dominum Jesum Prophetam à Nazareth Galilææ ideoque Nazarenum & Galilæum, floridum & volubilem in glorioso corpore suo & hunc ipsum Angelum Testamenti novi, qui nos præcedit in Galilæam & ducit in locum à Deo nobis paratum, (*Apoc. 12.*) regnum illud coeleste à constitutione mundi nobis destinatum, (*Matth. 25.*) ubi Præcursor pro nobis introivit in sancta æternâ redemptione inventâ (*Hebr. 9.*) Rex Regum & Dominus Dominantium, (*Apoc. 19.*) simul & Pontifex secundum ordinem Melchisedech (*Pf. 109*) factus in æternum. (*Hebr. 6.*) Hic ille est, quem in Exodo Deus per Moysen promisit Israeli dicens: *cap. 33.*) Mittam Præcursores tui Angelum, ut ejiciam Chananæum, id est contritum seu confractum, utique peccati jugum; Amorrhæum, scilicet amarum vel rebellem *carnem*; Hebræum, nempe formidantem aut stupentem *mortem*; Pherezæum, videlicet ruralem, *mundum* vanum & vagum: Hevæum, nimirum iniquum, sive perversum *diabolum*; Jebusæum, utpote *Infernum* conculcatum: quibus hostibus sublatis intres in terram fluentem lacte & melle, (*Ibid.*) terram promissionis. Hic magni consilii Angelus præcedens & præcurrens nos in Galilæam vadit, ut ibi resurgens videatur. An ideo, ut Prophetia Isaïæ *cap. 9.*) impleretur & Galilææ gentium populus, qui ambulabat in tenebris, videret lucem magnam Evangelii ibi per Jesum prædicati, & habitantibus in regione umbræ mortis, lux etiam Resurrectionis Dominicæ oriretur? (*Ibid.*) Quia locus conceptionis ejus erat Nazareth, quæ est civitas Galilææ; locus simul educationis & habitationis ejus fuit Galilæa. Joseph enim ex Ægypto redux admonitus in somnis, (*Matth. 1.*) secessit in partes Galilææ & habitavit in Civitate Nazareth. Locus quoque miraculi primi à Jesu patrati erat in Cana Galilææ. Ille ipse locus principalis fuit prædicationis ejus; Jesus namque circuibat totam Galilæam docens in Synagogis ipsorum. (*Matth. 4.*) Hanc & talem Galilæam num eapropter prius Resurrectionis suæ gloriâ voluit beare? An quod maximam partem discipulorum ibidem collegerit, unde & ab Angelis sub ascensionem Jesu viri Galilæi, & sub adventum Spiritus S. à populo, hi qui variis lingvis loquebantur, Galilæi vocati, (*Act. 2.*) ideo suam & eorum patriam hæc placuit felicitate donare? Sit equidem ita. Majus tamen hic latere mysterium nemo ibit inficias, qui novit in Scriptura juxta mentem Apostoli *Galat. 4.*) aliqua esse per allegoriam dicta. P. R. F. D. speculemur aliquantum visionem Ezechielis *cap. 1.*) & videamus, utrum non optimè conveniat Victori nostro & Triumphatori, & tunc nobis Galilæa manifestetur. Nonne sedens in solio vel curru planè triumphali aut throno, cujus similitudo quasi aspectus hominis desuper, est Jesus

Nazarenus & Galilæi quid?

Præcursor Christus.

Chananæus.

Amorrhæus.

Hebræus.

Pherezæus.

Hevæus.

Jebusæus.

Patria Christi Galilæa.

Visio Ezechielis allegoricè.

Hhh

Chri-

Sermo

Christus Filius hominis tanquam Rex gloriæ, cuius insignia & virtutes instar trophæorum quatuor animalia stipantia currum gestant & repræsentant? Ita equidem: habet enim quaternas facies Christus, *Aquila* velut Verbum Patris; *Hominis* tanquam verus homo; *Leonis* quia est Rex vincens planè Leo de tribu Juda, radix David super regnum ejus sedens; (*Apoc. 5.*) *Bovis* sive *vituli*, siquidem est sacrificium & Sacerdos, idque in calce pedum, utpote in fine vitæ offerens & oblatum quia ipse voluit. (*Isaia 53.*) Hæc animalia vocantur Cherubim multiformem Christi sapientiam denotantia, & sunt quadriformia non minùs primaria vitæ Christi mysteria significantia; humanâ nimirum facie Christi Incarnationem & prædicationem; vitulinâ passionem & mortem; Leoninâ Resurrectionem; aquilinâ Ascensionem & Spiritus Sancti quasi Aquilæ in Ecclesiam volantis missionem figurantia. Inter tria difficilia est juxta Sapientem (*Prov. 30.*) in coelo via aquilæ, quia teste S. Ambrosio, *Christi adventus in terras ac redeuntis ad cælos vestigia comprehendere non possunt.* Quatuor pennis alata Cherubim, celeritatem Redemptionis Christi & amoris violentiam, quoad pennas autem quaternas virtutum ejus Cardinalium soliditatem indigetant. Quod enim quadrum, solidum est; unde & Civitas coelestis Jerusalem in quadro posita, (*Apoc. 21.*) quia stabilis & æterna. Ungula vituli seu bovis fortiter pedem figentis signat fortitudinem Christi in laboribus & doloribus tolerandis; fissa ob pedes ejus clavis transfixos & divisos. Scintillantia Cherubim instar æris candentis notant fulgorem Evangelii coruscantis, & sonitum ejus, quandoquidem æs sonorum est. Serpens quoq; æneus in deserto, (*Num. 21.*) typus fuit Christi crucifixi, qui maximè prædicatur. Aspectus quasi carbonum ignis ardentium, quid aliud nisi ardentissimam Christi charitatem, quâ nemo majorem habuit, (*Joan. 15.*) nobis declarat? Audite, quantum Christus ardebat, & ad crucem ac mortem anhelabat. Desiderio, inquit *Lucæ 22.*) desideravi manducare hoc Pascha, in quo occisus est Agnus. Baptismo habeo baptizari, (*Lucæ 12.*) utique proprii sanguinis copiosâ redemptione effusi, & quomodo coarctor donec perficiatur? Sic Deus dilexit mundum, ut Unigenitum suum daret (*Joan. 3.*) in mortem crucis. Nec minùs sic ipse Filius Dei dilexit homines, ut animam suam poneret pro ipsis, non amicis (*Joan. 15.*) sed inimicis suis. Ubi erat impetus spiritûs, illuc gradiebantur, & hic Spiritus Sanctus est charitas impellens Christum ad opus salutis humanæ. Non revertabantur nec respiciebant retrò dum ambularent ob summam Christi constantiam & assiduitatem in opere redemptionis nostræ adimplendo. Manus quaternæ nonne sunt solidæ & continuæ Christi operationes? Amor enim nunquam otiosus, sed semper est operosus. Manus hæc alis velatæ, quia operationes ejus Divinæ sive Theandricæ carnis assumptæ & passionis infirmitate tegebantur, ut & nos dona DEI non ostentemus sed abscondamus. Per pennas extentas desuper, quidni intentio Christi sursum tendens, cælum & solum Deum

Tria difficilia.

Vis Aquilæ Vis Christi.

Quadrum, solidum.

Serpens æneus

Desiderium Crucis.

Amor nunquam est otiosus.

Revera intentio.

Ad eum Patrem in omnibus actionibus spectans figuratur? Porro quod animalia ibant & revertebantur in similitudinem fulguris coruscantis, velocitas & splendor miraculorum Christi designatur & conspicitur. Hic ergo Triumphus Christi sic procedentis si usquam fuit, certe in Resurrectione erat spectabilis, ubi Apostolos suos non minus sibi conformes esse voluit in virtutibus per Aquilinam prudentiam, Humanam iustitiam, Leoninam fortitudinem & Vitulinam temperantiam; velut cardines terræ futuros, in quo Christum Dominum non tantum Apostoli, sed & omnes Christiani tenentur imitari: quidni Religiosi sint conformes imaginis Filii Dei? (*Rom. 8.*) ut sint quadrifaciales habentes faciem aquilæ in templo contemplativè orando; faciem hominis in domo humanè conversando; faciem bovis in cella & officina strenuè laborando; faciem leonis ubique contra tentationes fortiter dimicando. Sed rotæ quatuor æquè ut Cherubim quatuor faciebus ornatae quid indigebant? Haud dubiè uti currus & Cherubim Dei majestatem, providentiam, regnum & gloriam; ita rotæ Dei aternitatem, celeritatem, immensitatem & efficaciam in operando significant. Quid si rotæ istæ possint esse orbis cœlestes? Quia currus mundus, Cherubim quoque sunt Angeli, in quibus orbibus quatuor constellationes, Hominis, Aquilæ, Leonis & bovis apparent. Dixerim equidem uti Deus sua stemmata Cherubinis, id est Angelis qui orbium cœlestium in obsequendo Deo formam gerunt, ita currui & rotis, id est Ecclesiæ suæ & hominibus velut orbibus terrestribus communicavit. Angeli enim quasi Duces hominum in se monstrant, quales esse debeant homines ac potissimum Viri Apostolici & Religiosi. Rota autem in medio rotæ licet hominum concordiam, subordinationem & Hierarchiam Ecclesiasticam denoter, juxta Divum tamen Gregorium, *testamentum novum in veteri adumbratum designat, ut Prophetia testamenti novi sit vetus, expositio veteris sit novum testamentum*: vel secundum Divum Ambrosium; *Judæa intra Ecclesiam, lex intra gratiam patefeat*: aut ex sensu Divi Hieronymi, *quatuor Evangeliorum consonantia ac mysteriorum fidei connexio aperiatur*. Sit proinde facies aquilæ fides & agnitio veri Dei; facies hominis ingenui sit legislatio & liberatio tum corporalis à servitute Ægyptiaca, tum spiritualis à jugo peccati & tyrannide Diabolica; sit facies vituli pro Sacerdotio carnali Judæorum & spirituali Christianorum, ut quisque in se jugulet & occidat, quod animale est; vitia mortificando, quatenus vivat tantum quod est spirituale: deinde facies Leonis pro regno Judæorum temporali & spirituali Christianorum assumatur, ut viâ Regiæ crucis sequamur Regem gloriæ, Dominum virtutum, (*Psal. 23.*) ac Regio animo omne malum, ipsos quoque inimicos superemus. Jam credo penetratis, quò tendat discursus noster, cur in Galilæam præcedat Christus ad se monstrandum? (*Matth. 26.*) Galilæa rota seu volubilis interpretatur. Rotæ & volubiles esse debemus, ut Christum videamus. Currus triumphalis Synagoga fuerat, cujus rotæ Moyses, Aaron & reliqui

Hhh 2

Duces,

Triumphus
Resurrectionis.
Imitatio Christi.

Religiosi Quadrifaciales.

Currus Mundus.

Currus Ecclesiæ.

Rota in medio.

Quatuor Facies.

Currus triumphalis Synagoga & Ecclesiæ.

Duces, Scribæ & legis Doctores participantes quatuor stemmata Redemptoris sui Dei. Currus triumphalis Incarnati Christi est Ecclesia, cujus rotæ Apostoli ac discipuli similiter insignia Redemptoris sui participantes. In rotis velocitas victoriæ & triumphus currentis in orbem universum per prædicationem Evangelii cernitur, quando in omnem terram exivit sonus eorum & in fines orbis terræ verba eorum: (*Psalms. 18.*) ita ut miretur Propheta Isaias *cap. 60.*) Qui sunt isti, qui ut nubes volant? Ad motum Cherubim, id est Angelorum impulsu velut Spirituum administratorum moventur rotæ & currus, scilicet Ecclesiæ præcones & fideles. Imò coeli & totus orbis rotæ sunt. Nonne etenim omnia Regna & omnes creaturæ à Deo rotantur, volvuntur & reguntur? Generatio præterit, generatio advenit. (*Eccles. 1.*) Oritur Sol & occidit; (*Ibid.*) nihilque in rebus creatis stabile præter solum Deum omnium Creatorem. Ipsi temporum lapsus volubiles sunt & irreparabiles; non revertuntur. Sumus omnes rotæ in manu Dei, sumus Galilæi, sumus volubiles. Si *Deus est circulus, cujus centrum ubique, circumferentia nusquam* juxta Philosophum: est semper in motu, semper tamen in se quiescens. Si veniens pro salute humana Filius Dei exultavit ut gigas ad currendam viam, & quidem à summo coelo egressio ejus & occursum ejus usque ad summum ejus. (*Psalms. 18.*) Et hic pertransiit Jesus benefaciendo & sanando omnes: (*Act. 10.*) quidni tu ô homo pro salute tua debes currere viam mandatorum, (*Psalms. 118.*) de die in diem proficere, de virtute in virtutem progredi, (*Psalms. 83.*) & sic currere, ut ad eum redeas, à quo exivisti; per eum qui in Galilæam præcedit, trahens te post se virtutum exemplo, adeoque repetas centrum beatitudinis tuæ Deum, à quo semper movearis & in quo quiescas; sic curras, ut comprehendas? (*1. Corinth. 9.*) Sed spiritus vitæ debet esse in rotis, ut solam Dei gratiam, quæ est vita animæ, spirent & respirent; nec revertantur ambulantes, nec retrò respiciant; & tales, ait Sanctus Pater noster Bernardus, *semper eunt in voluntatem Domini perficiendam, nec revertuntur ad faciendum suam. Si jubentur præesse, præsumunt in sollicitudine; si jubentur subesse, in humilitate: si coesse, in charitate. Si sunt Prælati, sunt sicut Patres ad filios; si subjecti, ut filii ad Patres suos; si conviventes, omnium servos se faciunt.* Hæc Sanctus Pater. Ac ideo ubi est impetus spiritus, eo gradiendum, spiritu vivendo, spiritu agendo, aliàs aberratur. Dominus regit me & nihil mihi deerit, ait Reginus Vates: (*Psalms. 22.*) idcirco sequere Deum. Rotæ quoque plenæ sint oculis, imò & animalia. Sic vidit dilectus JESU discipulus in Apocalypsi *cap. 4.*) plena oculis ante & retrò, quia debemus esse circumspecti & vigilantes in hoc corpore cæco, tot miseriis, illecebris & tentationibus subiecto. Audiamus Trismegistum docentem nos. *Oportet, inquit, vestem quam circumfers, exuere (veterem credo hominem) imò corpus ipsum, quod vocat indumentum inscitiae, pravitaris fundamentum, corruptionis vinculum, velamen opacum, vivam mortem, sensitivum cadaver, sepulchrum*

Rota universi.

Omnes sumus
Galilæi.Profectus spiri-
rit.Gratia D. Vi-
ta animæ.Viri Religiosi
typus, ex S.
Bernardo.Circumspecta
Vigilantia.Corporis de-
scriptio ex
Trismegisto.

chrum vertibile, domesticum furem, qui dum blanditur, odit; dum odit, invidet. Et hæc Ethnicus. Quid Christus? Nisi granum frumenti cadens in terram mortuum fuerit, ipsum solum manet. (*Joan. 12.*) & hoc ipsum erat Jesus crucifixus mortuus & sepultus. (*Symbol. Apost.*) Sed jam cum gloria resurgens à mortuis non moritur amplius, (*Rom. 6.*) sed vivit Deo & multum fructum affert. (*Joan. 12.*) Qui amat animam suam, perdet eam; (*Ibid.*) hoc est mortificare membra nostra, quæ sunt super terram. (*Coloss. 3.*) Mortui enim sumus, & vita nostra abscondita est cum Christo in Deo. (*Ibid.*) Si ergo mortui sumus peccato, quomodo adhuc vivemus in illo? (*Rom. 6.*) Destruatur corpus hoc peccati, ut ultra non serviamus peccato. (*Ibid.*) non revertamur ad vomitum, (*Prov. 26.*) ad terram, ex qua exivimus, cum ambulamus coram DEO & volumus esse perfecti. (*Gen. 17.*) Ideò *circumspecta sit vita Sanctorum*, monet S. Gregorius, *sit oculata, ne sic sit libera, ut superba sit; ne sic sit humilis, ut sit formidolosa; ne sic sit misericors, ut sit effusa.* Sit denique rota in medio rotæ, ut juxta D. Ambrosium, *vita sibi non dissonet, sed consonet; ut in hac vita corporis mortalis, vita volvatur usus æternæ, quæ verè est rota.* Sicut enim in hac nec principium est, nec medium, nec finis: ita nec in æternitate. Utinam ad hanc beatitudinis rotam pertingamus & ad hanc Galilæam Christo præcedente perveniamus, ut Christum videre possimus: ubi lux perpetua lucebit Sanctis & æternitas temporum infinita. (*4. Esdræ 2.*)

Mortificatio
ad salutem.

Virtus in medio.

Rota Vita æterna.

Sermo in festo S. Roberti Abbatis.

Hic Primus est pro explicatione Libelli ab Authore compositi & intitulati,
Breve Compendium vitæ spiritualis & devotæ.

Semita justi recta est, rectus callis justi ad ambulandum. Isaia 36.

Vita nostra P. R. F. D. via est peregrinantium, via quâ ad patriam tendimus. Quamdiu enim vivimus, peregrinamur à Domino, (*2. Corinth. 5.*) tendentes ad Dominum, nec habentes hic manentem civitatem, futuram inquirimus. (*Hebr. 13.*) Via hæc brevis est. Ecce enim breves anni transeunt, & semitam per quam non revertar, ambulo; dicit Job de se *cap. 16.*) Breves planè dies hominis sunt (*Job. 14.*) & quasi momentum respectu æternitatis. Beatus, qui in via peccatorum non stetit, quia iter impiorum peribit. (*Psal. 1.*) Involutæ sunt semitæ gressuum eorum, inquit Job *cap. 6.*) ambulabunt in vacuum & peribunt. Quare? quia via iniquorum tenebræ & lubricum, (*Psal. 34.*) via impiorum tenebrosa, nesciunt ubi corruant. (*Prov. 4.*) Nonne lux impii extingvetur? (*Job. 18.*) & inde sequitur, quod qui in tenebris ambulat, nesciat quò vadat, (*Joan. 12.*) ardeantur gressus virtutis ejus & præcipitat illum consilium suum. (*Job. 18.*) Quid enim? Immisit in rete, nimirum Diaboli, pedes suos, & in maculis ejus, maculis peccatorum, ambulat. (*Ibid.*) Tenetur planta illius laqueo concupiscentiæ, abscondita est in terra pedica ejus, quæ super terram sunt quærens: & decipula illius super semitam. (*Ibid.*) Tenetur visio carnalitatis &

Vita Via.

Via Peccatorum.

hoc est lubricum voluptatis. Incurvantur semitæ ejus, non sunt rectæ, sed pravæ, obliquæ, perversæ, & inde in profundum peccatorum veniens & contemnens (*Proverb. 18.*) præcipitatur in abyssum. Avertat à nobis Dominus vias hæcæ perditionis, quorum finis interitus: (*Philip. 3.*) sed potius vias suas demonstret nobis & semitas suas edoceat nos. (*Psal. 24.*) Viæ Domini sunt rectæ semitæ: viæ ejus pulchræ, & omnes semitæ illius pacificæ. (*Proverb. 3.*) Inde quoque semita justî recta est, rectus callis justî ad ambulandum. (*Isaia 26.*) Quis est, qui vellet per circuitus & ambages viarum currere, cum possit itineris compendio uti, & ad optatum Patriæ cœlestis terminum pervenire? In circuitu impij ambulant; (*Psal. 11.*) hinc vertigine circumacti præcipientes ruunt. Considerate semitas Thema, imperat Deus per Prophetam Job cap. 6.) id est consummationis; itinera Saba, nimirum captivitatis: viæ istæ sunt viæ Ægyptiacæ, viæ Babylonicæ, quarum extrema ducunt ad perditionem. (*Matth. 7.*) Jam nos (Deo laus) sumus extra hæc vias, qui educti sumus ex Ægyptiacâ servitute mundi, & fugimus Babylonem, videlicet seculi confusionem & in desertum Religionis sacræ deducti sumus. Quid hic nobis faciendum est? Rectas facite in solitudine semitas Dei nostri, mandat Evangelista Lucas cap. 3.) replicat plus quàm Prophetæ Joannes & ipse solitudinis incola, deserti habitator. Sed quæ hæc semita recta? Respiciamus præcursorem nostrum Divum Robertum Matris Ordinis nostri Cistercii Fundatorem, & vestigiis ejus insistamus. In quoddam nemus, Molismus dictum, secessit primò, postea ad sylvam Cistercium nuncupatam pervenit. Nonne in utroque & desertum & solitudinem reperit? ita est: ut & nos deserto mundo in solitudine Religionis sacræ maneamus. Jam qualem semitam elegit cum sociis suis votum in Regula habentibus? Nullam aliam, nisi ejusdem Regulæ D. Benedicti observantiam, quam ad literam tanto cum fervore amplexati sunt, ut nec illius apicem sibi prætereundum putarent; dicit vita S. Patris. En semita justî P. Roberti recta, rectus callis ejus ad ambulandum. (*Isaia 26.*) Recta, quia Regula: recta, quia stricta Regulæ observantia. Et nos quid quærimus ambulare vias difficiles, ut viam Domini ignoremus (*Sap. 5.*) vel perdamus? Habemus breve compendium viæ salutis, compendium consummatum vitæ spiritualis & devotæ in Regula situm. Hanc teneamus nec ab illa recedamus, ne ad calles devios aberremus. Creditisne Deum, qui omnia videt, qui cuncta speculatur, qui scrutatur renes & corda, (*Psal. 7.*) qui intuetur abyssos, (*Dan. 3.*) non observare semitas nostras, & vestigia pedum nostrorum minimè considerare? (*Job. 13.*) Qui hoc credit, Atheus est. Nequaquam Fratres mei. Respicit Dominus in omnes vias nostras, & funiculos quos tendimus ad rectitudinem servandam investigat. (*Psal. 138.*) cognoscit semitas nostras, rimatur occulta, novit Dominus viam justorum. (*Psal. 1.*) Custodit rectorum salutem, & protegit gradientes simpliciter, (*Prov. 2.*) servantes semitas justitiæ & vias sanctorum custodientes.

Via Domini
recta.

Thema quid?
Saba.

Solitudo sacra.

S. Robertus S.
Ord. fundator.

Regula S. Sri.
Ea Observant.

Compendium
vitæ spiritua-
lis.

Novit D. viâ
Justorum.

tes. (*Ibid.*) Monet simul; ut filii lucis ambulate. (*Ephes. 5.*) Ambulate dum lucem habetis, ne tenebræ vos comprehendant. (*Joan. 12.*) Si viderit nos aliquando deviantes à semitis rectis, incurvatas semitas nostras (*Isaia 59.*) adverterit; quid faciet? Abstrahet (quod absit) à nobis lumen gratiæ suæ. Isti enim qui sic declinant à via recta, sunt rebelles lumini, (*Job. 24.*) nesciunt vias ejus, nec revertuntur per semitas ejus. (*Job. 16.*) Expertus id Job conqueritur: *cap. 19.*) Semitam meam circumsepsit, & transire non possum & in calle meo tenebras posuit, semitas meas subvertit. (*Thren. 3.*) Ecce ego sepiam viam tuam, minatur Deus (*Osee 2.*) spinis difficultatum, tribulationum, desolationum. Declinasti semitas nostras à via tua, (*Psal. 43.*) repulisti & confudisti nos, avertisti nos retrorsum post inimicos nostros, lamentatur Regius Vates. (*Psal. 42.*) Hæc sunt detrimenta, quando rectitudinem semitæ non servamus, & Deus facit viam semitæ iræ suæ justissimæ (*Psal. 77.*) contra nos: ubi in semita judiciorum ejus debemus eum sustinere. (*Isaia 26.*) Et tunc tene-mur rursus interrogare de semitis antiquis, quæ sit via bona, via Patrum nostrorum, potissimum Sancti Patris nostri Roberti, semita recta & ambulare in ea. Hæc est illa via, quæ eadem ad coelum dilectus Domini Benedictus ascendit. Hæc est, de qua Propheta Isaïas loquitur *cap. 35.*) Et erit ibi semita & via; cum enim semita recta benè teritur, dilatato corde currendo viam mandatorum Dei, (*Psal. 118.*) aperitur via amplior, via facilior in compendio & via sancta vocabitur. (*Isa. 35.*) Non transibit per illam pollutus, (*Ibidem.*) id est peccator. Semita enim justorum declinat mala. (*Prov. 16.*) Et hæc erit vobis directa via, ut stulti non errent per eam. (*Isaia 35.*) Stultus planè, qui non prohibet pedem suum à via mala; (*Pf. 118.*) ac ideò cum muliere forti consideremus semper semitas domus nostræ. (*Prov. 31.*) Custos animæ ille, in cujus manibus anima ejus semper est; per examina conscientiæ servat animam suam. Semitam ignoravit avis, ait Job *cap. 28.*) homo vanus, vagus, susque deque volitans nescit semitas justitiæ; nec intuetur eam oculus vulturis infernalis. Est quidem ille coluber in via, (*Eccli. 16.*) cerastes in semita, (*Genes. 49.*) insidiator calcanei nostri, (*Gen. 3.*) accusator fratrum, (*Apoc. 12.*) observans gressus nostros, sed est alienus à semita justitiæ; post ipsum lucebit semita; (*Job. 41.*) non potest respicere ad viam rectam. Non calcaverunt eam filii institorum; (*Job. 28.*) mundanæ cupiditates procul absunt, nec pertransivit per eam læna, (*Ibid.*) carnalis concupiscentia. In hac semita justitiæ vita, iter autem devium ducit ad mortem. (*Prov. 12.*) Hæc justitia, via recta. Hæc justorum semita manet in lumine gratiæ, & quasi lux splendens procedit & crescit usque in perfectum diem. (*Proverb. 4.*) Novit justus, in qua via habitat lux & quis locus sit tenebrarum. (*Job. 38.*) Nunquid nōsti semitas nubium? interrogat Deus Job *cap. 38.*) videlicet magnas & perfectas scientias. Semitæ istæ nubium, sunt semitæ Apostolicæ, qui ut nubes luminosæ volant. (*Isaia 60.*) Magnificentia enim Dei

Pena D. in deviantes.

Via Patrum.

Examen Conscientiæ.

Homo vagus Av. Vultur Sathanae.

Concupiscentia Læna.

Studium Perfectionis.

Nubes Apostolica.

Desiderium
Virtutum.

& virtus ejus in nubibus. (*Psal.* 67.) Elevati enim de terra, quæ fursùm sunt, quærere debemus: (*Col.* 3.) semitæ enim Dei exaltabuntur. (*Isaia* 49.) Coelestia petenda sunt in semitis justitiæ, in callibus rectis. Oremus ergò Deum, sine quo nihil possumus. (*Joan.* 15.) Deduc nos in semitam mandatorum tuorum, quia ipsam volumus. (*Psal.* 118.) Deduc nos super semitas justitiæ; dirige nos in semitam rectam (*Psal.* 26.) per Regulam Sanctam, ne unquam claudicemus à semitis ejus: perfice gressus nostros in semitis tuis (*Pf.* 16.) ad dirigendos pedes nostros in viam pacis (*Lucæ* 1.) & charitatis æternæ.

Proposui vobis aliquando P. R. F. D. *Breve compendium vite spiritualis & devota* pro strenâ, sed quia video paucorum illud teri manibus, respondi me, ut illud magis per Sermones subsequentes enucleem & dilucidem. Ac proinde quivis vestrum curet habere in promptu hunc libellum, ut per explicationem nostram possit ex eo semitam justorum rectam apprehendere, (*Isaia* 26) nec unquam cesset aliquis transiens per eam, (*Isaia* 33.) sed sic currat, ut comprehendat. (*1. Cor.* 9.)

Sermo in festo SS. Philippi & Jacobi Apostolorum,
& Secundus de primo gradu, qui est puritas cordis & Intentionis.

Qui videt me, videt & Patrem. Joan. 14.

De via spatio-
sa & arcta.

Terminus ad
quem, via,
vita æterna.

Oculus Fidei.

Primaria Fi-
dei & Ess-
entialia.

Certum igitur est ac infallibile, vitam nostram viam esse & iter ad coelum semitam esse debere. Fidelis enim sermo (*1. Tim.* 1.) & verbum æternæ Veritatis est: (*Matth.* 7.) viam spatiosam ducere ad perditionem, viam verò arctam esse, quæ ducit ad vitam. Quid arctius semitæ; sed & quid rectius, quæ per compendia tendit ad finem optatum? Jam quicumque se viæ committit, utique prius se debet interrogare, quò vadis? (*Joan.* 16.) adeoque terminum viæ sibi præfigere, & ad illum iter suum quàm rectissimè dirigere. Felix justus, quem deducit Dominus per vias rectas, ut ostendat illi regnum Dei, (*Sap.* 10.) id est seipsum. Omnes ergò qui hic in terra vivimus, sumus viatores. Et quis terminus noster? vita æterna. Et hæc quid? visio Dei beatifica. Hæc est enim vita æterna, ait ipsa Veritas Christus, (*Joan.* 17.) ut cognoscant te Deum vivum & quem misisti Jesum Christum. Id quomodo? Nonne per fidem cognoscimus, id est oculo intellectus videmus hic per speculum & in ænigmate? (*1. Corinth.* 13.) Cæcus est oculus noster, obcæcatus est intellectus per primigenium peccatum, nisi lumine fidei illuminetur. Credere debemus in lucem, ut filii lucis simus. (*Joan.* 12.) Lux venit in mundum (*Joan.* 3.) Christus Filius Dei, ut manifestaret se mundo & Patrem. (*Joan.* 7.) Qui videt filium, videt & Patrem: (*Joan.* 10.) Filius enim in Patre, & Pater in filio est unus cum Patre DEUS. Ita planè primaria & essentialia fidei nostræ mysteria sunt SS. Trinitas, Pater & Filius & Spiritus Sanctus unus Deus; & Filius Dei incarnatus factus filius hominis. Jam Deum nemo vi-
dit

dit unquam; unigenitus Filius, qui est in sinu Patris, ipse enarravit, ipse re-
velavit. (Joan. 1.) Dum Moyses oraret Deum, ut ipsi faciem suam o-
stenderet; recepit à Deo responsum. (Exodi 33.) Non videbit me homo
& vivet. Quomodo hoc Domine? Ergone sine visione tui vita? mi-
nimè. Vita æterna est in visione. Vita temporalis est sine visione. Quid
tamen? Posteriora mea videbis, ait Deus, (Ibid.) & hæc est Incarnatio
filii Dei. Posteriora Dei videre, est credere in Jesum & in eum, qui ipsum
misit Patrem: (Joan. 5.) & hoc ipsum est videre & Filium, videre &
Patrem in Filio & per Filium. Ego, ait namque in Patre, & Pater in
me est. Nemo etiam venit ad Patrem nisi per Filium; (Joan. 14.)
nemo Patrem novit, qui Filium ignorat. Ipse est via ad Patrem, ve-
ritas Patris, vita cum Patre. (Ibidem.) Fidelis proinde debet esse via-
tor, & veræ Catholicæ fidei fundamento inniti, adeoque sic iter suum
inchoare, ut in lumine fidei ambulet & progrediatur. Et quia per
semitam incedit, à qua si recedit, ruit in præceps; cum magna cautela &
custodia debet procedere, ne aliquando cadat. Lapsus hominis peccatum
est. Tanquam à facie colubri fuge peccatum, monet Ecclesiasticus c. 21.)
Peccatum coluber est, facile repens & insinuans se animæ nostræ; latet
in illo ille serpens callidus (Gen. 3.) & calidus ad nos tentandos ac deci-
piendos. Circumdederunt me dolores mortis, & pericula inferni invene-
runt me, conqueritur Rex Sanctissimus: (Psalm. 17.) Et quæ mors, quis
infernus, nisi nos circumstans peccatum? (Hebr. 12.) Undique jacit rete
adversarius: hic ponit laqueum avaritiæ, ibi pandit filamenta vanæ glo-
riæ, illic suspendit funes aliorum peccatorum, superbiæ, gulæ, invidiæ,
iracundiæ; alibi collocat viscum voluptatis, pedicas acediæ: undique do-
lores mortis, ubique pericula inferni. Sed frustra jacitur rete ante oculos
pennatorum. (Prov. 1.) Pennas habere tenetur viator in petrâ fidei exal-
tatus, quibus possit eripi de laqueo venantium, (Psalm. 90.) mundi, car-
nis, diaboli. Pennæ istæ sunt spes & amor. Fiduciâ magnâ in Deo opus
est, ut eruat animas nostras de manu inferni. (Psalm. 85.) Nisi enim Do-
minus adjuvet nos, paulominus frequenter habitaret anima nostra in in-
ferno (Psalm. 93.) per peccatum. Ipse est, qui eripere nos potest per gra-
tiam suam ex inferno inferiori, (Psalm. 85.) qui est mortale peccatum;
veniale enim potest esse proximior infernus. Qui cadit in peccatum, ca-
dit in infernum. Et quia humanum est labi, diabolicum in peccato per-
severare; justus quoque septies in diem, id est frequenter cadit (Prov. 24.)
sed mox resurgit: hoc nobis summè est necessarium, ut per poenitenti-
am eo statim momento, quo cecidimus, resurgamus. Motivum surre-
ctionis, motivum contritionis, motivum doloris de lapsu peccati amor
Dei esse debet. Hic fides Dei repræsentat ut summum Bonum omni
amore & honore dignum; hinc dolor consurgit de Deo summo Bono
offenso; inde conteritur anima, odit, detestatur, abominatur peccatum ve-
lut mortem, velut infernum: sequitur propositum confitendi, ipsa confes-
sio; propositum ampliùs non peccandi, & ipsa vitæ emendatio. Ibi simul

Vita præsens,
posteriora, Vita
æterna faciem
videt DEI.

Via ad Patrem
Christus.

Cautè ambu-
landum.

Coluber Pec-
catum.

Pericula infer-
ni, laquei ten-
tationum.

Pennæ Fidei-
um Spes &
Amor.

Infernus infe-
rior peccatum.

Poenitentia.

Motivum Cō-
tritionis.

Confessio
Sacrament.

alâ spei in Deum assurgit, alâ amoris Dei erigit se, & elevatur anima videns Jesum, per merita ipsius petens veniam & requirens. Videns quoque Patrem misericordiarum & Deum totius consolationis; (2. Cor. 1.) Patrem qui in cœlis est, (Matth. 7.) clavi poenitentiae aperit sibi cœlum, recipit lumen gratiæ, & viam Regni cœlestis prosequitur dicens: (Psalm. 114.) Convertere anima mea in requiem tuam, quæ in Deo est; per gratiam ejus stabilita: quia Dominus benefecit tibi per absolutionem & remissionem peccatorum. Eripuit te, ô anima mea! de morte (Psalm. 56.) peccati & ad vitam gratiæ reduxit; oculos meos à lachrymis (Psalm. 114.) æternæ tristitiæ absterisit, pedes meos à lapsu (Ibid.) irreparabilis ruinæ liberavit. Inde placebo Domino (Ibid.) habitâ veniâ & perceptâ gratiâ. Jam qui stat, videat ne cadat: (1. Cor. 10.) nec dicat in abundantia sua; (Psal. 29.) non movebor in æternum: sed in misericordia Dei speret, (Psalm. 12.) confidat in Domino, (Psalm. 124) & in virtute gratiæ ipsius adjuvantis gressus ponat (Psalm. 84.) profectus sui ac progressus ad terminum. Sidicit, motus est pes meus; (Psalm 93.) agnoscat quia misericordia Domini adjuvabat ipsum. (Ibid.) Cum Jove manum move, dicitur vulgò; dico ego cum Deo pedem move, & respice semper Deum: ductorem sequere Deum. Vide Filium te ducentem, vide Patrem te trahentem; cognosce gratiam Dei in te operantem, in hoc lumine gratiæ curre. Sed si vis feliciter cursum consummare, debes prius bonum certamen certare. (2. Tim. 4.) Utique militia est vita hominis super terram: (Job. 7.) positus es in medio hostium, undique inimici, etiam domestici: (Matth. 10.) sis Philippus, id est bellicosus, tanquam miles Christi prælia Domini debes præliari, (1. Reg. 18.) ita ut bravium accipias, (1. Cor. 9.) ita ut vincas, quia vincenti datur corona vitæ. (Apoc. 2.) Sis Jacobus id est supplantator supplantatoris tui dæmonis, & supplantantis te peccati; per frequentia examina conscientiæ, per firma proposita, per continuâ tui & maximè cordis custodiâ. Sis Jacobus luctator per orationis assiduæ luctam, (Gen. 32.) DEI adjutorium implorando, ut possis vocari Israel videns Deum: videns Filium Advocatum apud Patrem, videns Patrem luminum, à quo omne datum optimum, & omne donum perfectum descendit, (Jac. 1.) ut possis dicere cum Jacobo: (Gen. 32.) vidi Dominum facie ad faciem, & salva facta est anima mea. In visione enim Dei salus tua. Videtur frequenter Deus, Fratres mei, in bona oratione; per specialem ejus visitationem gustatur & videtur quàm dulcis est Dominus: (Psalm. 24.) & quandoque in meditatione exardescit ignis (Psalm. 38.) ille, qui semper ardet & nunquam extinguitur, (Levit. 6.) Deus ignis peccata consumens. (Deut. 4.) Pro singulari tamen peccatorum cautela servit novissimorum memoria dicente Ecclesiastico cap. 7.) Memorare novissima tua & in æternum non peccabis. Quomodo enim peccabo, si cogitavero me omni momento esse obnoxium morti; judicio Dei sistendum, pro malo opere mittendum ad ignem æternum, (Matth. 18.) pro bono opere ad cœlum assumendum? Nonne

Merito Christi

Clavis Cell
Penitentia.

Absolutio.

Justificationis
bona.

Timor D.

Gratia Dei
mecum.

Bonum certamen

Philippus
guis

Jacobus.

Custodia cor-
dis.
Luctus Oratio-
nis.In visione
Dei, salus.Memorare
novissima.

Nonne pro
n.) posside
manu conf
vel diaboli
um mihi p
in cuius co
quandoq;
(Luc. 12.)
Dei, ubi o
mini super
Inde consu
animæ nos
declinare à
reu initium
Nonnisi e
(Matth. 5)
hum & Pa
ad Deum p
augmentu
ejus, ex fol
C veritatis p
Sanctorum
acceptorum
num, præ
clam & c
nec eundo
us Deorum
pheta, ut
lit, frequ
in me De
scribis m

Et

Vlato
fide
ditu
um videns
voluntati
(Psalm. 30)
triæ gradi

Nonne pro malo eligam bonū, habens mortem & vitam in manu mea; (*Eccli.* 11.) possidens arbitrii libertatem, liberam tenens voluntatem, relictus à Deo in manu consilii mei? (*Eccli.* 15.) nisi planè sim servus peccati; (*Joan.* 1.) vel diaboli mancipium, quod Deus avertat. Quomodo peccabo in Deum mihi præsentem, me videntem, in quo vivo, moveor & sum, (*Act.* 17.) in cujus conspectu ambulo, (*Gen.* 24.) qui videt & vindicat peccata quandoq; in ipso peccati actu: qui animam potest mittere in gehennam? (*Lucæ* 12.) Hoc sanè remedium est ad cavendum peccatum, præsentia Dei, ubi oculi Domini super justos, ut ipsis retribuatur; vultus autem Domini super facientes mala, ut perdat de terrâ memoriam eorum. (*Psal.* 35.) Inde consurget timor Dei, qui expellit peccatum, (*Eccli.* 1.) optimus custos animæ nostræ, conscientiæ nostræ & cordis nostri ostiarius; ipse faciet nos declinare à malo & facere bonum. (*Psal.* 36.) Et hic est primus gradus, seu initium viæ ad Deum, ad vitam, ad salutem; puritatem cordis habere. Nonnisi enim mundo corde beati, quoniam ipsi Deum videbunt: (*Matth.* 5.) videbunt omnis puritatis Authorem, fontem & originem, Filium & Patrem; videbunt autem simul per puram & rectam intentionem ad Deum porrectam, ut quidquid agunt, cogitant, loquuntur, id fiat ad augmentum honoris, laudis & gloriæ Divinæ, ad executionem voluntatis ejus, ex solo motivo amoris ipsius: idque offeratur ex affectu totius universitatis per cor Filii Dei Jesu, per cor Matris Dei, per corda omnium Sanctorum, in unione omnium operum meritoriorum Divinæ Majestati acceptorum. Hæc intentio perfectissima recto tramite tendit ad terminum, præservat à malo peccati, ducit ad omne bonum; & semitam arctam & coeli angustam portam (*Matth.* 7.) reddit compendiosam, donec eundo de virtute in virtutem velut per quosdam gradus videatur Deus Deorum in Sion. (*Psal.* 83) Oret ergo quisque nostrum cum Propheta, ut hunc primum semitæ cœlestis gradum firmo gressu terere possit, frequenter suspirando & ingeminando: (*Psal.* 50.) Cor mundum crea in me Deus pro puritate cordis, & spiritum rectum innova semper in visceribus meis per purissimæ intentionis rectitudinem ac directionem.

Præsentia Dei.

Custos animæ
cordis ostiarius
Timor D.

Puritas cordis.

Pura & recta
intentionis
norma & firmus.

Gradatim de
virtute in
virtutem.

Suspirium pro
puritate cordis
& intentionis.

Sermo in Inventionem S. Crucis,

Et Tertius de secundo gradu, qui est Humiliatio sui ipsius.

Nemo ascendit in cœlum, nisi qui descendit. Joan. 3.

Viator Christianus lucernam ardentem fidei gestans in manu sua, in fide nihil hæsitans, fide vivens, liber à peccato, mundo corde præditus, spe & amore alatus, ad solum Deum tendens, unicum Deum videns & respiciens, solius Dei honorem ac gloriam intendens, soli voluntati Divinæ attendens, declinans à malo peccati & faciens bonum (*Psal.* 36.) justitiæ, lumine gratiæ Dei prælucente semitam cœlestis Patriæ graditur pede inoffenso: si ita dirigit cum Joanne viam Domini,

Prævia ad
gradum secū-
dæ viæ spiri-
tualis.

Vallis Negligē-
tia, Mons Su-
perbia, Prava
Ambitionis,
Aspera Elatio-
nis.
Vallis Humili-
tatis.

Lapsus Lucif-
eri.

Ruina Protopa-
rentum.

Descensus Fi-
lij DEI.

Lignum Crucis,
Arbor Humili-
tatis.

Jesse, quidē

Radix Humi-
litas.

Gradus Humi-
litas Reg. 8.

(Joan. 1.) ut omnis vallis negligentiae per diligentiam impleatur & omnis mons superbiae ac collis praesumptionis humilietur, (Luca 31.) sintq; prava ambitionis in directa, & aspera elationis in vias planas, (Ibid.) adeo, que proculcatis aestimationis & amoris sui ipsius arduis, planam humilitatis vallem eligat ad ambulandum. Noluit hac via ire Rex super universos filios superbiae, (Job. 41.) sed maluit alta sapere dicens: (Isaia 14.) Ascendam, super astra exaltabo solium meum, sededo in monte testamenti. Infelix Lucifer, quam melius prius descendisses; nemo enim in coelum ascendit nisi qui descendit, (Joan. 3.) humiliando se sub potenti manu Dei, (1. Petri 5.) & locum novissimum tenuisses, (Luca 14.) ut diceretur tibi: (Ibid.) ascende superius. Nunc decidisti de coelo, (Isaia 14.) nec adjicies ut resurgas. (Psalm. 40) Sed eheu! non solus cecidit tenebrio, verum etiam protoparentes nostros in eandem secum ruinam traxit, callidi serpentis formam indutus, svadens fructu interdictae arboris praesumptuosam ambitionem, eritis sicut Di; (Gen. 3.) & perlvadens esum: in abyssum malorum per similem sui superbiam totum genus humanum praecipitavit; fecitque paradiso extorrem. Et sic homo privatus arboris vitae fructu, per arborem scientiae boni & mali (Ibid.) in mortem corruit, & ascendere volens ad similitudinem Dei, in regionem longinquam & dissimilitudinis descendit: (Luca 29.) & jacuisset perpetim, nisi Filius Dei misericordiae motus (Luca 10.) descendisset & humiliasset se, obediens factus usque ad mortem crucis, (Philip 2.) hanc novam vitae arborem erigens & exaltans, per quam ad coelum detur ascensus. Qui namque descendit ad inferos descendens de coelis, ipse est & qui ascendit super omnes coelos. (Ephes. 4.) Quod enim ascendit, quid est nisi quia & descendit; primum in inferiores partes terrae. (Ibid.) Quandoquidem qui se humiliat, exaltabitur; (Luca 18.) adeoque nemo ascendit ad coelum per gratiam & gloriam, nisi qui descendit per humilitatem. Sed quam apte in ligno crucis arborem humilitatis constituit, veram Patris sui plantationem: in quo ipse benedictus fructus & lignum vitae, (Prov. 11.) nobis per mortem propriae, vitam germinaret. Non potuit bona arbor humilitatis, nisi bonum vitae fructum facere, (Matth. 3.) sicuti mala superbiae arbor pessimum mortis fructum progeneravit. Egressus est Christus Dominus velut flos ex radice Jesse, (Isaia 11.) id est Entis, flos planè; existens simul fructus honoris & honestatis, (Eccli 24) cujus Mater Virgo humillima & ipsa virga de radice Jesse (Isaia 11.) fructum hunc benedictum ventris sui producat. (Luca 1.) Et quae radix nisi humilitas? Verè Ens, existens, essenziale ad salutem & vitam aeternam. Utique respexit Deus humilitatem Ancillae suae. (Ibid.) Radix in profundo est, abscondita, terrâ obruta: ita humilitas in imo, in infimo subsistit, obruta humo multiplicis humiliationis. Vultis genuinam humilitatis arborem videre? Gradus humilitatis à S. Legislatore nostro descriptos respicite, & hoc quod pro primo gradu posuit, radicem sumite: quod in duodecimo gradu, summitates ramorum pen-
late.

fate. Consideremus ergò primum gradum, qui est timor Dei, ubique nobis præsens, nos respicientis; & fuga seu evitatio peccati etiam in cogitationibus & malis desideriis propter eandem Dei præsentiā nos semper & ubique intuentis. Cernite, quā optimè hīc primus humilitatis gradus cum primo nostro semitæ cœlestis gradu conveniat. A timore enim Dei initium sapientiæ Divinæ sumendum, (*Eccli. 1.*) sicut ab arbore scientiæ boni & mali (*Gen. 3.*), sine timore Dei ruina nostra manavit: & per timorem Dei expellendum peccatum, (*Eccli. 1.*) ut arboris nostræ in abscondito mundi cordis jacentur fundamenta & radices figantur. Et quia origo peccati propria voluntas, quā apprimè gradui primo succedit alter, propriæ voluntatis extirpatio, & tertius procedit consequenter, alienæ voluntatis per obedientiam executio. Nonne ipse Filius DEI descendens de coelo venit facere non voluntatem suam, sed voluntatem ejus, à quo missus erat, Patris. (*Joan. 6.*) Siccine nos detrectabimus nostras proprias frangere voluntates & Superiorum subdere beneplacito: ubi Filius Dei non tantum Patris cœlestis voluntati paruit, sed etiam terrenis parentibus subditus esse voluit? (*Luca 2.*) *Intoleranda superbia est*, ait mellifluus Pater noster, *ubi Majestas summa humiliatur, ibi terra vermiculus infletur & intumescat.* Exinanivit se Dominus Majestatis, adhucne exaltabit se pulvis, (*Gen. 3.*) inane, nihilum? (*Isaia 40.*) Non est hæc plantatio DEI sed diaboli, cui per superbiam & inobedientiam homo fit conformis, qui per humilitatem & obedientiam est Deiformis. Et ne arbitremur obedientiam in levibus, facilibus & gratis debere exerceri, ita ut placentia nobis loquantur (*Isaia 30.*) & imperent Superiores; additur quartus gradus: obedientia in duris & asperis, difficilibus & ingratis: quæ ne nos ad impatientiam inducant, adjungit injuriarum tolerantiam, per quam arbor humilitatis velut palma pressa crescit & surgit in altum. Placet videre hæc in Filio Dei? Obediens usque ad agonem amarissimæ Passionis, usque ad mortem ignominiosissimæ crucis, (*Philip. 2.*) quidni & summè patiens? & quæ comparatio cum nostra obedientia & patientia? quā procul distat? quantum exaltantur cœli à terra. (*Isaia 55.*) Tot jam gradibus fundata & elevata humilitatis arbor progreditur ultra quinto loco ad revelationem conscientiæ suæ Superiori & sinceram confessionem. Hic jam rami majores extenduntur, hic verè humilitas practicatur, hic notabilis peragitur profectus. Nihil enim magis in nobis spiritus malignus affectat, quā ut occultemus defectus nostros, celemus in sinu iniquitatem nostram & abscondamus tanquam aurum peccata nostra: (*Job 31.*) sciens quod si confiteamur adversum nos injustitiam nostram, tunc remittitur impietas peccati nostri. (*Psal. 31.*) Hoc maximè adversarius noster peroptat, ut malum sit occultum, ne ipsi possit remedium adhiberi. Humilis autem Frater (*Jac. 2.*) fatetur ingenuè infirmitatem suam, & imperfectum suum agnoscit: (*Psal. 50.*) ac idè Deus ipsi & Superior loco Dei ignoscit. In hac porro agnitione sui subsistens, ascendit altius, quævis vilia & abjecta acceptando; seipsum

Timor DEI
præsens.

Nexus graduum.

Obedientia
Christiformis.

In duris obediendum.

Confessio sincera,
diaboli exosa.

Humilis Frater.

Acceptatio viliorum.

*Abj. filii sui
infra omnes.*

Vita communis.

Amor silentii.

Mod. filii.

*Vera humili-
tatis fructus.*

*Perfecta Cha-
ritas.*

*Magister hu-
mitatis Chri-
stus.*

ut jumentum & nihilum æstimando. (*Psal. 72.*) Quàm pulcher hic ramus nostræ arboris ! sed & alter ex opposito, sui infrà omnes abjectio, supra omnes humiliatio, amor contemptus sui dicendo: ego autem sum vermis & non homo, opprobrium hominum & abjectio plebis, quod Propheta de ipso Dei Filio prædixit. (*Psal. 21.*) In octavo porrò gradu aperitur communis vitæ & regulæ observantia, ubi excluditur singularitas in vestitu, in victu, in cubiculi splendore, in rerum abundantia vel satius superfluitate. Humilis enim in communitate vivens, communibus contentus est; omnibus se accommodat: communitati se in omnibus conformat, omnimodam colens paupertatem. Ita planè Filius Dei vixit inter homines tanquam unus ex illis, conversatus cum hominibus, communi modo vivendo, legem in omnibus adimplendo, non solvendo; (*Matth. 5.*) & summam paupertatem præferendo. Accedunt ad hos ramos jam clariora germina, lingvæ coercitio per amorem silentii, visus proscriptio per modestiam, & si necesse sit loqui, sermo tantum ad ædificationem, (*1. Corinth. 14.*) prolatus in humilitate; denique exterior corporis compositio, ut ubique tam in gestu & habitu, quàm in demissione oculorum clarissima humilitatis virtus hisce duodecim gradibus exaltata in altitudinem & amplitudinem florentium ramorum provehatur & elucescat: in ipsaque eorum summitate pateat effectus radicis absconditæ humorem vitalem ramis subministrantis. Potest enim juxta Ecclesiasticum *cap. 19.*) aliquis etiam nequiter se humiliare exterius ad apparentiam hominum, interiora autem ejus possunt esse plena dolo. (*Ibid.*) Verus autem humilis non vult talis videri sed esse, ac vilis ab omnibus reputari. En arbor vitæ, arbor humilitatis gradatim à radice sua in altum tendens, & veræ virtutis virorem atque vigorem manifestans: ac velut radix omnium malorum est superbia, (*1. Timoth. 6.*) ita humilitas per omnes virtutum gradus progrediens, est velut mater earundem, cunctas generans & in se complectens virtutes. Per hanc vir beatus erit tanquam lignum plantatum super aquas (*Jerem. 31.*) Spiritus Sancti. Hic enim super neminem nisi super humilem quiescit, (*Eccli. 43.*) ad cujus gratiæ humorem mittit radices suas: (Humilibus enim Deus dat gratiam *Jacobi 4.*) & non timebit cum venerit æstus (*Jerem. 31.*) Judicii Divini, qui superbis tantum resistit (*Jacobi 4.*) & demergit eos ad infernum usque. Consensus igitur hujus vitalis arboris gradibus, ad fructum vitæ qui est charitas Dei, illa quæ perfecta foras mittit timorem (*1. Joan. 4.*) pervenietur. Quis non credet se in Paradiso constitutum, pertalem humilitatis statum? Quis non verâ vitæ arbore se frui censebit, proscriptâ arbore scientiæ boni & mali, (*Genes. 3.*) uti superbiæ auctrice, fomite peccati, & mortiferæ perditionis fonte? Ex superbia enim mors, ex humilitate vita, quam supremus humilitatis Magister Christus discendam à se imperavit dicens: (*Matth. 23.*) discite à me quia mitis sum & humilis corde. Corde primariò, gestu ultimariò. Dignissimum Christiano quidni Religioso

ligioso studium, studium humilitatis, per quod ad summum ascenditur perfectionis gradum. Nemo namque ascendit in cœlum, nisi qui descendit (Joan. 3.) etiam usque ad inferos ipsis damnatis se æstimans indigniorem. Qui se ita summè humiliaverit, summè exaltabitur, adeoque sicut in cruce, humilitatis, ita in humilitate, est vera inventio crucis, quæ post secundum semitæ cœlestis gradum perfectissima est in tertio gradu, qui est abnegatio sui ipsius, de quo Deo dante aliàs. Nunc profectus & progressus noster, ascensio nostra, exaltatio nostra sit in crucis humilitate & humilitatis cruce cum Christo JESU Domino nostro instar serpentis ænei, (Num. 21.) utique prudentissimi & saluberrimi, quia venenum, malitiam & calliditatem serpentis igniti infernalis auferentis, in cruce exaltato.

Vera inventio
Crucis in huius
humilitate.

Humilitas cruce
est crucis humilitatis.

Sermo in Ascensione Domini,

& Quartus de tertio gradu, qui est abnegatio sui ipsius.

Qui crediderit & baptizatus fuerit, salvus erit. Marci 16.

A Summo cœlo egressio Domini nostri exultantis ut gigas, quia & Filius Altissimi, (Lucæ 1.) & iple Altissimus est, (Eccli. 1.) per descensum humilitatis ad currendam viam crucis, (Psalm. 18.) eadem viâ nos ducentis usque ad mortem in cruce, post gloriosam resurrectionem; jam hodie per triumphalem ascensum & occursum usque ad summum cœli, nimirum ad dexteram Patris coronatur. Ecce præcurator ante nos, ante faciem nostram Christus Dominus & in viâ monstrando nobis ac ipsemet terendo iter vitæ, semitam salutis; & ad Patriam cœlestem trahendo nos, clamat ad nos; (Matth. 16.) Si quis vult venire post me, abneget semetipsum, & tollat crucem suam & sequatur me usque huc. Videtur hoc ipsi Apostolis suis hodie dicere. (Marci 16.) Qui crediderit, hoc est qui venerit post me per fidem; & baptizatus fuerit, id est, abnegaverit semetipsum & crucem suam tulerit, salvus erit: sequetur me usque ad Patriam cœlestem. Primus enim baptismi actus est abrenuntiatio (nonne idem quod abnegatio?) Satanæ (Ecclesi. in form. Bapt.) tanquam capitalissimi hostis Divini & nostri, cum quo nobis colluctatio est, (Eph. 6.) & perenne bellum; & omnium pomparum ejus; (Ecclesi. in form. Bapt.) hæ sunt mundi vanitates, dignitates & divitiæ; & omnium operum ejus, (Ibid.) hæ sunt voluptates carnales & malitiæ actuales. Et ista sunt, quæ abnegare tenemur extra nos & in nobis ipsis, ut tertium semitæ cœlestis gradum conscendamus. Jam hinc ad prælium vocamur: tanquam milites Christi (2. Tim. 2.) ad arma excitamur, ad arma lucis animamur: (Rom. 14.) absque certamine enim gravi, nulla perfici potest vera nostri abnegatio. Sed quæ baptismi cum abnegatione connexio? Magna equidem: sicut enim per baptismum sordes animæ, quæ sunt peccata, abluuntur; ita per abnegationem immunditiæ mundanæ, terrenæ, & carnales, quæ sunt peccatorum

Descensus
ascensu præ-
curator Christi
fuit.

Vox Ascendens.

Abnegatio sui,
Baptismus.

*Abneganda ex-
teriora & in-
teriora.*

*Motiva ad ab-
neg. exteriora.*

*Abnegatio cor-
poris & sensuum*

*Paradoxa salu-
daria S. Aegidij.*

*Abnegatio vi-
tiosarum passio-
num.*

*Sustine absti-
ne.*

catorum occasiones animam sedantes, abstergantur & abjiciuntur. Primum igitur exteriora, per quæ tentamur à Satana; postea interiora, quibus impellimur, sunt abneganda. Exteriora sunt; opes, honores, voluptates, nimirum ea, quæ in mundo sunt, concupiscentia carnis, concupiscentia oculorum & superbia vitæ. (1. Joan. 2.) Ab his cor mundum Deo soli intentum & verè humiliatum (Psalm. 50.) Viatoris Christiani tenetur abstinere, imò hæc missa facere & planè iis dare libellum repudii; hæc à se penitus eliminare: ut per arctam viam & angustam portam (Matth. 7.) nullo onere præpeditus possit pertransire. Et sanè nonne hæc omnia sunt transitoria, vana, caduca cum prætereunte figura mundi, (1. Cor. 7.) cum labente cursu vitæ, cum mortis articulo, in momento, in ictu oculi (1. Cor. 15.) pereuntia: onerantia magis hominem, quàm honorantia? Cur hisce perituris adhærendum vel innitendum, nisi fortassè ut fiat remora, retardatio progressus viæ; imò occasio regressus, aperta que ruina? Amore Creatoris omnis affectus ad creaturam est proscribendus, totum cor Deo dandum pro holocausto; aliàs si divisum erit inter Creatorem & creaturam: nunc, id est eodem momento, tunc interibit. (Osee 10.) Exemplo Apostoli Gal. 6.) mundus nobis crucifixus esse debet, & nos mundo. Maledictus enim, qui pendet in ligno (Galat. 3.) unde & nos maledictum mundo, & mundus nobis anathema sit (Galat. 1.) necesse est, per ejusmodi crucifixionem. Huic exteriori mundi abnegationi accedit proprii corporis & sensuum abdicatio, per quam oculos habendo non videamus, aures habendo non audiamus, nares habendo non odoremus, manus habendo non palpemus, palatum habendo non gustemus, linguam habendo non loquamur, pedes habendo non ambulemus. (Psalm. 113.) Paradoxa hæc sunt, sed sancta ab ipso Divinæ Sapientiæ fonte manantia, quæ dicit. (Joan. 12.) Qui amat animam suam, perdet eam; & qui odit animam suam in hoc mundo, in vitam æternam custodit eam. Et alibi: Matth. 16.) qui voluerit animam suam salvam facere, perdet eam; qui autem perdiderit animam suam propter me, inveniet eam. Paradoxa hæc explicat nobis præclare Sanctus Aegidius socius Sancti Francisci Laicus dicens. *Si vis benè videre, erue oculos tuos & esto cæcus. Si vis benè audire, esto surdus. Si vis benè loqui, esto mutus. Si benè ambulare, abscinde tibi pedes. Si benè operari, mutila tibi manus. Si benè amare, habeas te odio. Si vis benè vivere, te mortifica.* Hoc ipsum est mortificare membra, quæ sunt super terram (Coloss. 3) & mortificationem Christi in corpore suo circumferre. (2. Cor. 4.) Major hæc est abnegatio, ubi non tantum mundus sed & caro crucifigitur, (Gal. 5.) & hoc sonat mandatum Christi. (Matth. 16.) Abneget semetipsum, id est suas sensualitates, suas inclinationes, suas passiones, inter quas duæ potissimum in nobis prædominantur, irascibilis & concupiscibilis; quibus remedium antiqui dedere Philosophi illo Symbolo; *sustine & abstine.* Irascibilis abnegatur per sustinentiam injuriarum virtute mansuetudinis & patientiæ. Concupiscibilis per abstinentiam appetitus carnalis virtute castitatis & pudicitæ.

dicitiæ. Maxima autem abnegatio est proprii sensûs & propriæ voluntatis, & hoc verè est abnegare semetipsum in interioribus animæ, exire à seipso, ut eatur in Deum. Quia *nisi quis à semetipso deficiat*, inquit D. Gregorius Magnus, *ad eum qui supra seipsum est, non appropinquat: nec valet apprehendere, quod ultra ipsum est, si nescierit mactare quod est.* Notemus verbum *mactare*, occidere nimirum in nobis veterem hominem, ut novus exoriat. Mori debet vetus homo, ut novus resurgat. Mortui enim estis, ait Apostolus *Coloss. 3.* & vita vestra abscondita est cum Christo crucifixo & per Christum crucifixum; ac ideò jam non ego vivo, sed vivit in me Christus, (*Galat. 2.*) non alius nisi crucifixus. Neque aliud arbitratus sum me scire inter vos, nisi JESUM & hunc crucifixum, inquit idem Vas electionis: *1. Corinth. 2.* & jure merito, cum etiam quicumque baptizati sumus, Christum induimus, (*Rom. 6.*) empti pretio magno glorificare ac portare ipsum tenemur (*1. Cor. 6.*) & in corpore nostro, & in anima nostra. Baptismo habeo baptizari, ait Christus Dominus: *Lucæ 12.* ubi Baptismum vocat suam passionem & mortem in cruce, in quam demergendus erat, juxta illud Prophetæ Regii: (*Psal. 68.*) infusus sum in limo profundi & non est substantia, veni in altitudinem maris & tempestas demersit me. Et quomodo coarctor, prosequitur Salvator noster, (*Lucæ 12.*) usque dum perficiatur? Quantum desiderium patiendi, moriendi, abnegandi se, corpus suum, & sanguinem ac animam, nimirum vitam ponendi pro homine. Exemplum dedit nobis, ut & nos ita faciamus. (*Joan. 13.*) Desiderio desideremus (*Lucæ 22.*) baptismum poenitentiae, ut sit velut mare contritio nostra, (*Thren. 2.*) ut nos semper poena teneat crucis Christi; compatiendo & passionis illius vestigia sequendo, crucifigendo carnem nostram cum concupiscentiis suis, (*Galat. 5.*) memoriam crucis & mortem ipsius continuam servando, ut totus nobis figatur in corde, qui totus nobis fixus fuit in cruce: ut etiam consepulti simus ei in baptismo & in morte. (*Coloss. 2.*) De hoc baptismo interrogavit Dominus discipulos suos ambitiosos; (*Marci 10.*) utrum poterint baptismo, quo ipse baptizabatur, baptizari; non alio sanè nisi baptismo proprii sanguinis, baptismo passionis & mortis in cruce. Et nos quicumque baptizati sumus, in morte ipsius baptizati sumus. (*Rom. 6.*) De Israelitis inquit Doctor gentium, (*1. Cor. 10.*) quòd omnes in Moyse baptizati sunt in nube & in mari; & primus Ecclesiæ Pastor ait: *Ep. 1. cap. 2.* Omnes animas salvas esse factas per aquam. Quod & vos, prosequitur idem *cap. 3.* nunc similis formæ salvos facit baptisma: non carnis depositio sordium, sed conscientiae bonæ interrogatio in Deo per Resurrectionem JESU Christi, qui est in dextera Dei, deglutiens mortem, ut vitæ æternæ hæredes efficiamur. (*Ibid.*) En coronis baptismatis nostri spiritualis per abnegationem, vita æterna: sed quam mors spiritualis præcedat opus est; mors Pharaonis & Ægyptiorum in aquâ, in mari. (*Exodi 14.*) Quidquid Pharaonicum, Ægyptium in nobis est, abnegetur, demergatur.

M m m

in

Abnegatio
sensûs
voluntatis.

Mactatus
veteris
hominis
mors.

Baptismus

Amor Crucis.

Baptismus
Poenitentiae.

Baptismus
in
Moyse.

*Aquæ usque
ad animam.*

*Baptismus
fluminis.*

*Baptismus
sanguinis.*

*Abnegat. Mar-
tyrium.*

*Baptismus Fla-
minis deside-
rium.*

*Abnegationis
sui typus.*

Caro terra.

in profundum, in abyssum, & vivat tantum Israeliticum, ut simus solum videntes Deum. Intraverunt aquæ usque ad animam meam (*Psalms. 68.*) utique aquæ tribulationum, quas ferre & nobis inferre debemus; aquæ lacrymarum, quibus baptizemur per poenitentiam. Triplex est baptismus, fluminis, flaminis & sanguinis; & hi tres testimonium dant in terra, Spiritus, aqua & sanguis: (*1. Joan. 5.*) & hæc unum sunt. Baptismus aquæ vel fluminis in regeneratione nostra, quando facti sumus renati baptisma- te, absolutus est. Baptismus sanguinis non nisi per martyrium vel car- nale, vel spirituale peragitur. Spiritualis noster baptismus sanguinis, spiri- tuale martyrium per veram abnegationem sui ipsius, & resignationem ad quævis patienda, ipsam quoque nostri mortificationem & crucifixionem adimpletur. Baptismus flaminis seu spiritus ad idem tendit. Et quidem juxta Apostolum, (*1. Corinth. 12.*) omnes nos in uno spiritu in unum ba- ptizati sumus. O utinam baptizet nos omnes Dominus JESUS, qui ba- ptizat in Spiritu Sancto, (*Joan. 1.*) & igniat baptismo Spiritus sui ignei, quem venit mittere in terram! & quid vult nisi ut ardeat? (*Lucæ 12.*) hoc igni- ente Spiritu nos inflammet ad plenam non tantum abnegationem nostri, sed consumptionem & annihilationem, ut nihil nostri in nobis vivat: sed totum Dei, totum ipsiusmet JESU Christi crucifixi. Nihil hic quæramus, nihil faciamus, nihil appetamus, quod est super terram, (*Coloss. 3.*) tam hanc formalem, quam istam materiale carnem nostram. Recedamus totaliter à terra, bonum certamen certantes, fidem servantes, (*2. Tim. 4.*) (Qui crediderit) abnegantes nosmetipsos, (*Matth. 16.*) (& baptizatus fu- erit,) ad salutem æternam anhelantes, (salvus erit. *Marci 16.*) Sequa- mur præeuntem in coelum Salvatorem nostrum, ita ut conversatio no- stra tantum in coelis sit, (*Philip. 3.*) ac tandem fiat in consummatione cursûs (*2. Timoth. 4.*) beata coelorum apprehensio cum utroque. Statu Ecclesiastico & Politico; cum Sacro Ordine & Monasterio nostro, cum animabus in agone & igne purgatorio constitutis, & optata in coelis habi- tatio in vitam æternam.

Sermo in festo Pentecostes,

& Quintus de quarto gradu, qui est Amor DEI super omnia propter se- metipsum & proximi sicut sui ipsius propter Deum.

Si quis diligit me, sermonem meum servabit. Joan. 14.

*Corpus aggra-
vat animam ad
terrenam
amorem.*

HOMO quoad corpus è terra, quoad animam è coelo originem du- cens, peccati ex carne orti pondere pressus, spiritu plenus animali, adeò deorsum ad terram fertur, ut & venter ejus adhæreat terræ, & mens terrena sapiat; (*Philip. 3.*) nec ad coelum oculos, multominus sur- sum cor possit levare; & animam queat ad cœlestia reducere: nisi ma- gnâ spiritus Divini ac cœlestis vehementiâ & violentiâ trahatur, à terra ab- strahatur, ad cœlum attrahatur. Ita planè corpus hoc quod corrumpitur, aggra-

aggravat animam & terrena inhabitatio sensum coelestia cogitantem ita deprimat; (*Sapient. 9.*) ut cogatur anima exclamare: (*Rom. 7.*) Quis me liberabit de corpore mortis huius? Hic sanè necesse habet homo ponere in pulvere poenitentiae os suum, si fortè sit spes liberationis; (*Thren. 3.*) & infixus in limo profundi (*Psal. 68.*) de profundis (*Psal. 129.*) possit adjicere, ut resurgat (*Psal. 40.*) per spiritum contribulatum, per cor contritum & humiliatum. (*Psal. 50.*) Inde à terra reductus pusillum, incipit abyssum ingredi nihili sui ad humiliandum se magis in conspectu Dei: (*Jacobi 4.*) agnoscit se vallatum abyssu (*Jonæ 2.*) peccatorum, donec abyssus miseriae ipsius, invocet abyssum (*Psal. 41.*) misericordiae Divinae, per quam eripitur anima ex inferno, nec datur Sanctus per gratiam Dei videre corruptionem (*Psal. 15.*) peccati. Notas facit ipse Deus vias vitae, (*Ibid.*) deducitque illum super semitas justitiae, (*Psal. 22.*) adeoque ab elemento terreno & aqueo ad sublimius, nimirum aereum abnegationis sui elevat elementum, ut jam liber à peccato, inter mortuos liber, (*Psal. 87.*) incipiat gaudere spiritus libertate: (*2. Corinth. 3.*) donec à terra, à mundo, à seipso abstractus evolet ad libertatem filiorum Dei: (*Rom. 8.*) animaue erepta de laqueo venantium (*Psal. 90.*) convertatur ad requiem suam, (*Psal. 114.*) quae est Deus, per charitatem. Et hæc est quartus ac ultimus gradus viæ & vitae spiritualis: hoc ultimum ac supremum elementum quod est ignis. Deus porro ignis est, (*Deut. 4.* & *Hebr. 12.*) Deus charitas est, (*1. Joan. 4.*) ac ideo qui charitate ignitus est, jam non tantum Deo proximus, sed etiam Deo unitus est, & fit Deiformis ac Deo conformis. Hic est Spiritus Sanctus, qui in linguis igneis apparuit hodie, (*Act. 2.*) per quem charitas Dei diffusa est in cordibus nostris. (*Rom. 5.*) Ipse qui est nexus Divinitatis per amorem, per eundem hominem Deo innectit, ita ut homo adherens Deo per charitatem, unus spiritus sit cum eo. (*1. Corinth. 6.*) Jam probatio verae dilectionis, exhibitio est operis. Si diligitis me, ait ipsa Veritas Christus: (*Joan. 14.*) mandata mea servate. Et hodie; si quis diligit me, mandata mea servabit. (*Ibid.*) Confirmat idipsum dilectus JESU discipulus: Qui servat verbum ejus, inquit *Ep. 1. cap. 2.* verè in hoc charitas Dei perfecta est. Omnino qui habet mandata Dei & servat ea, hic est qui diligit Deum. (*Joan. 14.*) Sed quæ sunt mandata ejus? Diliges Dominum Deum tuum ex toto corde, totâ animâ, tota mente, ex omnibus viribus tuis; hoc est primum & maximum mandatum; (*Matth. 22.*) secundum autem huic simile est: diliges proximum tuum sicut teipsum: in his duobus mandatis universa lex pendet & Prophetæ. (*Ibid.*) Denique finis præcepti est charitas. (*1. Timoth. 1.*) Ergò quando ita diligo Deum & proximum uti præcepit mihi Deus, sermonem ejus servavi, mandatum custodivi, verbum ejus & legem totam implevi. Videte Fratres mei, culmen vitæ spiritualis, cernite supremum vitæ terminum; advertite coronam, coronidem & consummationem omnium virtutum, charitatem nempe Dei, & proximi amorem. Charitas equidem omnium virtu-

Humilis ad
Deum recursus.

Libertas spi-
ritus.

Requies ani-
mae Deus per
charitatem.
(Charitas li-
gna.

Probatio vera
dilectionis.

Mandata Dei.

Culmen vitæ
spiritualis cha-
ritas.

Major virtutū
Charitas.

Charitatis
quantitas.

Quatuor Rotæ
Amoris.

Fructus Cha-
ritatis.

Motivū Amo-
ris Dei, Deum
m-duc, sine
modo.

Amoris DEI
& proximi
nexus.

rum excellentissima est, quia Deum attingit, ut in ipso sistat; & si proximum diligit, non diligit eum, nisi propter Deum. Charitas omnium virtutum forma est perfectissima, quia per ipsam omnium virtutum actus ad debitum & ultimum finem Deum diriguntur, nec potest absque illa ulla virtus simpliciter vera esse; nec poenitentia sive contritio puritatem cordis vel intentionis inducens sine charitatis Dei motivo valida; nec humiliatio sui vel abnegatio charitate Dei carens proficua seu efficax est. Unde ante omnia, super omnia, in omnibus hæc unice curanda, hæc intimè est requirenda. Sed qualisnam charitas, ista esse debet? sit unica, ut solus Deus; sit intensissima, ut toto animæ affectu; sit appretians, ut super omnia; sit intentissima, ut propter ipsummet Deum Deus diligatur. Hæc sunt quatuor rotæ Amoris: in istis rotis est spiritus vitæ, quæ, ubi est impetus spiritûs, illuc gradiuntur. (*Ezech. 1.*) Si spiritu DEI vivendum; charitate vivendum est: quia spiritus DEI charitas est. (*1. Joan. 4.*) Quanta felicitas ejus, qui manet in charitate, quia in Deo manet & DEUS in eo! (*Ibid.*) Ita planè Pater meus diliget eum, & ad eum veniemus, & mansionem apud eum faciemus. (*Joan. 14.*) Missus enim Spiritus Filii Dei in corda nostra clamat: (*Galat. 4.*) Abba Pater, ut simus Filii DEI (*Rom. 8.*) cum ipso Patrem invocantes, Patrem amantes. Sicut enim patrum erga filios, ita filiorum erga patres maximus amor esse debet per reciprocationem. Porro motivum Amoris Dei ipse Deus est, tanquam unicuique summum & perfectissimum Bonum, fons & origo tam Boni quam Amoris. Modus autem amandi Deum est sine modo, sine mensura, sine fine diligere: quia charitas nunquam excidit: (*1. Corinth. 13.*) & in via & in patria manebit in æternum. Quis non agnoscat in hoc quarto gradu se terminum viæ attigisse, in Patriam appulisse; coelum ipsum conscendisse: ubi civitatem Dei amor Dei facit? Beatitudo enim cœlestis in visione Dei, & amore ejus consistit, & exinde plenitudine & perfectione gaudiū coronatur. Sed fortasse dicet aliquis; si solus Deus amandus, quomodo cum Deo proximus diligendus? Omnino compatiuntur se isti amores, ita ut unus sine alio esse nequeat; imò unum idemque sit uterque Amor. Proximus enim tanquam frater, tanquam alter homo, tanquam nos ipsi amandus est in DEO propter Deum: velut Dei imago & similitudo, Dei redemptio, Dei sanctificatio, templum Spiritus Sancti, (*1. Thessal. 4.*) gratiæ Divinæ gazophylatium, gloriæ Divinæ Sanctuarium. Si quis diligit me, sermonem meum servabit, ait æterna Sapientia. (*Joan. 14.*) Atqui sermo ejus est; (*Joan. 6.*) hoc est mandatum meum, ut vos diligatis invicem: si nos diligimus invicem, asserit ejusdem Sapientiæ Cancellarius, (*Epist. 1. cap. 4.*) Deus in nobis manet, & charitas ejus in nobis perfecta est. Et hoc mandatum habemus á Deo, ut qui diligit Deum, diligat & fratrem suum. (*Ibid.*) Ergo si quis dixerit: diligo Deum, & fratrem suum oderit, mendax est. (*Ibid.*) Inseparabilis est charitas & una est, Deum ac proximum diligere; quæ tantò major, tantò altior, tantò similior & gratior Deo

Deo est, si tendat & extendat se etiam ad inimicos. Et hoc est præceptum Domini. (*Matth. 5.*) Diligite inimicos vestros, benefacite his, qui oderunt vos; orate pro persequentibus vos, ut sitis filii Patris vestri, qui in coelis est. Unde si quis diligit Deum, & hunc sermonem servabit. (*Joan. 14.*) Quàm difficilis, quàm ardua virtus inimicorum dilectio! & tamen in hac est summa perfectio & filiatio Dei, est imitatio Dei & sequela Christi, Qui dicit se in ipso manere, debet sicut ille ambulavit, & ipse ambulare. (*1. Joan. 2.*) Hoc igitur sit Pentecoste nostrum, ascensus in montem Sinai; hic per semitas deserti recursus ad terram promissionis; hoc sit Jubileum nostrum, semper Divini Amoris jubulum canere, Spiritu Sancto agi, ardere charitate, igne Amoris Divini inextingvibili super altari cordis nostri æstuarè, & sic breve compendium vitæ nostræ spiritualis perficere in charitate. Ignis Amoris, qui semper ardes in Deo & nunquam extingveris; (*Lev. 6.*) veni Sancte Spiritus, Ignis Charitas, accende corda Christianorum in utroque statu tam Politico quàm Ecclesiastico; inflamma corda Religiosorum sigillatim in Ordine & Monasterio nostro, ut omnes verum ignem charitatis in se gerant semper, ac per illum sermonem DEI custodiant. Præsta, ut & Animæ agonizantes & purgantes salvæ fiant per hunc ignem charitatis Dei æternæ.

Amor inimicorum fecit filios Dei.

Pentecoste mysticum, & Jubileum.

Aspiratio ad Spiritum S. pro dilectionis fervore.

Sermo in festo SS. Trinitatis,

& Sextus de prima Devotione, quæ est erga Deum Trinum & Unum.

DE O gratias, P. R. F. D. DEO gratias iterum, & iterum dico DEO gratias, in honorem Sanctissimæ Trinitatis Patris & Filii & Spiritus Sancti, quæ est Unus DEUS noster & Dominus. Ille verus DEUS, ex quo omnia, per quem omnia, in quo omnia, (*1. Cor. 8.*) cui soli ante omnia, omnis debetur cultus, potissimum latriæ, imperante ipso DEO: (*Matth. 4.*) Dominum Deum tuum adorabis & illi soli servies. Jam vero Spiritus est Deus, & eos qui adorant eum, in spiritu & veritate oportet adorare. (*Joan. 4.*) Veri ergo adoratores spirituales sint necesse est, ut spiritu vivant, spiritu ambulent, (*Gal. 5.*) spiritu agant, adeoque ipsi Deo se conforment per vitam spiritualem, quæ prima pars est brevis Compendii nostri demonstrata per quatuor gradus; ubi cognovimus, quæ sit via bona & semita recta ac perfecta ad vitam æternam. Restat pars altera explicans nobis, qualisnam in hac vita debeat esse principalis devotio nostra, & ad quos, ubi primò & primariò SS. Trinitatis Dei nostri cultus patet propositus, isque nullus alius quàm Latriæ, id est servitutis, eusebiæ, pietatis, & veræ Religionis: quæ fit per adorationes, prostrationes, orationes, oblationes, sacrificia, ac potissimum fidei protestationes. Hujus fidei tanquam primæ virtutis Theologicæ & fundamentalis Actus frequentissimè eliciendi sunt; Justus enim ex fide vivit, (*Galat. 3.*) & sine fide impossibile est placere Deo. (*Hebr. 11.*) Idque vel maximè ideò, quòd magna

Dei O. M. predicata,

Spiritualiter vivendū Deo,

Cultus Latriæ & Eusebiæ soli DEO.

Fidei actus frequentandi.

Actus Spei.

Actus Charitatis.

Cultus Trinitatis, & invocationis.

orationis.

Canticum Gratiarum actionis.

pars orbis Ethnici & Judaici SS. Triadem minimè agnoscat & confiteatur, quòd plurimæ hæreses fuerint & existant Mysterium SS. Trinitatis impugnantes : & ut sic nostris actibus fidei & hæresum infidelitas & Paganorum Saracenorum nec non Judæorum perfidia suppleatur. Actus spei non minùs frequentandi, qui misericordiam Dei infinitam respiciunt. Super omnia autem charitatis exercitio & amoris Divini motivis omnis devotio nostra ad SS. Triadem excolenda. Nonne hæc Trias virtutum Theologicarum optimè Divinæ Trinitati correspondet ? Nonne ex illa reliqui virtutum internarum Actus, qui integri sunt in Opusculo expressi, velut ex fonte originem ducunt ? Qui enim credit, qui sperat, qui amat DEUM Uni-Trinum, semper respiciet illum, ubique sibi præsentem habebit, nunquam à laude ejus cessabit, continuum honorem ipsi exhibebit, gloriam ejus prædicabit, omne refugium suum ad illum faciet, adjutorium ipsius in omnibus postulabit; denique continuorum beneficiorum memor, quæ à Deo omni momento percipit, gratiarum actionis holocaustum nunquam non immolabit. Et quidem Apostolus obsecrat: *1. Tim. 2.*) primum omnium fieri obsecrationes, orationes, postulationes, gratiarum actiones pro omnibus hominibus, ut non tantum pro nobis, sed & pro aliis oremus & Deo gratias agamus. Deinde nihil sollicitos nos esse debere asserit, (*Philip. 4.*) sed ut in omni oratione & obsecratione cum gratiarum actione petitiones nostræ innotescant apud Deum. Et quidem ipsemet hunc cultum gratitudinis sæpius exercet; jam dicens: *Philip. 1.*) gratias ago Deo meo in omni memoria vestri: jam affirmans; (*Ephes. 1.*) non cesso gratias agere pro vobis memoriam vestri faciens in orationibus meis; sed & alios jam admonet: (*Coloss. 4.*) orationi instate vigilantes in ea in gratiarum actione: gratias agentes semper pro omnibus in nomine Domini nostri Jesu Christi Deo & Patri. Jam exhortatur: (*Coloss. 3.*) Omne quodcunque facitis in verbo aut in opere, omnia in nomine Domini nostri Jesu Christi facite gratias agentes Deo & Patri per ipsum. Denique alibi subinfert: *1. Thessal. 5.*) In omnibus gratias agite; hæc est enim voluntas Dei in Christo Jesu in omnibus vobis. Creditur ipsa Mater Dei Virgo nihil frequentius quàm hoc gratitudinis signum DEO GRATIAS ingeminasse. Idem de Tobia refert Scriptura: *cap. 2.*) quòd in timore DEI permanens agit gratias Deo omnibus diebus vitæ suæ. Hoc Ecclesia orat in hymno; flagrans & in laudem Dei grates rependat debitas. Quin etiam in coelo Canticum principale continet in medio gratiarum actionem, videlicet benedictio & claritas & sapientia & gratiarum actio, honor, virtus & fortitudo Deo nostro in sæcula sæculorum: (*Apoc. 7.*) verè dignissimum Canticum à nobis quoque hic in terra sæpius iterandum. Unde & alibi in Apocal. inquit *cap. 11.*) Gratias agimus tibi Domine Deus omnipotens, qui es, qui eras & qui venturus es respectu temporis præsentis, præteriti & futuri, Divinam Trinitatem recolentes per Verbum DEI incarnatum, manifestatum, & manifestandum. Imò in illa cœlesti Jerusalem, quid

A quid erit nisi gaudium & lætitia invenientur in ea juxta *Isaiam cap. 51.*) gratiarum actio & vox laudis. Et ideo docet *Vas electionis*, (*Ephes. 5.*) ut in ore nostro non resonet turpitudine aut stultiloquium, aut scurrilitas, quod ad rem non pertinet, magis autem gratiarum actio; ut semper & corde & ore præferamus Deo gratias: illi Deo, à quo omnes gratiæ profluunt & derivantur, à quo omne datum optimum & omne donum perfectum, (*Jacobi 1.*) quò nullum majus, Dei gratiâ. Qui proinde vult Dei gratiam adipisci, semper dicat Deo gratias, ut possit à Deo gratiam pro gratia (*Joan. 1.*) promereri: ut gratia abundans juxta Apostolum *2. Cor. 4.*) per multos in gratiarum actione abundet in gloriam Dei. Uni & soli gratiarum actioni multiformis gratia Dei (*1. Petri 4.*) confertur. Neque multiplicitas magnæ actuum requiritur in cultu Divino per virtutes, quandoquidem idem Doctor Gentium testatur; (*2. Corinth. 9.*) quòd potens sit Deus omnem gratiam abundare facere in nobis: & paulò infra, *v. 10.*) quòd multiplicabit semen nostrum & augebit incrementa frugum justitiæ nostræ, ut in omnibus locupletati abundemus in omnem simplicitatem (non multiplicitatem) Qualem? talem, inquit, quæ operatur per nos gratiarum actionem Deo. Quoniam ministerium hujus officii (liberalitatem in pauperes sic nominat) non solum supplet ea, quæ defunt sanctis, sed etiam abundat per multas gratiarum actiones in Domino. Ubi ipsemet concludit *v. 15.*) Gratias Deo super inenarrabili dono ejus. Gratiarum actio porro fieri debet SS. Trinitati, in qua vivimus, movemur, & sumus, (*Act. 17.*) & quæ nobis adest per essentiam, præsentiam & potentiam; tribus digitis omnipotentiae, sapientiae & bonitatis suæ appendens molem terræ: (*Isaia 40.*) ut semper, ubique & in omnibus Deo gratiæ persolvantur; quandoquidem semper, ubique & in omnibus gratiæ à DEO percipiuntur. Hæc gratitudo nostra ergà Deum trahit secum aliarum omnium virtutum concentus, potissimum autem amorem, honorem, laudem, & gloriam quam Deus alteri non dat, (*Isaia 48.*) sibi soli reservat in vero Patriæ cultu. Hæc gratitudo aperit thesauros gratiarum, tangit viscera misericordiae Dei, fontem Divinæ bonitatis sugit, divitias gratiæ ejus (*Eph. 1.*) adipiscitur. Ita sanè qui Deo Patri & Filio & Spiritui Sancto gratias refert sigillatim, speciatim quoquæ à Deo Patre & Filio & Spiritu Sancto gratiis repletur. Inde hujus numeri ternarii Mystici singularis ratio habenda, ut in actionibus nostris practicè per virtutum eluceat specimina, SS. Trinitatis memoria; & in nomine Patris & Filii & Spiritus Sancti fiant omnia ad gloriam earundem Trium Personarum augendam & ad voluntatem illarum exequendam: quæ uti unius Dei nomine terminantur, ita unius gloriæ earum incremento, & unius voluntatis ipsarum adimplerione coronentur. Fidelis igitur quisque fide vivens & per breve mundi & recti, humiliati & abnegati ac Deum Uni-Trinum amantis cordis semitam progrediens non Pharisæico (quod absit) supercilio Deo gratias agat, quòd non sit sicut cæteri hominum, (*Lucæ 18.*) sed spiritu Apostolico, gratitudine Christi.

Simplicitas

SSS. Trinitati debetur omnia

Gratitudo aperis thesauros Gratia.

Observantia mystici ternarii.

Qualis debet esse gratiarum actio.

Trisagium.

Christianâ, religioso cultu debitam Deo reddat gratiarum actionem dicens cum Propheta. (*Psal. 115.*) Quid retribuam Domino pro omnibus, quæ retribuit mihi? Calicem salutaris accipiam, nimirum, in hostiam pro gratiarum actione, in sacrificium laudis me ipsum illi immolabo, & nomen Domini Trisagium Sanctus Sanctus Sanctus invocabo; (*Ibid.*) & licet a. a. a. Domine Deus nescio loqui, (*Jerem. 1.*) vix tamen mihi si tacuero. (*Isaia 6.*) Clamantibus omnibus DEO GRATIAS, clamabo & ego nec cessabo; quasi tuba exaltabo vocem meam. (*Isaia 58.*) Cantabo SS. Triadi Deo meo nunc & in æternum (cui Oliva specialiter dedicata) hostiam vociferationis: (*Pf. 26.*) cantabo, & canticum DEO GRATIAS semper dicam. (*Ibid.*) Benedicam Dominum in omni tempore: (*Psal. 33.*) cantabo Domino in vita mea, (*Psal. 145.*) psallam Deo meo Uni-Trino quamdiu fuero; (*Ibid.*) dicens semper DEO GRATIAS.

Sermo in festo SS. Corporis Christi,

Et Septimus de secundâ Devotione, quæ est erga JESUM Incarnatum, Crucifixum, & in SS. Sacramento Eucharistiæ constitutum.

Hoc facite in meam commemorationem. Lucæ 22.

Summa boni-
tas Dei, lu-
carnatio Filij
DEI.

Post mysterium SS. Trinitatis, cui nos oportet esse devotos, primum obtinet locum mysterium Incarnationis Filii Dei, in qua summa Dei erga hominem elucet bonitas & charitas immensa. Sic enim DEUS dilexit mundum; (*Joan. 3.*) Quem mundum? Num hunc, qui cælum & terram complectitur? Minime. Non hunc magnum mundum sed parvum nempe hominem, qui non minus corpore terram, animâ cælum præferret, dilexit: qui tamen huic mundo immundo adhærebat & totus mundanus, vanus, omnibusque mundanæ vitæ vitiis repletus erat. Nihilominus etiam talem hominem sic dilexit, ut Filium suum Unigenitum daret. (*Joan. 3.*) Sed & Filius Dei sic dilexit inimicum hominem, imò ejus dilectione majorem nemo habuit, nec habet, ut animam suam poneret, (*Joan. 15.*) & in mortem traderet non pro amicis, sed adversariis suis. Ad quid enim dedit Deus Pater Unigenitum suum? Nonne ad passionem crucis? Quin & ipse Filius Dei humiliavit & exinanivit semetipsum factus obediens Patri usque ad mortem crucis. (*Philip. 2.*) Hoc equidem nobis summè memorandum, continuò recolendum, & ardentissimè venerandum est devotione. Jesus crucifixus, serpens exaltatus in deserto (*Num. 21.*) semper ante oculos mentis nostræ versetur, ut à serpentibus ignitis, nimirum concupiscentiarum nostrarum stimulis, qui in hoc mundi deserto ex fomite peccati innato orti, in nobis dominantur, perpetuo Filii hominis in cruce exaltati aspectu liberemur. Quis mihi dabit pennas sicut columbæ & volabo (*Psal. 54.*) alis compassionis & amoris, & requiescam in vulneribus Domini mei, in foraminibus petreæ, (*Cant. 2.*) ut sugam mel devotionis de petra, (*Deut. 32.*) pascar cibo solido, & ciber

JESUS CRU-
cifixus.

Serpens exal-
tatus.

Ala compassi-
onis & amoris

ber ex adipe frumenti, (*Psal. 80.*) in qua habeam refugium in necessitate, refrigerium in æstu, securitatem in periculis, solatium in tribulatione, remedium in infirmitate, præsidium in adversitate, asylum in persecutione, robur in fragilitate; ubi reperiam ex doloribus, anxietatibus & amaritudinibus Domini mei, ablutionem sceleris, levamen doloris, abstersionem mæroris, contagionis amuletum, fontem sanitatis, plenitudinem satietatis. Hic accipio armaturam Dei, ut possim resistere in die malo, & in omnibus perfectus stare. (*Eph. 6.*) Hic induo lorica[m] justitiæ, (*Ibid.*) hic sumo scutum fidei ad omnia tela nequissimi ignea extingvenda; galeam salutis & gladium spiritûs; (*Ibid.*) hic teneo spei firmamentum & omnis fiduciæ reclinatorium. In hoc nidulo vivam & moriar, & quasi palma pressa non oppressa multiplicabo dies. (*Job. 29.*) Hic compati Redemptori meo, concrucifigi Salvatore & commori Vivificatori meo teneor, unde manant fluenta gratiæ, ubi reconditi meritorum thesauri, ubi copiosa pretium redemptionis, unicum propitiationis medium, ac inexhaustum satisfactionis gazophylacium; denique omnis scientiæ & sapientiæ abyssus: si tamen nihil judicem me scire, nihil sapere nisi Jesum & hunc crucifixum. (*1. Corinth. 2.*) Hic est hæreditas mea, possessio mea, felicitas mea, jucunditas mea, gaudium meum & unica beatitudo. Si qua ergo consolatio in Christo, si quod solatium charitatis, si qua societas spiritûs, si quæ viscera miserationis, in Jesu crucifixo impleatur gaudium nostrum, (*Philip. 2.*) & vitam nostram in ipso fundemus: exinde enim veræ contritionis fluit motivum; hinc oritur puritas cordis & intentionis; hic radix firmatur humilitatis, hic abnegationis rami expanduntur, hic amoris tam erga Deum quàm erga proximum exardescunt incentiva, ut jure merito hic fasciculus myrt hæ dilectus noster Jesus crucifixus inter ubera intellectûs & affectûs nostri perpetuò commoretur. (*Cant. 1.*) Sed videre, ubinam horum omnium memoriale reposuerit. Non alibi nisi in SS. Sacramento, in quo per testamentum nobis corpus suum & sanguinem consecravit, adjiciens hæc: (*Luc. 22.*) Hoc facite in meam commemorationem. Idem imperat Apostolus: (*1. Cor. 11.*) Quotiescunq; manducabitis panem hunc, vel calicem bibetis, mortem Domini annunciabitis. Enimverò nonne hic est Agnus paschalis absque macula (*Exodi 12.*) igne passionis & morte crucis assatus, tollens peccata mundi? (*1. Joan. 1.*) cujus sanguine postes animæ nostræ liniendi sunt, (*Exodi 12.*) imò in cujus cruore tingi & mergi corda nostra necesse est: ut liberi simus ab exterminatore (*1. Corinth. 10.*) peccato, quod causat æternum animæ nostræ exterminium; ab exterminatore diabolo circumeunte & quærente quem devoret: (*1. Petri 5.*) ab exterminatrice carne, quæ nos lactat in desideriis voluptatis; (*Prov. 1.*) ab exterminatore mundo, qui nobis vanâ specie illudit per concupiscentiam carnis, concupiscentiâ oculorû & superbiâ vitæ fascinum oculis obtendens. Nonne hoc est sacrificiû incruentû cruenti memoriam repræsentans? ubi Jesus cruci-

Christi vulnera, refugia.

Fontes salutis.

Incentiva virtutum.

Memoriale Passionis Christi, Eucharistia.

Agnus Paschalis.

Exterminator peccati.

Sacrificiû incruentum.

Arca Fœderis.

Manna abscon-
ditum.

Manhu?

Reverētia SS.
Sacramenti.Devotissima
ad JESUM
spiratio.Locus Domi-
ni.

fixus est oblatio munda, hostia pro peccatis, (*Hebr. 10.*) panis propo-
sitionis, (*Levit. 21.*) calix benedictionis; (*1. Cor. 10.*) amoris holocaustum,
Sacerdos & sacrificium, Ille qui offert; Ille cui offertur: Ille quod offertur.
Nonne hic est Arca fœderis non tantum legem sed & ipsum Legislato-
rem continens, (*Num. 10.*) Virgam Aaronis germinantem, (*Num. 17.*) li-
gnum crucis Summi Pontificis nostri arborem decoram & floridam refe-
rens, necnon Manna absconditum de coelo datum, (*Apoc. 2.*) panem
Angelorum (*Psal. 77.*) illum vivum, qui de coelo descendit & dat vi-
tam mundo; (*Joan. 6.*) panem planè super substantiali, (*Matth. 6.*)
frumentum electorum ac vinum germinans virgines, (*Zach. 9.*)
nectar coeleste & ambrosiam Divinam in se complectens, in qua
& omne delectamentum saporis (*Sapient. 16.*) & substantiæ no-
bis contulit Deus, ac dulcedinem suam erga nos demonstravit? Equi-
dem jure merito inclamandum nobis cum veris Israelitis: (*Exodi 16.*)
Manhu, quid est hoc? verè cum admiratione & æstimatione repetendum
sapius: Quid est hoc, quod Deus ipse venit & salvat nos, (*Isaia 35.*)
Deus ipse patitur pro nobis, moritur pro nobis in cruce? Quid est hoc,
quod moriturus, tam stupendum & tam inæstimabile testamentum nobis
consignat, seipsum nobis in cibum donando; seipso nos satiando, corpore
& sanguine suo pretiosissimo esuriem & sitim nostram insatiabilem ex-
plendo? Quanta reverentia! quanta observantia! quanta devotio, huic
summo Sacramento debetur, in quo reconditur Deus, absconditus Deus Israel
Salvator, (*Isa. 45.*) isq; tanta passus, ita cruciatus, adeò crudeli & ignominiosa
morte crucis occisus! Quomodo nos totos ei non consecremus, qui se
totum cum Divinitate & humanitate, cum corpore & anima, cum infini-
to sui sanguinis pretio, & immenso meritorum thesauro nobis exinanivit?
Et quid requiris à nobis Bone Jesu? Nihil aliud nisi Tui memoriam. Si
oblitus fuero Tui in corde meo O liberalissime Redemptor, oblivioni
detur dextera mea, (*Psal. 136.*) nihil habeam felicitatis, nihil boni possi-
deam. Adhæreat lingua mea faucibus meis, si non meminero Tui in
ore meo, si non proposuero te in omni opere meo, ut sis prin-
cipium lætitiæ meæ: (*Ibidem.*) sicut ablactatus est à matre sua, ita re-
tributio fiat in anima mea: (*Psal. 130.*) Si dederò somnum oculis meis,
& palpebris meis dormitationem, & requiem temporibus meis sine
Tui memoria; donec inveniam locum Tibi (*Psal. 31.*) Domino & Salva-
tori meo, nulla sit mihi requies: nulla enim vera est nisi in Te, de Te, &
per Te. Locus Tuus est inter ubera memoriæ & intellectus; ut semper Te
recogitem; est in corde inter ubera compassionis & amoris, ut diligam Te,
qui es virtus mea, (*Psal. 45.*) firmamentum meum, refugium meum, &
liberator meus; (*Psal. 17.*) Dominus adjutor meus, sine quo nihil pos-
sum facere. (*Joan. 15.*) Locus Tuus est in manu, quam mittere debeo ad
fortia, (*Proverb. 31.*) tollens crucem meam & sequens te (*Matth. 16.*)
inter ubera actionis & passionis. Locus Tuus est in tota vita mea inter
ubera

ubera activorum & contemplativorum exercitiorum. Locus Tuus est in me toto, ut me totum Tibi tradam, qui Te mihi totum evacuasti; aut satius locus meus est in Teipso, quia sum membrum Tuum, de Te & in Te vivens: utinam semper vivum Tuo honori, Tuæ laudi, Tuæ gloriæ, Tuo Amori semper dedicatum! Devotio ergo nostra post Deum Uni-Trinum sit Filius Dei propter nos & propter nostram salutem Filius hominis factus, pro nobis passus, crucifixus, mortuus & sub speciebus panis & vini in Sanctissimo Sacramento nobis in escam datus. Tota vita Salvatoris debet in singulari memoria apud nos versari. Et quidem amabilis valde est nobis Parvulus in præsepio, jacens in sinu Matris, sugens ubera ejus; graciosus, crescens & proficiens ætate ac sapientiâ: (*Lucæ 2.*) desiderabilis, faciens mirabilia, (*Psal. 85.*) docens de Regno Dei, prædicans Evangelium; (*Act. 28.*) speciosi enim pedes ejus evangelizantis pacem: (*Roman. 10.*) sed nusquam amabilior, nusquam graciosior, nusquam desiderabilior Ille desideratus cunctis gentibus, (*Agg. 2.*) quàm quando desiderio desiderans Pascha manducare nobiscum, (*Lucæ 22.*) lemoriens in pretium, convalescens in edulium, se per utrumque in gratiæ & gloriæ præmium nobis profusissimè dedit ac donavit. Agnus assatur in passionis mysterio, manducatur in Altaris Sacramento. Hæc meditari dixi Sapientiam, in his morari perfectionem scientiæ, hisce delectari beatitudinem vitæ. Quod nobis multitudinem victimarum? (*Isaia 1.*) sufficit hæc sola victima crucis, victima Altaris, recogitata semper, quæ talem pro nobis sustinuit contradictionem, (*Hebr. 12.*) imò & nunc sustinet per Ethnicos, Judæos, Hæreticos crucis Christi inimicos, (*Phil. 3.*) quibus durus est sermo (*Joan. 6.*) passionis & manducationis; sed maximè malos Catholicos, qui instar Judæ proditoris in judicium mortis panem hunc vitæ manducant. O mi JESU! quanti nunc Judæ sunt inter Christianos, qui immemores beneficiorum Tuorum, imò ingratiissimi Tibi bono Pastori, Patri, Magistro, Doctore suo perditum Te volunt, qui cum concilio malignantium (*Psal. 21.*) conspirant & dicunt: *Jerem. 11* eradamus eum de terra viventium, nomen ejus non memoretur amplius; & Tu Teipsis tradis, qui sunt traditores Tui, Teipsum illis evisceras & sacrificas Teipsum? Juremerito post buccellam in cor ingratum, in cor perversum, cor malignum Judæ; post buccellam, post beneficium porrectum, post oblationem acceptam introivit Satan, (*Lucæ 22.*) qui ante jam erat; sed redit, ut posteriora ejus fiant pejora prioribus. (*Lucæ 11.*) Hi sunt Judæ, qui corde alieno & averso à fratribus suis, à proximis suis, à Superioribus suis audent hanc hostiam pacificam, hoc pacis symbolum, hoc munus unionis sumere, quod unanimes in uno corpore, unius moris in domo facit habitare, (*Psal. 67.*) & de uno pane unitatem charitatis participare. (*2. Cor. 10.*) Isti autem scindunt unionem in congregatione, faciunt sectas & schismata & adversum Superiores suos exercent supplantationes. Procul à nobis tales Judæ, abeant in malam crucem, utinam suspendantur

Totus desiderabilis JESUS in Eucharistia & Cruce amabilissimus.

Excellentis Sacrificij Crucis & Altaris.

Quanta multorum ingratitudo!

Qui Judæ traditores

tur & crepant, si nolunt converti & vivere, ne gregem Christi contaminent. Nos autem Fratres, servemus unitatem in vinculo pacis, (*Ephes. 4.*) Christo compatientes, Christo confixi cruci (*Gal. 2.*) & commortui ipsi, facti concorporei & consanguinei, in quo est salus, vita, & resurrectio nostra. Ac idè ablit à nobis gloriari nisi in JESU Christo crucifixo, (*Galat. 6.*) ejusque SS. Corporis Sacramento.

Sermo in festo S. Joannis Baptistæ.

Vox clamantis in deserto. Joan. 1.

*D. Joan. Bapt.
prædicata.*

DIvus Præcurfor Domini Joannes quantumvis varia in Scriptura Sacra haberet de se prædicata; jamque homo missus à Deo dicatur, (*Joan. 1.*) imò Angelus præcedens faciem Domini, (*Matth. 21.*) jam Propheta Altissimi vocetur, (*Lucæ 1.*) imò plus quàm Propheta, (*Lucæ 7.*) jam testis Luminis venientis nominetur, (*Joan. 1.*) imò lucerna ardens & lucens, (*Joan. 5.*) jam spiritu & virtute Elias declaretur, (*Lucæ 1.*) nihilominus nullum magis sibi appropriavit nomen, dum interrogaretur: (*Joan. 1.*) Quis es tu? præterquam Vocis clamantis. Ego Vox clamantis in deserto, ait ipse de se. (*Ibid.*) Utique non sine mysterio; siquidem Præcurforis officium gerere debuit, idè jure merito præcedens Verbum DEI Vox voluit appellari. Sed cur clamantis? Nonne satis erat vocem Verbi dicentis seu loquentis; sic enim in veteri Testamento legitur: dixit Dominus, locutus est Dominus: nec habetur, clamavit Dominus. Num clamor hic novo reservabatur Testamento, ut Verbum DEI resonantiùs in vociferatione audiretur? sed utique apud Prophetam Isaïam dicit Deus, *cap. 42.*) Ecce servus meus, electus meus, complacuit sibi in illo anima mea, ille nimirum Filius meus dilectus, in quo mihi benè complacui; hunc ipsum audite. (*Matth. 17.*) Qualiter loquentem? non clamabit nec accipiet personam, nec audietur vox ejus foris, dicit Prophetia Isaïæ *cap. 42.*) Quomodo ergò Vox est clamantis? Imò legimus sapiùs ipsummet Dominum clamasse. Et hæc dicens clamabat: (*Lucæ 8.*) Qui habet aures audiendi, audiat. Fortasse datur & silentium in clamore, & clamor in silentio. Et quidem Regius Vates dum canit: (*Pf. 64.*) Te decet hymnus Deus in Sion; alii legunt Te decet silentium. Potest ergò & vox clamosa esse silentiosa, potest & silentiosa esse clamosa. Tacebat Moyses, quando populus murmurabat super defectum aquarum, & tamen Dominus ait: (*Exodi 14.*) Quid clamas ad me? Non audiebatur ulla vox post mortem Abelis, Deus tamen inquit ad Cain; (*Gen. 4.*) Ecce vox sanguinis fratris tui Abel clamat ad me de terra. Clamat ergò per vocem suam Dominus, clamat per verbum, clamat etiam per silentium, & taciturnitatem. Sed quare clamat? Quia sibilo serpentis antiqui aures hominum reperit obturatas & obduratas. Insufurravit callidus anguis auribus primorum parentum; (*Gen. 3.*) Cur præcepit vobis Dominus? quæstio non necessaria, inquirere in vias Domini. Replevit ipsis au-

Vox clamantis.

Cur clamatio?

*Clamor silens
& silentium
clamans.*

*Suæditas Ori-
ginalis.*

res

res vanis investigationibus ; ita ut non daretur amplius in eis locus Verbo Divino , præcepta Domini erant proscripta ; clamor eapropter erat necessarius, ut auscultarent præcepta Magistri, vocem clamantis audirent, & affectum scilicet pii Patris facilius exciperent. Ast unde clamor ? haud dubiè ex pectore, à corde, & ideò ex amore. Ubi patris clamor, ibi amor. Nonne Joannes in spiritu & virtute Eliæ venire debuerat ? (*Luca 1.*) Zelo zelatus sum pro Domino exercituum, (*3. Reg. 19.*) & zelus Eliæ in voce clamantis. Clamat amor, clamat zelus. Sed audiamus, quid clamat vox clamantis. Clamat amor, clamat zelus. Sed audiamus, quid clamat vox nostra Joannes. Progenies viperarum quis demonstravit vobis fugere à ventura ira ? (*Matth. 3.*) facite ergò fructum dignum poenitentiae. (*Ibid.*) Quid ais Joannes ? Siccine in ira furoris loqueris, (*Psal. 2.*) nec vereris Principes populi & Scribas genimina viperarum appellare ? Non timeo à facie eorum, (*Jerem. 1.*) respondet Joannes ; posuit enim Dominus os meum ut gladium acutum. (*Isaia 49.*) Utique ipsum Verbum Domini est gladius spiritus, (*Eph. 16.*) vivus est sermo Dei & efficax, penetrabilior omni gladio ancipiti, & pertingens usque ad divisionem animæ & spiritus, discretor cogitationum & intentionum cordis. (*Hebr. 4*) Verbum est veritatis ; mihi incumbit testimonium perhibere de lumine veritatis : (*Joan. 1.*) omnis qui est ex veritate, audit vocem meam. (*Joan. 18.*) Sed ô Vox liceat mihi adhuc semel te interpellare. (*Joan. 6.*) Durus est hic sermo, veritatis clamantis, dicere ; (*Matth. 3.*) Progenies viperarum : excitabit in audientibus te iram, odium & aversionem. Vox Joannis est vox gratiæ, debet esse gratiosa : molle verbum, eloquium dulce, fortè efficacius esset. Acuent & illi contra te linguam suam sicut serpentis, venenum aspidum sub labiis eorum ; (*Pf. 139.*) sed Joannes respondet. Talia talibus, dura duris, eloquia Domini ignita. (*Psal. 118.*) Dominus misit me, ut evellam & dissipem, & disperdam & ædificem, & plantem. (*Jerem. 1.*) Hunc arguere, illum obsecrare, alium increpare necesse est, (*2. Timoth. 4.*) pro qualitate objecti & subjecti. Clama ne cesses, imperat Deus ; (*Isaia 58.*) quasi tuba exalta vocem tuam, annuncia populo meo scelera eorum : me etenim de die in diem quæruni & scire vias meas volunt, rogant me judicia justitiæ quasi gens quæ justitiam fecerit, & judicium Dei sui non dereliquerit. Vox ergò dicentis, clama : & quid clamabo ? Omnis caro fœnum, & gloria ejus quasi flos fœni. (*Isaia 40.*) Hæc est vox clamantis, (*Matth. 3.*) poenitentiam agite ; quæ fuerunt in carne gloriola & speciosa, sint in fœno poenitentiae humilia & abjecta. Et forsitan ideò Vox clamantis in deserto, (*Joan. 1.*) quia caro deferenda, mundus deferendus, voluntas propria relinquenda per poenitentiae solitudinem. Sed & ideò in deserto, quia à Deo desertos reperit homines, à gratia Dei derelictos ; denique totus orbis sine Deo erat desertum. (*Isaia 14.*) Jam igitur vidimus Joannem clamantem, solitarium planè Monachum in solitudine, Eremiticam in eremo. Nunc videamus prodeuntem in publicum, factum Herodis Regis aulicum. Joannes quid tibi cum aula ? Multum equidem. Nonne Hero-

Clamor amoris

Vox clamantis zelus.

Gladius verbi D.

Dura duris.

Poenitentiam agite.

Deferendus mundus.

Deserti à Deo.

Monachus Anglicus.

Herodias
Jezabel.
Concupiscentia
corporum &
pecuniarum.

Auditor incor-
rigibilis.

Præ omnia
præva.

Deo placere
facilius est,
quàm homini-
bus.

Vox clamantis
imitatio.

Vox paupertatis
& honoris
operum.

Clamor Sera-
phicus chari-
tatis.

des me libenter audit? nonne me audito multa facit? Vox sum claman-
tis, eat vocis meæ clamor in aulam quoque. Sed Dive Præcursor an ne-
scis, quid te maneat ibi? Herodias te persequens sicut Eliam Jezabel,
(3. Reg. 19.) carcer te expectat, lictor gladium acuit ad amputandum ca-
put tuum. Hæc pro gratia erit merces tua. Et quæ Herodias? quæ Je-
zabel? Nonne invidia, nonne concupiscentia, quæ ex mente Aurei Oris,
duplex est, corporum & pecuniarum. Non deterrent hæc Joannem ab au-
la, in qua coronam martyrii erat adepturus. Ad omnia quæ mittit illum
Dominus vadit, & quæ mandavit Deus, loquitur. (Jerem. 1.) Non licet, in-
quit, non licet. (Matth. 14.) Ubique arguens Herodem Joannes, ubiq;
increpans. Reges videbant & consurgebant Principes: (Isaia 49.) loque-
batur Joannes de testimoniis Dei in conspectu Regum & non confunde-
batur. (Psalm. 118.) Sed quid de auditoribus ipsius dicit ipsa Veritas?
(Matth. 11.) Cui similem æstimabo generationem istam? similis est pu-
eris sedentibus in foro, qui clamantes coæqualibus dicunt: Cecinimus
vobis & non saltastis, lamentavimus & non planxistis. (Ibid.) Hic erat
fructus prædicantis Joannis, Vocis clamantis: sed & idem ipsius Verbi
Divini facientis & docentis fuit. Venit Joannes neque manducans neque bi-
bens, & dicunt, dæmoniū habet: venit Filius hominis, manducans & bibens;
& ecce homo vorax & potator vini, publicanorum & peccatorum amicus
reputatur. Adeoque sic justificata est Sapientia à filiis suis. (Ibid.) Benè mo-
net Apostolus: (Gal. 1.) Si hominibus placerem, Dei servus non essem.
Et quis omnibus placere potest? Nec Joannes placuit, nec Vox claman-
tis efficax fuit: & tamen clamabat usque ad mortem. Si etenim & ille
tacuisset, lapides de pariete clamassent, (Hab. 2.) cū potens sit DEUS
etiam de lapidibus suscitare filios Abrahæ: (Matth. 3.) filios credentium,
qui fidem ex auditu (Rom. 10.) susciperent. P. R. F. D. sumus & nos vo-
ces clamantis Dei in nobis & per nos; in silentio clamemus, & in clamo-
re fileamus. Iste pauper clamavit, & Dominus exaudivit eum, asserit
Propheta: (Psalm. 33.) Verè paupertatis vox, quæ est aliena non appe-
tere, propria largiri; clamat in coelum, & meretur divitias Regni cælo-
rum. Spiritus anxius in poenitentia clamat ad Deum, & impetrat grati-
am. (Bar. 3.) Videntes, scilicet Prophætæ (nos quoque videntes Deum
per fidem) clamabunt foris, (Isaia 33.) videlicet per pietatem; per mise-
ricordiam, per eleemosynas, per bona opera, per sancta exempla. Sera-
phim clamant alter ad alterum: (Isaia 6.) mutua charitas ardens Sera-
phico amoris igne clamat, Sanctus, Sanctus, Sanctus, (Ibid.) & testimo-
nium perhibet in se Divinæ Sanctitatis. Laus Deo, non accepimus spiri-
tum servitutis in timore, sed accepimus spiritum adoptionis filiorum, in
quo clamamus; Abba Pater: (Rom. 8.) clamemus cum Eliseo ad Eliam
nostrum Joannem; (4. Reg. 2.) Pater mi, Pater mi, regenerans nos per
baptismum poenitentiae; currus Israel & auriga ejus, parans viam Domi-
no, (Lucæ 3.) meritis tuis & exemplis, ac precibus, præpara nos Domino
plebem perfectam (Lucæ 1.) in gratia ejus & charitate.

Sermo in festo SS. Petri & Pauli Apostolorum.

Quid sunt duæ Olive istæ ? Zach. 4.

Primus Apostolorum Petrus, & novissimus Apostolorum Paulus, evangelizantes pacē, evangelizantes bona, (*Rom. 10.*) quidni fuerunt verè duæ Olive, quæ apud omnes sunt symbolum pacis? live duo filii olei splendoris, assistentes Dominatori universæ terræ? (*Zach. 4.*) Utique filii Messiae, illius Justī, qui ut splendor ortus fuit, (*Isaia 62.*) illius uncti oleo lætitiæ præ participibus suis, (*Hebr. 1.*) qui Princeps pacis (*Isaia 9.*) & nascens pacem hominibus in terra publicavit, (*Lucæ 2.*) & resurgens eandem pacem secum tulit Ecclesiæ, (*Act. 9.*) quam etiam testamento legavit discipulis suis dicens: (*Joan. 14.*) pacem relinquo vobis, pacem do vobis. In diebus enim Ipsius oriri debebat justitia & abundantia pacis, (*Psal. 71.*) cujus non esset finis, (*Isaia 9.*) quam Angeli pacis, Apostoli sed potissimum hodierni, ubique circumferebant. (*Lucæ 2.*) Quid enim aliud in Epistolarum suarum initio, contextu & fine præferebant nisi pacem? In utraque sua Epistola Petrus intonat; in *1. cap. 2.*) Gratia vobis & pax multiplicetur: in *2. c. 1.*) gratia vobis & pax adimpleatur. Ubique Paulus resonat; Gratia vobis & pax à Deo. (*Rom. 1.*) Ubique ad pacem animat, pacem habeamus ad Deum. (*Rom. 5.*) Cum omnibus hominibus pacem habeatis. (*Rom. 12.*) Quæ pacis sunt sectemini, (*Rom. 14.*) idem sapite, pacem habere, (*2. Cor. 13.*) servantes unitatem spiritūs in vinculo pacis, (*Eph. 4.*) & Deus pacis & dilectionis erit vobiscum. (*Phil. 4.*) Non enim est dissensionis Deus sed pacis, (*1. Cor. 14.*) qui in pace redemit animas nostras, (*Psal. 54.*) qui in pace vocavit nos per nuncios pacis Apostolos. (*1. Cor. 7.*) Ipsi quoque imperavit, (*Lucæ 10.*) ut in quamcunque domum intraverint, primum dicant; pax huic domui. Sed quid est hoc, quod dicit Ipse qui est pax nostra: (*Eph. 2*) non veni pacem mittere sed gladium? (*Matth. 10.*) Nonne gladius signum belli? Ita planè non est pax impiis, dicit Dominus: (*Isaia 48.*) pax iustis, bellum iniustis. Est enim & perversa pax, sicut illius prævaricatricis Jerusalem, quando tunc erant ea, quæ ad pacem illi, (*Isaia 52.*) & hæc disciplina pacis ejus erat super Dominum nostrum, virum dolorum. (*Isaia 53.*) In tali pace amaritudo nostra verè amarissima, (*Isaia 38.*) quia hæc pax est inimica Deo: cui qui restitit, quis pacem habuit? (*Job. 9.*) Est pax iniqua uti illius fortis, cui in pace sunt ea quæ possidet: (*Lucæ 11.*) uti & illorum, qui in magno inscientiæ bello tot & tam magna mala pacem appellârunt. (*Sap. 14.*) Non est pax universæ carni. (*Jer. 12.*) Qui carnem, qui terrena sapiunt, (*Phil. 3.*) viam veræ pacis nec sciverunt, nec cognoverunt. (*Rom. 13.*) Non est pax ossibus eorum, à facie peccatorum ipsorum. (*Psal. 37*) Lamentatur Propheta Jeremias super hac pace *cap. 14.*)

Ppp 2

Expe-

Primus & novissimus Apostolorum
Duo Olive
pacis

Apostolica
cu ommedatio

Pax iustis non
impiis

Gladius spiri-
tus. S.Opus Justitia
Pax.Oleum Miser-
cordia.Coniunctio in-
ter Apostolos,
cum Pace.Fundamentum
Paci, Obedien-
tia & Humi-
litas.

Expectavimus pacem & non est bonum; & tempus curationis, & ecce turbatio. Et alibi *cap. 6.*) Curabant contritionem filiarum populi mei cum ignominia dicentes; pax, pax, & non erat pax. Et tales quoque sunt, qui loquuntur pacem cum proximo suo, mala autem in cordibus eorum. (*Psal. 27.*) Homines pacis nostrae, manducantes nobiscum panem & magnificantes supplantationem. (*Psal. 40.*) Ergone gladius ad hanc pacem scindendam requiritur Domine? Ita est: gladius spiritus, quod est Verbum Dei super iniquos. (*Eph. 6.*) Hoc gladio armati Apostoli pacem falsam & iniquam rumpebant, zelabant pacem peccatorum videntes, (*Psal. 78.*) pacem veram & rectam statuebant, loquentes pacem gentibus, (*Zach. 9.*) ponentes pacem in finibus terrae. (*Psal. 147.*) Sed quomodo? Verbum Dei in iustitia & veritate praedicantes, (*Act. 13.*) ut in sanctitate, iustitia & veritate essent omnes coram Deo omnibus diebus vitae ipsorum. (*Luc. 1.*) Opus enim iustitiae pax. (*Isaia 32.*) Utique iustitia & pax osculatae sunt, sed & misericordia & veritas obviaverunt sibi: (*Psal. 84.*) quando Dominus cogitabat cogitationes pacis & non afflictionis, (*Jer. 29.*) ut sederet populus ejus in pulchritudine pacis & in tabernaculis fiduciae & in requie opulenta. (*Isaia 32.*) Ita & per Apostolos sanctos pax disseminabatur, in iustitia, veritate & misericordia, quia erant verae duae Olivae (*Zach. 4.*) non solum oleum pacis, sed & miserationis pinguedinem stillantes, ut essent simul Viri misericordiae, quorum pietates non defuerunt, pulchritudinis studium habentes, (*Eccli. 44.*) in pace & aequitate ambulantes, (*Malach. 2.*) pacificantes in domibus suis, (*Eccli. 44.*) viscera misericordiae omnibus exhibentes; (*Coloss. 3.*) & quod summum, etiam anathema cupientes esse a Christo pro fratribus suis. (*Rom. 9.*) Verum dicet aliquis: Quae pax erat inter Apostolos? Nonne facta erat inter ipsos contentio, quis eorum videretur major? (*Luc. 22.*) Nonne facta contentio inter Paulum & Barnabam, ut quoque ab invicem separarentur? (*Act. 15.*) Nonne inter ipsos hodiernos Apostolos fuit sensus divisio, & in proprio sensu abundantia (*Rom. 14.*) quoad circumcisionem? (*Galat. 2.*) Itane Dive Paule ausus es Principem Apostolorum redarguere in eo, quod ipse fecisti? In quo alium judicasti, te ipsum condemnasti. (*Roman. 2.*) Nonne & tu cum Judaeis judaizabas in gratiam eorum circumcidendo Timotheum gentilem? (*Act. 16.*) Itane in faciem ei restitisti, quia videbatur tibi reprehensibilis? (*Gal. 2.*) Ego sane magis miror tolerantiam Petri, quam resolutionem Pauli. Nihilominus & haec omnia licet infirmitatis humanae erant indicia in Apostolis, ad bonum pacis tendebant; quia consilium pacis erat super eos, (*Zach. 6.*) veritatem & pacem diligebant, iudicium pacis iudicabant, (*Zach. 8.*) pax iustitiae & honor pietatis in eis relucebat, (*Bar. 5.*) disciplinam in pace conservabant. (*Eccli. 41.*) Quod tamen credimus esse fundamentum pacis? Mihi equidem non aliud occurrit, nisi Divus Petrus, & Divus Paulus. Petrus vocabatur Simon, (*Matth. 10.*) & Saulus qui & Paulus dictus erat; (*Act. 13.*) ille

ille obedientiam, hic humilitatem nomine suo indigetantes. Legistis revelationem ab Angelo factam Cornelio viro Religioso & timenti Deum. Mitte, inquit *Act. 10.*) Angelum & accersi Simonem qui cognominatur Petrus, hic dicet tibi quid te oporteat facere. Simon obediens, Petrus ^{Simon Petrus} ^{Obediēs cōstās} ut petra firmus & constans in eadem obedientia, docet nos quid debeamus facere, videlicet constanter obedire, in obedientia perseverare usque ad mortem. Paulus sive pusillus humilitatis formam indicans & ex græco ^{Paulus pusillus} ^{quietus.} quietum significans, profectò pacis statuit testamentum. (*Eccli. 45.*) Obedientia & humilitas quomodo reluxerit in Divis hisce Ecclesiæ luminibus, quis non videt? Petrus vocatus à Christo protinùs relictis retibus ^{Exempla A-} ^{postolica obedi-} sequitur eum; (*Marci 1.*) Paulus à coelo reprehensus mox ait; (*Act. 9.*) Domine quid me vis facere? Nonne hic prompta & cæca planè obedientia? Petrus dicit; (*Luca 5.*) Domine exi à me, quia homo peccator sum. Paulus abortivum (*1. Corinth. 15.*) & maximum peccatorem se æstimat. (*Roman. 3.*) Nonne hic profundissima humilitas? Habuit tamen u- ^{Motivum hu-} ^{militatis.} terque magna humiliandi se motiva. Petrus abnegat Christum, (*Matth. 26*) Paulus persequitur Christum, ejusq; Ecclesiam: (*1. Cor. 15.*) nihilominus uterque Caput S. Ecclesiæ creatus. Quid tristaris Dive Petre, quando tertio à Domino interrogaris? (*Joan. 21.*) Petre amas me? Siccine oblitus es te Dominum ter abnegasse? (*Matth. 26.*) Juremeritò ternà Amoris confessione, ternam abnegationis maculam abluere teneris; ut ita ritè ad pascendos agnos & oves ordineris. Sed nunquid tales in ovili tuo duntaxat habebas? Nonne & arietes & hirci poterant reperiri? Haud dubiè; omnes tamen in agnos & oves convertebas, implemet priùs ad Dominum per poenitentiam conversus. Quid cadis Dive Paule & lumine oculorum privaris? (*Act. 26.*) Nonne ut major resurgas, & clariùs lumen Dei videas, futurus Vas electionis Christi ad portandum nomen ejus coram Regibus & Principibus, & populis terræ, (*Act. 9.*) & sis unà cum Divo Petro, sicut filius olei splendoris, (*Zach. 4.*) sicut Oliva fructifera in domo Dei. (*Psal. 51.*) Jam ergò tibi crux pro baculo Pastoralis, ô Dive Petre; tibi gladius ô Dive Paule pro virga cessit; virga hæc, & baculus hic, ipsa me consolata sunt: (*Psal. 22.*) his Dominus regit me & in loco pascuæ me collocavit. (*Ibid.*) Hæ sunt laureæ vestræ, hæc trophæa in coelis. Per hæc rogate, quæ ad pacem sunt Hierusalem (*Psal. 121.*) totius Ecclesiæ in utroque Statu constitutæ: ut sit vera visio pacis, ut Deus pacis conterat Satanam sub pedibus ejus, (*Rom. 16.*) inimicum pacis nostræ, authorem omnis dissensionis. Quis enim est qui nobis noceat, si boni æmulatores fuerimus, (*1. Petri 3.*) in pace, justitia, veritate, misericordia, obedientia & humilitate? Rogate etiam ea, quæ pacis sunt. (*Luca 14.*) pro nostra Oliva, ut sit vera rectæ pacis Oliva cum Deo, inter se, & cum omnibus. Fiat pax & veritas in diebus nostris, (*Isaia 39.*) ut fructus justitiæ in pace seminetur facientibus pacem. (*Jacobi 3*) Loquimini pacem in plebem vestram, (*Psal. 84.*) ut sit fructus labiorum vestrorum pax:

(*Isaia 57.*) reperiatis hic filios pacis, & non revertatur ad vos pax
(*Matth. 10.*) quam datis, sed maneat nobiscum in æterna charitate.

Sermo in festo Assumptionis B. M. V.

Et Octavus de tertia Devotione, quæ est erga Matrem DEI,

Unum est necessarium. Lucæ 10.

Vita nostra
plena destructi-
onũ et neces-
sitatum.

Obligatio Ab-
batũ.

Maria: Jesus
pedes ei. Subdi-
ti Monachi.
Martha Super-
ior cum Offi-
ciis.

Unum necessa-
rium Deus.

Verus Adam
Christus i quo
unũ sumus.

Vita nostra P. R. F. D. eò quòd sit plena necessitatum variarum, ple-
na quoque est turbationum & distractionum. Indigemus quoad
corpus victu & amictu; inde fit quòd solliciti simus, quid mandu-
cemus, quid bibamus, & quo operiamur. (*Matth. 6.*) Et tamen fideles
redarguit Dominus desuper, & dicit gentes hæc inquirere. (*Ibid.*) Nihilo-
minus victum & amictum habentes, nonne his contenti esse debemus
juxta Apostolum? (*1. Timoth. 6.*) In his tamen necessitatibus corporis &
angustiamur, & tribulamur, & turbamur ergà plurima. Jam verò ne-
cessitates animæ quis edisseret? quantis adiutoriis memoria egeat, quan-
tis illuminationibus intellectus, quantis impulsibus voluntas, ita ut ju-
remeritòoret Deum Regius Vates: (*Psal. 30.*) salva de necessitatibus
animam meam. His omnibus si accedant necessitates officiorum vario-
rum, quis non agnosceret hominem planè variis obrutum esse necessitati-
bus? Nonne & mihi necessitas evangelizandi incumbit? Væ enim mi-
hi si non evangelizavero. (*1. Corinth. 9.*) Marthæ sollicitudo erat ministra-
re corpori necessaria: Christi sollicitudo prædicare & ministrare Verbum
Dei: Mariæ sollicitudo sedere & audire Verbum Dei. Felices Mariæ, ani-
mæ Religiosæ & devotæ, quæ sedendo quiescitis, & quiescendo Verbum
Dei audire eique obedire satagitis. Nos Marthæ, nos Christi pedissequi
pleni necessitatum, & corpori & animæ, & vobis & nobis cogimur mi-
nistrare. Sed non despondeamus animum, ecce supremus Magister, ipsa Sa-
pientia Dei increata ac incarnata docet nos omnes necessitates nostras
ad unum reducere necessarium. Quod illud? Unus est DEUS & Pater
omnium, qui est super omnes, & per omnia, & in omnibus nobis, inquit
Apostolus: (*Eph. 4.*) & alibi. (*1. Corinth. 8.*) Unus Deus Pater, ex quo
omnia & nos in illo; Hunc unum Deum habentes in uno omnia possi-
demus. Jam Deus est Pater, Filius & Spiritus Sanctus: & hi tres unum
sunt in le; (*1 Joan. 5.*) & respectu nostri sunt unum nostrum necessari-
um. Cultum hujus Dei Unitrini jam aliàs innui. Nunc addit Apostolus,
(*1. Cor. 8.*) & unus Dominus Jesus Christus, per quem omnia & nos per
ipsum; & hic est unus mediator Dei & hominum, Deus & Homo Chri-
stus Jesus. (*1. Tim. 2.*) Verè unum nostrum necessarium; qui de se ait:
(*Joan. 10.*) Ego & Pater unum sumus. Hic est Adam verus, qui non qua-
si sed reverà unus ex nobis factus est, (*Gen. 3.*) ut nos unum secum &
cum Patre faceret, & faceret utraque unum. (*Eph. 2.*) Unus est Legisla-
tor & Judex, (*Jacobi 4.*) unus novus homo, qui finem imposuit necessi-
tatibus

tatibus nostris, (*Sap. 18.*) qui fecit cœnam magnam (*Luca 14.*) nos uno pane corporis sui pascens, & uno calice sanguinis sui potans, ut omnes simus unus panis, unum corpus, qui de uno pane participamus; (*1 Corinth. 10.*) unum planè simus in Christo Jesu, (*Galat 3.*) qui est unus Dominus & Magister noster, à quo una fides, unum baptisma, (*Eph. 4.*) sanctificati ex uno omnes: (*Hebr. 2.*) cui sigillatim crucifixo & in speciebus Sanctissimi Sacramenti velato tanquam uni necessario quis debeat cultus, satis prolixè antehàc explicui. Restat nobis nunc adhuc unum necessarium; cultus Matris Dei Virginis Mariæ. Nonne hæc est illa, de qua Sponsus canit. (*Cant. 6.*) Una est Columba mea, sine felle omnis peccati; immaculata, ab omni culpæ macula, intacta & incontaminata. Perfecta mea, ait; & quid perfectius Dei Matre, quæ est omnis perfectionis compendium? Una matri suæ Synagogæ, ex qua prodiit; electa Genitrici lux (*Ibid.*) Ecclesiæ, quam in prole sua genuit, quæ nec primam similem visa est, nec habere sequentem: *gaudia matris habens cum virginitatis honore.* Unica planè electa & præelecta ante omnes creaturas. (*Eccli. 24.*) Quid nos multa quærimus Fratres? Hæc una promul-
tis imò omnibus sufficit nobis. Ecce Mater tua, inquit Veritas in cruce pendens ad Joannem, & in Joanne loquitur nobis. Et ad Matrem: ecce filius tuus, nos indigetans. (*Joan. 19.*) Quò ibimus filii? Nonne ad Matrem? Matrem gratiæ, Matrem vitæ, Matrem misericordiæ? & hæc ipsa est Mater Dei, Mater unigeniti Filii Dei. Si colimus Deum, colimus Filium Dei, Matrem quoque ejus colamus necesse est, quia hoc quoque est unum nostrum necessarium, maximè nunc quando per assumptionem corporis & animæ Deo & Filio Dei suoque in æternum conjuncta est. Hic in terris unita Deo per gratiam, nunc in coelis unita Deo per gloriam. Verus Mariæ cultus & primarius, est ejus imitatio. Sed unde incipimus? infinita sunt quæ imitari deberemus; unum tamen necessarium accipiamus, quod pro posse imitemur. Unum hoc non aliud est nisi perpetua cum Deo unio: ô quàm summè omni creaturæ rationali necessarium? Mariam ab æterno ordinatam, (*Prov. 8.*) ab omni contagione peccati liberam, omni virtutum decore ornatam velut Sponsam monilibus suis, (*Isaia 61.*) totam pulchram, (*Cant. 4.*) à cunctis filiabus Sion & ab omnibus generationibus beatissimam prædicatam, (*Cant. 6.*) Filio DEI præparatam, Matrem ejus, Patris filiam, Spiritus Sancti Sponsam, Templum SS. Trinitatis augustissimum, gratiâ plenam, (*Luca 1.*) inter omnes mulieres benedictam, (*Ibid.*) quis audebit asserere, semper Deo unitam non fuisse? Nunquam sine Deo Maria, à primo conceptionis suæ momento, Creator omnium qui creavit eam, requievit in tabernaculo ejus, (*Eccli. 24.*) & mansit cum illa ad ultimum mortis instans, & manet nunc, & semper, & in æternum. Filius Dei incarnatus ante mortem orans Patrem hoc potissimum pro suis expetiit Apostolis, & pro iis qui credituri erant per verbum eorum; ut omnes unum sint: sicut tu Pater in me (ait) & ego

Cultus Dei-
ra.

Vna est Co-
lumba.

B. V. Mater
Ecclesiæ.

Ecce Mater
tua.

Imitatio B. V.

B. V. prædicata

Unio cum Deo.

ego in te; ut & ipsi in nobis sint unum. (*Joan. 17.*) Ad quid hæc repetitio ô summa Dei Sapia? imò idipsum iteratò replicat: ut sint unum sicut & nos unum sumus. Ego in eis & Tu in me, ut sint consummati in unum. (*Ibid.*) Equidem nec jota unum, nec unus apex in Sacra Scriptura exstat, (*Matth. 5.*) qui in se Verbi Dei non complectatur mysteria. Cur eandem orationem iterans, bis unitatem orat? Fortasse præter DEI unionem, est adhuc aliqua altera unio. Ita est; unio cum proximo. Nonne primum maximum mandatum est diligere Deum; (*Matth. 22.*) id est uniri Deo per amorem? Nonne alterum simile huic, diligere proximum, (*Ibid.*) & hoc est uniri proximo per charitatem? Sed hæ duæ uniones unum sunt. Unio enim cum proximo debet fieri propter Deum. Omnis alia unio quæ Deum non includit, non est unio, sed ruina, est perditio. Matris Dei unio erga nos proximos ejus indignos ô quanta est? Et quæ est Advocata nostra, Adjutrix nostra in opportunitatibus, in necessitatibus, nisi Maria? Nonne defectus nostros Ipsa suâ refarcit & compensat intercessione? Quæ est oratio Mariæ ad Deum Filium suum pro nobis? Vinum non habent. (*Joan. 2.*) Deest vinum gratiæ, fervor devotionis tepescit, refrigescit charitas; cujus patrocinio, præterquam Mariæ incalescit, exardescit, inflammatur? Hæc sunt Matris ubera, hæc misericordiæ viscera, hi fontes gratiarum. Et quis hæc non requirat? quis ad hæc non confugiat? quis in his non moretur? Totis ergo medullis cordium, totis præcordiorum affectibus & votis omnibus Mariam hanc, Matrem omnis boni illius videlicet summi Boni nobis necessarij invocemus & veneremur, in qua totius boni plenitudo posita est per eum, qui totos nos habere voluit per Mariam. (S. Bern.)

Unio fraternæ.

Unio nobiscum
B. V.

Vinum non habet.

Adhortatio ad
cultum B. V.

*Sermo in festo SS. Angelorum Custodum,
post Visitationem Reverendissimi Domini Commissarii,
Et Nonus. de quarta Devotione, quæ est erga SS. Angelos.*

Benedictus Dominus DEUS Israel populi sui & hæreditatis suæ, quales nos sumus P. R. F. D. quia visitavit nos Oriens ex alto (*Lucæ 1.*) in persona Reverend. Domini Commissarii non ad aliud, nisi ad dirigendos pedes nostros in viam pacis. (*Ibid.*) Jam laus Deo post nubilum rediit serenum, post turbidum quies, post dissensiones pax & concordia. Caveamus nunc, ne verificetur de nobis, & in nobis illud Prophetæ Jeremiæ c. 4.) Expectavimus pacem & non est bonum; & tempus curationis & ecce turbatio. Cautè agamus & sollicitè vigilemus, ne inimicus homo redeat & super pacis sementem superfeminet zizania (*Matth. 13.*) discordiarum. Cogitemus Deum esse Deum pacis & non dissensionis, (*1. Cor. 14.*) & qui in Deo vult esse, in pace debet in idipsum requiescere. (*Psal. 4.*) Si verò ad nos (quod absit) rediret zelus & contentio, (*1. Cor. 3.*) zelus ille juxta Divi Legislatoris nostri mentem amaritudinis, malus

Visitationis
f. n. Pax.

Zelus malus.

malus qui separat à DEO, & ducit ad infernum; ex quo prodiit ab illo productus, qui tanquam leo rugiens circuit quærens quem devoret, (1. Petri 5.) quandoque transfigurans se in Angelum lucis, (2. Cor. 11.) & similes sibi devoratores associat in lingua dolosa, (Psalm. 108.) in labiis veneno aspidum infectis, (Psalm. 13.) susurro serpentum repletis, in ore mendacii, detractionis, simulationis, maledictionis, sollicitos de aliorum festuca in oculo, incurios trabis suæ; (Matth. 7.) in aliis excolantes culices, in se glutientes camelos. (Matth. 23.) Nonne non tantum carnales, non tantum homines, utique mali veteris hominis genimina erimus; sed in ipsos transformabimur diabolos, quod est, calumniatores inferni incolas, ubi nullus ordo sed sempiternus horror inhabitat? (Job. 10.) Vultis scire zelum bonum, qui separat à vitiis & ducit ad Deum? audite Divum Patrem docentem nos in Regula sancta. *Zelus bonus est, honore se invicem prævenire; zelus bonus est, infirmitates aliorum sive corporis sive morum patientissime tolerare; zelus bonus est, obedientiam sibi; quanto magis Superioribus certatim impendere? zelus bonus est, non quod sibi velle judicat sequi, sed quod magis alii. Zelus bonus est, charitatem fraternitatis casto omnibus impendere amore. Zelus denique bonus est, Abbatem suum sincerâ & humili charitate diligere, Christo omnino nihil præponere, sed Deum timere. Iste est verus zelus bonus, quem dicit Sanctus Patriarcha noster, ferventissimo amore exerceant Monachi. Talis zelus est legitimus & optimus fructus ordinata, juxta Regulam Sanctam, visitationis. Sed absolutâ Visitatione, nullane amplius jam requiretur? quinimò. Fratres mei: peracta est à Reverend. Domino Commissario & Vicario Generali annua vel triennalis Visitatio, ad me autem spectat continua visitatio. O quantum onus! quàm ingens pondus! quàm grave jugum humeris meis impositum! Mihi loquitur Sanctus Legislator: meminisse debet semper Abbas quod dicitur & scire; quia cui plus committitur, plus ab eo exigitur; sciatque quàm difficilem & arduam rem suscepit, regere animas & multorum servare moribus. Me monet Regula. Sciatque quia suscepit animas regendas, & præparet se ad rationem reddendam, & quantum sub cura sua fratrum se habere sciverit numerum, agnoscat pro certo, quia in die judicii ipsarum omnium animarum redditurus est Domino rationem, sine dubio additâ & suæ animæ. Mihi intonat textus Regulæ sanctæ: Sciatque Abbas culpæ Pastoris incumbere, quidquid in ovibus Paterfamilias utilitatis minus poterit invenire. Nonne ad hæc omnia requiritur assidua & sedula visitatio, omnium in generali, & singulorum in particulari, quorum animas invisibiles visibiliter regere, pro quibus DEO Judici Supremo respondere, rationem reddere, denique pro quibus pati necesse est? Ignoscite Fratres, si hætenus langvida fuit manus rectrix vestri: non vitio vertite, si in futurum accedet rigorosior, si exactius & diligentius exigam à vobis hoc, quod in illo districti Judicii examine à me exigetur, in quo conscientia mea oneratur, si dissimulabo peccata delin-*

Zelus bonus.

Abbas est, continua Visitationis onus.

*Stricta obser-
vatio Reg. S.*

*Charta chari-
tatis.*

*Angel. Custo-
des.*

Psalmodia.

*Lapis offenso-
nis peccandi
ocasio.*

Scandala.

*Examen con-
scientiae.*

*Angelorum cul-
tus imitatio.*

Dei praesentia.

*Angelorum bie-
varchie assimi-
latio per*

quentium juxta mandatum Sancti Patris nostri, sed curabo in recenti ea radicibus amputare. Et quidem strictiorem Regulæ Sanctæ observantiam cum Diffinitionum & Statutorum ordinatione juxta Brevis Alexandri VII explicationem & Chartarum Charitatis dispositionem pressè tenere & mihi & vobis ex ratione votorum incumbit. Evigilemus igitur, excutiamus veterum, in quo jacuimus. Hora est nos à somno negligentiae & tepiditatis consurgere. (*Rom. 13.*) Novâ Charitatis Chartâ excitati & animati, in novitate vitæ religiosæ ambulemus. (*Rom. 6.*) Agamus ferventiùs, curamus velociùs, attendamus diligentius iis omnibus, ad quæ obligamur; ut vota quæ distinxerunt labia nostra, (*Psal. 65.*) sub hoc svavi Ordinis jugo perfectissimè reddamus: in paupertate viventes, castimoniam servantes, Deo & hominibus, quos Deus imposuit super capita nostra, (*Ibid.*) obedientes. Et quia Angelorum nostrorum Custodum memoriam hodiè recolimus; utique ex mente sancti Patris nostri Melliflui Doctoris, *Actorum & Tutorum à Patre positorum & praepositorum nobis in hac continua Angelorum custodia & visitatione, in hac assidua cum Angelis conversatione, Angelicam vitam imbibamus.* Nonne in conspectu eorum quotidie psallimus, adeoque coelicum ipsorum officium adimplemus? Angelicè idcirco canamus. Nonne Angeli deferunt orationes nostras ante Deum? Utinam ascendat semper fumus aromatum, quæ sunt orationes Sanctorum, sanctarum devotionum nostrarum incensum de manibus Angelorum nostrorum Custodum in conspectu Dei! (*Apoc. 5.*) Nonne ipsi custodiunt nos in omnibus viis nostris? Faxit Deus, ut per ipsorum custodiam pedem nostrum non offendamus unquam ad lapidem (*Psal. 90.*) occasionis peccaminosæ. Si occurrit talis lapis offensionis vel petra scandalis, (*1. Petri 2.*) tollatur, revolvatur hic lapis magnus valdè, pravi habitus ab ostio monumenti, (*Matth. 27.*) in quo mortui peccatis occludimur. Eruatur oculus, abscindatur manus, vel pes scandalizans nos, (*Matth. 5.*) & trahens nos ad interitum. Ad hoc quoque requiritur frequens visitatio nostri, ut exerceamus & scopemus spiritum nostrum, (*Pf. 76.*) ut per examina conscientiae etiam horaria, non tantum quotidiana, matutina, meridiana, & vespertina nos visitemus. Si nos dijudicaverimus, utique non judicabimur: (*1. Cor. 11.*) si nos visitaverimus nos ipsi, utique alienâ minimè indigebimus revisione, & perenni Angelorum gaudebimus visitatione. Hæc memoria Angelica refricat mihi continuandam recommendationem Brevis Compendii nostri, ubi post devotionem Reginae Angelorum, cultus sequitur Angelicus. Ille optimè colit Angelos, qui Angelice vivit, qui Angelicam puritatem sectatur, qui Angelorum in Deo laudando fervorem imitatur, qui cum Angelis semper videt faciem Patris coelestis, (*Matth. 18.*) continuam Dei praesentiam ob oculos habendo, & ne Deum offendat praesentem, cavendo. Hic sanè Angelorum assistentiam & patrocinium semper & ubique merebitur. Non tamen in ultimo Angelorum Choro subsistendum nobis est: insistere debemus pro-

progressui & profectui continuo, ut ad summum Cherubinorum & Seraphinorum apicem eundo de virtute in virtutem (*Psal. 83.*) pertingere valeamus. Qui munditiem cordis liberi à peccato habet, inter Angelos censebitur faciem Dei videntes. Qui zelum majorem honoris Divini & humiliationis sui possederit, ad Archangelos accedet. Inter Virtutes computabitur; qui vario virtutum excelleret genere. Cum Potestatibus stabit, qui mundum & terrena calcaverit. Inter Principatus principem occupabit locum; qui primariam animæ suæ velut principalis curam tenuerit, carnis desideria ei subjugando, abnegando semetipsum, & crucem ferendo cum Christo. Dominationum Chorum attinget, qui animi sui passionibus, & voluntatibus sciverit dominari. Thronus Dei fiet, qui totus Divinæ voluntati se subjecerit & resignaverit. Inter Cherubinos elucescet, qui absque intermissione memoriâ & intellectu suo, illum qui sedet super Cherubim, (*Psal. 98.*) speculatus fuerit ac contemplatus. Cum Seraphinis Sanctus, Sanctus, Sanctus Deus Exercituum clamabit, (*Isaia 6.*) qui Dei Unitrini solius & unici super omnia propter semetipsum amore arserit, & propter Deum proximum uti seipsum dilexerit. (*Matth. 22.*) Ecce quomodo ascensiones ex hac valle lachrymarum sunt disponendæ (*Psal. 83.*) usque ad supremum culmen Angelorum. Oremus Deum, ut cum præterita visitatione generali, & cum futura nostra speciali, visitet nos in salutaris gratiæ suæ ad videndum in bonitate Electorum ipsius; ad lætandum in lætitia gentis suæ Angelicæ; ut laudetur semper cum hæreditate sua (*Psal. 105.*) quæ nos sumus, & populo appropinquante sibi (*Psal. 148.*) per continuam orationem. Visitet Dominus incessanter habitationem hanc nostram, Olivam, ne producat amurcæ germina, nec unquam mentiatur opus olivæ, (*Hab. 3.*) sed sit arbor bona faciens fructus bonos: (*Matth. 7.*) & ut Angeli sancti habitent in ea, qui nos in pace custodiant, in concordia, unanimitate & charitate.

Sermo in festo Omnium Sanctorum & Decimus de quinta Devotione erga Sanctos jam est impressus in Tractatu secundo Fol. 77.

Sermo in Anniversario die Animarum,

ubi sexta Devotio pro Animabus agonizantibus recommendatur.

Qui certat in agone, non coronabitur nisi qui legitime certaverit. 2. Timoth. 2.

Quamdiu hic mortaliter vivimus P.R.F.D. in continuo agone sumus; inimicos undique habemus, intus & foris hostibus circumdamur: nunquam non certandum nobis est velut in agone. Vita nostra planè agone est, sed ultimum vitæ momentum à quo pendet æternitas, supremus & summus agone est dicendus. Ad hunc scopum tendimus, ad hunc terminum currimus, ad hoc punctum per omnem totius vitæ decursum collimamus. Et quis hunc sibi non optat beatum? Qui hoc

Profectu spiri-
tuale.

Puritas.
Zelus humili-
tatis.
Studium vir-
tutum.
Contemptus
mundi.
Cure animæ
per abnegatio-
nem sui
Moderatio
passionum.
Resignatio.

Contemplatio.

Charitas.

Autor orationis.

Oliua.

Agon vitæ.

Agon mortis.

Momentū un-
de pendet æ-
ternitas.

Invidi ago-
nizantes mo-
tīvū & modi.

Merita Chri-
sti.

Certamen
legitimum.

Arms contra
Goliath lapi-
des 5. alleg.

desiderat, necesse est, ut omnes lineas vitæ suæ ad hoc centrum ducat. Nulla dies, nulla hora, imò nullum momentum sit sine linea ad hoc momentum extremum directè deducta, in quo situm est maximum æternitatis momentum, ubi hostis omnes exerit vires tentationum ad perdendum hominem. Si unquam expeteremus adjutorium, tunc certè super omnia in illa lucta postrema juvari vel maximè posceremus. Hoc igitur quod nobis fieri vellemus, aliis in hac suprema ultimi agonis necessitate constitutis faciamus. Et quidem non est momentum, quo non aliquis Christianorum in tanta Catholicæ Ecclesiæ per totum Orbem distributæ universitate animam agat positus in fine vitæ; agonizans jamjam exhalet spiritum: inde omni momento cum ope auxilii nostri parati esse deberemus. Et quis tanto sufficeret labori? Quid medii, quid remedii; ut illis opem & operam nostram possimus impertiri? Adjutorium nostrum ex nobis infirmum est, sed ex fontibus Salvatoris, ex meritis Christi, ex cruento agonizantis ejus sudore, ex suspirio agonizantis crucifixi, potens auxilium, adjutorium firmum, & redemptio poterit suppetere copiosa. Hauriamus ex prædictis vulnerum fontibus in gaudio aquas salutis: (*Isaia 12.*) medicinam salutarem ex pretiosis meritorum ejus apothecis petamus. Agonizantis ejus angores applicemus agonizantibus animabus, ut in angustia illa mortalitatis refocillentur, in æstu dolorum refrigerentur; in langvore & deliquio corporis, tum & animæ extasi resuscitentur, ad fortiter dimicandum, ad legitimè bonum certamen certandum, ad cursum vitæ consummandum, ut reposita sibi à justo Judice in illo die coronam justitiæ coronentur. (*2. Timoth. 2.*) Qui enim certat in agone, nisi legitimè certaverit, non coronabitur. (*Ibid.*) Sed quodnam est legitimum certamen? Nihil concedere adversario, in nihilo cedere hosti, resistere ipsi etiam ad sanguinem, ut fugiat à nobis; (*Jacobi 4.*) parvulos quoque cogitatus allidere ad petram quæ Christus est, (*Psal. 136.*) animam servare, (*Eccli. 10.*) seipsum tueri, in foraminibus ejusdem petræ, in cavernis maceriæ. (*Cant. 2.*) Dum anxietur cor meum, ait Propheta: (*Psal. 60.*) quod maximè sit in agone, in petra exaltasti me. Nulli vulnere dare locum, inimicum cedere & occidere, hoc est legitimè certare. Sed quibus armis in hoc singulari certamine Goliathus iste vincitur? Non aliis equidem nisi quinque lapidibus ex funda jactis: (*1. Reg. 17.*) quinque lapides num quinque vulnera Christi? num quinque virtutes crucifixi? Haud dubiè optimum armamentarium Christus crucifixus. Turris fortitudinis à facie inimici, (*Psal. 60.*) urbs fortitudinis nostræ Sion, (*Isaia 26.*) acervus dicitur lapidum Sion, (*Isaia 17.*) imò in lapide angulari Christo JESU, (*Eph. 2.*) in lapide vivo, probato, electo, pretioso, in fundamento Sion à Deo misso & fundato, (*Isaia 28.*) vero adjutori lapide: (*1. Reg. 4. & 7.*) Salvator enim planè positus in Sion murus & antemurale, (*Isaia 26.*) lapis erectus in titulum & vocatus aula DEI: (*Gen. 28.*) lapis quem reprobaverunt ædificantes, factus in caput anguli. (*Psal. 117*)

In

In hac urbe refugii, in hac Sion omnis lapis pretiosus (*Ezech. 28*) contra lapidem offensionis diabolicæ, contra petram scandali ejus, (*1. Petri 2.*) contra effrontem Goliathi frontem, contra illius lucifugi in medio ignito-
Goliath satbā.
 rum lapidum olim ambulantis, (*Ezech. 28.*) nunc in lapide caliginis (*Job. 28.*) & umbra mortis hærentis conatus furibundos. Limpidissimi tamen lapides (*1. Reg. 17.*) torrentis illius, de quo in via bibit exaltatus caput (*Psal. 109*) Redemptor noster; torrentis, inquam, amarissimæ
Torrentis Passi-
 Passionis, quinque fuerunt selecti, qui maximè in crucis altari, quod etiam non ex sectis sed lectis lapidibus fieri debebat, (*Exodi 20.*) elucescunt. Primus lapis humilitas usque ad exinanitionem suimetipsius, & secundus
Humilitas & Obedientia.
 lapis obedientia usque ad mortem crucis, (*Philip. 2.*) infimæ & supremæ parti crucis optimè correspondentes. Tertius & quartus lapis nonne extrema paupertas usque ad nuditatem, & summa patientia usque ad obmutescentiam latera duo crucis efformantes? Jam quintus & ille est unus lapis, quo Goliath trucidatus, infixus in fronte ejus, (*1. Reg. 17.*) charitas DEI
Charitas.
 & proximi, ipse Jesus Christus crucifixus in medio crucis, planè vita ante nos pendens. (*Deut. 28*) His lapidibus armata agonizans anima, his armis induta velut miles Christi, (*2. Timoth. 2*) utique legitimum certamen faciet, utique fortem illum invasorem custodientem atrium suum cum hoc Fortiori omnium fortissimo superveniente superabit inimicum, (*Lucæ 11.*) victoriam reportabit, ut sic vincenti detur corona vitæ æternæ. (*Apoc. 2.*) Gratias Deo, qui nobis dat victoriam per Dominum nostrum Jesum Christum & hunc crucifixum. (*1. Cor. 15.*) Eja milites Christi abjectis operibus
Adhortatio ad bonum certamen.
 tenebrarum, induimini armis lucis, inquit Apostolus. (*Rom. 13.*) Cernitis illum lapidem abscissum de monte sine manibus descendentem de celo, de sinu Patris, de Regalibus sedibus venientem, (*Sap. 18.*) quomodo percutit statuam illam Heteroclitam, (*Dan. 2.*) mundum hunc ejusque superbiam humilitate suâ, ita ut conterantur omnia & redigantur in favillam? mundus enim transit, id est perit, & concupiscentia ejus. (*1. Jo-an. 2.*) Ultrò igitur abdicandus, abnegandus, renunciandus, ne ullum
Abnegatio mundi & sui.
 ejus desiderium in corde hæreat. Qui in agone contendit, ait magnus Athleta Christi Paulus, (*1. Cor. 9.*) ab omnibus se abstinet. Omnia relinquenti agonizanti animæ, omnia arbitranda ut stercora, ut lucrifaciat Christum crucifixum. (*Phil. 3.*) Per obedientiam verò totam se abneget à voluntatibus suis se avertendo, (*Eccl. 18.*) propriam voluntatem eliminando, & Divinæ voluntati se subjiciendo, eamq; solam faciendo. Hinc procedet paupertas nuda nudum Christum sequendo cum nudo corpore nata, nudo corpore in terram pergens, (*Job 1.*) omnibus terrenis & temporalibus denudata. Hinc prodibit & patientia crucem suam post Christum tollendo. Denique amor omnia vincens eriget vexillum crucis; charitas quæ nunquam excidere debet (*1. Cor. 13.*) ergà Deum & proximum diffusa in corde, (*Rom. 5.*) quidni triumphabit? Quis enim separabit animam talem à Charitate Dei, quæ est in Christo JESU? Neque mors, neque vita, ne-

Non potest ma-
le mori qui
bene vixit.

Funda volun-
tas.

M. L. m. L. m.
i. m. L. m.
L. m. L. m.

Compendium
auxilij agni-
tationis.

que instantia, neque futura, nec creatura alia poterit separare (*Rom. 8*) animam sic agonizantem, quæ tamen in iustitia & sanctitate coram Deo vivens omnibus diebus suis, (*Lucæ I.*) hoc ultimi agonis momento sic legitime certaverit. Ergo pro iustitia, monet Ecclesiasticus *cap. 4.*) agonizare pro anima tua, certa usque ad mortem pro iustitia iustitiæque corona; non confundere cum loqueris inimicis tuis in porta mortis, (*Psal. 126.*) imò Deus pro te expugnabit inimicos tuos (*Eccl. 4.*) : cum placuerint tibi prædicti lapides torrentis; quos ex funda tuæ voluntatis jacies contra inimicum, prodibit sicut torrens gloria tua, ponetur super caput tuum corona de lapide pretioso. (*Psal. 20.*) Sed quò deveni? Dicere debueram de adiutorio animabus in agone constitutis impertiendo, & ecce differui; quomodo nos ad agonem bonum disponere debeamus. Neque sic male: in tali enim statu positi facilius & efficacius animabus illis opitulabimur. Redeo igitur ad prius & concludo suspiciis ardentibus Jesu in agonia horti & in agone crucis langvido, animas agonizantes debere commendari. Quidquid interea Sacrificiorum, Communiorum, orationum, mortificationum, jejuniorum, eleemosynarum cum meritis Passionis Christi offerre possumus, illis in adiutorium offeramus invocando assistentiam Angelorum & Sanctorum ac maximè Reginæ eorum, ut per illam protegantur ab hoste, & à Jesu in hora mortis suscipiantur ad requiem æternam.

Septima Devotio pro Animabus in Purgatorio detentis in Tractatu tertio reperitur commendata fol. 157. & in sequentibus Tractatibus invenietur.

Sermo in festo Sancti Martini,

Et Undecimus de Via Compendiosissima ad salutem, quæ est Conformitas voluntatis humanæ cum Divina.

Oratio &
vultus spiritus
sancti.

Peccatum pri-
mi hominis.

Inobedientiæ
malignitas.

Fiat voluntas Tua, alloquitur DEUM Oratio Dominica; (*Matth. 6.*) orat usque tertio Christus in horto ante passionem: precatur Sanctus Martinus ante mortem. Jam Brevis Compendii pro vita Spirituali & Devota rectas emensi semitas, rectis callibus iusti ad ambulandum superatis, (*Isaia 26.*) portum ultimi tenemus testamenti: sed liceat nobis illud antevertere; ut & Breve Compendium magis adhuc abbreviemos, & omnes semitas ad compendiosissimam ac consummatissimam viam reducamus. Et hæc non est alia nisi conformitas humanæ voluntatis cum Divinâ. Quod credimus primum fuisse hominis delictum? Num gulam? Ita est. Num superbiam? Et hæc sanè fuit. Num curiositatem sciendi bonum & malum? Ista quoque adfuit. Num Divinitatis ambitionem? Neque hæc abfuit. Studiumne complacendi mulieri? Nec hoc defuit. Quid tamen erat primum? Divinæ voluntatis per inobedientiam prævaricatio. O scelus nefandum! ô crimen detestandum! quod hominem Deo rebellem, paradiso extorrem, vitâ privum, mortis captivum, servum peccati, (*Joan. I.*) diaboli mancipium, æternæ reum damnationis effecit.

O ho-

O homo si sapis, sequere monitum Ecclesiastici *cap. 18.*) à voluntatibus ^{Ob conformita-}
 tuis avertere, & ad Divinam voluntatem convertere. Unde Noe fuit ^{tem cum D.}
 vir justus & perfectus? (*Gen. 6.*) Quia cum Deo ambulavit: Dei vo- ^{voluntate.}
 luntati obsequebatur. Quid Abrahamum fecit Patrem credentium; ^{Noe perfectus.}
 (*Rom. 4.*) imò ipsius Filii DEI protoparentem? Quia fecit, quod Deus ^{Abraham pro-}
 imperavit. Ambulabat primum coram Deo, (*Gen. 17.*) id est ad nutum ^{toparens filij}
 Divinæ voluntatis egrediens de terra & de cognatione sua, progrediebatur. ^{Dei.}
 (*Gen. 12.*) Deinde volenti DEO, ut Filium suum unigenitum, quem di-
 ligebat, Isaac à Deo sibi promissum & datum immolaret, obtemperavit;
 (*Gen. 22.*) unde benedictionem omnium gentium dedit illi Dominus &
 testamentum suum super caput ipsius confirmavit. (*Eccli. 44.*) Quid
 Saulem primum à Deo electum Israelitarum Regem (*1. Reg. 9.*) Regno ^{Saulem perdi-}
 depulit, nisi voluntatis Divinæ in delendo Amalec transgressio? (*1. Reg. 15.*) ^{dit voluntas}
 Quasi peccatum ariolandi erat ei, repugnare, & quasi scelus idololatriæ ^{propria.}
 nolle acquiescere. (*Ibid.*) Sed cujus idoli cultus fuit iste? Propriæ vo- ^{S. elus idolola-}
 luntatis. Abominandum simulachrum propria voluntas. Melior fuisset ^{tine inobedi-}
 ipsi obedientia, quàm victimæ, & auscultare magis quàm offerre adipem ^{entia.}
 arietum. (*Ibid.*) Contrà quid Davidem ad Regnum extulit? Quia erat ^{David Rex.}
 Vir secundum cor DEI, qui omnes DEI faciebat voluntates.
 (*Act. 13.*) Paratum cor meum Deus, psallit Sanctus Vates, (*Psal. 107.*)
 paratum cor meum. Paratum ad prospera; paratum ad adversa; paratum
 exequi voluntatem Tuam, paratum obsequi voluntati Tuæ. Dupliciter ^{Signa manda-}
 enim nos tangit & nobis se pandit voluntas Dei: per signa mandato- ^{torum benepla-}
 rum suorum; & per beneplacita Judiciorum suorum. In illis docemur fa- ^{cita judiciorum.}
 cere quod vult DEUS, in istis pati quod vult Deus. Et sanè voluntate Dei ^{Motiva con-}
 creata sunt omnia, quidni homo? Omnia quæcunque voluit Dominus, fe- ^{formitatis.}
 cit in coelo & in terra; (*Psal. 113.*) & propter voluntatem suam creavit
 Deus omnia. (*Apoc. 4.*) Quidni consilium meum stabit, jait Deus apud
 Ilaïam *cap. 46.*? & omnis voluntas mea fiet. Sed per quem? Vocans
 ab Oriente justum, prosequitur Deus *Ibid.*) & de terra longinqua virum ^{vir voluntatis}
 voluntatis meæ. (*Psal. 1.*) Illum planè qui dicit. (*Psal. 29.*) In capite ^{Dei.}
 libri scriptum est de me, ut facerem voluntatem Tuam, Deus meus volui;
 & legem Tuam in medio cordis mei. Lex Domini voluntas ejus. Non
 enim veni facere voluntatem meam, sed voluntatem ejus qui misit
 me: (*Joan. 5.*) obediens factus usque ad mortem crucis, (*Phil. 2.*) obla-
 tus in ea quia ipse voluit, (*Isaia 53.*) hoc quod voluit Pater. Et quid à
 nobis requirit Deus? Nonne ut faciamus voluntatem ejus tam activè
 quàm passivè? Activè voluntatem Dei in omnibus ad effectum dedu- ^{Obedientia a-}
 cendo; passivè de manu voluntatis ejus omnia acceptando? Hæc est ^{ctiva & p. ssi-}
 perfectio nostra, hæc quies, hæc beatitudo. Sic stemus pleni in omni vo- ^{Voluntatis D.}
 luntate Dei, (*Coloss. 4.*) quæ est basis fidei, anchora spei, charitatis cen- ^{prædicata.}
 trum, vinculum, & ultimus finis. Interea probare debemus, quæ sit vo-
 luntas Dei bona, beneplacens & perfecta. (*Rom. 12.*) Bona in præceptis
 ejus

Voluntas D.
bona, benepla-
cens perfecta.

S. Martini
imitatio.

Voluntatem
propriam luit
Jonas repu-
gnans Deo.

Fructus con-
formitatis cum
D. voluntate.

ejus; beneplacens in judiciis ejus, perfecta in utroque. Per bonam declinamus à malo & facimus bonum, (*Psalms. 36.*) omnemque legem Christi adimplemus. (*Galat. 6.*) Per beneplacentem sustinemus malum, appetitum sub nos subjugamus, (*Gen. 4.*) passionibus nostris dominamur. Per perfectam utrumque complectimur: & agimus & patimur, quod vult Deus. Beata anima, quæ cum Sponsa dicere potest: (*Cant. 2.*) Dilectus meus mihi & ego illi. Ita S. Martinus nec mori timuit, nec vivere octuagenarius recusavit, Deo fidenter dicens: Fiat voluntas Tua. Exemplum propriæ voluntatis Scriptura Sacra nobis in Jona Propheta repræsentat. Mandat DEUS Jonæ: (*cap. 1.*) Vade in Ninive civitatem grandem, & prædica in ea: Jonas verò abiit ut fugeret in Tharsis à facie Domini. En rebellio contra voluntatem Divinam, en propriæ voluntatis sequela. Quid amplius? facta est tempestas magna in mari: Jonas dormit sopore gravi; quia voluntatem suam fieri videbat. Id quomodo? DEUS habere voluit Jonam instrumentum voluntatis suæ in conversione Ninivitarum; Jonas voluit pati detrimentum vitæ, ut periret. Tollite me & mittite me in mare; nautis imperat. Ad quid? ut moriar & peream, & non fiat hoc quod DEUS vult; sed quod ego volo. Salvat DEUS Jonam, (*cap. 2.*) iterat mandatum: (*cap. 3.*) tandem obedit Jonas, vadit, prædicat pœnitentiam, ascendit montem; aspectat & expectat Ninive subversionem. Deus voluit salvam Niniven, Jonas voluit perditam Niniven. Miseretur Deus urbis pœnitentiam agentis nec perdit eam. (*Ibid.*) Quid Jonas? Petivit animæ suæ ut moreretur, quia non factum est sicut ipse voluit. (*Jonæ. 4.*) Verè homo propriæ voluntatis animæ suæ mortem causet: homo bonæ voluntatis id est Divinæ (nemo enim bonus nisi solus DEUS *Lucæ. 18.* animam suam salvat; denique pax est ei. Ita equidem nemo magis est in pace & quiete, quàm vir voluntatis Divinæ, (*Isaia. 46.*) qui Deum semper orat: Dirige Domine DEUS meus in conspectu Tuo viam meam, (*Psalms. 5.*) doce me facere voluntatem Tuam, (*Psalms. 142.*) da mihi perseverantem in voluntate Tua famulatum; (*Eccl. in Col.*) denique in vita & morte dicit continuò cum Christo, cum Sancto Martino; non mea fiat voluntas, sed Tua DEUS meus (*Lucæ. 22.*) nunc & in æternum.

Sermo in festo Conceptionis B. M. V.

Dantisci coram Sodalibus Marianis in Collegio PP.
Societatis JESU prædicatus.

Immaculatam
v. nemo aigne
laudare, potest.

Conceptio est hodie sanctæ Mariæ Virginis Dei Genitricis, canit Sancta Mater Ecclesia, de qua immaculata immaculatè concepta, quid ego plenus macularum & in iniquitatibus conceptus (*Psalms 50.*) audebo concipere? de qua libera ab originalis peccati labe, quid præsumam proferre ego funibus peccatorum circumplexus, (*Psalms. 118.*) & quem in peccatis concepit mater? (*Psalms. 50.*) de qua mundissima omnis mun-

munditiei fonte, quid ego de immundo conceptus semine (*Job 14.*) ore immundo tentabo eloqui? Nonne enim hæc est, in qua de Spiritu Sancto virtute Altissimi obumbrante conceptus, & de qua natus est JESUS Filius DEI vivi, qui vocatur Christus? (*Matth. 1.*) Concipiam nihilominus, quantumvis non sit speciosa laus in ore peccatoris; (*Ecclesi. 15.*) proferam & eloquar non pro ipsa gloriosa Conceptionis dignitate, quam pro meæ tenuitatis possibilitate, & conceptam in utero S. Matris Annæ Matrem DEI semper Virginem, Diluculum Gratiæ Divinæ Orbi attulisse manifestabo. Tu ipsa Mater Verbi Divini in utero tuo per conceptionem abbreviati da cordi meo breve verbum & bonum, (*Psal. 44.*) da sermonem benè sonantem in os meum, & licet Infans, jam tamen anima tua magnificans DEUM, dignare gratiam addere labiis meis; (*Prov. 16.*) gratiam fandi, quæ linguas infantium facis disertas, (*Sap. 10.*) ad infantiam gratiæ Divinæ in Tua Conceptione exorientem patefaciendam. Vos Mariophili Sodales loquenti favete auribus, loquelam cordibus fovete. Quid enim? *Conceptio est hodie Sanctæ Mariæ Virginis*: prima simul est Conceptio Divinæ Gratiæ per eam homini peccatori illucescentis. Nox peccati erat in hac regione umbræ mortis, (*Isaia 9.*) caligo culpæ omnes occupans & amaritudine involvens, (*Job 3.*) terram inanem & gratiā Divinā vacuum (*Gen. 1.*) occupaverat; planè tenebræ erant super faciem universi, super faciem abyssi (*Ibid.*) æternæ damnationis, in quam se primus homo absque spe salutis adipiscendæ præcipitaverat. Juremerito maledixit illi nocti Rex terræ Hus Job inquires; *cap. 3.*) pereat nox, in qua dictum est; conceptus est homo: tota nimirum massa generis humani in protoparente concepta, & à diabolo principe & rectore tenebrarum (*Eph. 6.*) decepta, capta, & captivata; per cujus invidiam, teste Apostolo: *Rom. 5.*) mors intravit in Orbem terrarum. Abyssus erat peccati tenebrosa, (*Gen. 15.*) quæ abyssum gratiæ Divinæ luminosam invocabat. (*Psal. 41.*) Expectabat Lucem Christum & non videbat, nec ortum surgentis Auroræ (*Job 3.*) Mariæ. Ultra quinquaginta transierant secula, quibus homines naturā filii iræ nascebantur, (*Eph. 2.*) & non tantum concepti à prima matre Eva verā morientium matre, cum multiplicitate ærumnarum & conceptuum ejus, sed & nati non videbant veram lucem, quæ illuminat omnem hominem in hunc mundum venientem. (*Joan. 1.*) Fiebat unicuique mater sepulchrum, & vulva conceptus æternus, (*Ier. 20.*) ad mortem, non ad vitam; ad iram, non ad gratiam. Sicut quæ concipit, cum appropinquaverit ad partum, dolens clamat in doloribus suis, sic facti eramus à facie tua Domine; ait Prophetæ Isaias *cap. 26.*) Ubique ira Domini justa dominabatur; ubique mortis imago videbatur. Ita nox præcessit (*Rom. 13.*) peccaminosa, mortifera, ærumnosa, donec veniret plenitudo temporis, (*Gal. 4.*) tempus acceptabile ac dies salutis appropinquaret, (*2. Cor. 6.*) Anna Mariam, Gratia (*nam hoc sonat Anna vocabulum*, ait Divus Joannes Damascenus) Illuminatricem (quod nomen Mariæ denotat) vel Stellam maris, Stellam matutina-

Diluculum Gratiæ
D. Deiporæ

Mariophili
Sodales.

Nox peccati.

Lux Christus.

Anna Gratia.
Maria Illuminatrix.

Nox illumina-
tio.Caelestis origo
B. V. & praefer
ratio à peccato

Abyssi peccati.

Sol Lata Au-
rora.Mater purissi-
ma.

Tota Pulchra.

Conceptiones
humanae.

tinam exoptatae diei nunciam, Auroram concepit, & ideo Conceptio est hodie Sanctae Mariae Virginis in Sancta Anna. Nonne hodie per Mariam conceptam, nox nostra facta fuit illuminatio in deliciis (*Psalm. 138.*) gratiae Divinae? imò sicut dies illuminata fuit. (*Ibid.*) Illuxit in nocte diluculum gratiae per Mariam, sed non ex nocte. Origo Mariae caelestis est, Divina est; licet originem carnis traxerit ab Adamo & Eva in nocte peccati constitutis, nullam tamen noctis maculam contraxit, quae plena gratia (*Lucæ 1.*) prius sibi plenum gratiae diem, postea nobis gratiae diluculum in se per se & secum aperiret. Neque enim locus irae DEI esse debuit, unde origo gratiae manaret. Audite ipsammet in Proverbiis loquentem *cap. 8.*) Nondum erant abyssi, & ego jam concepta eram. Quae abyssi? Uti- que abyssi peccati, abyssi pœnæ mortis, abyssi iræ DEI, hominem præ- varicatorems vallantes. (*Jonæ 2.*) Nondum erant hæc abyssi; & jam Maria lucis, vitæ, gratiae Mater futura in mente Divina concepta, (*Prov. 8.*) electa erat & præelecta. DEUS lux est, ait castissimus Discipulus, quem diligebat JESUS: *Ep. 1. cap. 1.*) Lux est & tenebræ in eo non sunt ullæ. Si Maria cum esset parvula, placuit Altissimo, si apud Deum jam concepta erat; erat ante peccati abyssos, erat absque tenebris, erat in luce electa ut Sol, (*Cant. 6.*) in hodierna Conceptione sua immaculata, progrediens velut Aurora consurgens; (*Ibid.*) in unione animæ intaminatæ cum corpore incoinquinato, pulchra ut Luna (*Ibid.*) plena, à Sole Divinae gratiae totaliter illustrata. Quam enim ipsa puritas DEUS, & omnis fons puritatis inhabitare, & de qua propter salvandum ex abyssos peccati hominem, originem humanitatis suæ assumere debebat, decebat omnem absque omni macula puritatem in se continere. Non meus tantum hic, sed Divi Anselmi Archiepiscopi de Matre DEI semper Virgine sensus asserentis: *Decens erat, ut eâ puritate, quâ major sub Deo nequit intelligi, Virgo illa niteret, quæ Deum erat paritura.* Nunquid non Filia DEI Patris Maria? Nunquid non Filii DEI Mater? Nunquid non Spiritus Sancti Sponsa? Quid ergo Ipsi potuit defuisse; quæ hodie quidem concepta, ab æterno tamen ordinata, & antequam terra fieret (*Prov. 8.*) maledicta; quominus tam ex omnipotentia Patris, quam ex Sapientia Filii, quam ex bonitate Spiritus Sancti, lucem à luce, vitam à vita, gratiam à Summo Bono participaret? Quam pulchra es, alloquitur eam Sponsus Spiritus S. in Epithalamio: *cap. 4.*) quam pulchra es, repetit *Ibid.*) videlicet & in anima & in corpore pulchra, & macula non est in te, quia semper Immaculata. (*Cant. 4.*) Pulchritudo non cernitur in tenebris sed in luce; pulchritudo ex puritate & gratia cognoscitur. Tota pulchra es, subinfert *Ibid.*) Tota omnino Maria pulchra in luce, in puritate & gratia; tota pulchra in conceptionis ortu, & gratiae diluculo. Ante Conceptionem Mariae, homo concipiebat laborē ac dolorē, & pariebat iniquitatē. (*Isaiæ 59.*) Fatetur id Propheta Isaias dicens; *cap. 26.*) concepimus & quasi parturivimus & peperimus spiritum. Qualē? vanitatis, non veritatis. Proculdubio, quia salutes non fecimus in terra. *Ibid.*) Sed quid? Con-

Concepimus & locuti sumus de corde verba mendacii per patrem mendacii seducti. (*Isaia 59.*) Ipse Deus hoc enunciat hominibus per Prophetam *Isaiam cap. 33.*) Concipietis ardorem & parietis stipulas, spiritus vester ut ignis vorabit vos. Qualis spiritus? spiritus concupiscentiae, qui in hominibus regnabat. Hæc cum concipit, parit peccatum, juxta Apostoli Jacobi testimonium. *cap. 1.*) Sed in concepta Virgine intacta ex Patre tene & effæto, in Matre sterili & infæcundâ, Dei planè miraculo, virtute Altissimi operante, abest concupiscentia, exulat fomes peccati, abest & ipsum peccatum ex concupiscentia **oriri** utpote è cujus purissimo sanguine & Virgineâ carne Verbum Caro factum, (*Joan. 1.*) Deus homo factus, & concupiscentia tollere & peccatum delere in carne veniebat. Abest, inquam, in concepta Virgine peccatum, adest gratia; abest nox, adest lux: abest mors, adest vita. Et hæc est, quæ homini in nocte peccati & mortis abyfso demerfo, gratiæ lucis & vitæ primordia per suam attulit conceptionem, gaudium annunciavit mundo universo. Ecquis non impensè gauderet è tenebris educi in lucem, ex morte protrahi ad vitam, ex peccati & poenæ profundo prodire in gratiam? Maria igitur gaudium est generis humani propter gratiæ diluculum. Conceptio Mariæ Virginis, est conceptio Divinæ gratiæ in homine. Prima Maria ex progenie humana, teste Archangelo cælesti Nuncio, invenit gratiam apud Deum, (*Lucæ 1.*) apud quem jam concepta erat plena gratiâ; *invenit pro nobis, ut sibi plena, nobis esset superplena*, juxta Melliflui Doctoris nostri effatum: ut nobis diluculum gratiæ apportaret. Deus erat vocans ab Oriente justum; (*Isaia 46.*) Ecce vir, Oriens nomen ejus. (*Zach. 6.*) Sed Maria mulier circumdans virum; (*Jerem. 31.*) Oriens Orientis: Oriens gratiæ DEI; illa planè quæ fecit oriri in cælis lumen indeficiens. (*Eccli. 24.*) Luctabatur genus humanum in persona Jacob Patriarchæ tota nocte (*Gen. 32.*) lumen gratiæ poscens à Deo, sed non impetravit nisi mane diluculo, ubi Deus in persona Angeli infert: *Ibid.*) Dimitte me, cessa luctari; jam enim aurora est, in Oriente est Oriens Aurora Maria; ecce diluculum gratiæ coruscans. *Maria filia Sanctæ Annæ id est gratiæ*, (*Anna Mariam, gratia Dominam parit*, ait Sanctus Damianus.) Dominam utique gratiæ, Gratia Divinæ Dispensatricem. Verè fide & ipsa Diva Anna velut Sara sterilis virtutem in conceptione seminis Sancti (loquente Apostolo *Hebr. 11.* de Sara) accepit præter tempus ætatis, hoc est semen benedictum, in quo omnium gentium promissa erat benedictio. Semen nequam erat totum genus humanum: semen bonum cæpit in Maria hodie conceptâ, ex quâ tanquam plenâ gratiâ prodiit semen Divinum, semen illud quod est Verbum DEI, (*Lucæ 8.*) multò magis plenum gratiæ & veritatis. (*Joan. 1.*) Num frustra inimicitia à Deo posita inter mulierem (*Gen. 3.*) benedictam in mulieribus; (*Lucæ 1.*) & serpentem ac inter semen utriusque? (*Gen. 3.*) Ab effectu patet; utpote quòd ipsa esset haud dubiè virtute seminis caput contritura serpentis. (*Ibid.*) Ecquod caput? Nullum equidem

Genealogia
peccati.

Prima, de pe-
flectus Adæ, in
Gratia D. cõce-
pta B. V.

Gratia plena
sibi pro nobis.

Oriens Oriens.

Lucta Jacob.

Maria Dominæ

Ex meritis
Christi prævi-
sis præservatio

Caput omnium
peccatorum o-
riginale.

Ad Matrē Vi-
ventium aspi-
ratio.

Imitatio Imma-
culatæ V. &
cultus.

Finis anni fi-
nis vitæ.

Autor testamē-
torum Deus,
& Christus.

nisi capitale originis peccatum; immunis ab eo, quod est caput omnium peccatorum. Jam ergo Beatissima Inventrix gratiæ, genitrix vitæ, mater salutis, nunquid non concepisti Tu omnem hanc multitudinem hominum vera Mater viventium? (*Gen. 3.*) imò genuisti eam in verbo gratiæ & veritatis. (*Jacobi 1.*) Liceat mihi obsecrare Te, & supplicare Tibi. Porta nos in sinu Tuo portata hodie in sinu S. Annæ Matris Tuæ, porta in sinu gratiæ. Porta sicut portare solet nutrix infantulum, (*Num. 11.*) mater prolem, & defer in terram promissionis, ad patriam cælestem, ut gratiam & gloriam des nobis Domina, quæ es Janua cæli, Porta paradisi. Nos verò Sodales Parthenii sub titulo Immaculatæ Conceptionis curemus esse immaculati, esse sine peccato in conspectu DEI, ut simus absque tenebris in luce, absque morte in vita, absque ira DEI in gratia; & ex consilio Sancti Bernardi lacte Virginis pasti, *queramus semper gratiam apud Deum, & per Mariam queramus apud eum, qui totos nos habere voluit per Mariam*; quæ non tantum est Divinæ gratiæ diluculum, sed & luminis gratiæ plenitudo; quatenus etiam in nobis *Conceptio Sanctæ Mariæ Virginis* hodie verificetur.

Sermo in fine Anni,

Et Duodecimus De Testamento Christiani Hominis Spiritualis ac Devoti, quod est octava Devotio pro felici morte.

Et vos estote parati, quia quâ hora non putatis, filius hominis veniet. Luc. 12.

Finis venit, venit finis (*Ezech. 7.*) anni hujus ad extrema sua defluentis, jamque momentis suis, quibus durat, transvolantibus in agone positus nos excitat, quatenus non expectemus ipsam mortis extremitatem, finis vitæ hujus mortalis & novissimorum nostrorum memores; sed agonem ejus semper in agone contendentes præveniamus. Veniet finis universæ carnis, (*Gen. 6.*) quando terrena hæc habitatio dissolvetur & miserum hoc corpusculum nostrum reddetur terræ, anima verò redibit ad Creatorem, receptura mercedem, prout gessit sive bonum sive malum. (*2. Cor. 5.*) Parati ergo esse debemus ad adventum Domini postremam nescientes horam; præparatio autem hæc nostra in bono consistit testamento. Quid quod ipse Deus hominibus tam in lege veteri quàm in nova suum reliquit testamentum? Ac in veteri quidem lege dedit fideli Abraham testamentum Circumcisionis, juxta eloquium Divi Stephani Protomartyris, (*Act. 7.*) & per Moysen tabulas illas testamenti, (*Heb. 9.*) quibus testatus est Deus hoc quod ab hominibus fieri volebat, quæ etiam cum mannâ & virgâ Aaron frondente in Arca testamenti aurea asservabantur. (*Ibid.*) Denique ab eodem Moyse lecto omni mandato legis universo populo, teste Apostolo, accipiente sanguinem vitulorum & hircorum cum aqua & lana coccinea & hyssopo eoque aspergente librum ad omnem populum dicebatur. Hic sanguis testamenti, quod mandavit ad vos Deus. (*Ibid.*)

(*Ibid.*) In lege autem nova, ubi Christus Dominus novi & melioris testamenti in melioribus repromissionibus sanciri Mediator, auctor, & institutor, testamentum baptismi in remissionem peccatorum statuens, (*Lucæ 3.*) testamentum maximi & primi mandati de dilectione DEI & proximi, in quo universa lex pendet & Prophetæ (*Matth. 22.*) renovans & explicans; postremò seipsum nobis in testamentum consignans, corpus in cibum, sanguinem in potum offerens morte suâ novum firmavit testamentum. Ubi enim testamentum est, mors necesse est intercedat testatoris, testatur Vas electionis Christi. (*Galat. 9.*) Testamentum namque in mortuis confirmatum est, alioquin nondum valet dum vivit, qui testatus est: unde nec primum sine sanguine dedicatum est, inquit idem Doctor gentium (*Ibid.*) nec sine morte vitulorum & hircorum, nec novum sine sanguine & morte Redemptoris. Et nos quid? nonne unusquisque nostrum dicere potest? Quotidie morior & magna pars mei jam sentit libitina. Semper aliquid de vita nobis decedit, & annos quos computamus præteritos, morti destinatos arbitremur. Omnia vitæ momenta mors abripit continua, ipsamque vitam cum morte dividimus. Ac proinde ad ultimum illud momentum vitæ & mortis nobis ignotum quamdiu vivimus, paremus nos; ut cum venerit Dominus, (*Matth. 25.*) inveniat paratos. Præparatio hæc, uti dixi, legitimum semper à nobis requirit testamentum. Sed quid inopes & pauperes facti, (*Psal. 78.*) qui nihil habemus, pro testamento locare possumus? Quid enim habemus, quod non accepimus? (*1. Cor. 4.*) Hoc ipsum tamen quod accepimus à Domino, Domino reddere tenemur. Quid tamen retribuam Domino pro omnibus quæ retribuit mihi? (*Psal. 115.*) Duo talenta corpus & animam tradidisti mihi, (*Matth. 25.*) hæc ipsa duplicata utinam restituiam tibi: utinam non fodiam in terram, terræ huic inhians, terrena duntaxat cogitans & amplectens, adeoque absque fructu abscondam in terra pecuniam Domini mei! Quam pecuniam? meipsum: qui emptus sum pretio magno, (*1. Cor. 6.*) redemptus sanguine Redemptoris, qui glorificare & portare teneor Deum in corpore meo; (*Ibid.*) quidni in anima ad imaginem & similitudinem ejus creatâ (*Gen. 3.*) & ob drachmam perditam ac per ipsum inventam recuperatâ, (*Lucæ 15.*) ut reddam quæ sunt DEI Deo? (*Matth. 22.*) Et illa mulier à Domino laudata, nonnisi duo minuta misit in carbonem, (*Lucæ 21.*) & ego eadem duo in corpore & anima repræsentata quò reponam, nisi in gazophylacio redemptionis: ut sic recipiam duplicata, participium habens gratiæ & meritorum ejus? Sed implantari debeo passioni ejus & morti, ut sim socius passionis, (*2. Cor. 1.*) confixus cruci ejus, (*Gal. 2.*) eoque in carne passo eadem quoque ego armer cogitatione (*1. Pet. 4.*) tollens crucem meam, (*Matth. 16.*) abnegans memetipsum ac sequens Jesum & hunc Crucifixum. (*Ibid.*) Pro confusione hac duplici & rubore passionis tam in corpore quàm in anima, duplicia in terra mea, non illâ maledictâ primi Adæ spinas & tribulos germinante,

Testamenti requisitum mors

Quotidie morimur.

Estote parati.

Testamentum pauperum.

Duo talenta corpus & anima.

Personis Domini ipse homo.

Duo minuta in gazophylacio redemptionis.

Vita Christi ferimus.

Crux duplex

Terra Benedi-
cta B. V.

Vestiti duplici-
bus.

Per Gratiam
ad Gloriam.

Testamentum
Humilitatis.

Testamentum
Pœnitentiæ.

Testamentum
Charitatis.

Quotidie mori-
endum pro
salute.

Testamenti &
vitæ spiritua-
lis v. d. v. d. v. d.
fructus.

nante, (*Gen. 3.*) sed benedicta Secundi Adæ, illa quæ germinavit ipsum Salvatorem, (*Isaia 45.*) & dedit fructum (*Psal. 66.*) salutis æternæ, possidebo. (*Isaia 61.*) Illius enim Mulieris fortis, nimirum Sapientiæ Dei (liceat sic dicere) increata & incarnata omnes domestici vestiti sunt duplicibus; (*Prov. 31.*) gratiam enim & gloriam dabit Dominus: (*Psal. 83.*) nonne duplum & centuplum gratiæ hic accipere & ibi vitam æternam possidere? (*Matth. 19.*) Lucrum ergo meum duplicatum, Iesus est in morte crucis & in vita Resurrectionis. Ibi meriti & gratiæ, hic præmii & gloriæ percipio communionem. Et hoc est testamentum, quod facere possumus, non existimando nos aliquid esse, cum nihil simus, (*Gal. 6.*) humiliando nos, annihilando nos, testando quod omnis sufficientia nostra ex Deo sit. (*2. Cor. 3.*) Per ipsum remissio peccatorum, per ipsum meritum & gratiæ Dei acquisitio; in ipso salus, vita & resurrectio nostra, ac idè cum ipso omnis nostra sit conversatio. Calicem salutaris, calicem passionis accipiamus, (hic calix novum testamentum est in sanguine ejus, *1. Cor. 11.*) & nomen ejus invocemus (*Psal. 115.*) testamento baptismi renovati, pœnitentiæ lavacro semper regenerati: assumamus testamentum ejus per os nostrum, (*Psal. 49.*) ac potissimum testamentum dilectionis DEI & proximi corde & opere exequentes; panem vitæ manducemus; (*Joan. 5.*) ut crescamus in virum perfectum, in mensuram ætatis plenitudinis Christi, (*Eph. 4.*) vitæ ejus conformes facti; quidni parati erimus in illa hora, in illo momento, quando veniet Dominus, si cum ipso & in ipso semper tali modo fuerimus? Quod ut fiat, quotidie moriendo temporaliter, quotidie moriamur spiritualiter, moriamur mundo, moriamur carni, moriamur terræ, moriamur nobis ipsis, id est internis nostris passionibus, averſi à pravis voluntatibus nostris, (*Eccl. 18.*) ad solam voluntatem DEI conversi; demùm in conscientis nostris emundati per sanguinem testamenti ejus ab operibus mortuis ad serviendum ipsi Deo viventi; (*Hebr. 9.*) ut tali legitimo ac novo semper testamento provisi non tantum pessimam peccatorum mortem effugiamus, sed potius pretiosam in Christo Jesu mortem Sanctorum (*Psal. 115.*) adipiscamur canentes cum Propheta *Isaia cap. 61.*) Ego autem gaudebo in Domino & exultabo in Deo Jesu meo: Deus Dominus fortitudo mea (*Psal. 17.*) in brevi compendio vitæ spiritualis & devotæ exequendo, & in morte mea ponet pedes meos quasi cervorum & super excelsa cælorum deducet me victor, (*Ibid.*) ubi memor ero in seculum testamenti (*Psal. 104.*) gratiæ ejus, per quam saluatus sum. (*Eph. 2.*) Et sic in fine Anni hujus finientes discursum *brevis Compendii nostri*, additamenta pro nobis Religiosis annexa recolentes & finem annorum nostrorum recogitemus, annos æternos in mente habeamus, (*Psal. 76.*) ut Deus coronæ anni benignitatis suæ, (*Psal. 64.*) quâ nos ad se in fine recipiet, sine fine benedicat.

SER

SERMONES DIVERSI

In Diversis Occurrentiis habiti.

Exhortatio Fratrum Sacerdotio initiandorum.

Dixit Dominus ad Moysen : *Levit. 21.*) Loquere ad Sacerdotes filios Aaron & dicēs ad eos : Sancti erunt Deo suo & non polluent nomen ejus : incensum enim Domini & panes Dei sui offerunt & ideo sancti erunt. Si tanta sanctitas à Deo requirebatur in Sacerdotibus veteris Testamenti incensum & panes offerentibus, quantam creditis requiri in Sacerdotibus novi Testamenti ipsum Filium DEI incarnatum, Agnum illum immaculatum DEO sacrificantibus ? Equidem tanta est differentia inter Sacerdotes utriusque Testamenti, quanta inter ipsa Testamenta; quanta est inter umbram & lucem, inter figuram & veritatem, inter legem & gratiam. Juremerito supereminentem Sacerdotii dignitatem exinde quisque considerare tenetur, quod ad DEI sanctitatem per illam elevetur ; & ideo reciprocè ad culmen sanctitatis aspirare debet, qui tantæ dignitatis Sacerdotio cupit initiari. Honor sacerdotalis est ex primis honoribus, Regiæ dignitati æquiparandus. Regale sacerdotium, vocat Princeps Ecclesiæ Petrus *Ep. 1. cap. 2.*) & quemadmodum unctio spectat ad Reges, ita & ad sacerdotes : uterque unctus Domini, (*1. Reg. 10.*) uterque Christus Domini (*1. Reg. 24.*) appellandus. Ultraque hæc dignitas in Christo Domino reperitur, qui est Rex Regum, (*Apoc. 19.*) & Summus Pontifex in æternum secundum Ordinem Melchisedech (*Hebr. 11.*) creditur & agnoscitur. Eapropter Sacerdos quisque Christi vices in terris agere, Christi personam referre, Christi officium perficere censendus est. Officium Sacerdotis est plusquàm Angelicum, est Divinum. Neque enim Angelis ea potestas data est corpus & sanguinem Domini sub speciebus panis & vini consecrare. Quid dico Angelis ? Ipsi purissimæ Virgini, Sanctissimæ Matri Dei, munus hoc minimè collatum est : ubi nova in dies & horas Christi quasi regeneratio fit per Sacerdotes ; solo verbo filium Dei è cælo evocando & sub species panis & vini huc in terram ducendo & quodammodo cogendo ? In hoc quanta patrentur miracula, quis edisseret ? Scientibus Theologiam loquor, & ideo non moror. Hoc tantum adnecto, quod officium Sacerdotale, ipsis Angelicis humeris formidandum cum magno timore & tremore sit suscipiendum. Ministerium est DEI Altissimi, illius Terribilis, qui aufert spiritum principum ; (*Psalm. 75.*) Sacrificium est, in quo mysterium mysteriorum celebratur Unigeniti Filii Dei, illius qui judicaturus est vivos & mortuos : (*2. Timoth. 4.*) oblatio illa munda & immaculata (*Jacobi 1.*) Virginei Filii, Agni illius absque macula (*Exodi 12.*) qui tollit peccata mundi ; (*Joan. 1.*) ac idcirco mundo corde,

Sacerdotii sanctitas & dignitas.

Sacerdotii legem à nostrate differentia.

Regale Sacerdotium.

Ordo negatus Angelis & B. V.

Officium Sacerdotale terribile.

Puritas.

Reverentia.

Peccata populi
comedetis.Eucharistia
Sacramentum
vivorum.Memoriale Pas-
sionis D.Conversatio
in calis.

mundo ore, mundis manibus est tractanda. Arca hæc Dei omnipotentis, propitiatorium Altissimi, (*Exodi 31.*) non temerè contingenda, ne mors subitanea, qualis fuit Ozæ Sacerdotis sublequatur: (*2. Reg. 6.*) nec temerario quidem oculo respicienda, ne plaga Domini cadat, uti accidit super Bethsamitas. Quis enim poterit stare ante conspectum Domini DEI Sancti hujus, (*Ibidem*) quis, nisi & ipse Sanctus sit? Verè hic Deus est absconditus, Deus Israel Salvator, (*Isaia. 45.*) quem in manibus tuis gestas ô Sacerdos, sed & Judex tuus est, qui scrutatur renes & corda, (*Psal. 7.*) qui interiora tua novit. Nihil est opertum (*Lucæ 12.*) neque absconditum in oculis ejus, omnia ipsi nuda, & aperta sunt, (*Hebr. 4.*) vide, ne quid in te reperiatur, quod oculos possit offendere Majestatis. Nonne peccata populi debet manducare Sacerdos? Et quomodo? si non præterferas penitentiam. Inter lepram & lepram debes cognoscere: (*Deut. 17.*) & qualiter? nisi agnoscas te ipsum & scias te benè dijudicare, ne & tu ipse leprosus sis. Unde labia tua custodire tenentur scientiam; (*Malach. 2.*) à cujus ore lex DEI requiritur. Nonne Sacerdos est medius inter Deum & hominem? debet igitur ita mediatorem agere, ut & ad Deum sciat condignè approximare & proximo noverit congruè condescendere: ante omnia autem gratiam DEI addiscat pro se & aliis aucupari. Sacramentum hoc magnum est (*Eph. 5.*) Eucharistia, id est bona gratia; hinc in gratia Dei recipienda. Confert & auget gratiam, sed iis qui sunt in gratiâ. Nam qui est in peccato, judicium sibi gravissimum manducat & bibit (*1. Cor. 11.*) & veluti in Judam sic in ipsum post buccellam satanas introibit. (*Joan. 13.*) Sacramentum hoc magnum est memoriale Passionis Dominicæ; unde Christo passo in carne eadem quoque Sacerdotes cogitatione armari necesse est, (*1. Pet. 4.*) ut adimpleant ea, quæ desunt Passionum Christi in carne sua: (*Coloss. 1.*) Christo confixi cruci, (*Galat. 2.*) stigmata ejus in corpore suo circumferentes. (*Galat. 6.*) Sacramentum hoc magnum est, panis de cælo descendens est, (*Joan. 6.*) panis Angelorum, (*Psal. 77.*) in quem semper desiderant Angeli prospicere; (*1. Pet. 1.*) ac proinde conversationem Sacerdotum in cælis esse decet, (*Philip. 3.*) cælestis & Angelica vita ducenda est à Sacerdotibus, qui panem consecrant & manducant, eum qui dat vitam mundo, (*Joan. 6.*) ut & Sacerdotes cum ipso, per ipsum, in ipso, imò ipsi soli vivant nunc & in æternum.

*Sermo in Anniversario die Reverend. Domini Ditthardi
Primi Abbatis Olivæ.*

Olivæ genea-
logia.

MEmoria Primi Abbatis nostri Ditthardi Professi Monasterii Colbacensis Matris nostræ Olivæ, in compositione odoris (*Eccli. 49.*) nardini planè ex Claravalle Proavia Olivenfi à Sancto Patre Bernardo velut Bonâ Nardo derivati, facta est nobis posteris ejus: quandoquidem veneranda antiquitas hoc nobis reliquit in monumento ipsius memoran-

memorandum, quod fuerit *redolens ut florida Nardus*. In illo enim primo rigore & fervore Ordinis, qui omnimodè erat bonus odor Christi in omni loco (2. Cor. 9.) orbis terrarum, ad quem per tot diversas propagines deducebatur; & hic primus Pater noster ad has extremas Balthici maris oras delatus, haud dubiè dum esset Rex in accubitu suo (Cant. 1.) Dominus nimirum Majestatis, (Psalm. 28.) Trinus & Unus, Rex Regum & Dominus Dominantium, (Apoc. 19.) cui Oliva dedicabatur; hic quasi accumberet per singularem patrocini sui accessum: utique Nardus nostra Abbas Ditthardus dedit odorem suum. (Cant. 1.) Et sanè si quem odorem spirabat Ordo noster à principio, non alium profectò, nisi nardinum humilitatis nimirum & austeritatis, quarum virtutum specimen in se nardus præferat. Hinc quemadmodum Christus Dominus tradidit semetipsum pro nobis oblationem & hostiam Deo in odorem suavitatis, (Eph. 5.) ita obsecrat nos per misericordiam DEI Apostolus, (Rom. 12.) ut exhibeamus corpora nostra hostiam viventem, sanctam, Deo placentem. Et quod sacrificium gratus Deo? quàm cordis contriti per austeritatem, & spiritus humiliati per pœnitentiam. Ego me obtuli sacrificium Deo in odorem suavitatis, ait de se Martyr Laurentius; utique per martyrium: & de Sancto Patre nostro Bernardo inquit Summus Pontifex, quod in afflictione corporis sui usque adeò sibi mundum seque mundo reddidit crucifixum, ut confidamus Martyrum quoque eum merita obtinere Sanctorum, quem confessionis ordine & parsimonia vitam longum constat duxisse Martyrium. Christus ergò Crucifixus mitis & humilis corde, (Matth. 11.) hostia odorifera est Deo Patri. Vita Christiani humiliantis se sub potenti manu DEI, (1. Petri 5.) mundo crucifixa, (Gal. 6.) & Christo confixa cruci (Gal. 2.) per austeritatem, est sacrificium & martyrium, ubi odoratur Deus odorem suavitatis. (Gen. 8.) Porrexit quoque noster Proto-Abbas manum suam in libationem altaris, (Eccli. 50.) sacrificans se ipsum Deo per austeritatem sobrietatis & castitatis: fuit enim, ait antiquitas nostra, sobrius & castus; obtulit semetipsum hostiam non solo vestitu Monachali, sed solidis moribus & floribus & rebus virtutum; proculdubio per observantiam tunc florentissimam disciplinæ Regularis, in rigore & humilitate crucifixus, & de sanguine uvæ in torculari (Eccli. 50.) passionis positæ, nempe mortificatione carnis suæ effudit odorem Divinum excelso Principi (Ibid.) Deo Trino & Uni: nobis dans exemplum, ut primi Patris nostri vestigia sequamur. (1. Pet. 2.) Si enim tunc in diebus carnis suæ curavimus, id est realiter, ut in hoc clauastro Fratrum grex Christo serviret, & nunc sanè defunctus per monumentum suum hortatur nos suos Successores & quasi è sepulchro alloquitur nos, ut idipsum faciamus, Christo videlicet impensè serviamus, Christo passo in carne nos eadem cogitatione armemur; (1. Pet. 4.) & primum Ordinis rigorem & in rigore vigorem tam in victu quàm vestitu reassumamus: currentes in odorem (Cant. 1.) nardi spicati, pretiosi, pistici, (Marci 14.) non tantum domum nostram

Primorū Patrum bonus odor

Oliva patrociniū.

Nardus humilitatis & austeritatis.

Sacrificij spiritualis odor.

S. P. Bernardi Martyrium.

Proto-Abbas Oliva prototypū virtutum.

Cura Abbati-ales.

Odor vitæ &
boni exempli.

odore tam suavi impleamus, (*Joan. 12.*) led etiam eos qui foris sunt, odore bonæ vitæ, religiosæ exemplaritatis, & regularis observantiæ ad Deum Trinum & unum, cui in hoc loco consecrati sumus, pertrahamus. Creditisne absque singulari SS. Trinitatis providentiâ, absque speciali meritum per eos, qui hic sepulti sunt, inter quos primarium locum tenet Primus Abbas noster, cujus ossa singulariter muro inclusa; particulari, inquam, meritorum exigentiâ & protectione Oliva nostra post sex incendiorum & multarum devastationum ruinas in medio inimicorum fidei & Religiosæ vitæ Hæreticorum posita, sit præsens adusque tempus conservata? Non equidem. Nisi enim Dominus ædificasset & custodisset domum nostram, frustra vigilasset Ordo custodiens eam: (*Psal. 126.*) nisi custodia Corporum Sanctorum hic quiescentium accessisset, in vanum laborassent reedificantes eam. (*Ibid.*) Considerate Statum Matris nostræ Colbaci in Pomerania, Avix nostræ Efronis in Dania: perit memoria, (*Psal. 9.*) vix rudera restant: nomen tantum, prætereaq; nihil. Nec dubitemus unum è Principalibus loci hujus Patronis primum Patrem nostrum Ditthardum esse, quem aded extollit veneranda antiquitas, ut illum jam quasi canonizet dicendo; quod *in calis laudes canat iste fidelis*; quod etiam in altiorum muri locum elevatio manifestat. Quantos autem hic labores exantlaverit pius Pater veniens in hanc regionem longinquam, (*Lucæ 15.*) regionem dissimilitudinis; Paganismum, à quo ipse Fundator noster per baptismum ab Abbate Colbacensi perceptum fuit liberatus, quis edisseret? exercuit hic planè Apostolatam Abbas Ditthardus, cujus proles Divus Christianus Professus noster primus Episcopus Culmenis eundem, per partes Prussix convertendo gentes, continuavit. Neque nobis deest Apostolicæ missionis labor, dummodò nos habiles ad id reddamus, & forte ideò mansimus usque in hæc tempora à Deo servati, ut tam ruditatem populorum, quàm perversitatem Sectariorum & vitæ bonæ exemplo, & doctrinæ Sanctæ lumine illustremus, quod utinam fiat per merita Sanctorum quiete fruientium in hoc loco, ut Oliva nostra instar Ditthardi sit florida Nardus, dans ubique odorem suavitatis. (*Eccli. 24.*)

Deus confer-
vator Olive.

Corpora SS.

Colbaci & E-
fronis desolat.

Opinio Sancti-
tatis.

Ab Abbate
Colbacensi ba-
ptisatus Fida-
tor Olive.
Christianus
O. Episcopus.

ORATIO in fine Studiorum Theologorum.

TRansacto jam feliciter per triennium cursu Theologico, quidni in portu constitutis liceat exclamare illud vulgare: *Attigimus portum*, videlicet ad optatum Cursus Theologici terminum pervenimus, immensum studiorum superavimus æquor: jam procul hinc Syrtes, scylla atque charybdis difficultatum præterlapsa; jam mare Sapientiæ enavigatum, jam unicuique patent Athenæ, jam cunctis licet adire Corynthus. Quidni etiam liceat gratulari de tam fortunatâ absque omni naufragio navigatione? Quinimò & Deo laudes, & Magistro gratiæ, & vobis debentur plausus de termino studii Theologici apprehenso. Sed quid restat? num

otium

otium in quiete terendum? Minimè. Discretorum animalium more agendum, ut hoc quod hætenus in ventriculo intellectus & memoriæ depositum est, frequenti ruminatione masticetur; & exinde perceptus fructus tam sibi quàm aliis communicetur. Quid enim juvaret scientia inflans, nisi adesset charitas ædificans? Quid proderet scire, si non sequeretur facere? Vera enim Theologia non tam docet facienda scire, quàm scita operibus demonstrare. Et hæc erit felicitas vera cursus nostri Theologici, si non sistatur in portu, sed ulterius curratur, donec ipsum Theologiæ Objectum DEUS apprehendatur. Quod dum vobis & mihi exopto, cum Doctore gentium exhortor: (1. Cor. 9.) Sic quiescite in portu, ut curratis; sic currite, ut comprehendatis.

salutaris usus scientia.

Vera Theologia est scire facienda, & scita facere.

Finis Theologiæ Deus.

*Sermo in festo S. Stephani Tertij Abbatis Cistercii,
Et Susceptione duorum fratrum ad Novitiatum.
Quid petitis? misericordiam DEI & Ordinis.*

Non postremæ scientiæ opus est, scire quid petatur; non parvum virtutis specimen, benè petere, ut impetretur, quod petitur; magnæ felicitatis coronis est, hoc quod petitur, impetrare. Et quidem ipsum petere, signum est indigentiae & necessitatis. Sed quis ita dives, ut nullo indigeat? Quis adeo provisus & plenus, ut omni careat necessitate? Omnes igitur egeni sumus, inopes sumus; sumus indigentes ante atrium Domini universorum, beneficia ejus implorantes. Hic jam interest, ut sciamus quid & quomodo petamus, ne nobis dicatur uti filiis Zebedæi, id est fluxus vehementis, nescitis quid petatis. (Matth. 20.) Fecit mater conventum cum filiis suis, & statuerunt petere à Domino præeminentiam ante alios, idque unus ad dexteram, alter ad sinistram. O vanam! ô frivolam! ô erroneam petitionem! Verè nesciebant quid peterent. Itanè divisionem in Regno DEI statuitis? Itanè ignoratis dexteram esse ovium, sinistram hædorum? (Matth. 25.) Ergonè quietem sessionis requiritis ad labores nati, (Job 5.) ad currendum in via DEI, ad currendam viam mandatorum Domini ordinati? (Psalm. 118.) Quàm benè reducit nos Veritas. Sedere ad dextram vel sinistram non est meum dare vobis ambitiosis, vobis præsumptuosis, vobis importuna petentibus; sed quibus paratum est à Patre. (Matth. 20.) Ad Patrem eos revocat, paternum affectum filios postulare debere docet. Scit Pater vester quid opus sit vobis, antequam petatis eum; dicit Divina Veritas. (Matth. 6.) Denique ad dexteram Patris petendam eos manuducit. Non quæ super terram sapere, non terrena appetere, sed quæ sursum sunt sectari, monet, (Coloss. 3.) ubi est Ipse in dextera Patris sedens. (Ibid.) Nesciebant ergo, quid peterent. Petivit Elias, (3. Reg. 19) petivit Jonas animæ suæ ut moreretur: cap. 4.) neuter eorum scivit, quid esset petendum. Primus quasi per desperatio-

Petitio scita, bona, efficax.

Petax necessitas.

Zebedæus quid?

Nescitis quid petatis.

Petitio Elie & Jona imprudens.

Varii vana petunt.

Christus Crucifixus petitionis scopus.

Petitio Heusdis & Judæorum impia.

Petitio digna Salomone.

Petitio Elisei digna Prophetæ.
Simplicitas.

Spiritus duplex tropol.

Charitas,

Petitio S. Stephani.

nem ob Jezabel persecutionem; alter propter præsumptionem nolens videre Prophetiam suam de subversione Ninives non verificari, sed immutari per conversionem Ninivitarum & pænitentiam. Nesciebant quid peterent; Elias enim mortem petebat, cui Deus destinaverat vitam usque ad diem Judicii supremi. Jonas quoque mortem optabat; qui vitam & sibi & Ninivitis in pænitentia reviviscentibus debuerat postulare. Judæi signa petunt, inquit Apostolus 1. Cor. I.) & Græci sapientiam quærunt, non veram DEI, sed illam falsam mundi & carnis. Nec isti sciebant, quid peterent. Nos autem, ait idem Doctor gentium *Ibid.*) prædicamus Christum Crucifixum. Ecce & hic signum admirandum vexillum crucis, & hic vera Sapientia DEI, & tamen Jesus Crucifixus est Judæis scandalum, gentibus stultitia: (*Ibid.*) nobis verò unicus salutaris petitionis scopus, est Jesus Crucifixus, in quo omnes thesauri sapientiæ & scientiæ sunt reconditi, (*Coloss. I.*) ubi omnes misericordiæ abyssi sunt patentes, unde omnes miserationum fontes ac torrentes sunt profluentes. Nolo insanam filia Herodiadis petitionem, & execrandam Herodis oblationem cum dimidio Regni sui hic adtexere, ubi protinus sibi dari in disco caput Joannis Baptistæ petivit; (*Marci 6.*) utique perversa & malitiæ plena nescivit, quid peteret. Nec meretur detestanda Judæorum rabies commemorationem; ubi in conventu malignantium pro Salvatore Jesu, Barabbam latronem tradi sibi postulabant. (*Matth. 27.*) Malo pacifici Salomonis petitionem hinc referre, qui expetiit sapientiam, ideoque impetravit eam à Deo dicente sibi. (*3. Reg. 3.*) Quia postulasti verbum hoc & non petiisti tibi dies multos, nec divitias, nec animas inimicorum tuorum, sed postulasti tibi sapientiam ad discernendum judicium: ecce feci tibi secundum sermones tuos & dedi tibi cor sapiens & intelligens. Verè sapiens Salomon sciebat quid peteret, & agnovit liberalitatem DEI dantis omnibus abundanter & superaffluenter, nec impropertis in petitione sua justa. (*Jacobi I.*) Sed & hæc quæ non postulasti dedi tibi, ait Deus, divitias scilicet & gloriâ; & si ambulaveris in viis meis, longos faciam dies tuos. (*3. Reg. 3.*) Neque Elisei petitio fuit incongrua postulantis ab Elia: *4. Reg. 2.*) obsecro, ut fiat in me spiritus tuus duplex. Liceat mihi interrogare. Quid Elisæ duplicitatem petis, non simplicitatem? vis corde & corde loqui? (*Psal. II.*) Nonne Sapientiæ DEI sermocinatio cum simplicibus? (*Prov. 3.*) Ita: Dominus protegit gradientes simpliciter, (*Prov. 2.*) simplicitatem cordis lubens innotetur. Nonne simplices sunt filii DEI, (*Philip. 2.*) quorum gloria, est testimonium conscientiæ in simplicitate & sinceritate DEI? (*2. Cor. I.*) Ita est. Cur ergo petis duplicitatem spiritûs? Sciebat quid peteret Eliseus. Voluit sapientiam serpentis cum simplicitate columbæ. Appetivit perfectionem legis in duplici fundatam amore, DEI & proximi; & hæc tamen una est charitas in Deo terminum habens, in Deo unita; viscera in se continens misericordiæ. (*Coloss. 3.*) Sanctus Pater noster Stephanus plenus Spiritu DEI (*Gen. 41.*) hoc equidem à Deo petivit quod & stabilivit,

Charta chari-
tatis.

Miseri cordia
gratia & glo-
ria.

Adjumēta bonæ
petitionis fle-
tus & jejuniū.

Obedientia.

Paupertas.

Fides

Miseri cordia.

Castitas.

Quid petit à
nobis Deus?

Regul. disci-
plina à S. Ste-
phano.

bilivit, nimirum charitatem æternæ memoriæ per chartam Charitatis con-
signatam. Petivit non minùs augmentum Ordinis à Deo, & impetravit reve-
latum sibi, imò re ipsâ consecutus est per susceptionē S. Patris nostri Bernardi
cum triginta sociis summi Ordinis nostri Amplificatoris & Propagatoris.
Venitis & vos duo filii Neophyti ad Sacrum Ordinē nostrum; venitis peten-
tes, & verè scitis quid petitis. Justa enim postulatis, nec digna negari, videli-
cet misericordiam Dei & Ordinis. Equidē duplex est misericordia Dei; hic
in terris est ad veniam, est ad gratiam: & hæc duplex unitur in tertia,
quæ in cælis tendit ad gloriam; quam deprecata est S. Agatha orans De-
um: *Jube me ad tuam misericordiam pervenire.* Utamque hanc petitis,
& meritò; ut per primam à peccatis justificati, (*Rom. 6.*) per secundam
in gratia DEI vivatis. Neque alia est Ordinis in voto nisi hæc: hanc om-
nes à Domino postulamus. Hanc libri Machabæorum manifestant; ubi
cum Juda Machabæo congregatus est conventus, ut essent parati in præ-
lium, & ut orarent & peterent misericordiam & miserationes. (*1. Mach. 3.*)
Non enim volentis hominis vel currentis, sed miserentis DEI opus est in
nobis. (*Rom. 9.*) Scitis autem quomodo petentes erant misericordiam à
Domino? cum fletu & jejuniis, ait Scriptura. *2. Mach. 13.*) Isti habebant
virtutem benè petendi. Petitis & non accipitis, eò quod malè petatis, di-
cit Apostolus Jacobus *cap. 4.*) ut in concupiscentiis vestris infumatis. Quo-
modo ergò petendum? Si manseritis in me, dicit Pater misericordiarum,
(*Joan. 15.*) & verba mea in vobis manserint; quodcunque volueritis, pe-
tetis & fiet vobis. En obedientia. In nomine meo petetis, (*Joan. 16.*)
quod est Jesus, per merita Christi Salvatoris: en paupertas; en nuditas ve-
ra, nihil sibi attribuere, totum Deo. Si accepisti, quid gloriaris, quasi non
acceperis? (*1. Cor. 4.*) Quæcunque orantes petitis, credite quòd accipietis
& evenient vobis. (*Marci 11.*) En fides. Omni petenti te tribue, imperat
Deus: (*Lucæ 6.*) qui petit à te, da ei. (*Matth. 5.*) En misericordia: & ju-
stè; quia quā mensurā mensi fueritis, eādē remetiatur vobis: (*Matth.*
7.) ac ideò date & dabitur vobis. (*Lucæ 6.*) Denique in omni oratione
& obsecratione petitiones vestræ innotescant apud Deum. (*Philip. 4.*)
Oratio autem debet procedere à mundo corde, quia peccatores Deus non
audit. (*Joan. 9.*) En castitas. Ita ergò in obedientia, paupertate, fide, mi-
sericordiā, & castitate petite filii misericordiam DEI, & implebit Domi-
nus petitiones vestras; (*Psal. 19.*) dabit vobis petitiones cordis vestri,
(*Psal. 36.*) & sic per consecutionem misericordiæ, nimirum impetrationem
veniæ & gratiæ, apprehensione demùm gloriæ, petitio vestra feliciter coro-
nabitur: si tamen feceritis etiam hoc, quod petit à vobis Deus. Declarat
id Moyles in Deuteronomio *cap. 10.*) Et nunc Israel, quid Dominus Deus
noster petit à te, nisi ut timeas Dominum Deum tuum, & ambules in viis
ejus, & diligas eum & servias Domino Deo tuo in toto corde tuo, in tota
anima tua, custodiasque mandata Domini & caeremonias ejus, quæ sunt
in Ordine nostro juxta regularem disciplinam, quam Sanctus Stephanus

Yyy

Patri-

Honor & Ti-
mor D.

Achaz quid?

Profundi Hu-
militas.
Excelsi Cha-
ritas.

Cond natio
injuriarum.

Bonignitas er-
is petentes.

Quid petendū
nobis à Deo
petere?

Patriarcha noster tenuit & docuit, quas ego præcipio tibi, ut benè tibi sit. Quid petit amplius à nobis Deus? Honorem, gloriam & timorem. Gloriam meam alteri non dabo: (*Isaia 48.*) si ego Dominus, ubi est timor meus? Si ego Pater, ubi est honor meus? (*Malach. 1.*) Quid adhuc petit à nobis Deus? Hoc quod expetiit ab Achaz. (*Isaia 7.*) Pete tibi signum à Domino Deo tuo, sive in profundum inferni, sive in excelsum suprà. Non simus Achaz possidentes, quasi contenti de nobis, & nihil indigentes nec dicamus; non petam & non tentabo Dominum. (*Ibid.*) Dominus hoc petit signum à nobis, ut descendamus usque ad profundum inferni petendo veniam pro peccatis per humilitatem, & ascendamus in excelsum suprà petentes gratiam pro operibus bonis per charitatem. Hoc faciamus & signanter re ipsà demonstramus, ut veniam & gratiam impetremus. Quid denique petit à nobis Deus? Mihi vindictam & ego retribuam. (*Rom. 12.*) Ac idcirco benè monet Ecclesiasticus *cap. 28.*) Relinque proximo tuo nocenti te, tunc deprecanti tibi peccata solventur: quasi diceret, quod docuit nos Divina Sapientia, quod petere & orare debeamus: (*Matt. 6.*) Dimitte nobis debita nostra, sicut & nos dimittimus. Hinc interrogat Ecclesiasticus; (*cap. 28.*) Homo homini reservat iram & à Deo quærit medelam? In hominem similem sibi non habet misericordiam, & de peccatis suis deprecatur? Judicium sine misericordia erit ei, qui non facit misericordiam. (*Jacobi 2.*) Prosequitur ultra Ecclesiasticus *cap. 28.* interrogationem suam. Ipse dum caro sit, reservat iram, & propitiationem petit à Deo? Minimè equidem impetrabit. Quis exorabit pro delictis ejus? Eapropter docet: (*Ibid.*) memento novissimorum & desine inimicari. Faciamus igitur ea, quæ Deus petit à nobis, & faciamus ea, quæ proximus petit à nobis: (Quis enim ex vobis homo, quem si petierit filius suus panem, nunquid lapidem porriget ei? vel si piscem petierit, nunquid serpentem dabit ei? *Matth. 7.*) & sic cum fiducia accedamus ad thronum gratiæ DEI, ut misericordiam consequamur; (*Hebr. 4.*) & tunc sanè Pater noster cælestis dabit bona, (*Matth. 7.*) dabit spiritum bonum nobis petentibus se. (*Lucæ 11.*) Eam ob causam oremus & dicamus: (*Job 6.*) Quis nobis det, ut veniat petitio nostra, & quod expectamus, tribuat nobis; videlicet misericordiam suam? Quia non secundum justitias Patrum nostrorum, nec secundum Divi Patris nostri Stephani veram absque omni distractione relictis omnibus aliis cogitationibus pietatem, nos fundimus preces & petimus misericordiam ante conspectum tuum Domine Deus noster: (*Baruch 2.*) neque in justificationibus nostris prosternimus nos ante faciem tuam, sed in miserationibus tuis multis, (*Daniel. 9.*) quarum non est finis neque numerus. Vitam petimus à Te in misericordia tua, quam nobis tribuas. (*Psal. 20.*) Unam hanc petimus, hanc requirimus, ut inhabitemus in domo Tua Domine, (*Psal. 26.*) quæ est hæc Oliva nostra, & videamus voluntatem tuam eamque adimpleamus; & sic semper visitemus templum hocce tuum, (*Ibid.*) donec ad templum gloriæ Tuæ

Tuæ afflu-
mus aut in-
inquam, in-
nes seculi

O Cito
Sap
loru
quando di
nostris: o
tionis (Ecc
sanè in hoc
undatione
sunt, (1. P
ritate rece
quia vos o
dæ & ad ip
si feceritis
Divinæ Sap
penitentia
pacificatio
à Verbo D
Unde hæc
enda, hæc
vobis statu
pilci. Inde
Deo proflu
venient in r
(*Psal. 18.*
operibus D
dicato jure
gnaculo in
luis, (*Psal.*
sit nuncupa
agitur, nec
allumas &
in Te non
quem Arc

Tuæ assumamur. Tibi qui potens es facere superabundanter quàm petimus aut intelligimus secundùm virtutem, quæ operatur in nobis: Tibi, inquam, ipsi sit gloria in Ecclesia & in Christo JESU in omnes generationes seculi seculorum. (*Ephes. 3.*)

Sermo in festo Omnium Sanctorum,

Et Professione octo Fratrum.

Octo anima salva facta sunt. (1. Petr. 3.)

Octonarium beatitudinis numerum aperuit nobis ineffabilis DEI Sapiencia in Evangelio hodierno. Post sex enim dies laborum & dolorum hujus mortalis vitæ, septimus est quietis sive dormitionis, quando dicet nobis Spiritus; (*Apoc. 14*) ut requiescamus à laboribus nostris: octava autem æternitatis vitæ dies planè in tempore consummationis (*Eccli. 39.*) cælestium nobis confert beatitudinem gaudiorum. Ita sanè in hoc diluvio vanitatis mundanæ, in hac carnalium voluptatum inundatione; in hac terrenæ substantiæ abyssu, octo tantùm animæ salvæ fiunt, (*1. Petr. 3.*) illæ nimirum, quæ per octo beatitudinum ab æterna Veritate recensitarum gradus tendunt ad perpetuæ salutis consecutionem. Et quia vos octo Fratres, Sacri Ordinis Neophyti viam hanc salutis quærendæ & adipiscendæ in hoc loco (qui dicitur Olivâ) ingressi estis: beati eritis si feceritis ea, (*Joan. 13.*) quæ octo beatitudinibus exprimuntur. Scitis quæ Divinæ Sapienciæ oraculo prædicantur? paupertas spiritûs, mansuetudo, pænitiæ luctus, esuries & sitis justitiæ, misericordia, cordis mundities, pacificatio, denique tolerantia persecutionum. (*Matth. 5.*) Hæc sunt, quæ à Verbo DEI incarnato beatificantur; & æternæ fructum referunt salutis. Unde hæc vobis ob oculos proponite respicienda, hæc intellectu concipienda, hæc mente ruminanda, voluntate amplectenda, opere exequenda vobis statuere, ut mercedem beatitudinis copiosam mereamini in cælis adipisci. Inde gaudere poteritis & exultare; quia nomina vestra de cælis à Deo profluentia scripta erunt in cælis (*Lucæ 10.*) illis animatis videlicet; venient in numerum Sanctorum, verè cælorum gloriam DEI enarrantium: (*Psal. 18*) si & vos non tantùm nominibus, sed etiam ac potissimùm operibus Deum glorificaveritis. Et quidem in hoc loco Deo Unitrino dedicato jure merito omnes Divini nominis participium habere, ejusque signaculo insigniri debemus, ut sicuti homines vocant nomina sua in terris suis, (*Psal. 48.*) sic in nobis DEI hominibus è terra ortis nomen Dei sit nuncupatum. Ac proinde frater Samuel, cujus festum vigesimâ Augusti agitur, necesse est ut cogites te dici, *Nomen ejus à Deo*; ac ideò vide, ne assumas & portes DEI nomen in vanum, (*Exodi 20.*) sed potius semper in Te nomen DEI sanctificetur. (*Matth. 6.*) Tu autem frater Gabriel, quem Archangelum decimâ octavâ Martij Sacra colit Ecclesia, fortitu-

*Dies vite octo;
sex laborum,
septimus quie-
tis, octavus
resurrectionis.*

*Octo anima
salvæ.*

*Opera Christi-
ani & beatitu-
dines.*

*Cæli animarū
Sancti.*

*Olivæ Filij
portant nomen
Dei.*

Samuel.

Gabriel.

Elias.

Theophanes.

Daniel.

Hierotheus.

Godefridus.

Deogratias.

Esto quod au-
dis.Mutatio nomi-
num & homi-
num.Professionis
substantia &
beatitudines.

Vota profess.

dinem seu virtutem DEI significantem, tu quoque viriliter age, confortetur cor tuum & sustine Dominum, (*Psal. 26.*) ut in virtute DEI magis ac magis invalescas, manum tuam mittens ad fortia (*Prov. 31.*) fortiter agendo & patiando. Jam verò frater *Elia*, cujus memoria celebratur vigesimâ Julii, Deum Dominum tuo nomine declaras, ut nullum alium præter Deum Dominum agnoscas, illique soli servias. (*Luca 4.*) Porro frater *Theophanes* dictus à Deo *illustratus*, cujus celebritas duodecimâ Martij recolitur, si continuâ Divinæ præsentiae memoriâ illustraberis, quidni hic apparente tibi DEI benignitate ac misericordiâ eris illustratus, donec apparebis coram ipso in lumine gloriæ? Deinde frater *Daniel* iudicium DEI indigetans, cujus festivitas vigesimâ primâ Julij exhibetur; securus in DEI iudicio stabis, si Deum Judicem operum tuorum, & corda ac renes scrutantem (*Psal. 7.*) nunquam non spectaveris. Quid tibi frater *Hierothee* dicam, magnum Divi Pauli discipulum, qui quartâ Octobris memoratur, nomine referens, & sacrum te Deo designans? Utrique talis esto, qualis diceris, ut ad profana minimè deflectens perpetim Deo sis consecratus. Quid tibi frater *Godefride* è Comite Religiosi nomine gaudenti & decimâ tertiâ Januarij celebrati proferam? nisi ut in pace DEI sit locus tuus; (*Psal. 75.*) inquiras pacem & persequaris eam, (*Psal. 33.*) donec apprehendas, quam nominis tui signaculo manifestas. Denique frater *Deogratias* Episcopi piissimi captivorum Redemptoris & vigesimâ secundâ Martij in cælum translati nomine prædite, virorum DEI novorum concludens agmen; nonne in omnibus semper & ubique Deogratias agere teneris, ut gratiis Divinis perennes reddas grates, ampliorem & copiosorem cælestium gratiarum thesaurum à Deo valeas obtinere? Vos ergo octo Animæ DEI nomen participantes ita agite, ut tam singuli omnium, quam omnes singulorum nomina ad exemplum Patronorum & ad expressionem significationum in vobis referatis, cumque ex statu novitio in album Professorum transitis, ita Deo profiteamini vota vestra, quatenus antiquis nominibus depositis, veterem hominem exuti, novum hominem induti secundum Deum in iustitia & sanctitate veritatis, (*Eph. 4.*) in novitate vitæ ambulantes, (*Rom. 6.*) novis nominibus excellatis. Sic agite, sic state in Domino charissimi Filii, (*Phil. 4.*) ut animas vestras per sanctam professionem salvas faciatis. Facietis autem, si octo beatitudinum viam calcaveritis, verè pauperes spiritu, verè mites & humiles corde, (*Matth. 5.*) condignos fructus pœnitentiæ, (*Luca 3.*) etiam in fletu & lachrymis (*Joel. 2.*) peragentes, elurientes & sitientes iustitiam DEI, (*Matth. 5.*) viscera misericordiæ ergà omnes demonstrantes, (*Coloss. 3.*) mundum cor absque peccato gerentes, pacis & concordiae sectatores, (*Rom. 14.*) pacem ad Deum & homines habentes, (*Rom. 5.*) ac demum persecutiones, tribulationes & pressuras generoso ac patienti animo propter iustitiam perferentes, (*Matth. 5.*) crucem Sacri Ordinis post Christum bajulantes, votorum quæ distinguunt labia vestra, (*Psal. 65.*) nempe obedientiæ, pau-

paupertatis
mas vestra
æternam, &
caris. Fia

Seri

I Taque fr
opere Do
mino: co
15. Ad idem
quos circa
constantia
sanus est in
vitio DEI,
tibus potes
ædificat do
bilitatis ani
hensionis v
loco suo no
mutavit loc
bilitatis pet
plantantur a
pore suo, (f
lere & per
ferantur, m
marcescunt.
plit & const
tutis stabilin
(Jacobi 1.)
(Psal. 118)
10.) pius au
inquit Poeta
lionum & p
non vultus
inconstantia
commovebi
facta est? qu
inflicta pro
litas voto fir
nos omnes
stabilitatem

paupertatis, castitatis & stabilitatis stricti observatores. Ita salvabitis animas vestras, (*Jacobi 1.*) ita beatitudinem consequemini temporalem & æternam, quam vobis impertiat Deus, cui vos impræsentiarum dedicatis. Fiat, fiat.

*Sermo habitus post Visitationem pro exhortatione
ad stabilitatem loci servandam.*

ITaque fratres mei dilecti, stabiles estote & immobiles : abundantes in opere Domini semper ; scientes quòd labor vester non sit inanis in Domino : concludit Apostolus epistolam suam primam ad Corinthios *cap. 15.* Ad idem juremeritò exhortari vos cogor, P. R. F. D. quando video aliquos circa stabilitatem loci vacillantes. Et quidem stabilitas est virtus constantiæ, est perseverantiæ basis ac fundamentum : quâ quis firmus & sanus est in fide, (*Ti. 1. & 2.*) in bono proposito, in opere recto, in servitio DEI, in amore DEI & proximi : nec ab iis ullis tentationum motibus potest avelli vel separari. Et talis assimilabitur viro sapienti, qui ædificat domum suam supra petram. (*Matth. 7.*) Descendit pluvia fluxibilitatis animi, venerunt flumina alicujus tribulationis, torrentes apprehensionis vagæ inundaverunt, flaverunt venti tentationum diaboli, qui in loco suo non stetit : & irruerunt in domum illam & non cecidit, non mutavit locum suum. (*Ibid*) Quare ? quia fundata erat supra firmam stabilitatis petram. Considerate arbores, quando semel plantantur vel transplantantur ad aliquem locum ; nunquid ut fructum suum dent in tempore suo, (*Psal. 1.*) non debent in eodem, ubi positæ sunt loco, persistere & permanere ? Ita omninò. Si enim loco moveantur & in alium transferantur, multum deperdunt de vigore suo, & ut plurimum in ramis suis marcescunt. Idem de homine dicendum, nisi in eo, quod semel assumpsit & constituit, proposito permaneat constans, nullum jacet solidæ virtutis stabilimentum. Homo instabilis, inconstans est in omnibus viis suis, (*Jacobi 1.*) propriique sensû impetu ductus, fit sicut ovis quæ perit (*Psal. 118.*) errabundus. Impius facit opus instabile, ait Sapiens *Prov. 10.* pius autem stabilitur prudentiâ. *Iustum & tenacem propositi virum,* inquit Poeta *Hor. l. 3. Ode 3. Non civium ardor prava jubentium,* id est passionum & perturbationum animi, qui sunt cives corporis nostri & animæ ; non vultus instantis tyranni infernalis, pellicientis animas instabiles & ad inconstantiam pertrahentis, mente quatit solidâ. Justus solidus est, non commovebitur in æternum. (*Prov. 10.*) Scitis quare Jerusalem instabilis facta est ? quia peccatum peccavit. (*Thren. 1.*) Instabilitas, est pœna à Deo inflicta pro aliquo peccato ex sensu Prophetæ Jeremiæ. Quidsi jam stabilitas voto firmetur ; quantò magis stringit hominem ? Et hæc est, quam nos omnes Deo vovimus dicentes ante omnia in Professione : *promitto stabilitatem meam.* Ubi ? num in Ordine tantum ? Non equidem : sed

Quid Stabilitas ?

Fructus Stabilitatis.
Domus supra petram.

Transplantata nocet transplantari.

Instabilitas vitiosa.

Jerusalem instabilis facta per peccatum.

Stabilitas Professi & loci.

Oliva.

Votorum ob-
servantia.Voluntas pro-
pria pestis.Consiliū diabo-
li instabile.Visiō contemplati-
vā accet solita-
bilis.Certa pro incer-
to non relin-
quenda.Sedebit solita-
rius.

Vae Vagā!

etiam in loco hoc, qui dicitur Oliva. Tenemur proinde ex voto ad locum hunc Oliva nominatum; ut in eā plantati, non simus inutiles oleastri, sed Olivæ fructiferæ in hac domo DEI. (*Psal. 51.*) Jam scitis, quā potenter exhortetur Regius Propheta. (*Psal. 75.*) Vovete & reddite Domino Deo vestro. Cui Deo? Terribili? Cui Deo? Ei qui aufert spiritum principum. (*Ibid.*) Cui Deo? Terribili apud Reges terræ. (*Ibid.*) Idem monet Ecclesiastes: *cap. 5.*) Si quid vovisti Deo, ne moreris reddere; displicet enim ei infidelis & stulta promissio; sed quodcumque voveris, redde: multòque melius est non vovere, quā post votum promissa non reddere. Sed longè acrius per Moysen intonat Deus in Deuteronomio *cap. 23.*) Cū votum voveris Domino Deo tuo, non tardabis reddere, quia requirit illud Dominus Deus tuus: & si moratus fueris, reputabitur tibi in peccatum; quantò ampliùs si illud mutaveris, si contrarium ei feceris; nonne voti tui prævaricator eris? Quā gravis sit votorum infractio, vel exinde patet, quòd abominabilis sit Domino omnis illusor. (*Prov. 3.*) Talis autem est ille, qui vota sua non servat; illudit enim Deo, infidelis ipsi est, imò rebellis & refractarius. Instabilitas est quasi scelus idololatriæ; & quasi peccatum ariolandi nolle acquiescere. (*I. Reg. 15.*) Quid enim sequitur Religiosus instabilis? Nonne proprium sensum? nonne propriam voluntatem, pestē omnium Religionum? Hanc ergò pro idolo sibi statuit, hanc adorat, huic immolat, huic obsequitur & obsecundat. Quid ultra sequitur? Non Dei, cuius consilium manet in æternum, (*Psal. 32*) apud quem nulla transmutatio, nec vicissitudinis obumbratio, (*Jacobi 1.*) sed diaboli qui in bono non mansit, qui hominem à constanti præcepti Divini custodiā præcipitavit, cū ipsemet priùs cecidisset, obtemperat consilio & inspirationi. Super custodiam meam stabo, asserit Propheta Habacuc *cap. 2.*) & figam gradum super munitionem. Ad quid? Et contemplantur, ut videam quid dicatur mihi. (*Ibid.*) Contemplatio est hominis quieti in loco suo permanentis: vagatio corporis, facit divagationes mentis, & instabilitatem cordis. Vis speculari? mane in specula. Vis contemplari? sta super custodiam. Vis munitus esse? fige gradum. Denique in quā sede sedes si sit tibi commoda sedes, (& hæc est commoda, quæ per Professionem placuit; jam quod semel placuit, semper placere debet) hanc in sede sede, nec ab illa sede recede. Bonum est viro cū portaverit jugum Domini ab adolescentia sua: (*Tbren. 3.*) sed quomodo? sedendo solitarius & tacendo, (*Ibid.*) verus erit contemplativus: quia levabit se supra se; (*Ibid.*) ascendet, crecet sicut lignum plantatum secus decursus aquarum; (*Psal. 1.*) influentias gratiarum DEI & instinctus Spiritus Sancti experietur. Sponsa resolvit se quoque ad divagationem, ut quæreret dilectum, & ait; *Cant. 3.*) Surgam & circuibo per vicos & plateas, quæram quem diligit anima mea. Sed quid consecuta est? nihil; quæsi vi, ait, non inveni illum. (*Cant. 5.*) Quid ampliùs? percusserunt me & vulneraverunt me. Nec hoc satis. Deniq; tulerunt palliū meum. (*Ibid.*) Hoc lucrī ha-

buit

buit Sponsa ex circumcursatione, quod nec Sponsum repererit, & percussa fuerit ac vulnerata; necnon pallio innocentiae spoliata. Manendum erat Sponsae domi, secum habitandum, latendum in foramine petrae, in caverna maceris. (Cant. 2.) Ibi quaeritur & invenitur expectando & lusingendo Dominus: ibi cum Moyle & Elia videndus Deus animarum nostrarum Sponsus. Ille quoque homo descendens ab Jerusalem in Jericho à latronibus spoliatus & plagis impositis semivivus est relictus: (Luc. 10) Quare? quia descendit de Jerusalem visione pacis; quia ibat in Jericho, quae luna vocatur. Jam scitis, quod stultus ut luna mutetur: (Eccli. 27.) & talis est vagus, variae vicissitudini subjectus. Jam quid ultra consequitur juxta Apostolum? (1. Cor. 15.) stabilis & immobilis, abundans erit in opere Domini semper; extendet ramos suos in altum & latum, quia ad humorem mittet radices suas, (Jerem. 17.) per continuam stabilitatem. Quam absurdum genus Monachorum sit gyrovagum, Regula nos docet, & monstrat causas, cur vagationes istae fiant semper vagorum & nunquam stabilium, ut semper & ubique propriis voluptatibus & gula illecebris serviant. Fratres mei; dico vobis, quod talis gyrovaga instabilitas, via est proxima ad apostasiam. Habetis exemplum in fratre nostro N. qui tantum petiit pro mutatione auræ aliò mitti. Quid accidit? per hanc libertatem vagandi, venit in dissolutionem, ruit in inobedientiam, & velut impius in profundum veniens contempsit (Prov. 18.) Ordinem, deseruit Olivam; profugus factus est & vagus super terram velut Cain: (Gen. 4.) & peribit, si non resipuerit. Qui stat, videat ne cadat. (1. Cor. 10.) Quò cadat? in partem infidelium, (2. Cor. 6.) in vitium instabilitatis, in excessum vagationis. Nonne in circuitu impii ambulant? (Psalm. 11.) Sequuntur illum, qui circuit quaerens quem devoret. (1. Pet. 5.) Vae illis, qui in via Cain abierunt, ait S. Judas Apostolus, & hi sunt vagabundi: hi sunt semetiplos pascentes, nubes sine aqua, quae à ventis circumferuntur; arbores autumnales, infructuosae, bis mortuae, eradicatae, fluctus feri maris, despumantes suas confusiones, sidera errantia, quibus procella tenebrarum servata est in æternum. (Ibid.) Ruina est homini, censet Ecclesiastes cap. 20.) vota retractare: præcipitum est, dico ego, vota transgredi & immutare. Placet scire fructum alterum stabilitatis, (primus enim juxta Apostolum 1. Cor. 15. est abundare in opere Domini semper) scientes, subinfert, quod labor vester non est inanis in Domino. Verè non in vanum ædificat, non in vacuum laborat, (Isaia 49.) non quasi in incertum currit, (1. Cor. 9.) qui stabilis est & immobilis in cæpto semel proposito ad salutem in Domino consequendam. Est instar stellæ fixæ in firmamento constanter lucentis, permanentis in ordine & cursu suo, ac pugnantis contra Sisaram: (Jud. 5.) nimirum hirundinem videntem. Et quis est videns hirundinem? nisi oculis vagus, veluti continuo volatu vaga gyratur & circumvagatur hirundo. Quod oculis facit iste, hoc agit instabilis & circumforaneus corpore. Sed contra hunc manens in ordine stella fixa pugnat; quando ejus-

Tantum habita
in Christo.

Descendens ab
Jerusalem in
Jericho in latro-
nes.
Sicut ut la-
na relictus.

Gyrovagum
genus.

Instabilitas di-
ffinit ad apo-
stasiam.

In circuitu im-
pii cum suo
Duce.

Via Cain va-
gabundorum.

Fructus Stabi-
litate.

Stella fixa.

Sisara quid?

à perseverantia
pendes salus.

modi levitatem & inconstantiam animi & corporis debellat. Sit nobis pro coronide & stabilimento maximo stabilitatis nostræ, ipsius Divinæ Sapientiae & æternæ Veritatis effatum: (*Matth. 10.*) Qui perseveraverit usque in finem, usque ad mortem, hic salvus erit. Ergo qui non perseveraverit, hic erit damnatus. Quod à nobis avertat Deus, cujus thronus & cujus regnum est stabile & firmum in æternum. (*2 Reg. 7.*)

EPITAPHIUM


R. D. Ditthardo Primo Abbati Olivæ à Contemporaneis ejus factum, & in Ecclesiæ ambitu dextro prostant; quod hic subnectitur propter Sermonem suprâ habitum in ipsius memoriam.

PRæfuit hic Primus, qui vitâ non fuit imus
Abbas Ditthardus, redolens ut florida nardus.
Sobrius & largus, sensu fuit insuper Argus:
Carne fuit castus, devitans Dæmonis astus.
Ipsam seduxit, seductos ipse reduxit:
Per solidos mores dans nôsse vias meliores.
Curavit rebus, quô noctibus atque diebus
Fratrum Grex Christo claustro serviret in isto.
Vestitu tantum Monachatum non fore sanctum
Semper prædixit, dum vivus corpore vixit.
Idcirco in cælis laudes canit iste Fidelis,
Cujus in hâc fossâ servantur corporis ossa
Inclusa hoc muro, sed surrectura futuro
Tempore, venturâ vitâ non post moritura.
Laude Tuâ, Christe, benedictus sit locus iste,
Quem benedixisti, Tua Gratia dum dedit Isti
Ditthardo flores virtutum, res & honores.
O Lux prædixa, cunctos Fratres in Oliva
Sub Christi dextrâ præserve intus & extrâ.

Hoc S. M. Veneranda Antiquitas R. D. Ditthardo Primo Abbati
Olivensi, Professo Colbacensi posuit.

SSS) o (SSS

SY-



SYNOPSIS

Sermonum ex Quarto Tractatu.

- Sermo I. In Dominica I. Adventus. De Hora surgendi ad Adventum Domini; de
varijs horis; & de dormitione ac Vigilia. Fol. 177.
- Sermo II. In Die Nativitatis Domini. De loco & diversorio Christi, quale mundum
non est. Fol. 179.
- Gratulatio à Conventu facta P. ac R. Domino Abbati in die Colende. Fol. 182.
- Responsum P. ac R. Domini Abbatis; in quo de Porta, Templo, Organis, & de bonis
modulatione. Fol. 184.
- Sermo III. In Festo Circumcisionis Domini. De Consummatione octo dierum, & de
diebus octo; ac de varijs consummationibus. Fol. 186.
- Sermo IV. In Festo Epiphaniæ. De Oriente multiplici. Fol. 190.
- Sermo V. In Festo Purificationis B. V. M. De varia dimissione. Fol. 193.
- Sermo VI. In Dominica prima Quadragesimæ. Quomodo Diabolus utatur occasione
ad tentandum hominem. Fol. 196.
- Sermo VII. In Festo S. Ioseph Sponsi B. V. M. Comparatio Iosephi cum Davide,
ex eo quod sit ejus Filius, & cum Iosepho Patriarcha. Fol. 199.
- Sermo VIII. In Festo S. Benedicti. De vera derelictione omnium, & abnegatione sui
exteriore & interiore. Fol. 202.
- Sermo IX. In Dominica Palmarum. Quod gloria Christianorum sit Crux Christi,
quæ Palma est & Oliva. Fol. 205.
- Sermo X. In Festo Paschatis. Multiplex explicatio Gallilææ, ubi Ezechielis Pro-
phetia de Visione Dei, & quatuor animalibus explanatur. Fol. 207.
- Sermo XI. In Festo S. Roberti Abbatis, & primus pro Explicatione Brevis Compendij;
ubi de semitis rectis tractatur. Fol. 210.
- Sermo XII. In Festo SS. Philippi & Jacobi Apostolorum, & secundus de primo Gradu,
qui est puritas cordis & intentionis, nec non de visione Patris ac
Filij. Fol. 214.
- Sermo XIII. In Inventionem S. Crucis, & Tertius de Secundo Gradu, qui est humilia-
tio sui ipsius; ubi arbor humilitatis monstratur ex 12. gradibus S.
Benedicti. Fol. 217.
- Sermo XIV. In Ascensione Domini, & Quartus de tertio Gradu, qui est abnegatio sui-
ipsius, quæ cum Baptismo comparatur. Fol. 221.
- Sermo XV. In Festo Pentecostes, & Quintus de quarto gradu, qui est Amor DEI
super omnia propter semetipsum, & Proximi sicut sui ipsius propter
DEUM. Fol. 224.
- Sermo XVI. In Festo SS. Trinitatis, & sextus de prima devotione, quæ est erga DE-
UM Trinum & Unum, ubi docetur qualiter SS. Trinitati gratiæ sunt
agenda. Fol. 227.
- Sermo XVII. In Festo SS. Corporis Christi, & septimus de secunda Devotione, quæ est
erga IESUM Incarnatum, Crucifixum, & in SS. Sacramento Eu-
charistiæ constitutum. Fol. 230.
- Sermo XVIII. In Festo S. Joannis Baptiste. De Voce Clamantis, & Varietate vocum,
& clamoris. Fol. 234.
- Sermo XIX. In Festo SS. Petri & Pauli Apostolorum. Quod sunt duæ Olive, & de
Olive pacis, ac pace multimoda. Fol. 237.
- Sermo

nobis pro
a Sapien-
erit ulque
veraveris
& cujus


mpora-
ostans;
præ

SY.

- Sermo XX. *In Festo Assumptionis B. M. V. & Octavis de tertia Devotione, quæ est erga Matrem DEI, ubi de varijs necessitatibus.* Fol. 240.
- Sermo XXI. *In Festo SS. Angelorum Custodum, & Nonus de quarta Devotione, quæ est erga SS. Angelos, necnon de bono & malo Zelo, & quomodo omnibus Choris Angelorum copulari possimus.* Fol. 242.
- Sermo XXII. *In Anniversario Die; de septima Devotione pro iisdem agonizantibus, ubi de vario agone & certamine.* Fol. 245.
- Sermo XXIII. *In Festo S. Martini, & Undecimus de Via Compendiosissima ad salutem, quæ est Conformitas Voluntatis humane cum Divina.* Fol. 248.
- Sermo XXIV. *In Festo Conceptionis B. V. Quod B. V. immaculatè concepta Dilectum Gratia Divina Orbi attulerit.* Fol. 250.
- Sermo XXV. *In fine Anni, & Duodecimus; De Devotione pro felici morte, quæ fit per Testamentum Christiani Hominis.* Fol. 254.
- Exhortatio Fratrum Sacerdotio iniciandorum.* Fol. 277.
- Sermo XXVI. *In Anniversario Die R. D. Dithardi Primi Abbatis Oliva.* Fol. 258.
- Oratio in fine Studiõrum Theologicorum.* Fol. 260.
- Sermo XXVII. *In Festo S. Stephani Abbatis Cistercij, & susceptione duorum Fratrum ad Novitatum.* De Varia Petitione. Fol. 261.
- Sermo XXVIII. *In Festo Omnium Sanctorum, & Professione Octo Fratrum.* De numero Orationario. Fol. 265.
- Sermo XXIX. *Pro exhortatione ad stabilitatem loci servandam.* Fol. 267.



est iustitia
m Deo pra-
6-4
primus char.
Stephani in
vras effectus.
n spica pro-
am praeleu-
erciensis pri-
tem? 680
o ingressu m
buerit, fuit
bristi, quem
n & Mari-
684
ne cedis in
ie in facm-
in S. Seri-
690
deliciarum.
vius calisti
medio Pa-
atur? 694
quomodo in-
aribus adun-
luc post in-
cem affineri
ei & ac sus-
um? 701
cembium, in
amenta re-
amenta re-
intentione re-
ualis & cer-
ndum. Et
debet -09
renum in-
um de hoc
alia? -15
eorum cor-
is unguentis
ere dicitur:
ora anima;
71
li, prois-
pancena
peritatem.
Quia in
72
eria ab o-
Domini et
stanti
lehem.





1111

1111

